



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



In. 114.1



1

2

3

4

5

6

7

8

9

10

11

12

13





**DANTIS ALLIGHERII**  
**DIVINA COMOEDIA**

**HEXAMETRIS LATINIS REDDITA**

**AB**

**ABBATE DALLA PIAZZA**

**VICENTINO**

1

1

1

**DANTIS ALLIGHERII**  
**DIVINA COMOEDIA**

**HEXAMETRIS LATINIS REDDITA**

**AB**

*Abbate*  
**ABBATE DALLA PIAZZA**

**VICENTINO**

---

**PRAEFATUS EST ET VITAM PIAZZAE**

**ADIECIT**

**CAROLUS WITTE**

**ANTECESSOR HALENSIS**

---

**LIPSIAE MDCCCXLVIII**

**SUMTIBUS IOAN. AMBROS. BARTH**

DN. 114.1

1887. Nov. 25

Gift of

Prof. G. C. Hartman



**PRINCIPI SERENISSIMO**

**I O A N N I**

**DUCI SAXONIAE**

**ARTIUM LITERARUMQUE CULTORI  
ET PATRONO**

**SUMME VENERABILI**



**Q**uoad longissime possum mente respicere spatium praeteriti temporis et rerum Saxonicarum memoriam recordari ultimam, inde usque repetens gloriosissimos, quibus, **PRINCEPS SERENISSIME**, jure Tuo gaudes, majores video et ipsos in studiis humanitatis ac literarum praecipue versatos fuisse et aliis ad artes ingenuas rite colendas auctores et duces exstitisse. Qua de caussa id fecisse putandi sint, facile profecto est judicare, si quis, qui fructus ex illis studiis petantur, animum induxerit. Per artes nimirum regna civitatesque otio, opibus et virtute florent; per artes prope omnes, quibus administrandae reipublicae munus obligit, rectis lineis ad sapientiam, justitiam, curam salutis publicae et ad omne genus laudum eximiarum ducuntur et applicantur; per artes denique reges, ut, quibus praesunt, populos omnibus fortunae bonis locupletes et copiosos, viribus et auctoritate praestantes et, quod caput est, animi virtutibus instructos ornatosque reddant, studio incendi solent vehementissimo.

Sed quid tandem est, cur hoc modo in laudes majorum Tuorum, **PRINCEPS SERENISSIME**, excurram et felicitatem, qua Saxonia prae tot ac tantis Europae civitatibus ab antiquissimis inde temporibus ad hunc usque diem viguit, quasi praeconis voce praedicem? Quid est, quod artium liberalium utilitates Tibi explicem et recenseam, quippe qui ipse omnium

doctrinarum summe studiosus sis et cum omnibus Musis rationem habeas eam, ut Te ad conspicuum aliquem eruditionis locum evectum omnes admirentur et suspiciant? Quid est, quod artes ingenuas et elegantes Te audiente laudandi et celebrandi provinciam suscepisse videar, quippe quem ipsum tanquam exemplar summae tum in sacris, tum in humanis literis scientiae jamdudum veneremur et amemus?

Si non plane alieni, at certe superflui quid proposuisse persuasissimum mihi haberem, nisi, cur opus, quod omnia omnium, qui plus quam vulgus sapiunt egregieque cordati sunt homines, suffragia tulisse constat, Tibi potissimum consecrare Tuisque auspiciis credere et commendare voluerim, aliquo modo inde pateret. Dico opus, quod, quo quis brevius atque aptius loqui consuevit, eo libentius ac confidentius nominaverit poeticum quoddam omnium rerum et terrestrium et coelestium *σύνταγμα* vel doctam quandam omnium de conditionibus humanis, iisque, interveniente religione Christiana, cum providentia divina connexis, *φιλοσοφημάτων συμπλοκήν*. His vero praemissis num quid est necesse disertis verbis addere, me dicere Divinam divini Dantis Alligherii Comoediam, quam Te ipsum, PRINCEPS SERENISSIME, qua es linguae Italicae saeculi Dantei cognitione et in reserandis aperiendisque sensibus reconditis dexteritate, in linguam patriam multo elegantissime transtulisse

et, qua es ingenii sagacitate rerumque humanarum et divinarum intelligentia, doctissimis excursibus enodasse, quis est, qui non cognitum habeat ac grato erga Te animo agnoscat?

Hanc igitur, de qua tantopere meruisti, Dantis Alligherii Divinam Comoediam, et eam nova, qua faciliorem ad coetus virorum *φιλολόγων* nanciscatur aditum, veste indutam, omni, qua par est, reverentia Tibi offero et tutelae Tuae vehementer etiam atque etiam commendo. Vestis illa nova (novam vocare liceat cum tempore, tum perfectione et absolutione) est interpretatio, versibus hexametris Latinis ab *Abbate dalla Piazza*, qui Professor Vicentiae obiit, diligentissime confecta, ita ut vix ac ne vix quidem durius quoddam de novo hoc conatu iudicium ab ullo aequo peritoeque harum rerum arbitro expectari liceat.

Jam voluit interpretes ipse, ut opus, in quo quasi tabernaculum vitae suae collocaverat, typis describeretur et publici juris fieret in Saxonia, ubi rara principum liberalitas tutelam mercaturae literarum adhuc gesserit. Consentientes habuit in eo familiares et amicos, quorum in virum vita defunctum pietas Lipsiam, tanquam emporium bibliopolarum longe celeberrimum, ubi monumentum studii gloriosissimi ad memoriam aeternitatis extrueretur, elegit atque designavit.

Inde factum est, PRINCEPS SERENISSIME, ut mihi cura editionem Divinae Comoediae a *Piazza* Latine redditam adornandi



et divendendi honorificentissime offerretur et mandaretur. Quod quidem munus, et quod ipse divinae poesis amore mirum quantum teneor et quod nullo non tempore studia optimarum artium parte pro virili juvi et promovi, animo libentissimo susceptum ita exsecutus sum, ut nulli officio me defuisse profiteri possim.

Accipe igitur, PRINCEPS SERENISSIME, hanc, quae mea qualicumque opera in publicum prodit, maximi poetae Italici interpretationem Latinam, accipe serena fronte, aequi bonique consule, rebus meis favere perge atque in nominis Saxonici ornamentum, incrementum, emolumentum diu salvus et incolumis vive, vige, flore!

Scripsi Lipsiae Idibus Januariis a. 1848.

**Guil. Ambros. Barth.**

## P R A E F A T I O.

---

**Q**ui omnes conatus divini carminis in aliam linguam vertendi irritos esse dixerit, ei haud spernenda argumenta ipse Comoediae auctor possit suppeditare. Ait enim Dantes in libro, cui titulus est Convivium (I, 7.):

*Sappia ciascuno, che nulla cosa per legame musico\*) armonizzata si può della sua loquela in altra trasmutare senza rompere tutta sua dolcezza e armonia. E questa è la ragione per che Omero non si mutò di greco in latino, come l'altre scritture che avemo da loro\*\*); e questa è la ragione per che i versi del Psaltero sono senza dolcezza di musica e d'armonia, chè essi furono trasmutati d'ebreo in greco, e di greco in latino, e nella prima trasmutazione tutta quella dolcezza venne meno.*

Si vero negari nequit, magnam suavitatis illius partem, quae in carminibus audiendis nos mulcet, transferendo exstingui,

---

\*) Ita pro musico, quod est in editis, ad sequentia (dolcezza di musica e d'armonia) respicientes jamdudum correximus. Simillima enim, si desiderantur, exempla leguntur in epistola, quae Hilario monacho tribui solet: „sermone vulgari ... non simpliciter, sed musico.“ Sunt quidem, qui vocem musico pro adjectivo a Musis derivato accipere jubeant, sed auctoribus, apud quos eam hoc sensu usurpari constet, destituuntur.

\*\*) Puta a Graecis.

per solas tamen conversiones ad illam literarum communionem pervenire licet, quae hodie non doctos solummodo viros, sed cultiores quosque per universam fere Europam consociat. Quibus igitur carere nescimus, eas ingenito quodam vitio laborare, earumque ne optimam quidem justam metam contingere posse, fateamur. Quae enim in operis poetici interpretatione desideramus, ut auctoris sententiam presse pleneque sequatur, et ut insimul dulci versuum concentu ipsius exempli imaginem exhibeat, ea invicem secum pugnare, nemo est, qui non videat. Ad metam vero, quam assequi nemini est concessum, accedere certe possumus, et longe propius sine dubio accesserunt, quorum opera nostris temporibus scriptores alienas linguas loquuntur, quam qui apud veteres eandem in se susceperant provinciam. At sacrum carmen, longe nobilissimum, quem tot saecula Christianae poeseos tulerunt, fructus, praë caeteris dignum est, quod in omnium populorum Christianae fidei addictorum communione habeatur; Divina Comoedia, opus tot tantisque difficultatibus impeditum, si quod aliud, poscit interpretem, qui vel Italicae linguae peritis in intelligendo carmine subveniat. Tantum vero abest, ut unius alteriusve, quantumlibet docti et ingeniosi, interpretis opera ad expediendos omnes, quibus abundat carmen, nodos sufficiat, ut ardui hujus propositi assequendi causa doctorum, qui sunt apud omnes cultiores populos, labores in unum collati requirantur. Sed haec diversarum gentium studia non ita facile poterunt consociari, nisi operi communibus viribus illustrando eam prius dederimus linguam, quae omnibus doctis est communis. Et, si accuratius inspexerimus, carmen divinum Latinitate donare minus desperatam rem fortasse dicemus, quam, quas complures moliti sunt, conversiones in linguas vernaculas. Recentiorum enim linguarum natura in compito quasi nos tenet ancipites, utrum in transferenda Comoedia Dantis rhythmo magis, an sententiae inhaereamus. At qui sacri carminis formam poeticam in homoeoteleutorum concatenatione omni numero red-

dere conati sunt, quod praeter Germanicos a nemine ausum esse puto, eam insimulationem vix et ne vix quidem effugient, se non modicam dicendorum partem formae studio concessisse. Qui vero a simili versuum exitu vel prorsus abstinere, vel ut parciores in eo sint licere putant, ad solutam potius orationem accedere videntur, quam ad versum ternarium Divinae Comoediae solemnem, vel — quod praecipue in Gallicis versionibus, Alexandrino, quem vocant, versu constantibus, nos offendit — orationem aliter exhibent incisam, quam in ipso, quod imitandum sibi proposuerunt, carmine.

Alia profecto est ratio Latini sermonis, proxima cognatione cum Italico, et maxime quidem cum illo antiquiore, quo Dantes usus est, conjuncti, cujus versus hexameter, jam apud Romanos prolixioribus cujuslibet argumenti carminibus proprius, etiam altissimae sacri carminis poesi sese accommodat. Ipsi Alligherio heroicum versum ad explanandas Divinae Comoediae graves sententias aptum esse visum, fidem facere videntur, quae de primo et mox mutato ejus consilio Latine scribendi referunt auctores \*). Legimus enim in epistola, quam Hilarium monachum Hugucconi Fasiolano scripsisse volunt \*\*):

Quum exhibuisset (Dantes), quem \*\*\*), libellum ego in gremium gratanter accepi, aperui, et in ejus praesentia oculos cum affectione defixi. Quumque verba vulgaria percepissem, et quodammodo me me admirari ostenderem, cunctationis meae causam petivit. Cui me super qualitate sermonis admirari respondi: tum quia difficile, imo inopinabile videtur, intentionem tam arduam vulgariter exprimi potuisse, tum quia inconueniens videbatur con-

---

\*) Cf. quae de hac quaestione in transitu, sed docte, monuit illustr. Vicecomes Colombus Batinensis in Bibliogr. Dant. I, 243.

\*\*) Disputationem de fide hujus epistolae propediem persequar in nova epistolarum Dantis editione.

\*\*\*) Ita cum doctissimo Troya interpungendum esse puto. Abbreviationis signum, quod unicus Florentinus codex exhibet, non quem, sed quam dicere solet.

unctio tantae sententiae amictu\*) populari. Inquit\*\*) enim ille respondens: rationabiliter certe pensaris; et quum a principio coelitus fortasse semen infusum in hujusmodi propositum germinaret, vocem ad haec\*\*\*) legitimam praelegi; nec tantum praelegi, quinimmo cum ipsa more solito poetando incoepi:

Ultima regna canam fluvido contermina mundo,  
Spiritus quae lata patent, quae praemia solvunt  
Pro meritis cuicumque †) suis.

Sed quum praesentis aevi conditionem rependerem, vidi cantus illustrium poetarum quasi pro nihilo esse abjectos ††), et hoc aevo †††) generosi homines, quibus talia meliori tempore scribebantur, liberales artes, pro dolor, dimisere plebejis. Propter quod Iyrulam, qua fretus eram, deposui, aliam praeparans convenientem sensibus moderatorum: frustra enim mandibilis cibus ad ora lactentium admovetur.

Verba, quibus Boccatus binis locis eandem rem refert, tam exacte conveniunt narrationi Hilarianae, ut alterum ab altero esse exscriptum dubitari nequeat. Ita enim in vita poetae (cap. 14. p. 92. 93. edit. Gambanae):

\*) In codice legitur *amiclo*, cum lineola, quasi abbreviationis signo, litterae *l* trajecta. Hanc libri scripturam proxime secutus, qui nuper epistolam ex ipso codice accuratissime edidit, celeberrimus Mutius (*Tre epistole latine di D. Alighieri. Prato* 1845. p. 40) dedit *amiculo*. Retinendam tamen puto facillimam Dionysii emendationem.

\*\*) In quid, quod (per non dubiam abbreviationem) est in codice, in textu retinuit Mutius. Etiam enim (ei cum linea superposita) videtur suspectum.

\*\*\*) Hanc codicis scripturam (*hec*) deserentes editores Dionysio recentiores dederunt *hoc*.

†) Boccatus in commentario Div. Com. *utcumque*.

††) Codex *objectos*.

†††) Codex *io* cum lineola superposita, quod Mutius minus recte per *imo* (hoc enim verbum *ymo* scribere solet amanuensis) interpretatus est, quum sit abbreviatio verbi *ideo*. Sed ne hoc quidem potest defendi. *Consilio* inserunt Dionysius (*hoc consilio*) et Troya (*hoc ipso consilio*), quod unde hauserint, nescio. Nostram certe emendationem sensui codicisque scripturae magis convenire concedes.



*Muovono molti, e intra essi alcuni savj uomini, generalmente una quistione così fatta: che conciosussecosachè Dante fusse in iscienza solennissimo uomo, perchè a comporre così grande di sì alta materia e sì notabile libro com' è questa sua Commedia nel fiorentino idioma si disponesse e perchè non più tosto in versi latini come gli altri poeti precedenti hanno fatto? A così fatta domanda rispondere, tra molte ragioni, due tra le altre principali me ne occorrono .... La seconda ragione, che a questo il mosse, fù questa: veggendo egli i liberali studj del tutto abbandonati, e massimamente da' principi e dagli altri grandi uomini, a' quali si solevano le poetiche fatiche intitolare .... avendo egli incominciato, secondochè l'altezza della materia richiedeva, in questa guisa:*

*Ultima regna etc.*

*il lasciò stare, immaginando in vano le croste del pane porsi alla bocca di coloro che ancora il latte suggono, e in istile atto a' moderni sensi ricominciò la sua opera e proseguì in vulgare \*).*

Et in prooemio Commentarii ad Divinam Comoediam (Ed. Moutier p. 22):

*Dante ... cominciò il presente libro in versi latini, così:*

*Ultima regna etc.*

*E già era alquanto proceduto avanti, quando gli parve da mutare stilo: e il consiglio che il mosse fù, manifestamente conoscere i liberali studj e' filosofici essere del tutto abbandonati da' principi e da' signori e dagli altri eccellenti uomini,*

---

\*) Justam rationem fortasse rectius a Leonardo Aretino dices expressam: Chi mi dimandasse per qual ragione Dante piuttosto elesse scrivere in vulgare che in latino e letterato stile, risponderei quello che è la verità, cioè che Dante conosceva se medesimo molto più atto a questo stile vulgare in rima che a quello latino e letterato. E certo molte cose sono dette da lui leggiadramente in questa rima vulgare che né avrebbe saputo né avrebbe potuto dire in lingua latina e in versi eroici.

*i quali solieno onorare e rendere famosi i poeti e le loro opere; e però veggendo quasi abbandonato Virgilio e gli altri, o essere nelle mani d'uomini plebei e di bassa condizione estimò così al suo lavoro dovere addivenire, e per conseguente (inserendum videtur non) conseguirgli quello, per che alla fatica si sottomettea. Di che gli parve dovere il suo poema fare conforme, almeno nella corteccia di fuori, agl'ingegni de'presenti signori.*

Simillima leguntur et in prooemio elegantis illius commentarii anonymi, qui habetur in codicibus Riccardiano 1016, Gaddiano XC. sup. 123. et Medic. Palat. <sup>117/183</sup>, et cujus specimina dedit Taeffius:

*Aveva l'autore della presente opera cominciato questa tripartita commedia in questi versi latini, cioè Ultima regna canam etc., e già distesa la materia alquanto inanzi, quando mutò consiglio, avendo rispetto, che i signori e gli altri uomini potenti aveano quasi del tutto abbandonati gli studj liberali e filosofici, e quasi veruno v'era, che a scienza attendesse; e se pure veruno v'attendeva, faceva i libri degli autori traslatare in volgare.*

Non defuerunt igitur, qui inde ab ipso Dantis saeculo usque ad nostros dies sacrum summi poetae carmen Latinitate donare molirentur. Horum conatuum una Caroli Aquinatis versio integram complectitur Comoediam typisque exscripta est (Neapol. 1728 \*), cui operi, etsi fidei, non tamen elegantiae laudem denegaverunt utriusque linguae periti. Caeterarum conversionum, quae vel unam tantum alteramve Comoediae partem complectuntur, vel prelo nondum sunt commissae, accuratum dedit catalogum diligentissimus Columbus Batinensis. Nos vero rem a proposito nostro non alienam facere credimus, in eorum commodum, qui cum novissimis PIAZZAE curis eorum

---

\*) Cf. doctissimam illustrissimi Vicecomitis Columbi Batinensis bibliographiam operum Dantis et ad Dantem spectantium I, 243—45.

labores conferre desiderant, qui tempore eum praecesserunt, unius ejusdemque loci (celebrem de Francisca Ariminensi narrationem selegimus), quotquot nancisci potuimus, versiones Latinas hic exhibentes. Qua in re abstinere non possumus, quin viris doctis atque benevolis, quorum liberalitati magnam hujus apparatus partem debemus, gratias agamus quas possumus maximas. Nominasse sufficiat Seymourium Kirkup Anglum et Vogelium de Vogelstein Dresdensem, elegantissimos Dantisque studiosissimos pictores, Franciscum Longhenam, Professorem Mediolanensem, virum literatissimum, et Petrum Mugnam, eruditissimum apud Vindobonenses Professorem, quo intercedente postumum etiam, quod edimus, PIAZZAE opus manibus nostris commiesum est.

Primum vero inter hasce conversiones locum ea obtinet, quam MATTHAEUS RONTUS, monachus Olivetanus, poetae aequalis († 1343), composuit\*). Ex codice Magliabecchiano\*\*) a Kirkupio accuratissime exscripta haec est:

#### INFERN. V, 73 seqq.

Dicere tunc coepi, vates o clare\*\*\*), libenter  
 Nempe duabus eis, coeunt quae, verba referrem,  
 75 Sic et ad id flamen faciles quae stare videntur.  
 Ae ait ille mihi, sis cautus, quando propinquas,  
 Hae magis efficient se nobis, tuncque rogato  
 Quem†) vehit igne duas ipsas, venientque repente,  
 Quam cito flectit eas ad nos caliginis aura.  
 80 Heus, sonui vocitans, animae per semper anhelae,  
 Oro, venite loqui nobis, nisi deneget alter!  
 Qualiter a voto genitorum cita columba  
 Advolat ad nidum lepidum sublimibus alis  
 Et solidis, a velle suo devecta per altum,

\*) Vide Columbum Batinensem p. 237—43.

\*\*) IV. 82. Colomb de Batines p. 240.

\*\*\*) Cod. dare.

†) Per quem erat dicendum, sed obstitit numerus hexametri.

- 85 Eminuere modo Didonis ab agmine tali  
 Atque palam nobis patuere per aëra pravum;  
 Tanta fuit validae mihi tunc affectio vocis.  
 O animalis homo, qui gratus es atque benignus,  
 Visere quique venis Inferna per aëra pullum,  
 90 Si Deus omnitenens nostri constaret amicus,  
 Sanguine\*) letifero qui mundum tinximus olim,  
 Nostra preces pro pace tua vox funderet illi;  
 Ast ubi te pietas de nostris mortibus icit,  
 Quomodo tu cupias audire vel omnia fari,  
 95 Nos capiemus enim, nos et tibi sponte loquemur,  
 Donec amoena, velut facit, aura silentia servat.  
 Urbs, ubi nata fui, residet penes aequoris undas,  
 Defluit Eridanus quo, sumat ut ipse quietem  
 Cum fluviis reliquis rivisque sequentibus illum.  
 100 Ast amor, ingenuo cordi qui protinus haeret,  
 Hunc rapuit, junxitque meo cum corpore pulchro,  
 Jam mihi sublato, sed adhuc modus officit umbrae.  
 Qui sed amor nulli peramato parcit amore.  
 Hunc mihi, vae miserae, tam gratum praetulit arte\*\*),  
 105 Quod, velut ipse vides, nondum me linquere novit.  
 Nos amor, unde duos letum connexit ad unum;  
 Poena Caina manet, qui nos a luce diremit. —  
 Ista fuere, sui nobis quae verba dederunt.  
 Has ubi percepi laesas immaniter umbras,  
 410 Mox faciem flexi, tenui tantumque subuncam,  
 Donec ait vates mihi: quid nunc pectore tractas?  
 Quum sibi respondi ratus, heu me, dicere coepi,  
 Quot lepidae curae, flagrans et quanta cupido  
 Hos fragiles duxere duos moeroris ad actum!  
 115 Hic ad eos conversus, ego mea dirigo verba,  
 Occipiens, Francisca, tui tormenta doloris  
 Ad lacrimas, tristemque pium, me maxime ducunt;  
 Sed mihi dic, quando suspiria dulcia flabant,  
 Ad quid, quoque modo tunc ars concessit amoris,  
 120 Vota quod ambigua fierent notissima vobis?

---

\*) Cod. A sanguine.

\*\*) Nam arte?

- Tunc ait illa, mihi nullus dolor altior exstat,  
 Tempore felici \*), quam quum reminiscitur annis  
 In miseris aliquis! Tuus hoc tentavit et auctor.  
 Si modo radicem quoque causam discere primam  
 125 Ignis, homo, nostri tantis affectibus optes,  
 Sicut agunt, faciam, qui flent simul atque loquuntur:  
 Nos legitabamus, quadam spatiando dierum,  
 De Lancelocto, se strinxit qualiter ardor,  
 Nos et eramus ibi soli, suspectibus absque.  
 130 Compulit alternos oculos nos cernere nostrum  
 Lectio saepe libri, et facies pallere coëgit.  
 Denique nos solus punctus connexuit ultro,  
 Quumque peroptatam faciem, nos legimus, illam  
 Basia ab ore proci talis sumsisse faventis,  
 135 Iste, mihi sublatus erit qui tempore nullo,  
 Grata, labante meis malis dedit oscula corde,  
 Leno fuit Galeoctus eis; sed lectio noster \*\*).  
 Ast in ea nos plura die non legimus ipsi! —  
 Panderet ista mihi querule dum spiritus alter,  
 140 Alter inops flebat, quasi pietate fatiscens.  
 Ipse fui veluti moriturus protinus essem,  
 Qualiter, et cecidi, ruit hinc ex ense cadaver.

---

Rontoniana paulo recentior et minus barbara videtur versio aliquot capitulorum Inferni, quam ex unico *Fontaniniano* codice protraxit *Vivianus* \*\*\*), cujusque particulam doctis notis illustratam recudi curavit celeberrimus *Orellius* †). Quam exhibentes a refutatione eorum abstinendum credimus, qui hos versus inconditos sententiamque Italici carminis mendose reddentes legitimum aliquando *Alligherii* partum primosque *Divinae Comoediae* conatus judicaverunt; neminem enim hujus opinionis sectatorem hodie superesse putamus.

---

\*) Sensus genitivum poscere videtur.

\*\*) Cod. nostri. Num nobis?

\*\*\*) *La Div. Com giusta la lex. del cod. Bartoliniano* I, 301—30.

†) Index lectionum in Acad. Turicensi per sem. aestiv. 1839. habend.



- Tunc ego sic coepi: venerande poeta, libenter  
 75 Illos, qui pariter tanta levitate feruntur,  
 Alloquerer paullum. Maro sic ait: ergo videto,  
 Quum nobis volitando quidem fuerint propiores,  
 Tunc illos per eum dulcem rogitabis amorem,  
 Qui sic hos pariter binos conducit, et illi  
 Mox venient. Igitur persta vigilanter,  
 Quumque illos nobis ventus facit esse propinquos,  
 80 Labra movens, o, dic, animae, quibus anxia sors est  
 Nostrum ad colloquium, nullo prohibente, venite.  
 Quumque haec dixissem, quales in amore columbae,  
 Quas dulces nidi revocant, stridentibus alis,  
 Mox ad nos pariter volitant per inane malignum,  
 85 Tristem linquentes dictam a Didone cohortem.  
 Tanta fuit nostris vis ac substantia verbis.  
 Seque simul sistunt, quarum sic una locuta est:  
 O cui multa data est coelesti gratia dono,  
 Oque benignum animal, cui nostra videre per atrum  
 Aëra collibuit mala fata statumque profanum,  
 90 Vulnere sanguineo qui pulchrum tinximus orbem,  
 Aeterni regis si te nossemus amicum,  
 Huic pro pace tua repetitas porrigeremus  
 Nempe preces, nostrae quoniam miserere ruinae.  
 Dic, quid nunc audire velis, et themate sub quo  
 95 Sermonem fieri; nobis audire placebit  
 Vos vobisque loqui, dum sic tacet, ut modo ventus.  
 Urbs, ubi nata fui, est sita litore, qua Padus ingens  
 In mare praecipitat, sibi firma sequacibus ut pax  
 100 Sit cum finitimis. Amor hunc, qui nobile carpit  
 Cor hominis, subito corpus dum cerneret illud,  
 Cui subjecta fui, cuique innata venustas  
 Sic me \*) prostravit, cepit captumque peremit,  
 Meque simul, pariter famam laedendo decoram,  
 Idem me cepit, qui nulli parcit amato,  
 Aurataque meum tetigit sic cuspide pectus,  
 105 Ut nos, ut cernis, semper comitetur amantes.  
 Hic amor incestus mortem conduxit ad unam

---

\*) Sub me corrigit Orellius.

Nos pariter, geminos hic, et nunc sine ullo.  
Conjunctos agitat poena pro crimine digna.  
Uno qui gladio binos confixit in ira,  
Suppliciiis cruciat meritis inferna Caina.  
Talìa sunt nobis geminas porrecta per umbras.

Has animas laesas sua pessima fata loquentes

110 Postquam intellexi, vultum pensando deorsum  
Tam longe tenui, dum dux mihi diceret ipse:  
Quid pensas? Cui mox respondens: proh dolor, inqui,  
Quam dulces curae, quam dulcia vota ruentes  
Duxere ad praesens barathrum, tantosque dolores!

115 Post ad eos faciem verti sic ore loquutus:  
O Francisca, tuum me martyrium lacrimantem  
Efficit, atque pium, nec non tibi compatiens;  
Dic mihi nunc, inter suspiria dulcia, vobis  
Quomodo concessit furor inconcessus amoris

120 Ancipitis voti letale agnoscere virus?  
Illa refert: misero major non est dolor unquam.  
Quam jam praeteritae reminisci prosperitatis,  
Quum miser est, istudque tuus doctor bene novit.

125 Sed si radicem nostri cognoscere amoris  
Tanta cupido animum tangit, dicam velut illa,  
Quae plorans loquitur. Nam quum librum legeremus,  
Qui Lancillotti insanum pertractat amorem,  
Et soli essemus, foret et suspectio nulla,

130 Multotiens scriptura oculos hinc inde placentes  
Illa percussit, nos et pallere coëgit,  
Unicus at punctus nos expugnavit ad imum:  
Namque legendo locum quum pervenisset ad illum,  
Quando tantus amans ori exoptata genisque

135 Oscula defixit, tremulis tunc basia nostris  
Iste genis fixit; liber inter nos Galeotus  
Compositorque suus fuit, et non legimus ultra  
Illo plura die. Verba haec dum spiritus unus

140 Diceret, illorum plorabat spiritus alter,  
Et me prostravit tantum pietasque dolorque,  
Quod mox deficiens cecidi, quasi mortuus essem.

Saeculum sedecimum literis Latinis prae cacteris deditum, et sacri carminis cultu, praeter nostrum, nulli secundum, ne unam quidem Divinae Comoediae versionem Latinam tulisse, est quod miremur. Chiabrerae vero Marinique sectatores a Dantis studio fuisse alienos, commemoratione vix indiget. Reviviscente circa initium saeculi decimi octavi castarum Musarum et priscae poeseos amore, feliciora ingenia novis conatibus ad Alligherium patrem sese converterunt. In quorum numero non infimum certe locum CAROLO AQUINATItribuendum esse censemus, licet, Latinam quum faceret Divinam Comoediam, aemulationi elegantiarum Nasonis plus aequo dederit \*).

— — — Geminas tamen anxia cura

- 75 Sollicitat novisse umbras, quas impete raptas  
Turbineo huc adigit ventus; sed cominus adsunt:  
80 Aggredior fari, monuit quo carmine Vates.  
Oh, agite unanimes animae, quas ipsa volutat  
Poena pares; fandi est si copia, sistite cursum.  
Ut, studiosa vocat sobolis quas cura, columbas  
Immotis reduces ad nota cubilia pennis  
Prolis amor vehit, occultas et sufficit alas:  
85 Non secus, excitae blando sermone vocantis,  
Exsiluere leves umbrae, sociisque relictis  
Aëra per coecum approperant; mox altera satur:  
Quisquis es, informes Erebi lustrare recessus  
Quem pietas tetigit, nostrosque ediscere casus,  
90 Quorum fumat adhuc fuso de sanguine tellus,  
Optarim, nisi laeva forent mihi Numina, tanti  
Sedibus in superis maneat te gratia facti.  
95 Nunc liceat gratas audire, et reddere voces,  
Dum venti posuere. Dies mihi prima refulsit  
Tabificis horrent ubi foeda paludibus arva,

---

\*) Sufficiens, quos recudimus versus, ad refutandum doctissimi Columbi Batinensis errorem (Bibliogr. p. 245), narrationes de Francisca et de comite Ugolino a Carolo Aquinate praetermissas esse putantis.

- Eridanusque pater, fluviis socialibus auctus,  
 Mole fatigatas, longoque errore viarum,  
 100 In mare volvit aquas. Haurire cupidinis ignes  
 Continuo generosa solent ut corda, flagrantem  
 Hunc rapuit poena socium mea forma cruenti.  
 Forma, eheu! meminisse dolet, mox victima ferri.  
 Utque suas in amore vices amor ipse reposcit,  
 Me petit igne pari; modo quo nil segnius urit,  
 105 Horrisonoque sequi socium cum turbine cogit.  
 Morte pari nos junxit amor; qui stringere ferrum  
 Non timuit, solvet meritas sub Tartara poenas. —  
 Talia dum memorat, demisso lumina vultu  
 110 Multa movens animo, terrae defixa ferebam;  
 Quum mihi Minciades: tacita quid mente volutas?  
 Quantus amor, dixi, venis quam fervidus ignis  
 Arsit, et adstrictos ad funera traxit amantes!  
 115 Vix ea, quum fari, tenuem conversus ad umbram,  
 Aggredior: longo viden' ut tristissima luctu  
 Sors tua facta mea est? cupidis sed fervida pennis  
 Quum dulces aestus suspiria sola notarent,  
 Fare, age, qui pavido celatus corde latebat,  
 120 Quo demum monstrante viam se prodidit ardor?  
 Qui miser est, ait illa, magis tristatur in horas,  
 Fluxerunt laetae reputat si tempora vitae;  
 Non dubitanda tuus dedit haec documenta Magister.  
 125 Quod si nosse flagras nostras ab origine flammam,  
 Verba, licet rigui fletus sine lege fluentes  
 Praepediant, repetam. Tenerorum scriptor amorum  
 Blandiloquis chartis semotos forte tenebat:  
 Illapsu tenero serpens in viscera mollis  
 130 Pagina, nescio quas creat illecebrosa favillas,  
 Cordaque pertentans fibris inolecit in imis.  
 Tum vero abrupti nutus, oculique madentes  
 Multa inter sese trepida formidine nutant.  
 Verum ubi sedatas alterna per oscula flammam  
 135 Pagina monstravit; nimirum exarsimus ambo;  
 Dulcia perque vices libavimus oscula: nostri  
 Causa fuit liber ille, simulque minister amoris;  
 Distulimus post haec fontes evolvere chartas.

Sontes? heu miseram! gravius nocuere remotae.  
 Altera singultu crebro dum talia fatur,  
 140 Altera conficitur lacrimis undantibus umbra.  
 Tunc ego multa gemens, sortem miseratus acerham  
 Languida letifero districtus pectora morsu,  
 Collabor, veluti subito quem vita reliquit.

Alia ejusdem saeculi versio ad hunc usque diem in bibliotheca Seminarii Florentini jacet inedita. Versionem dico COSIMI DELLA SCARPERIA, qui vixit inter annos 1720 et 1778\*), elegiacis versibus non ineleganter compositam et sententiam auctoris accuratius quam superior illa Caroli Aquinatis reddentem, cujus specimina exhibuerunt Memoriae historicae societatis Columbariae p. 95—98, et, ad quem jam provocavimus, Mediolanensis Polygraphus p. 328, 29\*\*).

Tum vati: o liceat geminas affarier umbras,  
 75 Una tam rapide quas fera raptat hyems.  
 Hic mihi: quum propius fuerint, hos advoca, et ingens,  
 Qui transfert miseros, hos tibi sistet amor.  
 80 Tum simul hos nobis turbo offert, si licet, inquam,  
 Vos nostrum, manes, sistite ad alloquium.  
 Ut volat erectis alis, firmisque columba  
 Ad nidum cupiens laeta volensque suum;  
 85 Aëra per tetrum sic hae, Didone relicta,  
 Se teneris praestant vocibus unanimes.  
 O bone, qui miseros per subterranea visis,  
 90 Quorum forte et adhuc sanguine terra rubet.  
 Taedet, ab hoste deo, dum sic miserare dolentes,  
 Quod petere haud liceat prospera cuncta tibi.  
 95 Quod datur, alternis sermonibus, ut placet, ultro  
 Citroque utamur, dum sinit aura tacens.

\*) Biographicas Cosimi notitias dedit Polygraphus Mediolanensis Ann. III. (1813.) No. 21. (D. Dominic. 23. Maj.) p. 323—26.

\*\*) Columbus Batinensis Bibliogr. p. 242.

- Qua Eridano fluviiisque suis dant aequora pacem,  
 Limina me ad vitae prima Ravenna tulit.  
 100 Corporis ille mei, dein caesi, ut mollis amator  
 Esset, quod taedet dicere, jussit amor.  
 Et nulli ut parcit, placido me ardere coëgit  
 105 Igne, viro ut nequeam, vel procul ire volens.  
 Ipse uni morti nos tradidit. At manet ultrix  
 Poena Cain saevum. Sic mihi fata, silet.  
 110 Ora solo ad vices miseras defixa tenebam;  
 Tum: quid mente agitas? dux ait attonito.  
 Tunc ego, quam multa, heu! miseros praedulcia vota,  
 Quam blandi sensus prostituere neci!  
 115 Alloquor hinc ipsos: nimium, Francisca, dolentem,  
 Ut misere adlacrimer, me tua poena facit.  
 Dic tamen, ancipiti si quam venistis ad oram  
 120 Spe, quoque hausistis dulcia furta modo.  
 Infandum miseris, inquit, meminisse secundi  
 Temporis, ut potuit te docuisse Maro.  
 125 Si tamen et miserae vis nosse exordia flammae,  
 Accipe cum lacrimis tristia verba meis.  
 Securis, solis, quo Lancillottus amore  
 Deperiit, legere et scire fuit volupe.  
 130 Saepius hinc oculos utriusque accendit, et ora  
 Pallere alternis pagina blanda jubet.  
 Vincimur at penitus, quum dulcia in oscula amantes  
 Optatum ad risum legimus irruere.  
 135 Tum primum tremulis impressit basia labris  
 Hinc mihi perpetuus, sed miser, usque comes.  
 O liber, o scriptor miserandi fomes amoris!  
 Haud plura ad solidum legimus inde diem.  
 140 Haec dicens, alterque gemens sic concutit ima  
 Viscera, ut exanimis sterner ad instar humi.

---

Cujus nunc subijcimus specimen, versio ANTONII CATEL-  
 LACCHI, Professoris Pisani, ultra Infernum (anno 1819 editum\*)

---

\*) Columbus Batoniensis Bibliogr. p. 246.

non est progressa, neque eorum tulit suffragia, quibus his de rebus sententiam dicere competit.

- Coepi ego, mi vates, utinam nunc hisce duobus  
 Colloqui ego possem sic procedentibus una,  
 75 Tam celeres vento qui flante, levesque videntur.  
 Is mihi: quum nobis magis advenisse propinquos .  
 Percipies oculis, simul ipse precaberis illos,  
 Per, qui ducit eos, quemque experiuntur, amorem,  
 Atque illi venient, ad nos vix ventus eosdem  
 80 Torquet. Egoque, animae, incipio, quibus anxia cura est,  
 Adventate loqui cupidos, nisi quis vetet istud.  
 Expansis alis velut immotisque columbae  
 Ad dulces veniunt, stimulante cupidine, nidos  
 Aëra per liquidum, sic illi ex agmine, Dido  
 85 Est ubi, nos versus venere per aëra fuscum,  
 Sollicitavit eos adeo vox illa potenter,  
 Qua compellaram, praedulceque nomen amoris.  
 O vivens, cui gratia multa, benignaque mens est,  
 Qui per subnigrum nos visens aëra pergis,  
 90 Sanguine qui misere effuso maculavimus orbem;  
 Rex si universi nobis foret ille secundus,  
 Nostra adhiberemus vota, ut tu pace fruaris,  
 Quem tangit pietas nostrorum tanta malorum.  
 Quaecumque exaudire tibi placeatve, loquive  
 95 Nos sumus auscultare parati, aut dicere vobis,  
 Dum, solet ut cessare, silet modo in aëre ventus.  
 Terra jacet, quâ vitales ego prodii in auras  
 Ad mare, ubi Eridanus properans reperire quietem  
 Descendit, fluvii comitesque sequuntur euntem.  
 100 Coepit amor, qui succendit cito mitia corda,  
 Hunc pulchra illectum forma, quae barbare adempta  
 Est mihi; quoque modo sit adempta, perhorreo vel nunc.  
 Me quoque, qui quemvis bene amatum reddit amantem,  
 Cepit amor desideriis tam fortibus hujus,  
 105 Qui, velut ipse vides, vel adhuc me linquere nescit;  
 Idem amor ad mortem nos ipsam duxit utrosque.  
 Poena Caina manet, vitae qui lumen ademptae  
 Extinxit nobis. — Dederunt hi talia dicta.

- Vix umbras sensi infensas has mente animoque,  
110 Demisi vultum, et tam longo tempore pressi,  
Ut vates mihi dixerit: ecquid mente volutas?  
Quumque ego respondi: oh miserum, tum dicere coepi,  
Me! quam praedulces sensus et quanta cupido  
Ad letum hos ambos misere perduxit acerbum!  
115 Deinde ad eos me converti, et sum talia fatus,  
Incipiens: Francisca tibi, quod fata dederunt  
Martyrium, me animo tristem facit esse, piumque  
Ut lacrymem: at memora qui, dulci aetate calorum  
Est ab amore datum vobis, potuistis ut ambo  
120 Concipere, et dubios animi cognoscere sensus.  
Dixit et illa mihi: dolor haud crudelior ullus,  
Quam felix misera in re mente revolvere tempus;  
Idque tuus putat et Doctor, qui talia novit.  
Quod si animo sedit noscendi tanta cupido  
125 Principium nostri, et primum quasi fomitem amoris,  
Id faciam, quod qui lacrymat, dum verba profatur.  
Historiam Lancellotti solaminis ergo  
Forte legebamus, fuit ille ut captus amore,  
Ambo ullo sine teste, et suspicione sine ulla.  
130 Lectio saepe oculos per mutua compulit illa  
Nostros, et tinxit vultus pallente colore;  
Temporis at momentum unum nos vicit utresque.  
At simul optatum risum perlegimus esse  
A tanto exceptum per suavia basia amanti,  
135 Iste, a quo non sit sors ut me dividat ulla,  
Osculum in ore mihi impressit cupidusque, tremensque.  
Vere leno fuit liber, et qui scripsit eundem:  
Illo lecta die nulla altera pagina nobis.  
Haec dum dicta dabat Franciscae spiritus alter,  
140 Alter lugebat Pauli, ut pietate benigna  
Deficerem, ferme velut ac si mortuus essem,  
Et cecidi, extinctum solet ut procumbere corpus.
-



Novissimum obtineat locum eadem narratio, quam cum aliis quibusdam Divinae Comoediae particulis Latinitate donavit doctissimus FRANCISCUS TESTA\*):

- 70     Ut comitem audiui matresque virosque docentem  
       Antiquum genus et dicentem nomina, vicit  
       Me pietas miserans externatumque reliquit  
       Paene animus. Tum ego: fert, vates, mihi corde cupido  
       Compellare duos, qui unaque levesque videntur
- 75   Usque adeo instantis compelli flamine venti.  
       Hoc, inquit, propius quum aderunt. Tunc tute rogato  
       Coram adstent, illum per, quo ducuntur, amorem:  
       Advenient. Ad nos ergo quum ventus euntes  
       Flexit agens, ego talem emisi pectore vocem:
- 80   O animae, exercet crucians quas anxia poena,  
       Si fari haud vetitum vobis, huc vertite gressus!  
       Quales, quos revocat natorum cura, columbae  
       Ad nidum pandis dulcem immotisque feruntur  
       Alis, sponte cito findentes aëra lapsu;
- 85   Tales extemplo. digressi ex agmine, Dido  
       It quocum regina, malas properata per auras  
       Ambo nos juxta ponunt vestigia. Tantum  
       Clamores blandi potuere et amantia dicta!  
       O animans comis, qui invisis mente benigna  
       Per loca subrubra horrendum nigrantia luce
- 90   Nos, fuso superas qui sanguine tinximus oras:  
       Si nobis facilis magni Rex orbis adesset,  
       Laeta precaremur tibi, nostro quippe dolori  
       Ipse dolens tantorum animo miserere malorum.
- 95   Quae dici, audirive velis, dicemus et iisdem.  
       Rursum aures dabimus dictis, fera murmura venti  
       Dum sileant ut nunc. Urbs, in qua hausi aetheris almi  
       Auras primum ego nata, sedet, promptus in aequor  
       Qua sese Eridanus volvit fluviosque sequaces,
- 100   Una ut cesset. Amor tenero qui in corde repente  
       Insinuans haeret, hunc forma coepit honesta,  
       Quae mihi rapta nece est; et adhuc dolor illius ingens

---

\*) Columbus Batinensis l. c. p. 245.

- Me necis urit. Amor qui amatum cogit amare  
Haud ulli parcena, hujus me ardore subegit  
105 Tam placito, ut neque, quod cernis, tellure sub ima  
Me nunc linquat. Amor nos funus adegit ad unum;  
Crudeli Caina manet qui morte peremit.  
Haec ego quum audivi commotus dicere, vultum  
110 Demisi, et tacito despexi lumine terram:  
Dum mihi sic vates: Tecum quid mente volutas?  
Cui quum respondi, tum incoepi talibus: eheu!  
Quot dulces miseros curae, quot vota dolores  
Mersere in tantos! Me, sic effatus, ad illos  
115 Denique ego converti, et his sum vocibus orsus:  
Vestrarum, o Francisca, gravis labor aerumnarum  
Tangit me, et cogit tristes effundere fletus.  
Dulcia sed quum aderant praesto suspiria quondam,  
Dic, vobis qua indulsit amor ratione modoque,  
120 Alter ut alterius dubios cognosceret ignes?  
Nil est tam grave, quam sortis meminisse beatae  
In rebus miseris, ait illa. Tuo bene Vati  
Notum hoc. Sed nostrum a primo si discere amorem  
125 Tantum sollicito studium est, dicamque, gemamque.  
Forte legebamus jucunda per otia casus  
Lancellotti, utque is fuerit devinctus amore.  
Una nos soli, et securi, in nosque vicissim  
130 Adspectus iterare crebro et pallescere charta  
Impulit illa ambos. Sed temporis unus utrosque  
Articulus vicit subiti. Quum legimus illic,  
Tantus amans cupidum os ut tandem junxerit ori  
135 Ridenti dulce; hic, quem nulla a me abstrahet hora,  
Pressa meis hic usque tremens tulit oscula labris.  
Et liber et scriptor libri Galeottus. Ibidem  
Illa luce ultra non legimus. Una locuta  
140 His dum anima est dictis, flebat sic altera, ut ipse  
Deficerem tenero, tamquam moriturus amore,  
Et cecidi, exanimata cadunt quo corpora casu.
-

Hos complurium saeculorum conatus inter se conferens, lector, ipse intelliges, PIAZZAE conversionem non infelicibus ausis utramque consecratam esse laudem, tam fidei quam casti sermonis, nec a superioribus saeculis nostro palmam praereptam esse judicabis.

Ne vero sine quodam corollario te dimittamus, tres addimus versiones, observatione tua, ni fallimur, non indignas: Hispanicam duasque Francogallicas. Illius editio vetus, inter rarissimos libros a bibliographis merito relata, nuper ad nos pervenit officii Fidelis Putsch (Birett), honestissimi bibliopolae Augustani. Cujus titulus et epilogus, quum vel a Columbo Batinensi\*), viro accuratissimo, minus recte exhibeantur, utrumque subjicere non abs re esse putamus:

Con preuilegio real:

q̄ no se imprima por  
ocho años. y esta taf-  
fado en ocho reales \*\*).

La traduciō. del dante  
de lengua toscana en verso caste-  
llano: por el Reuerēdo don po-  
fernādez de villegas arcediano  
de burgos: y por el comentado  
allende dlos otros glosadores  
por mādado dña muy excelente  
señora doña Juana de aragon  
duquesa de frias y Condeffa de  
haro fija dñ muy poderoso Rey  
don fernādo de castilla y de ara-  
gon. llamado el catholico Con  
otros dos tratados. vno q̄ se di-  
ze querella de la fe. y otro averfi-  
on del mūdo y cōuerfiō a dios.

\*) Bibliogr. I, 278. 79.

\*\*) Hactenus literis nigris. Reliqua rubro colore impressa sunt.

In calce vero haec leguntur:

Imprimiose esta muy prouechosa y notable obra  
en la muy noble y mas leal cibdad de Burgos  
por Fadrique aleman de Basilea acabose Lunes  
a dos dias de Abril del año de nuestra redempcio  
de mill y quinientos y quinze años.

---

Comienço a dezir al poeta de grado  
querria yo fablar alos dos de consuno  
75 que entrambos ligeros se vienen en vno  
lançados del ayre feruiente turbado  
aguarda pues dixo quando ayan llegado  
afer nos propincos yestonces los ruega  
por su grande amor que en vno los llega  
feras fatiffecho como has defeado

80 Y como del viento a nos son traydos  
o animas dixe maguer que cansadas  
venis por el ayre noturno afanadas  
fy al nolo vieda prestad nos oydos  
y como palomas que van alos nidos  
cansadas con gana de ally repofar  
llegaron se anfi fazia el nuestro legar  
dexando suspenfos sus grandes gemidos

85 Afy se firmaron al ayre malino  
tan presto que ouieron mi voz entendido  
dexando la gente con quien yba dido  
por junto a nos otros turbada y fin tino  
o animal dulce diziendo y venino  
que vas visitando este figlo peruerfo  
fy el rey nos oyese del grande vniuerfo  
tu paz deseamos y fano camino

Pues heres mouido de tal piedad  
de nuestra miseria queriendo saber  
95 nos prestos estamos ate responder  
en tanto que espera la grand tempestad

confangre teñimos la nuestra maldad  
 nasci yo en la tierra que esta ala marina  
 do el po: se deriba juntando se ayna  
 con otros sequaces que han su amistad

100 Amor que se aprende al gentil coraçon  
 a este prendio de mi bella persona  
 amor que al amado de amar no perdona  
 105 ami traxo presa ala misma presion  
 amor nos conduxo avna mesma passion  
 en vno juntados y atados tan fuerte  
 donde ambos en vno pasamos tal muerte  
 quel modo me ofende de su relacion

110 Baxe la mi cara confusa abatida  
 por tales personas de ver tan ofensas  
 fasta que dixo el poeta que pienfas  
 aca es do se escota la negra comida  
 o quanto yo dixi mi alma afligida  
 mi esprito turbado se siente y tan lasso  
 quan dulces deseos truxeron el passo  
 donde estos amantes perdieron la vida

Uoluiendo conellos despues a fablar  
 115 le dixi francisca tu grande tormento  
 por siempre fara mi venir descontento  
 la triste manzilla me fuerça allorar  
 mas dime si puedes el tiempo y logar  
 y como otorgaste el ylicito amor  
 dudosos deseos del tal amador  
 porque tu buen seso pudieron cegar

120 Ninguno ser puede mas graue dolor  
 me dixo al que es puesto en estrema lazeria  
 que estonce acordarse en aquella miseria  
 del tiempo felice en que estubo mejor  
 Y si los principios del misero amor  
 125 tu quieres saber y de tal desventura  
 llorando y contando oyras la tristura  
 que alla padescimos y aca es lo peor

Entrambos estando en logar apartado  
 de aquel lançarote leyendo su historia  
 el fuego de amor avn en nuestra memoria  
 por actos extrinfecos no demostrado  
 130 materia nos dio el lafcioo tratado  
 de aquellos amantes abiendo leydo  
 fufpenfos los ojos cegado el sentido  
 435 befo la mi boca tremiendo y turbado

Anfy galeoto les fue medianero  
 segund que a nos otros el libro tan vano  
 en cuya lectura es trabajo liniano  
 fyn buena doctrina al veuir verdadero  
 mientras ella dezia el su compañero  
 140 contino lloraba con tanto gemido  
 que su compafion amato mi sentido  
 y a tierra me lança el dolor laftimero.

---

Rationem, quam in vertendo immortalī carmine adhibuit, ipse Villegas apte exponit in fine prooemii, quod maximam partem a Landino mutuatus est: *Deue fe notar que el Dante fcrive fu obra en verfo que comunmente tiene onze o doze fylabas, conforme al trobar castellano de arte mayor .... y por que aquella manera es tan conforme al verfo fuyo y tan bien porque es mas graue y de mayor resonancia como convenia a tan grave auctor, yo fize esta traflacion en aquella forma de trobar que propriamente es verfo heroyco .... Anfi mefmo es de faver que Dante efcrive coplas de tercetos .... correfpondiente el tercero pie al primero, y despues el primero del terceto figuiente al fecondo, de manera que aquellos quatro furian una media copla de arte mayor, que como es de ocho pies viniera anfi jufto al talle; pero como efcrive de tres en tres, en dos tercetos faltan dos pies para una copla del arte mayor ya dicha: yo prove a los fazer anfi en tercetos, la qual manera no es en nueftro ufo. Y parefcia me una cōfa tan defdonada*

*que lo deze; quedo el defeto ya dicho de faltar en cada terceto un pie para la media copla; y dos pies en cada una entera, estos yo acorde de los suprir desta manera: que algunas vezes ocurriendo de mio algund buen pie, que mas aclare su testo, o confirme su sentencia, pongo le, y aya paciencia el Dante, que en su brocado se ponga algund remiendo de sayal que mas le haga luzir . . . ., otras vezes suplo aquellos pies delo que alguno de sus glosadores dize, y otras tan bien y las mas, quando buenamente se puede fazer, tomo el primero y segundo pie del terceto siguiente, y anfi se fazen sus dos, y ala veze tres tercetos una copla de ocho pies. Note se tan bien, que el que treflada, de otro anda tras el consueitas, y no puede yr como ni quanto quiere, y anfi van algunas vezes pies algunos forcejados, que no se pudo, o no se supo mejor facer . . . . Anfi mesmo se deve notar que trefladarfe una lengua en otra, no solamente en verso, pero ni en oracion soluta . . . . es imposible trefladarfe por las mismas palabras, que no fuese la mas desfabrida cosa del mundo; porque en una lengua tiene una cosa gracia, y dicho en otra por aquellas palabras, seria muy frio. Por ende a qui en todo quanto delas mesmas palabras se puede usar, se faze; pero en muchas partes se toma el sentido y intencion mas que no las palabras mesmas; alguna vez fuera del testo se pone alguna reprehension, o consejo de mio, con licencia del Dante como dicho es.*

---

Gallicae, quas nunc subnectimus, versiones ineditae habentur in codicibus Bibliothecarum Caesareae Vindobonensis et Universitatis Taurinensis. Utramque saeculi XVI. ineuntis esse partum vix dubitamus. Utriusque exemplum summae clarissimi Mugnae debemus benevolentiae. Ecce enim historiam Franciscæ Ariminensis, qualem non minore diligentia quam libera-

litate ex codice Hohendorffiano Vindobonensi No. 43, 10201\*)  
ipse exscripsit vir humanissimus :

- 70 Aprez que ieu entendu les histoires  
Des cavaliers, et des dames notoires  
Pitié me prit, et presque mescartay:  
Puis au poète ainsy ie marrestay:  
Je parlerois volontiers à ce couple
- 75 Qui a ce vent saccoumode si souple.  
Tu les priras mais quils soient aprochez  
Par cest amour qui les tient attachez.  
Si tost qua nous le vent les heut poussees,  
80 l'haussay ma voix: O ames travaillees  
Parlez à moy sil ne vous est dedit.  
Coume l'on voit fermés pousser au nit  
Les doux pigeons emportez sur les aelles:  
Des chauds desirs de leurs flames iumelles:
- 85 Alors ainsy de la bande sortis  
Vindrent vers nous ces asfligez espris:  
Si forte fut ma priere amoureuse.  
Douce personne, et vers nous gratieuse,  
Qui va ainsy par l'aer pers visitant
- 90 Nous, qui baignons te monde en nostre sang:  
A dieu nos crys sils avoient efficace,  
Nous pririons quil le donnast sa grace,  
Puis que tu as de nostre mal pitié:  
Or que le vent est un peu arrêté,
- 95 Nous parlerons, et te pourrons aprendre  
Ce que tu veux de nos discours entendre.  
Sur la marine, où le grand Po descent  
Pour avoir paix avecques son suivant,  
La terre sied, ou je pris ma paiscence:
- 100 Amour, qui vers un gentil cueur sadvance  
Prit volontiers a ce rare subiet  
Quon me ravit par un moien abiét:  
Luy qui daimer aux aimez ne pardonne  
Si fort me prit de sa belle personne,

\*) Colomb de Batines Bibliogr. Dant. I, 248., qui tamen in eo fallitur, quod  
codicem Hohendorffianum a Vindobonensi distinguendum esse putet.



- 105 Coume tu voys quil ne me quitte encor,  
 En fin amour nous conduit a la mor;  
 Caine attend qui nous osta la vie:  
 Pareil propos parvint a nostre ouie.  
 Quand ientendiz ce esprits offensez  
 110 Je clos les yeux, et les tins tant bessez,  
 Que le poete enquier de ma pensée:  
 Je respons lors quelle estoit ocupée  
 Aux beaux desirs, et aux pensers plaisans  
 Qui ont à mort tiré ces chers amans.  
 115 Puis me tournant vers eux, ainsy coumance:  
 Ton, doux martir ma Francoyse madvance  
 A larmoier dennuy, et charité:  
 Mais a louvrir de si belle amitié  
 A quoy coument amour donna il prise  
 120 Pour adviser sa douteuse entreprise.  
 Lors elle a moy, la plus grande douleur  
 Est de penser alors de son malheur  
 Au temps heureux: tu le scais bien grand Maistre.  
 Mais si tu as tant desir de cognoistre  
 125 De nos amours, le premier fondemant  
 Tu moiras coume un qui parle en pleurant.  
 Nous lisions quelque jour par delice  
 De Lancelot qui heut lamour propice,  
 Nous estions seuls, et sans aucun soubcon:  
 130 Par plusieurs fois loeil de nostre lecon  
 Fut retiré qui pallit mon visage.  
 Mais un seul point tira le premier gage.  
 Quand nous lisons le sousris doucereux  
 Quelle donna au baiser amoureux,  
 135 Cestuy de moy qui jamais ne sapsente  
 Me baise alors dune bouche tremblente.  
 Galeot fut le livre, et lescrivant,  
 Pour ce jour la ne leusmes plus avant.  
 Pendant que lun de ces esprits divise,  
 140 Lautre pleuroit tant, que mon ame esprise  
 De douleur presque arrive au dernier sort  
 Et ie tumbay coume un corps desia mort.
-

Alteram Francogallicam versionem, intercedente clarissimo Mugna, ex codice Taurinensi\*) propria manu exscripsit Carolus Baudi de Vesme, vir celeberrimus, qui quantum contulerit ad elucidandam historiam, quantum ad explendos emendandosque libros juris civilis, harum rerum peritus nemo est qui nesciat.

Je comencay alors: poete volontiers  
 Parleroye a ceulx deux qui ensemble sen vont  
 75 Et semblent estre au vent tant victes et legiers.  
 Il me dit: quant verras que plus pres nous seront,  
 Par lamour qui les maine il fault que lon les prie  
 Venir deca vers nous, et ie croy quilz viendront.  
 Si tost comme le vent vers nous les guide et plie,  
 80 Je moeuz la voix disant: o ames tourmentees  
 Venez a nous parler, si aultruy ne lenye.  
 Comme columbes vont du desir reclamees  
 Volland aleur doux nid de ferme et grand courage,  
 Ainsi les viz par laer dardant desir portees  
 85 Saillir hors de la troupe ou dido de cartage  
 Royne estoit, en venant a nous par laer maligne.  
 Lors daffectueux cry dit lune en son langaige:  
 O creature tant gracieuse et benigne,  
 Qui voullant laer perdu visiter, viens deuers  
 90 Nous qui le monde auons taint de couleur sanguine.  
 Si nous feussions amys du roy de luniuers  
 Pour ta paix le pririons cognoissant quil te prise|  
 Et que as pitie de veoit\*\*) notre mal tant peruers.  
 Doyr et de parler a nous maiz quil te plaise,  
 95 Volontiers parlerons et orrons voz propos  
 Ce pendant que \*\*\*) vent, si comme il faut †), se taise.  
 La terre ou ie nacqui a son siege et repos

\*) CXXII. l. V. 33. Cf. Pasini Codices Mss. biblioth. reg. Taurin. Athenaei p. 491. Maffei in Ephemeridib. literator. VI, 474. et in Opusculis ecclesiast. II, 1 sqq. Pelli memorie per la vita di Dante. Ed. II. p. 175. Colomb de Batines l. c. p. 247, 48.

\*\*) Lege: *veoir*.

\*\*\*) Inserendum videtur: *le*.

†) Reponde: *fait*.

- Sur la fine mer la ou lepan \*) descend  
 Pour avoir paix avec ses suiuaus et suppotz.  
 100 Amour, qui au gentil courage tost sapprent,  
 Print ung iour cestui cy de la belle personne  
 Quon me ousta, et la guise encores men offend.  
 Amour, qui a nully ayme aimer pardonne,  
 Lors me prit de cestuy plaisir tant et si fort  
 105 Quainsi comme tu voys encor ne mabandonne.  
 Amour nous a conduys ensemble a vne mort.  
 Chayne attend celui par qui fut auancee.  
 Ces motz deulx furent diz, dont ie sayz le rapport.  
 De puis lors quentendu ieuz celle ame offensee,  
 110 Je cliney le mien viz et en tant le tins bas  
 Que virgille me dit quessee quas a penser.  
 Quant ie luy respondi ie commencay: Helas,  
 Combien de doulx surpris et quants desir conduire  
 Ont faict ces deux amans a si dolozeux pas!  
 115 Puis a eulx me tourney, et me prins lors a dire:  
 Francoyse, larmoyer me font tes desplaizirs  
 Et triste et piteux suis de veoir ton gref martyre.  
 Dy moy quant premier fut le temps de doulx soupirs  
 A quoy et comme amour octroya que cognoistre  
 120 Puissiez dentre voz deux les doubtables desirs?  
 Et elle a moy: nesung plus grant douleur peult estre  
 Que le temps bienheureux recorder en misere,  
 Et cela tresbien scait le tien docteur et maistre;  
 Mais si \*\*) notre amour la racine premiere  
 125 Tu desires scauoir, hors la narration  
 Ten feray. Et plorant me dit en tel maniere:  
 Vng Jour pour passe temps et delectacion  
 Lisions de Lancelot comme amour vint lestraindre;  
 Seuls estions sans avoir de rien suspicion.  
 130 Par maintes foyz les yeulx de lun a lautre empaindre  
 Celle lecture fit et pallir nos deux viz,  
 Maiz vng seul point causa notre amour a lors joindre,

\*) Corrige: *le Po.* At ne sic quidem versus integritati suae restitutus videtur.  
 ortasse legendum: *Sur la fin de la mer.*

\*\*) Desideratur in codice: *de.*

Quant nous vimmes a lire vng tant desire riz  
 Estre baise dun tel grand et noble amoureux,  
 135 Cestui qui ne sera iamaiz de moy diviz  
 La bouche me baisa tout tremblant paoureux.  
 Galeot en fut cause et cil qui lescripuit;  
 Ce iour ne leusmes plus au liure aventureux.  
 Pendent que vng des espritz ce narre poursuiuit,  
 140 Laultre plouroit moult fort, dont pitie ien prins telle  
 Que ie mesuanouy tellement quon me vit  
 Cheoir plat comme vng corps mort, quon met dans la berell

---

Sed haec quidem hactenus. Unum, quod superest, lector,  
 ut ratio tibi demonstretur, qua in postumo PLAZZAE opere, cui  
 ultimam auctoris manum invidit mors, typis mandando actum  
 sit, illud, quasi extra provinciam a me susceptam positum, hu-  
 manissimo bibliopolae exponendum relinquo, cujus sumptibus  
 immortale Alligherii carmen Romana toga amictum jam in pu-  
 blicum procedere vides. Vale igitur studiisque nostris fa-  
 vere perge.

Scr. Halis Magdeburgicis d. XVI. Januarii MDCCCXLVIII.

CAROLUS WITTE.

**Q**uod jam superest, ratio quaedam paulo accuratior nobis reddenda videtur, quae qualisque sit interpretatio Latina **PIAZZAE**. Id necessario requiritur, partim ut lector, qua iudicium suum exerceat, regulam habeat certam ac definitam, partim ne quis, quid ipsi, munere operis illius typis describendi et divulgandi suscepto, praestiterimus praestandaque putaverimus, dubius haereat.

Prae caeteris id probe tenendum atque expendendum esse censemus, divinum **Dantis Alligherii** carmen ab initio usque ad finem peragraré mundos et supernos et infernos, quorum **Romani** nullum jam invenerant **Columbum**, et divertere in regionibus, quarum neque oram neque extremitatem radio perticaque ullus genti **Romanae** jam descripserat **Archimedes**. Quapropter **PIAZZA** Divinam Comoediam in linguam veteris Latii transferendo et versibus heroicis **Virgilianis** conscribendo non solum ardui, verum etiam paene novi quid fecisse et in arenam **Romae** antiquae plane non cognitam descendisse omnino iudicandus est.

Aliud profecto est, lectores vel auditores secum abripere in omnipotentis **Olympi** domum et introducere in **Coelicolarum**, quos **Graeci** et **Romani** colebant, coetum, quam expandere oculis animisque **Empyreï Paradisique Christiani** mysteria, qualia libri non sine afflatu divino scripti perhibent, et perlustrare ingentes **Angelorum**, **Prophetarum**, **Apostolorum**, **Martyrum**, **Sanctorum** et **Beatorum** ordines. Quis infitiri potest, multo facilius ex-

peditiusque esse deducere in Orcum et recensere Tantalo Syphosque, quam delineare loca inferna coelo Christianorum opposita, et enumerare cruciatus tormentaue eorum, qui ob vitae morumque perversitatem morte aeterna damnati habentur? Quis non mavult cum Graecis vel Latinis describere Jovem tonantem, quam significare arte sua Numen illud Veteris Novique Testamenti *ἄρρητον, ἀίδιον*, unum et trinum? Contra quis non ludibundus ex tenebris protrahet Ditem et in luce constituet Cerberum, cum dubitet, quin satis recte adumbret Satanam, criminatorem illum invidentem operibus Dei, et satis scite dicat spirituum malorum formas et ingenia? Quanto minor habetur, ut hoc addamus, viri docti contentio retegendi mythologiae commenta et exponendi de Stoicorum, Epicureorum caeterisque scholis philosophicis, quam expromendi theologiae Christianae dogmata et eruendi ex interioribus latebris recessibusque philosophiam, quam vocant, Scholasticam? Quid multa? aliud denique est stylo Romano exarare indolem saeculi cujuspiam ante Christum natum peracti, quam tractare materiam, magno temporis intervallo ab aurea Latinitatis aetate remotam, atque eam venis medullisque civitatis Christianae desumptam. Quantum in rebus, tantum in rerum formis mente conceptis sive in ideis inest discriminis, atque summam in utrisque mutationem et conversionem necessario linguam aliquantum sequi, non est quod pluribus demonstrari oporteat \*).

Quae cum ita sint, alium viri docti deprehendent Virgi-

\*) Cujus quidem rei testem se nobis offerre videtur ipse Dantes, qui interpretante Piazza (Parad. XXVI, 119 seqq.) Adamum introducit ita loquentem:

— — — Natura dat ipsa loquelam,  
 Quae sit cunque, homini; vestris vos viribus uti  
 Pro lubitu sinit. Ante Orco quam illaberer atro,  
 Et inter vestros nomen sibi summus habebat  
 Tunc Amor, unde fluunt, quae me isthic gaudia cingunt.  
 Deinde Eli est dictus, quod vestrum haud dedecet usum,  
 Consimilem in ramo frondi: dum lapsa putrescit,  
 Altera succedit.

lium, Dantis Alligherii ducem comitemque, atque illum, qui quondam cecinit pascua rura, duces, et ad eundem poetam in novis, quas agit, partibus intelligendum aliis atque antea adminiculis uti debebunt. Verum ne quis forte deterreatur, quo minus hujus Virgilio Dantem sequatur vestigia, summopere cavit interpres noster Piazza. Is enim vir, studiis humanitatis ac literarum elegantium perpolitus, nihil omnino praetermisit, quod interpretationi Latinae suae virtutem dignitatemque vindicaret, qua ad optimorum carminum auctoritatem accedere videretur. Superavit sane illud Propertianum *in magnis voluisse sat est*, neque, ut Horatii verbis utamur, onus suscepit, quod humeri ferre recusarent.

Ne vero quis illis, quae supra de indole Divinae Comediae aliud agentes diximus, in errorem aliquem inducatur, neu existimet, Dantem ipsum, quamvis tantus tamque praeclarus poeta sit, tanquam fide *ὁρθοδοξία* et Scholasticis argutiis subtilitatibusque initiatum atque imbutum, a nostrorum temporum moribus omnique nostra philosophandi et sentiendi ratione ullo modo abhorreere, neque quidquam cum caeteris nostrarum scholarum studiis et consiliis aut cum vero aevi, quo nos cum maximo vivimus, ingenio habere conjuncti cognatique, exempla aliqua luculentiora, et ea quidem ex ipsa theologia Dantea delibata, hic loci proponamus et simul, quanti sit pretii interpretatio Piazzae, quasi praelibandi causa, speciminibus quam brevissimis doceamus et firmemus.

Liceat igitur hanc in rem ex Piazzae versione repetere insignem illum Paradisi (XIX, 65 seqq.) locum, qui in ipsa pietate Christiana divinum quendam et verae humanitatis et verae philosophiae odorem spirat et luce libertatis dulcissimae animos omnium recreat:

— — Quidam Gangetide in ora  
Nascitur, atque illic nemo est, qui nomine Christum  
Compellet, neque qui doceat scribatque legatque;  
At recti huic mores, at nescia fallere vita,

Omnia facta pie, semper casta; aequa voluntas,  
 Quoad ratio humanae potuit pertingere mentis,  
 Non facti aut verbi maculavit crimine vitam:  
 Occidit, haud sacri ablutus baptismatis unda,  
 Absque fide; heu! ubi iustitia est, quae damnet eundem?  
 Aut ubi culpa huius, si nescit credere Christo?  
 Ecquis es, in cathedra qui vis considerare iudex,  
 Ut rem discutias positam ultra millia centum,  
 Vix aptus metiri oculo spatium unius ulnae? —

Quocum loco praeter sexcentos alios sententiis dictionibusque longe praestantissimos conferri meretur alter Parad. XXIX, 100 seqq. Ibi poeta eos, qui ipsius tempore in ecclesia catholica munere Apostolorum se fungi gloriabantur, ira quadam pia atque justa commotus inimicissimo dente carpit in eorumque perversam vel potius nefariam res divinas tractandi et populum Christianum turpissimis ignorantiae superstitionisque sordibus consulto et de industria oblegendi rationem vehementissime invehitur. Legimus enim l. c.:

Non dixit Christus primis, quos foedere junxit:  
 Ite et per totam nugas diffundite terram!  
 At dedit his verax fundamen; et illud in ore  
 Unum ejus sonuit, de quo sibi scutaque et hastas  
 Hi fecere sibi, luctati, accendere puram  
 Lucem Evangelii. Nostri scurrilia, lusus  
 Verborum, male salsa crepant; et dummodo abundant  
 Risus, inflatur (sola haec est cura) cucullus.  
 Ast in fasciola talis cubat ales, ut, ipsum  
 Si vulgus videat, gauderes cernere, qualem  
 Expectet veniam, cujus fiducia crevit.  
 Ob quam stultitiae tantum grassatur in orbe,  
 Ut sine teste allo cupiant quodcunque pacisci  
 Promissum. Atque ideo porcum pinguescere sancti  
 Vidimus Antoni, atque alios hoc de grege, porcis  
 Pejores, solitos non cusos pendere nummos.

Verum enimvero cum non id agamus, ut Dantem non suis modo, quos maximae temporum injuriae vexabant, aequa-



libus scripsisse, verum nobismet etiam posteris, quos tantae rerum tam civilium quam sacrarum turbae procellaeque exagitant, versus suos divinitus composuisse, uberius demonstremus, rivi jam claudendi sunt. Nae, perquam libenter longius progredieremur et in alium atque antea campum descendere-mus, ubi praesens quaedam ad vitam communem Divinae Co-moediae utilitas conspicua est, statusque societatis humanae ci-vilis, qui dicitur, multiplici modo ita illustratur et expenditur, ut propemodum nostri ipsius temporis conditiones repraesenta-tae videantur. Quapropter, quod vehementer nobis cupimus licere, id solum instar exempli addamus, divinum poemam nostrum (Parad. XIII, 97 seq.):

— — — reges designasse per orbem

Tam multos, virtus regum quam rara bonorum est,

et dolere hominum, praesertim ditiorum et potentiorum, ava-ritiam et plebem tenuem pauperemque ad incitas redigendi stu-dium (Purg. XIV, 80 seqq.):

— — O soboles humana, quid omnes

Intendis curas, inhians, quae jura vetandi

Poscunt, et quemvis consortem a finibus arcent!

et moerere miseriam pauperum et egenorum, qui jam clan-destino quodam bello confici videantur (Parad. XVIII, 115 seqq.):

Mos fuerat quondam gladiis bellare cruentis,

Nostri bella gerunt rapiendo hinc inde dolosi

Panem, quem nulli patris pia dextera claudit.

Ut denique redeamus, unde digressi sumus, atque, de pro-fanis ad sacra reversi, in extrema parte et conclusione consilii nostri non proferamus nisi dignissima divino poemate ac quasi coronam iis, quae excerptimus, imponamus, audire libeat ali-quam symboli cujusdam apostolici particulam (Parad. XXIV, 118 seqq.):

— — — Mihi creditur unicus, unus

Aeternusque Deus, qui totum haud motus Olympum

**Ipsa movet desiderio flammante et amore.  
Nec solum fecere fidem, subjecta fidei  
Quae mihi sunt oculo, vel quae scrutata profundum  
Mens humana refert, sed veri lucidus imber,  
Qui pluit hinc large, Mose fundente Prophetisque  
Et Psalmis, Evangelio turbaque probante  
Vestrorum (nam vos illum scripsistis ob ignem,  
Qui vos inseruit Divis), certusque fateri  
Sum tres personas aeternas, esseque eorum  
Sic unum trinumque, ut et *es* patiatur, et *estis*  
Conjunctim.**

Talis, qualem his exemplis audimus et cognoscimus, in tanto poeta est Piazza interpretes Latinus. Nihilominus tamen minus, qui est hominum vituperandi pruritus, erunt, qui eum hic illic sibi minus satisfecisse conclament, qui hoc illo versu minus numerose sonante minusque apte cadente offendantur, qui hanc illamve verborum constructionem nimis obsoletam, inusitatam, placitisque grammaticorum minus convenientem in iudicium vocent et damnent, qui adeo aliquid barbarismorum, qui dicuntur, sapere singula autument. Hi si bene circumspexerint et paulisper consideraverint, longe difficillimum esse et in verbis et in sententiis, quantumcunque fieri potest, poetae recentioris aevi in linguam Latinam transferendo servare fidem et eadem opera emendate eleganterque loqui; iidem, inquit, si perpenderit et secum reputaverint, ipsos viros doctissimos linguaeque Latinae peritissimos, in pangendis potissimum carminibus, fere nunquam satis tutos esse, quin quid in sermonem purum atque emendatum peccent, eique inopinantes alieni quiddam et ipsorum linguae patriae proprii immisceant, non solum aliquantum de severitate animadversionis suae remittent, sed etiam intelligant, PIAZZAM perbene probavisse, ad res diversissimas traduci posse linguae Latinae ingenium; quid, quod admirabuntur, Professorem Vicentinum in via ardua et plena periculorum tam bene stetisse, tantis difficultatibus impeditum rem suam tam fortiter gessisse et gloriosam quandam victoriam reportasse.

Jam vero neque uberius laudare PIAZZAE virtutes multiplices neque copiosius excusare labeculas pauculas nostrum esse ducimus. Id solum a nobis cum exspectari, tum postulari potest, ut cautionem quandam adhibeamus et interponamus, ne quis virorum doctorum, cum non undique omnia quam optime tornata, perfecta expletaque omnibus numeris et partibus viderit, totum opus abjiciat vel, quod justissimus quisque haberet injustissimum, abjiciendum judicet et suadeat.

Nos ipsi in libro manu scripto, priusquam typis describeretur, perraro aliquid mutare vel emendare ausi sumus, nisi quibus locis sine ulla arrogantiae nostrae suspicione et sine ulla auctoris offensione injuriave fieri potuit, aut ubi ab ipsis PIAZZAE amicis, qui tres quatuorve paginas adnotationibus suis completas in usum nostrum transmiserant, ansam corrigendi et addendi accepimus \*).

Eo magis autem haec temperandi et abstinendi ratio tenenda et prope religionis loco nobis servanda fuit, quo majore diligentia et pietate familiares PIAZZAE in opere publici juris faciendo versatos esse animadvertimus. Placuit iis nimirum singulas libri manu scripti schedulas tribus virorum nobiliorum nominibus subscriptis signare, in calce carminis id firmandae *αὐθεντίας* caussa factum esse verbis Italicis docere et, quod plus est, testimonio publica auctoritate exhibito et insignibus sigillisque magistratus Vicentini confirmato solemniter pronuntiare, apo-

---

\*) Inprimis in eo nobis elaborandum fuit, ut versus nonnulli, haud debite culpa scribarum, aut longiores aut breviores justum haberent pedum numerum et omnia regulis metricae prosodiaeque exacte responderent.

Addendi fere nulla occasio nobis obvenit, nisi *Infern.* XXXIII., ubi v. 151:

*Perché non siete voi del mondo spersi?*

exciderat. Nos ita supplevimus:

*Cur hinc justa Dei vos nondum sustulit ira?*

graphum interpretationis Divinae Comoediae Latinae manibus nostris traditum accurate et presse respondere autographo auctoris ipsius heredibus relicto \*).

Quid, quaesumus, hoc aliud est, nisi plurimis rationibus cavere et providere, ut omnia quasi angusta sanctaque habeantur, neve quid integritatis nativae colorisque ingenti depereat? Non ii sumus, qui ejusmodi pietatem negligendam putemus.

Cum PIAZZAE nusquam, quo sensu locos quosdam difficiles acceperit acceptosque voluerit, commentario commentario-love ostendere, neque usquam versibus suis notas notulasve adspargere placuerit, duas solas, quibus in toto opere obviam facti sumus, adnotatiunculas, ne quid elegantiam paginarum ty-

---

\*) Ne, quid illi *Piazzae* familiares fecerint vel facienda putaverint, dissimulare videamur, neve ignorent lectores, exempla cantolarum illarum subicere placet. In margine singularum schedarum libri manu scripti leguntur haec tria nomina:

*D. Giovanni Rossi.*

*B. Giacomo Zanella.*

*D. Paolo Mistrorigo.*

In calce libri manu scripti eadem notata videmus, quae exhibet instrumentum juridicum (ita vocare liceat), quod his verbis conceptum est:

Vicenza, li 13. tredici Febbrajo 1847 sette.

Certificano i sottoscritti che la copia della traduzione in lingua latina della Divina Comedia di Dante Alighieri fatta dal decesso Professore Abbe GASTANO PIAZZA, e da essi sottoscritti firmata foglio per foglio in data d'oggi, è pienamente conforme all' autografo di detto Prof. PIAZZA, e ciò dietro esatto confronto di essa copia col medesimo originale. In fede:

**D. Giovanni Dr. Rossi**, del fu Francesco Professore nel Seminario Vescovile di Vicenza.

**B. Giacomo Zanella**, di Adriano Professore di Filologia nel Seminario Vescovile di Vicenza.

**D. Paolo Mistrorigo**, di Girolamo Professore di Filologia e di Storia universale nell' J. R. Liceo di Vicenza.

**Mazzoni Luigi**, Testo.

**Cesare Osboli**, Testo.

Vicenza, li 13. tredici Febbrajo 1847 quarantasette.

Alla mia presenza, ed a quella dei testimonj Luigi Mazzoni, e Cesare Osboli si firmarono di proprio pugno e carattere li Sri. Professori Don Giovanni Dr. Rossi del fu Francesco, Don Giacomo Zanella di Adriano, Don Paolo Mistrorigo di Girolamo, tutti qui domiciliati, a me ed ai testimonj noti. In fede.

Clemente Carlo Dr. Barbieri fu Domenico notaio resid. in Vicenza.

pis. descriptarum ultro turbaret, neve ipsa auctoris verba oculos cujusquam fugerent, huc relegari commodissimum aptissimumque putavimus.

Prior adnotatiuncula habetur Parad. II, v. 16., ubi in antecedentibus sermo est de Dante in corpus lunae ingresso,

Ut recipit lucem fluvialis gutta cohaerens,

et deinde de naturae divinae cum humana conjunctione, quam multo majore (*ardentiore*) admiratione habere dignam deceat:

— — — multo acrius esset

Ardendum nobis mirarier illius *esse*,

Qui sibi conjunxit naturam hominisque Deique.

Commentatus est Piazza usum infinitivi esse hocce modo:

Esse pro *essentia* (quam ipsam quidem vocem Latium ignorare non ignoro) s. *natura*. Cfr. Lucret. IV, 99., ubi de speculis:

*Esse* in imaginibus missis consistere eorum.

Idem poeta habet meminisse pro *memoria* l. IV, v. 769:

Praeterea meminisse jacet languetque sopore etc.

Alteram adnotationum, de quibus supra diximus, adscriptam vidimus Parad. XVI, 84:

Et genere antiquo multos opibusque potentes.

Ibi de praetermissis in vertendo nonnullis nominibus propriis ita se excusat Piazza: Omisi hic et infra plura nomina male in Latino sonantia, ne taedium crearetur peregrina tanquam barbarica fastidientibus. Omissi sunt igitur Soldanieri, Ardinghi, Bostichi; paulo infra Sacchetti, Giuochi, Sifanti, Barucci, Calfucci, Arrigucci; item non multo post Caponsacco, Infangati. Nihil enim impedit, quo minus haec omnia absint.

Caeterum summo cum studio nobis praesto fuerunt operamque cum in plagulis a typotheta descriptis, priusquam prelo supposita prodirent, corrigendis, tum in omni editione Divi-

nae Comoediae Latinae ea, qua convenit, accuratione atque laetitia et constituenda et adornanda navarunt insignem duo viri Lipsienses, in primis eruditi bonarumque literarum peritissimi, Doctores philosophiae EDUARDUS BOENECKE, privatus Musarum cultor, et ROBERTUS GUILIELMUS FRITZSCHE, scholae Nicolaitanae Adjunctus I., quos, ne cui debitum honorem subtraxisse dici possimus, de novo hoc opere optime meritos esse, ingenue profiteamur.

Jam cum huc pervenerimus, ut nihil restet nisi vita Piazzae, quam scripsit Cl. Witte, ipsique, vicibus editoris quasi secundariis functi, omnibus officiis nostris satisfecisse videamur, hoc unum adjungere liceat, nobis praeter summam oblectationem et voluptatem, quam hujus operis cura attulit, non visum iri ullum jucundius operae praemium potuisse contingere, quam si studia haec plerisque omnibus probata divinae poesi et optimis literis fructum aliquem ferre intellexerimus.

**Guil. Ambros. Barth.**

## CAJETANI DALLA PIAZZA

### VITA.

---

**U**bi Alpes Rhaetiae a Veneto mari plurimum recedunt, situm est Schium, locuples et industrium Galliae Transpadanae oppidum. Ibi saeculi praeterlapse anno sexagesimo octavo, ultimo mensis Julii die, honestis parentibus natus est CAJETANUS DALLA PIAZZA. Primas didicit literas institutore Damiano dalla Piazza, docto pariter ac sancto sacerdote, cujus disciplina puerulum feliciorum studiorum cupiditate incendit. Deinde, divitis cujusdam municipis beneficio adjutus, inter Patavini, per totam Europam celeberrimi, Seminarii alumnos receptus, ducibus Costa, Chitesottio aliisque clarioribus ejus aevi magistris, insignem literis tam Graecis quam Latinis navavit operam. Auxit studii ardorem intima cum lectissimis aliquot condiscipulis consuetudo. Erant horum ex numero Savorinus, Clodianus postea episcopus, doctissimusque Melanus, jam Canonicus Patavinus studiique theologici in nobili illa Musarum sede director meritissimus, et Antonius Diedus, eques generosus: cum quibus omnibus amicitiae foedus mature contractum usque ad cineres sancte servavit PIAZZA. Hisce praesidiis in bonis artibus probe erudito Zagurius, venerandus Vicentinae dioeceseos praesul, literatae antiquitatis studium seminarii episcopalis auditores docendi provinciam felici delectu mandavit. Aliquanto enim post, jubente ferventissimo soli natalis amore, in patriam reversum gratus discipulorum animus obsequiumque perenne sunt prosecuti. Latius vero patuerunt inque dies prosperius cesserunt curae, quas Schii per longam annorum seriem, solis patriae utilitatibus inserviens, in juventutem instituendam bonisque moribus imbuendam toto

contulit animo. Tanto enim ardore, tanta dexteritate elegantes literas altioresque doctrinas tradidit alumnis, ab omni lucri cupiditate tam se exhibuit alienum, ut, quotquot habuerit, auditorum sibi conciliaret amorem: quorum grata memoria ne hodie quidem excidit insignis ejus in docendo evidentia, qua et abstrusiores disputationes ad omnium intellectum enodabat. Exquisitum ejus in literis judicium conformavit assidua lectio scriptorum apud Graecos et Romanos classicorum, in quorum societatem priscos etiam Italicarum literarum parentes vocandos esse censebat. A recentiorum auctorum studio semper fuit alienus, discipulosque ab eorum illecebris diligentissime prohibuit.

Interim vero adversi, qui familiam PIAZZAE affligerunt, casus novum ingratumque curarum domesticarum ei imposuerunt onus, a quo fessum animum ut aliquatenus recrearet, arduum opus Pindarica carmina Italico metro reddendi jam fere quinquagenarius suscepit susceptumque intra duorum lustrorum spatia feliciter absolvit. In Olympicis, quae solae hactenus (typis Seminarii Patavini) lucem viderunt, gravitatem Pindaricam sublimemque vatis Thebani simplicitatem optime redditam esse, Italicosque versus non solum auctoris sententiam fideliter exhibere, sed et stropharum Graecarum majestatem proxime sequi, harum rerum periti unanimi judicaverunt consensu.

Jam senescens et post propinquorum obitum fere unus ex tota familia superstes, reluctante animo patria discessit, Vicentiamque contulit larem. Discedentem communi dolore et desiderio prosequuti sunt Schiani; Vicentini novum civem parato primorum optimorumque hospitio honorificentissime exceperunt.

Sexagenario major juvenili fervore Dantis divinum carmen in Latinos transferre versus molitus est, indefessus perseveravit in operoso labore, neque destitit inceptis, nisi operis vitaeque metam iisdem fere diebus consequutus. Hoc unum erat solamen incommodae senectutis, hi conatus praebebant materiam confabulationibus cum doctis amicis, in his praecipue versabantur ejus epistolae, si quas dabat. Unum quod supererat optatum, absolutum opus usui judicioque omnium committi, vivens non impetravit. Quum enim, particula aliqua operis typis Seminarii Patavini descripta eique per discipulos congratulandi caussa oblata, jam esset in eo, ut spe sua potiretur, gravi morbo oppressus consolationibusque fidei Christianae sustentatus anno hujus saeculi quadragesimo quarto aequo paratoque animo diem obiit supremum. Ut vero Divina Comoedia Latine facta (quam Leonardo comiti Tris-



sino, viro tam generis nobilitate quam eruditione et urbanitate clarissimo, sed jam praemortuo, sacram esse voluerat) in vulgus ederetur, cura commissa est fidei nepotis.

Fuit PIAZZA statura procerus, oculis vegetis acerrimisque, gravis omnibusque spectatus, facilis quidem ad conversationem atque facundus, sed ad vitam ab hominum commercio remotam proclivior. Propriae utilitatis immemor id unum agebat, ut amicis serviret, suaeque opera alios juvaret. Summa vero integritas viri, rectum iudicium et eloquentia ad persuadendum accommodatissima raro passa sunt, ut alienis negotiis suam frustra interponeret auctoritatem. Assiduus, quo literas dilexit, amor, operosorum, quae composuit, operum praestantia, sanctitas evangelica, quam, quum concionari interdum ei contingeret, e sacro suggestu auditoribus eloquenter commendabat, illibata vitae simplicitate probavit, viventi bonorum omnium conciliaverunt affectum et observantiam, defuncto memoriam et desiderium.

---

# **I N F E R N A.**

---

1

2

3

4

5

6

7

8

9

10

11

## I.

- Vitae emensus iter medium nostrae in loca sensi  
Luco obscura nigro delapsus; nam via recta  
Exciderat mente. Heu! quam res est dura referre,  
Qualis erat silva ista, carens cultu, aspera, densa,  
5 Admonitu cujus renovat mens icta pavorem.  
Tam mihi amara venit, paulo ut plus afforet ipse  
Aspectus mortis; verum ut, quae plurima legi  
Optima ibi, enarrem, quae vidi altissima, pangam.  
Dicere nescirem, qualis me huc intulit error,  
10 Tanto ego victus eram somno, quo tempore veram  
Deserui ipse viam. Sed postquam collis ad ima  
Veni claudentis vallem, quae corda timore  
Foderat, ad Superos attollens lumina, vidi  
Jam terga istius radiis induta planetae,  
15 Qui pede inoffenso callem docet ire per omnem.  
Sic mihi tunc aliqua formido ex parte quievit,  
In cordis durata lacu, qua nocte tot aegrum  
Curae externarunt. Et ceu qui lassus anhelans  
A pelago ad ripam evasit, vada plena pericli  
20 Respicit, horrisonamque oculis obit Amphitriten:  
Sic mea, quae fugiebat adhuc, mens versa retrorsum est,  
Erratum relegens flexum, unde emergere nulli  
Vivo unquam licuit. Postquam prolapsa labore  
Membra instauravi, me per deserta viarum

- 25 Immisi rursus sic, ut pes firmior esset  
Inferior semper. Tunc paene in limine primo  
Ascensus, panthera levis rapidissima cursu  
Ecce mihi occurrit, maculoso tegmine fulgens.  
Et nunquam ante meos oculos discedere visa est,
- 30 Immo meum impediēbat iter sic, ut pede verso  
Saepe mihi gressus fuerit mens certa referre.  
Tempus erat, cum mane novo lux dissipat umbras,  
Solque ascendebat stellis circumdatus illis,  
Quas habuit secum, divi cum dextera amoris
- 35 Illa effingebat primum pulcherrima rerum;  
Ut spe sat fausta suaderet temporis hora,  
Anni et temperies dulcis, me posse potiri  
Blandam pelle feram. At non sic, ut membra pavore  
Haud mihi contremere, violenti ubi saeva leonis
- 40 Inspecta est facies. Atque hic me tendere contra  
Cervice elata, rabie stimulatus edendi,  
Ut mihi sit visus trepidare atque infremere aër.  
Et lupa cunctarum mihi visa cupidine rerum  
Ire gravata, suis quamquam vix ossibus haerens,
- 45 Quae multas gentes vita jam affixit amara.  
Tam gravis ista mihi fuerat, tam odiosa timore,  
Quem vidi ex oculis, totoque ex ore micantem,  
Ut spe deciderem potiundi verticis alti.  
Et qualis, qui quaerit opes cumulatque libenter,
- 50 Donec tempus adest, quod parta amittere cogit,  
Tota anima infelix et mente et pectore toto  
Fletque doletque simul: talem me bellua fecit  
Irrequieta adversa ruens, jam jamque repulsum  
Illuc detrudebat, ubi tacet aetherius Sol.
- 55 At dum praecipitem me collis ad ima ferebam,  
Occurrit quidam, cui longa silentia vocis,  
Quas habuit quondam, vires fregisse putasses  
Hunc simulac vidi vastae inter devia silvae,  
O miserere mei, clamavi totus in illo,

60 Quisquis es, aut corpus mortale, aut corporis umbra.

Non corpus mortale, fui hoc jam olim, incipit ille,

Me citra Eridani ripam genuere parentes.

AUSONIDUM genus his, quos Mantua protulit ambos.

CAESARE sub PHRYGIO, sed nondum principe, primas

65 Editus hausi auras. Romae dein vita peracta est

Sub miti imperio AUGUSTI, quo tempore falsos

Mendacesque Deos hominum mens vana colebat.

Atque illum vates cecini, justissimus unus

Qui fuit Anchisa natus, qui regna petivit

70 Itala, ubi Trojae fastum consumpserat ignis.

At tu cur tantum vis rursus adire laborem?

Cur animus refugit jucundum scandere montem,

Qui caput et caussa est, cur omnia gaudia gliscant?

Huic ego confessus demissa fronte pudorem:

75 Tunc es VIRGILIUS, tunc es fons ille sophiae,

Unde fluit flumen tantum? O mihi gloria vatum,

O splendor! Studium mihi longum prosit amorque

Magnus, quo impellente, tuum quaesisse volumen

Me fateor. Mihi tu es praeceptor, et auctor, et unus,

80 Unde stylum sumpsi pulchrum, quo est gloria parta.

Contemplare feram, qua propulsante refugi;

Hanc contra det opem, Sapiens, tua cognita virtus,

Nam facit ista mihi, ut venae pulsusque tremiscant.

Tunc ubi me vidit lacrimantem, haec edidit ille:

85 Longe diversum tibi oportet carpere callem,

Si vita incolumi vis saltu emergere ab isto;

Namque fera immanis, quam contra supplice clamas

Voce, obsidit iter, nec fert erumpere quemquam,

Tamque diu obsistit, quoad sternat corpora leto:

90 Atque ea naturae vis est violenta malignae,

Ut rabiem ventris nunquam satiarit, at acri

Post pastum ingluvie furiosius appetat escam.

Conjugio illa quidem sibi multa animalia jungit,

Plura etiam junget, donec canis irruat atque hanc

- 95 Angore absumat. Non isti terra, nec aeris  
Massa alimenta dabit, verum sapientia, virtus  
Atque amor. Idem intra fines, quos utraque signat  
FELTRIA, nascetur, populum et ditione tenebit.  
Illi humili Italiae, pro qua confossa CAMILLA
- 100 NISUSQUE EURYALUSQUE ET TURNUS vulnere caesi  
Procubere, erit ille salus pestemque fugabit  
Rura per et campos, donec sub tartara rursus  
Miserit, unde prius dira haec infesta trahente  
Invidia evulsa est. Quare res optima visa
- 105 Hortari, ut, quod monstrat iter mea forma, sequaris.  
Dux ero, et aeternae loca per teterrima noctis  
Hinc te diripiam: atque istic mugire videbis  
Devotas animas, frustra sua damna dolentes,  
Antiquasque umbras lugentum, ubi quisque secundam,
- 110 Horrendum frendens, compellat nomine mortem:  
Atque alias simul aspicias flammam inter et ignem  
Conflagrare sua contentas sorte, beatae,  
Adveniente die, sperantes praemia gentis.  
At si fert animus coetum conscendere ad istum,
- 115 Invenies animam meritis melioribus auctam,  
Cui te committam nostras rediturus ad oras.  
Namque ille excelsi magnus regnator Olympi  
Me legi adversum et contra sua jussa rebellem  
Urbe sua prohibet. Partes dominatur in omnes
- 120 Ille, sed hic regit imperiis; urbs illius hic stat,  
Hic alta est sedes: O terque quaterque beatum,  
Quem legit ille! — At ego: Per numen, te precor, istud,  
Quod tu non nosti, vates, da evadere tale  
Deteriusque malum. Mihi nec dux esse recusa,
- 125 Quo modo dixisti, sic ut PETRI ostia cernam,  
Et quos ipse facis tanto moerore dolentes.  
Tum praeit hic, ego pone sequens vestigia servo.

II.

Inclinata dies cedebat, et umbrifer aër  
 Mole operum in terris animalia cuncta levabat:  
 Atque ego tantum unus veniebam, ferre paratus,  
 Quid via, quid pietas mihi belli triste cieret,  
 5 Quod mens aggreditur non errans pingere versu.  
 O Musae, o vis ingenii sublimis, adeste,  
 Nunc opus auxilio est. O mens, quae visa notasti,  
 Hic tua nobilitas, hic jam manifesta patescet.  
 Tum prior, o vates, dixi, o dux, quid mea possit  
 10 Virtus, explora, num sit par ipsa, priusquam  
 Tantum iter ingrediar, cui me committere tendis.  
 Tu narras, ut adhuc mortali corpore onustus  
 Ille parens SILVI saeculum immortale petivit,  
 Idque fuit sensu. Sed si tamen omnigenarum  
 15 Nequitiarum osor fuit indulgentior isti  
 Altum animo effectum meditans, qui exsurgeret inde,  
 Et quis vir qualisve foret prognatus ab ipso,  
 Haec homini sano res haud indigna videtur.  
 Namque almae ROMAE, imperium quae terminet astris,  
 20 Legerat hunc patrem domus omnipotentis Olympi,  
 Quae urbs, quae regna urbis fuerunt, ut vera loquamur,  
 Pro sancto stabilita loco, qua sede sederet  
 Majoris PETRI successor. Propter eundem,  
 Quem numeris celebras, initum multa auribus hausit,  
 25 Unde illi est posthac victoria parta, simulque  
 Pontificale decus. Post multo se intulit illuc  
 Vas lectum, sancti repletum flaminis igne,  
 Vir, per quem illa FIDES dux prima et vera salutis  
 In mediis curarum undis solamen haberet.  
 30 Ast ego cur veniam? Quis dat? Non TROIUS heros,  
 Non ego sum PAULUS, neque ego hoc me munere dignum,  
 Nec quisquam credit. Quare si audacia certa est  
 Ire, nimis vereor, ne sit dementis; acuto



- Tu vir es ingenio, et praevertis dicta loquentis.  
35 Et qualis, qui post renuit, si qua ante volebat,  
Propositisque novis permutat prima, retroque  
Tota mente abiens absistit: sic ego in illo  
Restiteram obscurus saltu, atque hic multa volutans  
Consilia inceptu tam festinata reliqui.
- 40 Magnanimi tunc illa viri sic umbra locuta est:  
Si bene te audiui, excordi mens laesa timore  
Est tua, saepe hominem qui ludit imagine inani  
Sic, ut honorato trepidum deflectat ab auso,  
Ceû fallax cum visus equum formidine terret.
- 45 Hac animum ut solvas cura, nunc dicere aperte,  
Quae sit caussa viae, incipiam, quaeque auribus ipse  
Audierim, tua cum miserans discrimina novi.  
Stabam suspensos inter, mulierque beata  
Pulchraque me accivit verbis, talique ferebat
- 50 Se vultu, ut sponte hortarer sua promere jussa.  
Fulgebant oculi majore ardentius astro,  
Angelicoque suas clare dedit ore loquelas,  
Suave sonans: O tu, quo gaudet MANTUA mater  
Corde, anima, humano, tu, cujus fama per omnes
- 55 Durat adhuc terras, perduratura, diurnas  
Nocturnasque vices dum dividet orbita solis:  
Quem mihi junxit amor, mea non fortuna, locorum  
Deserta impediunt sic, ut formidine victus  
Terga det. Ac timeo, ne hunc haud vitabilis error
- 60 Depulerit cursu, ac sero post temporis horam  
Mota loco properem, auxilium latura labanti,  
Ut modo ego audiui in coelo. Quare ocus illuc  
Nunc perge, eloquioque tuo, quaque arte salutis  
Huic poteris monstrare vias, hac utere, opemque
- 65 Affer, ut in tantis capiam solamina curis.  
En, quae te mitto, sum isthuc delapsa BEATRIX;  
Ipsa loco exivi, quo est ardor ferre regressum:  
Cor mihi movit amor, qui talia verba ministrat.

Coram rege meo, cum sit data copia, de te  
 70 Plurima saepe loquar laudans. — At ubi ora repressit,  
 Sic coepi: O mulier praestans, o unica, dixi,  
 Per quam progenies hominum supereminet omne,  
 Quidquid habet coelum, minimo quod vertitur axe,  
 Tam jucunda meis tua sunt jussa auribus, ut si  
 75 Ista exhausissem, tarde parere viderer;  
 Nec labor ulterius tibi sit aperire, quod optas.  
 Verum age dic, quare haud refugis descendere in istud  
 Centrum urbe ex ampla, quam tu ardes rursus inire.  
 Respondit: Dicam breviter, cur absque timore  
 80 Huc intus veniam, rerum cognoscere causas  
 Si tibi tantus amor. Solum sunt illa timenda,  
 Quae natura subest mala, visque parata nocere;  
 Caetera non, in eis quia nulla est causa pavoris.  
 Gratia summa Deo, qui me tam pectore forti  
 85 Fecerit, ut nullo vestrorum angore malorum  
 Tangar, nec lacus hic flammaram laedere possit.  
 Stat super astra poli, ingenio veneranda benigno,  
 Femina, quae miserata vicem dolet indupediti,  
 Ad quem te mitto, Superum ut durissima frangat  
 90 Judicia; atque haec LUCIAM adit, sat multa rogando,  
 Atque ait: Ille tibi fidissimus indigus errat  
 Nunc opis auxiliique tui, quem supplice voce  
 En tibi commendo. At tristis, genus omne perosa  
 LUCIA saevitiae, mota est, atque intima venit  
 95 In loca, ubi antiquae RACHAELI juncta sedebam,  
 Et sic est affata: Dei laus vera, BEATRIX,  
 Cur non ipsa juvas tanto hunc tibi amore propinquum,  
 Nobilis ut per te incedat vulgaria spernens?  
 Non te hominis miseret sua tristia fata dolentis?  
 100 Nonne vides medio luctantem in turbine mortis  
 Juxta amnem Oceani spernentem jura superba?  
 Nemo unquam sua lucra sequi, aut vitare paratus  
 Sic fuit in terris manifesti incommoda damni,

- Sicut ego, has postquam percepi pectore voces.  
105 Atque huc descendi, coelesti sede relictâ,  
Eloquio confisa tuo, quo splendida fama  
Parta tibi atque his, qui cupide tua dicta biberunt.  
Haec ubi fata fuit, lacrimans fulgentia vertit  
Lumina, ut incensus studio properantius irem,  
110 Teque, jubente illa, petii docuique cruentam  
Declinare feram, jucundi quae breve montis  
Contendebat iter tibi. Quae ergo caussa morandi?  
Quid stas? cur tantum servas sub corde timorem?  
Quo tibi nunc animus, quo nunc vis libera cessit?  
115 Cum tres hoc splendore pares meritisque beatae  
Matronae tibi prospiciant ex aethere summo?  
Cum tibi promittant tantam mea dicta bonorum?  
Ceus flos, qui gelido per noctem humore gravatum  
Demisit caput oclusus, ubi candidus illum  
120 Sol pingit jubare, erigitur totusque patescit:  
Sic ego convalui, virtus ubi lassa refecta est,  
Atque ea tunc animum tenuit fiducia nostrum,  
Liber ut has traherem pacato corde loquelas:  
O pia, quae auxilio mihi venit, tuque, benigne  
125 MINCIADÉ, qui haud indocilis parere fuisti,  
Tecum veridico simul haec est ore locuta:  
Tu desiderio veniendi pectora tanto  
Nostra cies fando haec, ut prima incepta reposcam.  
Nunc perge, amborum namque una et certa voluntas;  
130 Tu dux, tu dominus, tu doctor. Sic ego dixi,  
Utque ille incessit, silvestria et alta petivi.

## III.

Per me externatam moeroribus itur in urbem;  
Per me itur dolitura aeternum in regna dolorem;  
Per me itur deploratae inter saecula gentis.  
Justa ira artificem supremum moverat, unde

- 5 Principium mihi. Me fecit divina potestas,  
 Et sapientia summa, et primi flamen amoris.  
 Nulla prior me res, praeterquam aeterna, creata est,  
 Aeternumque mihi est status immutabilis. Omnem,  
 O vos, qui intratis, spem ponite. Talia nigris  
 10 Vidi scripta notis, quas janua fronte gerebat.  
 Quare ego: Praeceptor, visus mihi durior horum  
 Est sensus, dixi; ast ille, ut vir mente sagaci,  
 Hic ait, est opus ancipitis genus omne timoris  
 Subjecisse tuis pedibus. Devenimus illas,  
 15 Quas dixi, sedes, ubi erit spectare dolentes,  
 Quae animae et cordis summa est amissa voluptas.  
 Sic ille, implicuitque manum, vultuque sereno  
 Solatus comitem penetralia ad abdita duxit.  
 Hic flentum gemitus audiui, pectore ab imo  
 20 Singultus ducti resonare per aëra coecum  
 A stellis, fluere ut lacrimis in limine primo.  
 Multiplices linguae, horribili stridore loquelaë,  
 Luctifici questus, ululatus ore frementum,  
 Voces altisonae, at fractae, mistaeque fragore  
 25 Pectora plangentum palmarum murmure circum  
 Assiduo aëra pulsabant sine tempore nigrum,  
 Ut spirante solent agitatae turbine arenae.  
 Ast ego, cui caput erroris caliginē stabat  
 Cinctum, quaesivi: Quidnam hoc, quod verberat aures?  
 30 Quidve hic est gentis, quae tanto victa videtur  
 Moerorum fluctu? Tunc ille: Miserrima fata  
 Ista manent animas nequam, quae pectore inerti  
 Opprobrio expertem atque expertem laude trahebant  
 In terris vitam. Aligerum sunt agmine pravo  
 35 Immixtae, a summo quae haud descivere tonante,  
 Non satis huic fidae, at pro se. Has dejecit Olympus,  
 Propter eas ne pulchra minus coeli aula maneret;  
 Non illas Orci claustra accepere profunda,  
 Ne qua malae ex ipsis manaret gloria turbae.

- 40 Atque ego: Praeceptor, quid tam grave cogit amaras  
Hos ire in lacrimas, tamque altos edere fletus?  
Ille: Brevi dicam. Haud spes his se posse dolorem  
Per mortem finire datur, tenebrosaque vita  
Horum adeo abjecta est vilisque, ut cuilibet ipsi  
45 Alterius sorti invideant. Non nomina mundus  
His superesse sinit, non hos clementia, non hos  
Justitia indignans curat. Me mitte negantem  
Plura loqui super his, sed raptim prospice et ultra  
Fer gressus. Oculis lustranti currere signum  
50 Visum est, tamque cito converti, ut nulla quietem  
Causa videretur suasisse. Exercitus ingens  
Pone sequebatur tam densus, tam ordine longo,  
Ut vix millia tot mortem absumpsisse putassem.  
Noscenti quosdam speculantique illius umbra,  
55 Grande ministerium qui detrectaverat excors,  
Objecta est. Subito patuit, manifestaue visa  
Res fuit, illorum hoc hominum genus esse probrosum,  
Quorum est pertaesum Superis atque hostibus horum.  
Haec misera, haud ullo quae unquam gens tempore vixit,  
60 Nuda erat et valde praegrandibus exstimulata  
Muscis, vesparumque acubus, quaeis carcer abundat.  
Illae signabant his ora cruore cadente  
Ante pedes, mistum lacrimis quem examine denso  
Infesti vermes, foedissima turba, legebant.  
65 Cumque ultra aspicerem, magni prope fluminis undam  
In ripa stantis vidi multa agmina vulgi.  
Quare ego: Praeceptor, nunc id concede roganti,  
Ut discam, qui sint, quae lex, quive efficit usus,  
Ut sese ostendant tam avidos transmittere cursum,  
70 Quoad mihi per tenuem datur internoscere lucam?  
Omnia cognosces, dabitur cum sistere gressum,  
Dixit, coenosi tristes Acherontis ad oras.  
Tunc ego, luminibus demissis, ora pudore  
Suffudi, metuens ne hunc ulteriora gravarent,

75 Et nigri ad usque amnis ripam ora silentia pressi.

Atque ecce antiquo nos contra tendere canus  
Crine Senex vectus cymba, et procul increpitare:  
Vae vobis, animae pravae. Spem ponite, coelum  
Visuras vos esse unquam. En ducturus ad oram

80 Oppositam venio atque aeternae noctis ad umbras,  
Aestum inter glaciemque. Et tu, quae vesceris aura,  
O anima, abcede hinc atque istos morte peremptos  
Desere. At ut vidit me stantem, talibus infit:

Ire vias alias, alios tibi quaerere portus

85 Est opus, ut ripam tangas; hinc ire facultas  
Nulla datur; levior pinus te vectet oportet.

Cui dux pauca: CHARON, ne saevi. Nam illa potestas  
Vult ita, cui facere est, quod vult, et plura rogare  
Desine. Lanosas liventis navita stagni,

90 Talibus auditis, jussit requiescere malas,  
Cui circumfusus ardebant lumina flammis.

Tum vero illae animae lassae nudaque colores  
Mutavere suos, ac dentibus infremuere,  
Haec simulac feriere aures crudelia dicta.

95 Atque Deo pariterque suis maledicere et omni  
Humano generi, tempusque locumque suosque  
Detestari ortus et semen seminis, unde  
Ipsis vita fuit. Deinde omnes agmine junctae  
Venere ad tristem, magnis ululatibus oram,

100 Quae scelerata manet, spernentia pectora numen.

His oculo flammante CHARON nigri arbiter amnis  
Innuvit, atque animas examen cogit in unum;  
Si qua stetit cessans, hanc remi verbere pulsat.  
Ac veluti frondes autumnii frigore primo

105 Juxta alias aliae propria gravitate feruntur

Decussae, donec telluri reddidit omnes  
Divitias spoliata arbor: sic semen ADAMI  
Perversum; ex ripa ruit una atque altera, et una  
Post aliam ad nutum, ut revocantum ad signa volucres.

- 110 Atque ita conscendunt stagni vada livida, et ante  
Quam primae egressae glauca exponantur in alga,  
Hinc ex opposita rursus nova copia parte  
Contrahitur. Mihi tum ductor comisque magister:  
Fili, si qua inimica Deo haud placaverit iram  
115 Illius, intereaue ipsam mors occupet, una-  
Quaeque anima ex omni terrarum huc convenit ora,  
Et properat transire amnis vada lenta, premente  
Ultore, ut desiderii huic timor induat alas.  
Nulla anima hinc transit sceleris pura, integra vitae;  
120 Quare si qua tibi est audita querela CHARONTIS,  
Per te scire potes, hujus quid verba sonarent.  
Haec ubi dicta dedit, nigra caligine tincta  
Tam graviter tremuit regio, ut percussa timore .  
Mens sudore riget revocanti talia vultum.  
125 Ventosum efflavit tellus laetrimosa fragorem,  
Atque coruscavit rubicando lumine fulgur,  
Quo sensus omnis mihi copia victa recessit,  
Procubuique viro par, cui sopor occupat artus.

## IV.

- Altum terrifico tonitrus mihi murmure somnum  
In capite abruptit, commoto, ut quem excitat ictu  
Vis improviso, cessataque lumina circum  
Stans movi, intentaue acie omnia collustravi,  
5 Quae loca me acciperent, vestigans. Vera fatebor.  
Tartareae vallis me tristis ripa tenebat,  
Horrendum resonans ululatibus infinitis.  
Tetra, alta ac densa nebularum obsessa caterva  
Sic erat, ut, quamvis defixum immittere visum  
10 Viscera in ima loci conarer, nulla facultas  
Cernere mi dederit quidquam. Tum talia toto  
Vultu pallescens coepit mihi dicere vates:  
Hic nos obscuri in coecum descendimus antrum.

Incedam primus, mihi tu comes ito secundus.

15 Atque ego, mutati qui legi signa coloris,  
Dixi: Qui veniam, si tu formidine palles,  
Tu dux, tu hortator dubitanti? Talia contra  
Ille mihi: Istorum hac extrema in parte jacentum  
Angor sic illam pietatem pingit in ore,

20 Quam tu pro metu habes. Pergamus, nam via longa  
Cogit. Ita immisit sese et me prima subire  
Claustra orbis jussit, barathro qui cingitur illo.  
Quantum illic audire fuit, pro murmure flentum  
Nescio quid gemebundi inerat, quo aeterna sonabat

25 Aura tremens. Hoc cura ciet cruciatibus expers  
Cordi haerens turbae, quae multa et nomine clara  
Infantumque aderat matronarumque virumque.

At mihi praeceptor: Tu nondum nosse laboras  
Umbrarum genus hoc, quas est spectare facultas?

30 Ante volo discas, quam tendas gressibus ultra,  
Has esse immunes culpa. Quod si qua merentes  
Evexit virtus, non sat fecisse putanda est;  
Namque isti haud fuerunt sacro de fonte renati,  
Per quem porta patet Fidei, quam pectore servas.

35 Quod si praecessere aevo, quod foedere Christi  
Religio sanxit, nondum coluere supremum,  
Ut decuit, numen, quos inter versor et ipse.  
Has propter maculas, ullo sine crimine vitae,  
Hic plebs deplorata sumus, nulloque dolore

40 Laesa, nisi optatis quod tandem posse potiri  
Nos spes nulla manet. — Cum talia verba loquentem  
Audiui, ingens pervasit dolor intima cordis:  
Namque ego praestantes fama, et virtutibus altis  
Novi homines ora suspensos degere in illa.

45 Dic mihi, praeceptor, rerum tutela mearum,  
Tunc coepi, si quem tulerit sincera voluntas,  
Nosse Fidem, genus erroris qua vincitur omne,  
Numquid fas isti fuit evasisse vel ullo



- Ipsius alteriusve hominis merito, inque beatis  
50 Postea conciliis sedit? — Tunc ille, loquelam  
Obscuram ut sensit, placido sic ore profatur:  
Incola adhuc novus hic aderam, cum intrare potentem  
Aspexi quemdam gestantem signa triumphi.  
Hinc umbram primi is traxit genitoris, et ABEL  
55 Isto prognatum, dein cum LAMECHIDE MOSEM,  
Et populo dare jura suo et parere paratum;  
ABRAHAMUMQUE patrem, et DAVIDEM sceptrā gerentem;  
ISRAEL, illiusque patrem, natosque RACHELEMQUE  
Uxorem, pro qua longos tulit ille labores;  
60 Atque alios numero multos, fecitque beatos.  
Nec non id moneo te, aeternam evadere mortem  
Nulli unquam ante illos licuisse, fruique salute.  
Nec tamen ire pedes cessabant, fante poeta,  
Et Silvam ingredimur, Silvam tot millibus, inquam,  
65 Umbris confertam. Hinc a summo culmine ripae  
Non tam aberat gressus, cum vidi albescere flammam,  
Quae coeci valuit semiorbis vincere noctem.  
Nec tantum intererat spatii, ut non discere possem,  
Saltem ex parte aliqua, gentem, quae possidet illas  
70 Sedes, conspicuis clarescere honoribus auctam.  
O tu, unde omnigenis doctrinis venit honestas,  
Artibus omne decus, quaenam haec gens splendida tanta  
Nobilitate, aliis cui fas praestare fruique  
Conditione alia? — Tum sic ille ora resolvit:  
75 Grande horum nomen, quod vestrum personat orbem,  
Efficit, ut Superi hos tali dignentur honore.  
Interea subito unanimis mihi fertur ad aures  
Vox ea: In obsequium summo consurgite vati,  
Illius umbra redit, quae se his subduxerat oris.  
80 Ut vox conticuit, vidi tunc tendere contra  
Quattuor aspectuque et forma corporis umbras  
Augustas, illis nec erat frons laeta, nec ulla  
Tristitiae signata nota. At dux optimus inquit:

Ille, viden' illo ense insignis, qui tribus anteit,  
 85 Incedens ut rex, Epicorum maximus ille est  
 MAEONIDES; FLACCUS satyrarum conditor alter,  
 Tertius it Naso, LUCANUS pone propinquat.  
 Nomine quisque uno nam mecum convenit una,  
 Quod vox concrepuit; certant mihi solvere honorem  
 90 Invidia vacui, et laudem pro laude reportant.

Sic ego praeclarum vidi concurrere coetum,  
 Quem docuit princeps divini carminis ille,  
 Supra quemque volans, veluti Jovis armiger ales.  
 Atque ubi multa simul tenui dixere susurro,  
 95 Me circumfusi nutu salvere jubebant.  
 Gratus ad haec illis subrisit signa magister.  
 Plus quoque me ornarunt, dignati includere eodem  
 Me numero, ut sextus tantis cum vatibus irem.  
 Atque ita progressi, lampas qua lucida monstrat,  
 100 Plura loquebamur, quae nunc reticere decorum est,  
 Non secus atque ubi tunc aderam sermonibus uti.

Nobilis ad turris radices venimus imas,  
 Quae septemgemino stabat circumdata muro  
 Alte assurgente. Hunc ambit pellucidus amnis,  
 105 Accessu prohibens. Ausis transmittere cursum  
 Unda viam stravit, duro ut terra arida tergo,  
 Hisque sophis mistus septena per ostia gressum  
 Intuleram, et multis in prata recentia rivis  
 Devenisse fuit. — Tarde graviterque tuenti  
 110 Gens oculo hic aderat, quae magnam se ore ferebat,  
 Raros suaviloqua sermones voce locuta.  
 Exstantem cepi secessum in parte reducta,  
 Campus ubi immisso prospectum lumine apertum  
 Praebet, ut adversos legerem cunctosque notarem.  
 115 Hic mihi, dum arrectus viridanti in gramine stabam,  
 Magnae sunt animae ostensae, quas semper habere  
 Ante oculos mihi erit justissima caussa triumphii.  
 Vidi ire ELECTRAM, magna comitante caterva,

HECTORA quos inter novi ANCHISAQUE creatum,  
120 CAESAREM et armatum, suffusum vulturis instar  
Igne oculos. METABI natam cum PENTHESILEA  
In parte opposita vidi, solioque LATINUM  
Regem insidentem; lateri LAVINIA adhaeret.  
Vidi illum BRUTUM, qui depulit urbe Superbum;  
125 Non oculis sese LUCRETIA, JULIA nostris,  
MARTIAVE abscondunt; praesens CORNELIA. Solum  
Vidi seposita SALADINUM in parte sedentem.  
Altius attollens oculos considerare vidi  
Philosophos inter, qui cunctos maximus auctor  
130 Imbuit edocuitque sophos, qui scire putantur.  
Hunc et suspiciunt omnes et laudibus omnes  
Hunc onerant magnis; sed SOCRATEM itemque PLATONEM  
Ante alios istum propius consistere vidi.  
DEMOCRITUM, casu qui vult excistere mundum,  
135 DIOGENEMQUE et ANAXAGORAM vidique THALETEM,  
EMPEDOCLEM atque HERACLITUM, ZENONIS et umbram,  
Atque DIOSCORIDEM, quo non praestantior alter,  
Inspicere in rerum naturas. ORPHEA vidi  
Et MARCUM, vatemque LINUM, SENECAMQUE magistrum  
140 Morum; tum terrae numeroque carentis arenae  
Mensorem EUCLIDEM, PTOLEMAEUMQUE, HIPPOCRATEMQUE.  
Non AVICENNAE, non defuit umbra GALENI,  
Non AVERROIS magno conamine functi.  
Haud ego cunctorum percurrere nomina possem,  
145 Namque operis longi series sic urget, ut acta  
Saepe minus valeam multis comprehendere verbis.  
Hic sextum in geminas partes se dividit agmen,  
Atque aliud per iter sapiens me ductor agebat,  
Extra sepositae tranquilla silentia silvae,  
150 In loca, ubi aura tremit, regionem luce carentem.

## .V.

- Sic orbe ex primo descendimus, inque secundum  
 Venimus, ampla minus loca complexum, atque doloris  
 Plus tanto, afflictae animas cogentis acute  
 More canum ingemere. Hic Minos stat, et horridus ore  
 5 Ringitur; hic culpas venientum discit, eosque  
 Judicat, et pressos mittit, prout ipse revinxit.  
 Nam male nata anima ut coram stetit, ipsa fatetur  
 Omne genus vitae. Tunc is, qui crimina novit,  
 Quae loca tartareis sit digna habitare sub antris  
 10 Inspicit, ac toties sese glomeramine caudae  
 Cingit, quot gradibus demersam degere jussit.  
 Semper circumstant hunc multae adeuntque vicissim  
 Judicium, causas orant, sententia coram  
 Auditur; tum praecipites sub Tartara aguntur.  
 15 O tu, qui hospitium lugentum intrare laboras,  
 (His, ubi me vidit, verbis est Gnosius usus,  
 Grande ministerium abrumpens) cave, et aspice, quali  
 Fretus ope huc venias, aditus nec te ampla profundi  
 Ostia decipiant. — Dux contra talibus infit:  
 20 Quid tandem inclamas? Fatali desine, Minos,  
 Velle istum prohibere via; namque illa potestas  
 Vult ita, cui facere est quod vult, et mitte rogare  
 Ulteriora. Modo auditu miserabile carmen  
 Incipit, inque locum modo veni, ubi plurimus aures  
 25 Percellit plangor. Stant omni a lumine mutae,  
 Quas sumus ingressi, valles mugitibus ictae,  
 Ceu mare turbatum, simul in contraria versi  
 Bacchantur venti. Qui miscet Tartara, turbo  
 Tempore nunquam ullo consistit agitque rapina  
 30 Correptas animas, torquetque icitque molestus.  
 Ut ventum ante oras altae immanisque ruinae est,  
 Hic stridor, fletusque simul tristisque querela:  
 Hic execrari terrae coelique potentem.

- Haec animae. Utque illas audiui dicere laesas,  
105 Demisi vultum, et tenui tam lumina terrae  
Fixa diu, dum inquit vates: Quid mente revolvis?  
Huic ego, ubi potui, contra: Heu! quot dulcia sensa,  
Quot desiderii fluctus duxere dolorum  
In tantum has, barathrum! Tandem conversus ad ipsas  
110 Os solvi, coepique: Tui, FRANCISCA, dolores  
Me tristem atque pium faciunt, et fundere largos  
Compellunt fletus. Sed dic: Quo tempore dulcis  
Expressit tacito suspiria pectore cura,  
Tunc amor unde dedit, et quomodo noscere vota  
115 Cordis in ambiguo trepidantis? At illa: Doloris  
Vis nulla est major, quam, mole premente malorum,  
Commemorare dies olim feliciter actos,  
Idque tuus doctor non ignorare videtur.  
At si tanta tuo primam cognoscere amoris  
120 Radicem nostri sedit sub corde cupido,  
Id more efficiam flentis, pariterque loquentis.  
Forte legebamus, curantes solvere mentem,  
Ut LANCELOTUM violentia vinxit amoris:  
Soli securique metus stabamus. Utrumque  
125 Ille liber lectus persaepe attollere adegit  
Lumina in alterius vultum, mutatque colorem;  
At subito punctum nos vicit temporis upum.  
Nam simul optati ridentia legimus oris  
Labra virum tantum labro pressisse tenaci  
130 Oscula figentem, hic, quem a me nemo abstrahet unquam,  
Oscula corripuit, nostroque pependit ab ore  
Usque tremens. Fuit ille liber GALEOTUS, et ipse  
Scriptor. Post illam ulterius non legimus horam.  
Altera tum dabat has voces umbra, altera flebat.  
135 Mi pietas motu concussit pectora tanto,  
Ut, quasi jam morerer, virtus vitalis abiret,  
Et cecidi, ut corpus vitae procumbit inane.

## VI.

Ut mihi mens rediit, quae sese obstruxerat ante  
Cognatorum umbras geminas, quia plurima sensus  
Tristitia pietas mihi perturbaverat omnes;  
En nova poenarum facies, nova forma luentum  
5 Poenas, quocumque incessum, quocumque studerem  
Vertere me, quocumque oculorum lumina ferre.  
Devenioque locos, ubi saevit tertius orbis  
Vi pluviae aeterna, sacra, gelidaque gravique,  
Cui modus usque suus, novitas cui nulla. Ruebat  
10 Agmen aquae tinctae, et solida nix grandine mista  
Aëra per densum nigra formidine coecum.  
Exhalat saevam tellus imbuta mephitin.

Bellua crudelis diversaque, CERBERUS, ore  
Tergemino latrat furibundi more molossi,  
15 Damnatiss instans, quos mergit vasta vorago.  
Sanguinei huic oculi, stat barba huic uncta, colore  
Foeda atro, venter latus, manus hispida, adunco  
Ungue umbras lacerat, glubensque in frusta resolvit.  
Has imber cogit questu exululare canino:

20 Nunc lateris laevi defendunt objice dextrum,  
Nunc dextri laevum. Volvunt sic se usque profani.

Nos ubi prospexit magnus draco CERBERUS, ora  
Pandit, et ostendit stantes denso agmine dentes.  
Nullum quod sineret membrum consistere, habebat.

25 Tum dux extendit palmas terramqueprehendit,  
Et manibus plenis inbiantis misit in ora.  
Utque canis, quem dira fames latrare coegit,  
Dum mordet pastum correptum dente, quiescit,  
Id tantum spectans pugnansque, ut devoret escam:

30 Lurida sic monstro est facies mutata trifauci  
Obtundenti animas ita, ut obsurdescere malint.

Imbre gravi domitas nos praeterlabimur umbras,  
Et vanas hominis vivi sub imagine formas

Calcamus. Stabant hic omnes undique stratae,  
35 Tantum una excepta, quae mox se arrexerat atque,  
Ut nos intrantes vidit, se in sede locavit.

Tu, qui per valles Plutonis duceris istas,  
Me internosce, inquit, si scis. Tibi vita, priusquam  
Me mors destrueret, superas fuit edita in oras.

40 Huic ego respondi: Qui te sic conficit angor,  
Sic a mente mihi te forte abducit, ut unquam  
Haud te oculis videar vidiſſe. At fare vicissim,  
Qui sis, tantorum qui in tristia lustra malorum  
Missus es, ac jussus tam diram pendere poenam,

45 Ut, si quid majus, nil sit odiosius ista?  
Atque haec conversus contra, Me floridus Aënus,  
Ille refert, genuit tuaque urbs repleta veneno  
Invidiae tanto, ut superans pleno effluat alveo,  
Me tenuit secum, dum arrisit vita serena.

50 Vos appellastis cives me nomine Porcum,  
Quod dederat damnosa gulæ mihi culpa; sub imbre  
Frangor, ut ipse vides. Sed non ego solus in isto  
Supplicio, at similem ob noxam mugire videbis  
Hos omnes. Sic is, non ultra. Ego talibus illum

55 Aggredior: Dolor iste tuus me ita praegravat, ut me  
Lugere hortetur. Sed dic, si est scire potestas:  
Quo cives urbis studia in contraria scissae  
Devenient? Num quis justus? Da discere caussam,  
Cur hanc dissidio invasit discordia tanto.

60 Is mihi: Defuncti longo certamine ad arma  
Concurrent, caedemque, et pars silvatica partem  
Adversam male mulcatam compellet abire.  
Ante sed occiduus quam trinum expleverit orbem  
Sol, opus est, ut et ipsa cadat, pars altera praestet

65 Unius auxilio, qui nunc se fingit amicum;  
Attolletque diu frontes, et pondere duro  
Victricam premet, haec quamquam indoleatque frematque.  
Justi sunt bini, at nemo est, qui commoet aures

- Istorum monitis. Fastus, livorque, sitisque  
 70 Auri scintillae sunt tres, quae corda perurunt.  
 Hic interruptit lacrimabile carmen. Ego illi:  
 Id quoque me doceas, cupio, et ne discere aventi  
 Ulteriora neges. TEJAJIUS et FABINATA,  
 Illi ita praestantes meritis, et RUSTICULORUM  
 75 Progenies JACOB, HENRICUS, MUSCA, cohorsque  
 Caetera, tam ardentes hanc per benefacta mereri,  
 Dic, ubi sunt? Horum fac des mihi noscere vultus;  
 Namque ingens animum mihi stringit scire cupido,  
 Utrum illos coelum beet, an styx atra venenet.  
 80 Isque: Animas inter mage nigras. Nec genus unum  
 Noxarum, at varium fontes dejecit in ima.  
 Hos tu, si inferiora queas penetrare, videbis.  
 At tibi cum dabitur dulces evadere ad auras,  
 Fac jubeas, quaeso, nostri meminisse sodales;  
 85 Nullum ultra verbum tibi, nec responsa remitto.  
 Tum rectos oculorum orbes distorsit acerbe,  
 Me inspexit paullum atque exin caput inclinavit,  
 Atque simul cecidit reliquorum examine mistus  
 Coecorum. — Tunc MINCIANES mihi talia ductor:  
 90 Non huic praeterea secedet pectore somnus,  
 Ante tuba angelico quam personet omnia signo,  
 Tempore quo adveniet pravis inimica potestas.  
 Exin quisque suum inveniet sibi triste sepulchrum,  
 Induet atque sibi carnem propriamque figuram;  
 95 Quae semel intonuit sententia, tandet et aures  
 Aeternum. — Sic tardigradi loca per nigra, mista  
 Colluvie umbrarum et pluviae, processimus ultra,  
 Tangentes vitam, haud longo sermone, futuram.  
 Hic ego: Praeceptor, dixi, anne haec ipsa tenore  
 100 Supplicia augescent aliquo post magna Tonantis  
 Judicia aeterni? Numquid mitescere poenae  
 Incipient forte, an miseros sic acriter urent?  
 Ille mihi: Quae olim didicisti, mente revolve;



Singula plus tanto vim gaudi vimque doloris  
 105 Sentire, haec quanto sunt perfectissima tota.  
 Quamvis id nunquam gens haec devota futurum  
 Speret, ut ex vero perfecta exurgere possit,  
 Illinc plus, quam istinc tamen hoc expectat et ipsa  
 Sic nos progressi in gyrum confecimus orbem,  
 110 Multa simul fantes, iterum quae dicere parcam,  
 Inque locum ventum est, qui dat descendere ad ima.  
 Hic nos PLUTONEM, magnum illum invenimus hostem.

## VII.

Hau SATANA, hau SATANA, umbrarum suprema potestas!  
 Rauca voce fremens coepit PLUTO. At sophus ille  
 Comis, quem nihil effugit: Tibi ne timor obsit  
 Iste tuus, dixit me solaturus; ut ille  
 5 Possit, non tamen hac descendere rupe vetabit.  
 Conversisque oculis in spumea labra tumentem  
 His infit contra: Cohibe, lupe pessime, vocem,  
 Cumque tua rabie interius te confice. Nostrae  
 Non deest caussa viae, per quam nigra regna subimus.  
 10 Sic placitum est alto, MICHAEL stuprum unde superbum  
 Ultor dejecit. — Veluti turgentia vento  
 Vela plicata cadunt, ubi tandem frangitur arbor:  
 Haud aliter pressit crudelis bellua terram.  
 Sic simul in quartum lapsi descendimus antrum,  
 15 Et loca metimur ripae interiora dolentis,  
 Tot mala, quot fuerunt totum grassata per orbem,  
 Condentis. Proh juste ultor, quis congerit unquam  
 Tot nova supplicia et poenas, quas fervere vidi?  
 Et quisnam noster sic nos male dissipat error?  
 20 Ut supra pelagus Siculum, quod vasta CHARYBDIS  
 Obsidet, incurrente unda, quae frangitur unda:  
 Haud aliter nostrae vulgus simulacra ciere  
 Cogitur hic riddae. Haud alibi mihi copia visa est

Tanta magisve frequens. Magnis ululatibus illi,  
25 Hinc inde obnixa volventes pectore moles,  
Sese caedebant adversi, atque huc ubi ventum est,  
Quisque pedem referens clamabat pectore toto :  
Quare parta tenes? Quare tu projicis? et sic  
Undique ad oppositam partem se quisque ferebat  
30 Tetrum orbem repetens, solito et convicia versu  
Ingeminans. At ubi medium confecerat orbem  
Altera, conversus certamina inire parabat.  
Atque ego percussus quodam quasi vulnere mentem:  
Praceptor, dixi, mihi nunc ostende, quid istud  
35 Sit gentis? quos nudus apex, detonsaque in orbem  
Insignit cutis, ane omnes ex ordine sacro  
Hi laevi? Dum vita fuit, transversa tuentes  
Hos mala mens rapuit cunctos, dispendia quorum  
Haud novere modum, dixit; quod carmine claro  
40 Vita sonat, cum puncta duo tetigere nigrantis  
Orbis, ubi disjungit eos contraria culpa.  
Queis nudat tonsura caput, hi, dum alma manebat  
Vita, sacerdotes fuerunt, et cardine in alto  
Fulgentes astro patres, primaque tiara,  
45 In quibus est bacchatus amor vesanus habendi.  
Rursus ego: Hos inter tamen et mihi nosse licebit  
Quosdam, qui fuerunt immundi hac labe malorum.  
Is mihi: Vana tuo nequidquam pectore volvis.  
Quae turpavit eos, male cognita, sordida vita  
50 Omnem notitiam involvit caligine coeca.  
Aeternum opposita duo proelia fronte ciebut.  
Hos palma adducta tumulis exire videbis,  
Hos tonsos. Male sueta dare, et male sueta tenere  
Dextera eos pulchri fraudavit lumine mundi,  
55 Misit et in talem luctam: quae quantaque gliscat,  
Nunc neque ego ornatis, neque multis versibus edam.  
Fili, nosse brevem quam ludant haec bona ludum  
Fortunae commissa potes, mortalia tanto

- Pectora quae miscent motu; nam divitis auri  
60 Quidquid inesse potest lunae sub lumine, quidquid  
Aut fuit, ex istis unam, quae lassa labore  
Umbra gemit, minima haud posset donare quiete.  
Tum sic aggredior: Mihi dic quoque, care magister,  
Dic mihi: Fortuna haec, cujus meminisse videris,  
65 Quidnam est, quae omne bonum mundi sic possidet una?  
O mentes hominum stultas! sic incipit ille,  
Quanta premit laeditque animos inscitia rerum!  
Nunc avide arripas vellem, quae pectore fundo.  
Is, cujus transit cunctos sapientia fines,  
70 Effinxit coelos, ductores et dedit illis,  
Ut pars quaeque horum splendorem effundat ubique,  
Distribuens aequae radiantis semina lucis.  
Non secus humanis splendoribus ille ministram,  
Atque ducem instituit generatim cuncta moventem,  
75 Quae, cum tempus erit, bona inania permutaret  
A gente ad gentem, atque ab origine sanguinis una  
Deductura alio, prudentum vana virorum  
Conata eludens. Quare nunc imperat ista,  
Altera gens languet, prout stat sententia tanti  
80 Iudicii, quod cuique latet, velut anguis in herba.  
Nequidquam obniti contra sapientia vestra  
Contendit; namque invigilans ea providet, atque  
Judicat, imperiumque suum et sibi credita regna  
Persequitur secunda aliorum, more Deorum  
85 Non haec mutandis dat pausam sortibus ullam:  
Ordinis aeterni lex hanc jubet ire citato  
Cursu. Ita saepe venit, nova qui festinat apisci.  
Haec illa est, multi quam adeo torquentque premuntque,  
Criminibusque probrisque onerant nil tale merentem,  
90 Queis potius laudanda foret. Verum illa beata  
Nil audit: reliquo mista agmine Coelicolarum,  
Laeta suam volvit sphaeram, gaudetque beata.  
Tempus inire aliud magis lamentabile regnum

- Jam venit, jam praecipitant, quae sidera coelum,  
 95 Primum ubi sum molitus iter, conscendere vidi;  
 Nec mora longa datur. — Sic nos rescindimus orbem,  
 Oppositamque oram petimus, quae prominet amplum  
 In fontem, qui fervet aqua, seseque refundens.  
 In fossam irrumpit, quae humorem sumit ab illo.  
 100 Plus multe obscuri referebat lymphæ coloris,  
 Quam rubri. Tunc nos, gilvis comitantibus undis,  
 Praeruptum per iter successimus. Alta paludis  
 Stagna, *STYGA* appellant, triste effecere fluentum,  
 Unda ubi nigrantum est claustris illapsa malignis  
 105 Riparum. Tum qui cupide speculatus acutos  
 Contendebam oculos, vulgus miserabile vidi,  
 Nudum membra, fimo demersum turpiter illo,  
 Et vultu offenso. Illi inter se proelia miscent,  
 Nec manibus tantum, sed vertice, pectore, plantis.  
 110 Caedebant sese obtruncantes dentibus artus.  
 Tum mihi praeceptor: Fili, nunc aspice, dixit,  
 Illorum hic animas, quas vicerat impetus irae,  
 Idque simul jubeo te certo credere, turbam  
 Hisce subesse vadis suspiria corde trabentem,  
 115 Quae spumarum aestus in summa suscitât unda.  
 Ut tibi testatur visus, quocumque pererret.  
 Defixi limo dicunt: Super aëra dulci  
 Sole hilarem fuimus tristes, qui pectore lentum  
 Impacati edii fumum compressimus, at nunc  
 120 Moeremur sub faece nigra. Hoc in gutture carmen  
 Quisque sibi mussat, neque enim est potis edere totum.  
 Sic stagni immundi magnum peragravimus arcum  
 Ripam inter siccam foedamque putredine fossam,  
 Conversi ad turbam sordes haurire coactam.  
 125 Tandem ad radices turris devenimus altae.

## VIII.

- Dico ego, quo coepi pergens, multo ante praealtae  
Quam murum turris vestigia nostra subirent,  
Ad summum nostros oculos ivisse cacumen  
Ob faculas geminas, quas poni vidimus, atque  
5 Respondentem aliam longinqua in parte locatam,  
Indicium, quod vix acie usurpare dabatur.  
Quare illum aggressus, cujus sapientia abundat  
Ceum pelagus, dixi: Quid vult flamma ista? quid illa  
Respondet? quinam accendere? — Loquelas  
10 Ille dedit tales: Per flumina lurida coeno  
Jam tibi cernenda est res expectata, modo illam  
Non celet limi surgens vapor ater in altum.  
Haud unquam repulit tanta vi corda sagittam,  
Quae levis oppositas currendo raderet auras,  
15 Ut parvum vidi per aquas nos tendere contra  
Navigium, imperiis unus quod nauta regebat,  
Qui sic clamabat: Venisti, anima improba, tandem? —  
O PHLEGIAS, PHLEGIAS, nequidquam hoc tempore clamas,  
Respondit mihi qui stabat dominusque comesque,  
20 Tu nos tantisper, dum coeno eximus, habebis.  
Qualis ubi audita damnum gravitate molestum  
Deceptus discit, paullo post indolet illi:  
Talis erat PHLEGIAS collecta turbidus ira.  
Dux cymbam ingressus me juxta accedere jussit,  
25 Atque ea visa fuit me tantum onerata recepto.  
Sed simulac pressi pandam cum vate carinam,  
Prora antiqua secans plus fluminis ibat aquosi,  
Quam solet ex quo homines transportat tetra fluentia.  
Mortua dum nigri stagni vada currimus, ecce,  
30 Occurrit quidam coopertus sorde, fimoque,  
Atque ait: O quis es, ante diem qui huc advenis? Illi  
Sic ego: Si advenio, haud maneo: at quem, ita turpiter ora  
Membraque foedatus, te dicis? Talibus ille:

- Cernis ut ipse, unum de flentibus. Huic ego contra:
- 35 O anima execranda, tuo fletu atque dolore  
 Hic maneat; ego te novi, licet horrida totam  
 Te tegat illuvies. Tunc ambas ille tetendit  
 Ad puppim palmas, quod ubi videt, impete magno  
 Illum dejecit praeceptor, talia fatus:
- 40 I procul hinc, reliquoque canum te examine misce!  
 Exinde ipse suis cinxit mihi colla lacertis,  
 Osque ori jungens: O indignate protervos,  
 Illi, inquit, bene sit, quae te talem tulit alvo.  
 Ille fuit, vestro dum vixit in orbe, superbus:
- 45 Nil virtutis inest, aliqua quod laude rependat  
 Opprobrium; quare furiosa hic infremit umbra.  
 Quot modo apud vestros sublimes se esse putabunt  
 Reges, qui veluti porci hac sub valle jacebunt  
 Obducti limo, post mortem horrenda suorum
- 50 Sibila vertentes in se, populiue cachinnos!  
 Hic ego: Praeceptor, modo fert me dira cupido  
 Hunc mersum liquido coeni spectare sub illo,  
 Stagna prius quam sint nobis superata paludis.  
 Lumina pascendo, dixit, satiabere, erisque,
- 55 Ante tibi siccum quam detur tangere litus,  
 Mox compos voti, et referes haec gaudia tecum.  
 Post paullo aspexi coenosae illa agmina plebis  
 Talibus hunc contra, tantisque insurgere probris,  
 Ut superos laudem, nec parcam his solvere grates.
- 60 Clamore horrissona cuncti insultare PHILIPPO  
 ARGENTI. Stolidus FLORENTINAE furor umbrae  
 In se conversis sibi rodere dentibus artus.  
 Liquimus hic illum, nec carmine compellabo  
 Amplius. At mihi tum quidam dolor impulit aures,
- 65 Quare aciem intendo, protentaque lumina pando.  
 Praeceptorque bonus: Fili, se proxima sistit  
 Urbs, inquit, manes quam dicunt nomine DITEM,  
 Cui numero immensum est gravibus cum civibus agmen.

- Huic ego: Praeceptor, jam turres, altaque tecta  
70 Illic vallem intra videor mihi cernere certo.  
His rutilus color est, lucem et velut ignea mittunt.  
Isque mihi: Aeternus, quī has turres excoquit, ignis  
Ostendit rubras, ut in ima hac valle videre est.  
Fas fuit et nobis fossas intrare profundas  
75 Tristem vallantes terram. Mihi moenia visa  
Ferre. Circuitu cum longo, cūque recursu  
Venimus in partes, ubi clamans navita fortis:  
Exite, infremuit, patet hic ingressus in urbem.  
Tum vero multa, immo plus quam millia vidi  
80 Coelo lapsorum, corde indignante, rogatum:  
Hic quidnam est hominis, cui vivo contigit ire  
Regna per absumptae ferali funere gentis?  
Sed tunc praeceptor sapiens stans annuit illis,  
Nescio quid, se velle loqui ac demittere in aures.  
85 Tum vero gravis ira stetit compressa parumper  
Fantibus: Huc venias tu solus, et ille recedat,  
Haec regna ingressus tanto temerarius auso.  
Ille insana retro repetat vestigia solus:  
Experietur iter, si scit, nam hic ipse manebis.  
90 Volve animo, lector, quali mens nostra pavore  
Conciderit, simulatque haec me sententia diris  
Percussit verbis, ut nunquam posse putarem  
Inde referre pedem. O mihi dux carissime, dixi,  
Plus vice septena mihi reddito sponser, et obses  
95 Cognite in inhumani vitae discrimine, cum me  
Contra obsistentem docuisti evadere pestem,  
Ne me sic linquas desertum, atque omnium egenum.  
Quod si iter alterius nobis tentare negatur,  
Nos raptum pariter vestigia nostra petamus.  
100 Tum vero ille potens, qui me perduxerat illuc:  
Pone metum, dixit. Nulli est concessa potestas  
Nos prohibere via, quam nunc contendimus ire:  
Usque adeo dantis supereminet omnia virtus.

Sed fac me hic maneat, prostratamque erige mentem  
 105 Et spe pasce bona; haud te ima in tellure relinquam.

Sic dulcis pater it, meque isthic deserit. Ipse  
 Pendeo in ambiguo. Menti pugna aspera surgit,  
 Spemque metumque inter trepido, maneatne, reduxne  
 Se mihi restituat. Quid dixerit ille, nequivi

110 Audire. At non ipse diu permanserat illic  
 Hos juxta, namque inde cito pede quisque recurrit;  
 Inque mei pectus clausurunt ostia vatis  
 Isti hostes nobis. Stetit ille exclusus, et ad me  
 Se pede convertit lento. Defixa tenebat

115 Lumina humi, atque supercilii fiducia rasa  
 Omnis erat, tum corde ciens suspiria ab imo:  
 Quis mihi, dicebat, moerentia lustra negavit?  
 At mihi: Parce metu, si me turbaverat ira;  
 Namque ego ero melior tanto in certamine, quidquid .

120 Cogitet adversans, urbem quae turba tuetur.  
 Nec nova mi surgit devotae audacia gentis;  
 Hac est usa minus secretae in limine portae,  
 Quae sera adhuc expers manet. Haec est scilicet illa,  
 Scripta ubi legisti ferali fusca colore.

125 Et jam citra illam clivo delabitur alto  
 Transiliens orbes, nullis ducentibus, unus,  
 Quem propter nobis pandetur janua Divis.

## IX.

Is color, exterius quem mi socordia pinxit  
 Terga ducem his dantem cernenti, effecit, ut ipse,  
 Quem subito induerat, citius compresserit intus.  
 Constitit intentus sonitum captantis ad instar;  
 5 Namque aër fuscus nubesque obducta tuenti  
 Longius ire oculos prohibet. Tum talia fatur:  
 Haec vincenda tamen nobis est pugna: nisi si ....  
 Talis erat, quae ostendit opem ... Sed quam mihi lentum



- It tempus, dum se his quem demoror applicet oris?  
10 Illum ego sat sensi extremis texisse priora;  
Ultima nam fuerunt non respondentia primis.  
Sed tamen incussit fandi ratio illa timorem,  
Cum detorsissem, quae tum imperfecta reliquit.  
Verba in deterius forsā, quam est ille locutus.
- 15 Tristis in hunc fundum conchae num quis ruit unquam  
Incola primi orbis, cui sola est poena, salutem  
Haud sperare ultra? Quaesivi. Talibus ille:  
Accidit id raro, ut quisquam nostri ordinis istud  
Tentet iter, quod sum molitus; at ipse fatebor
- 20 Huc me devenisse olim, cum dira coegit,  
Ad sua quae manes revocabat corpora, ERICTHO.  
Carne exutus eram pridem, cum Thessala jussit  
Murum intrare illum, JUDAEQUE ex orbe reductam  
Protrahere ad Superos umbram. Locus infimus ille est
- 25 Maxime, et offusus nigra formidine, abestque  
Maxime ab aetherea, in gyrum quae corripit omne  
Inclusum, sphaera. Bene novi signa viarum.  
Aude ergo. Ista palus, saevum quae spirat odorem,  
Ambit tristem urbem, quo jam penetrare sine ira
- 30 Non erit. — Haec et multa super fuit ille locutus,  
Quae mens oblita est; nam me mea lumina totum  
Traxere ad celsae candentia culmina turris.  
Illicet hic vidi pariter tres pectore recto  
Contra insurgentes suffusas sanguine DIRAS,
- 35 Femineos artus gestumque habitumque ferentes.  
Illas caeruleae sinuosis orbibus hydrae  
Cingebant, et pro crine anguiculi atque cerastae  
Exstabant, quibus horrebant fera tempora vincta.  
Atque is, qui famulas, quibus est stipata ministris
- 40 Regina aeterni luctus, bene noverat, inquit:  
EUMENIDES specta, fera corda. Est dira MEGAERA  
Haec latere in laevo; ALECTO, quae dextera luget;  
TISIPHONE media est. Hic facta silentia linguae.

Quaeque sibi ungue sinum pariter laniabat et ora.

45 Palmis percussae clamoribus adsilvere

Talibus, ut premere ad pectus mihi suaserit ingens

Terror ductorem. — Simul omnis turba sororum:

Adveniat Gorgon, sic, sic immobile saxum

Hunc faciemus, ait despectans infima claustra.

50 THESEA pugnantem contra male non sumus ultae

Pro facto. — Averte os, et fac, tua lumina clausa

Contineas; sua nam si ostenderit ora MEDUSA,

Ac tu spectaris, Superos tibi nulla petendi

Copia in aeternum dabitur. Verba ista magister

55 Edere, et ipse mihi visus avertere, nec sat

Confidisse mea, propria ni conderet ipse

Lumina nostra manu. Vos o, queis sana vigensque

Mens est, accipite haec animis discenda pudenter,

Quae veniunt velo numerorum oblecta novorum.

60 Jamque propinquabat per caligantia stagna

Horrisonus fragor, a quo late atque eminus ambae

Contremuere orae; veluti si unquam ingruit aestu

Ventus ab adverso, qui praeceps impete magno

Irruit, atque ferit silvam ramosque revellit,

65 Projicit abreptos ac dissipat, itque superbus

Pulveream nubem volvens, gentesque ferarum

Pastoresque gregesque fuga dispergit agitque.

Tum mi oculos solvit dixitque: Huc dirige robur

Visus, qua cernis spumis canescere fluctus

70 Illuc, fumus ubi densatus acerbius urget.

Ceu ante infestum chelydrum longo agmine ranae

Vanescunt per aquas cunctae, dum quaeque reperta

Stipat se terra: sic plus quam millia vidi

Umbrarum extremis moeroribus eversarum

75 Diffugere ante virum, sicco pede qui ostia propter

Flumen transibat STRYGIVM. Removebat ab ore

Aëra concretum, praetendens saepe sinistram;

Qui tum visus erat tantum lassatus ab aestu.

Tum bene mi patuit demissus ab aethere summo  
80 Nuncius, atque oculis coepi spectare magistrum,  
Qui nutu iussit me sistere poplite flexo.  
Oh, quantum irarum est mihi visus prodere vultu!  
Portam adit et virga, nullo obsistente, reclusit.

O coelo pulsi, gens despectissima, in atro  
85 Limine dicebat, quo haec tanta audacia crevit?  
Quid contra arbitrium mentis pugnate supernae,  
Cui vis nulla valet, quem vult, abrumpere finem,  
Et quae vos poena saepe asperiore gravavit?  
Quid prodest urgere haud eluctabile fatum?  
90 Cerberus hic vester, jam vos meminisse potestis,  
Gestat adhuc mentum et tria guttura vellere nuda.

Deinde viam ad foedam gressus deflexit et ultra  
Haud ullum nobis signum; sed talis abibat,  
Qualis, cui pectus longe diversa remordet,  
95 Quam quae cura premit, sua quos videt ora tuentes.  
Nos, simulac sanctas emisit pectore voces,  
Terram securi petimus, nulloque vetante  
Intulimus gressus. Ego, qui cognoscere avebam,  
Quaenam conditio vallo includatur in illo,  
100 Huc simul intravi, stans omnia circumspexi.

Planitiem vidi longe lateque patentem,  
Et luctu et diris cruciatibus omnia plena.  
Sicut apud ARELAM RHODANI stagnantis in ora,  
Sicut apud POLAM, sinus unde Liburnicus aequor  
105 Prospicit, ITALIAM quod claudit, et alluit undis  
Illius fines, tota est variata sepulchris  
Tellus; hic talem faciem locus undique habebat;  
Excipe quod luctus hic plus erat atque doloris.  
Namque arcis suberat flammae vis torrida passim,  
110 Quam propter tanto candebant marmora ab aestu,  
Ut nulla ars cogat sic ferri ignescere massam.  
Cuncta impendebant suspensa his tegmina, et inde  
Alti erumpebant gemitus, duraeque querelae

Testantes miserae ac domitae fata aspera gentis.

- 115 Hic ego: Praeceptor, gens haec, quae inclusa profundo  
 Illorum sese tumulorum ex carcere prodit,  
 Nomine quo nota est? Ille autem: Hic haeresiarchae,  
 Cum grege quisque suo, stant, quorum copia abundat,  
 Hasque onerant arcas plus quam te credere dignum est.  
 120 Parque pari hic junctus tegitur, monumentaque ab igne  
 Plusve minusve calent. Hic postquam laevus abire  
 Is coepit, tormenta inter transimus et alta  
 In gyrum erecto maeniana exstantia muro.

X.

- Angustum per iter, murum inter Ditis et inter  
 Supplicia, incedit doctor meus, atque ego juxta  
 Post terga, incipioque: O virtus summa, nefandos  
 Quae me per circos, quo visum est, arbitra ducis.  
 5 Effare, atque meis indulgens annue votis:  
 Fasne est per tumulos populum spectare jacentem?  
 Omnes namque patent, nec custos assidet ullus.  
 Omnes claudentur, dixit, cum quisque redibit  
 JOSAPHAT a valle, et supera ossa relictæ sub aura  
 10 Sumpserit. Hic proprio loca designata sepulchro  
 Cum doctore tenent EPICURI de grege alumni,  
 Qui statuunt animam cum corpore morte resolvi.  
 Quare hic cuncta cito fient manifesta roganti,  
 Et desiderio pariter, quod dicere mussas.  
 15 Huic ego respondi: Bone dux, quae corde voluto,  
 Haud celo, nisi pauca licet quia verba profari,  
 Quod vice non una, te praecipiente, paravi.  
 O THUSCE, igniferam qui praeterlaberis urbem  
 Vivus adhuc ita honesta loquens, tibi sistere gressum  
 20 Hic placeat: tua nam te prodidit ipsa loquela  
 Illa gente satum, quam patria nobilis edit,  
 Cui fortasse fui nimium nimiumque molestus.

Hunc subito sonitum ex arcis emiserat una.

Quare ductorem propius, suadente pavore,

25 Accessi. Ille autem mihi: Respice; quid facis? inquit.

Cerne FARINATAM, qui sese arrexit, et adstat,

Pube tenus totum videas. Jam fixa manebat

Hujus in os acies oculi, cum pectus et amplam

Sustulit is frontem, veluti si Erebumque Chaosque

30 Temneret indignans: tum vero animosa levisque

Dextra ducis tumulos contra me impellit ad ipsum,

Sic fando: Tua sint numerata ac libera verba.

Utque steti ante arcam, paullum me lumine lustrat;

Deinde quasi iratus: Quibus es majoribus ortus?

35 Dixit. Ego, qui aderam cupide parere paratus,

Id non celavi, nitide sed cuncta retexi.

Triste supercilium tum sustulit ille parumper,

Atque inquit: Gens vestra mihi primisque meorum

Atque meae genti fuit acriter aversata;

40 Bis ideo hanc fudi. Huic contra: Si fusa profugit,

Bis tamen huc rursus reditum tulit undique; at istam

Non bene noverunt vestri artem. Hic umbra recluso

Busto alia assurgens, mento tenus exserit ora

Hunc propter. Genubus se, credo, innixa levarat.

45 Huc illuc volvens oculos, totumque pererrans

Visu me tacito, stetit, ut qui noscere averet,

Num quis venisset mecum. Ut frustrata tuentem

Spes est, illacrimans: Si hoc coecum carceris antrum

Sublimi ingenio fretus perlaberis, inquit,

50 Natus ubi metus est? Quianam non adstat et ipse

Tecum? Ego tunc illi: Non per me haec regna subivi;

Est mihi dux, illi qui praestolatur, et ille est,

Cujus fors vester despexit carmina GUIDUS.

Et verba et ratio poenae mihi nomen aperte

55 Hujus prodiderant; quare sic plena remisi

Responsa. Isque statim totum se arrexit et inquit:

Heu, quid ais, vester despexit? An ille superstes

Non est? Illi oculos non icit amabile lumen?

Nonnihil ut sensit me respondere moratum,

60 Recidit inversus, nec protulit amplius ora.

At vero ille alter spectandus pectore celso,

Pro quo constiteram, vultum haud mutare, nec hilum

Cervicem indomitam motare aut flectere corpus.

Si male (in incepto perstans) didicisse feruntur

65 Hanc artem nostri, id vero me saevius urit

Quam meus hic lectus, sed quinquaginta regressam

Haud videas vicibus dominam loca nostra regentem,

Ille inquit, cum per te disces ipse vicissim,

Quam gravis ars ea sit. Superas elapsus in oras

70 Sic aliis praestare queas, da noscere caussam,

Cur in quaque sua sit gens illa impia lege

Sic nostris. — Ego ad haec: Strages et magna ruina,

ARBIA quam volvit rubro saturata colore,

Has resonare preces nostrum jubet undique templum.

75 Isque ubi quassavit caput, imo pectore ducens

Singultum, dixit: Sed non ego solus in illa,

Nec me certe aliis socium, nisi caussa fuisset,

Iunxissem. Verum ipse fui, qui solus ibidem,

Cum FLORENTINAM pateretur caetera turba

80 Urbem deleri, sum ausus defendere coram

At tu, sic olim tuto gens vestra quiescat,

Orans quaesivi, ne istum mihi solvere nodum

Abnuē, quo nunc implicita est sententia nostra.

Si bene ego audiui, visa est mens vestra videre

85 Ante, quod adducant labentia tempora posthac,

Ast aliter quod adest. Nos, laesi lumine ad instar,

Quae procul a nobis distant, ventura tuemur;

Dux supremus adhuc hoc nobis lumine splendet,

Inquit, sed quidquid propius succurrit adestve,

90 Fallit continuo mentem praesentium inanem;

Et nisi quis doceat, res vestras scire nequimus.

Conjicere hinc tibi erit, nobis ut tota peribit

- Vis cognoscendi, postquam sit clausa futuri  
 Janua. — Tum veluti percussus corda dolore  
 95 Ob culpam, dixi: Lapsa illi tu ista reporta  
 Dicta, suum natum vivis conjunctum agere aevum.  
 Quod si muta illi mea tunc responsa fuere,  
 Effice, ut ille sciat, me jam secus esse putasse,  
 Mentis ob errorem nuper te fante solutum.
- 100 Alloquio me jam ductor revocabat ab illo:  
 Quare ipsum oravi multo properantius, ut me,  
 Altera si qua sibi conjuncta sit umbra, doceret.
- Plus quam mille jacent hic mecum, ait ille; *secundus*  
 Hic intus FRIDRICUS, et ostro splendidus olim  
 105 Ille jacet positus princeps in cardine celso,  
 Et reliquos sileo. Dein totum se abdidit arca.  
 Ast ego ad antiquum verti vestigia vatem,  
 Evolvens quae verba mihi sunt hostica dicta.
- Ille pedem ante tulit, dein pergens talia fatur:  
 110 Quare sic trepidus? Dixi explevique rogantem.  
 Cuncta audita, tibi contraria, mente reposta  
 Stent solida, jussit sophus ille, modo arrige ad ista  
 Consiliumque animumque tuum, digitumque levavit.  
 Cum dabitur praedulce jubar tibi cernere coram
- 115 Illius, pulchra quae oculorum luce tuetur  
 Cuncta, tuae vitae cursum tibi scire per ipsum  
 Fas erit. Haec vates, pedibus dein laeva petivit.
- Sic nos deserimus murum, mediumque tenemus  
 Urbis iter valli respondens, unde mephitis  
 120 Invisum usque illuc mittebat virus in ora.

## XI.

Praecelsae extremam ripae conscendimus oram,  
 In gyrum quam rupta dabant ingentia saxa,  
 Institimusque magis diras stipantibus arcis  
 Poenas. Atque hic horribili superante putoris

5 Afflatu, barathri quem eructant claustra profundi,  
Ad superimpendens immani accessimus urnae  
Tegmen, ubi legere est: Hic Papam ANASTASIUM intus  
Servo, Phoronus quem avertit tramite recto.

Nunc descendendum est tarde, ut modicum ante mephiti  
10 Triste exhalanti sensus assuescere possint;  
Dein pergamus iter securi. Haec ore magister.  
Tunc ego: Quaere aliquid, dixi, quod damna rependat,  
Incassum ne tempus eat. En scilicet istud  
Volvebam, ille inquit, verbis et talibus inquit:

15 Fili, tergeminus intra saxa ista minores  
Esse orbes scito, decrescentesque gradatim,  
Ut quos nunc linquis. Sunt omnia plena scelestis  
Haec loca damnatis; verum ut cognoscere aventi  
Sit tibi sat spectare semel, nunc accipe, quare  
20 Quoque modo hi pressi jaceant. Injuria finis  
Nequitiae omnigenae est, Superorum quae excitat iram.  
Hujus et omne genus finis contristat amara,  
Seu vis seu fraus est, laesorum pectora sensu.  
Sed quia fraus propria est hominis, plus taedet acerbe

25 Numen. Propterea labuntur in ima dolosi  
Tartara, poenarumque illis crudelior imber  
Ingruit. At primus violentos distinct orbis  
Totus; sed quia forte potest illata referri  
Vis ad tres, ternos in circos septus et apte  
30 Exstructus fuit. In regem omnipotentis Olympi,  
In se ipsum, inque sibi similes insurgere posset  
Vi quisquam, dico in caput horum, resque domumque,  
Ut te, si advertas, ratio manifesta docebit.

Mors solet inferri per vim, per vulnera saeva  
35 Vitae; fortunis per cladem, incendia, raptus  
Damna infigentes. Quare qui corpora mactat,  
Quique ferex caedit, populator, onustus abacta  
Qui exultat praeda, cuncti torquentur in orbe  
Primo, digesti in classes, et habent sua septa.



40 Fit quoque, ut in se aliquis violentus saeviat, aut res  
In proprias; quare est par, septi ut in orbe secundi  
Frustra poeniteat, qui vestris se expulit oris,  
Qui indulget ludo atque aes fortunasque profundit,  
Fletque, ubi jucundam posset producere vitam.

45 Est inferre Deo vim, si quis corde negaret,  
Hunc esse in coelo, et maledicta atque impia verba  
Hunc contra effundat, naturam spernat et hujus  
Ingenium, auctifica bonitate juvare paratum.  
Septum ideo minimum SODOMAE imprimit atque CAORSAE  
50 Signum, spernentique Deum corde, ore fatenti.

Fraudem, cuncta suo quae rodit conscia morsu  
Pectora, tendit homo, cum hos et cum decipit illos  
Credentes nimis, atque ipsum, qui nomina scripta  
Non jacet in loculos. Ratio haec postrema videtur  
55 Altera mors homini, ob vinclum, quod provida nectit  
Natura. Hinc nidum sibi ponit in orbe secundo  
Religio simulata, loquens mellita, nocensque  
Arte maga, tum falsa serens, furtisve potitus,  
Qui sacra mercatur SIMONIS more profani,

60 Leno, deceptor, similisque his sordida labes.  
Ast aliud fraudis genus illum spernit amorem,  
Quem natura creat, tum qui super additur, unde  
Priva fides manat. Quapropter in orbe minore,  
Est ubi terrestris compagis seque rotantum

65 Sphaerarum centrum, cui Dis super insidet ingens,  
Consumptus jacet aeternum, quicumque malignus  
Prodit. Ego vero dixi: Sat clara, magister,  
Haec tua fit ratio, et recte distinguere visa est  
Hoc barathrum et populum, qui possidet; at mihi solve

70 Hunc nodum: Illae animae, quas pingua stagna paludis  
Claudent, quasque agitant venti, et quas verberat imber,  
Quaeque sibi occurrunt tam acri certamine linguae,  
Cur non candenti potius torquentur in urbe,  
Si Deus has odit? Sin contra est, tam aspera poena

- 75 Cur ipsas vexat? — Tunc is mihi talia reddit:  
 Cur praeter solitum deliras pectore toto?  
 Mens quo abiit? Num te fugiunt, tua quae ethica tractat,  
 Verbaque, ubi signat triplex genus ingeniorum,  
 Quae coelum haud patitur: suadentum inhonesta, ruentum
- 80 In Venerem aut in nequitiam, insanumque furorem  
 More ferae? Utque Deo minus est injuria praeceps  
 In Venerem rabies, speciem acquiritque minorem  
 Opprobrii? Illa tibi si haeret sententia, et illam  
 Si bene perpendis; memori et si mente recenses,
- 85 Respondit, qui sint extra urbem solvere jussi  
 Poenas, tum bene cognosces, quae separet illas  
 Causa grege a pravo istorum, et cur lenius illam  
 Excruciet gentem iudex regnator Olympi.  
 O sol, qui morbum turbati luminis omnem
- 90 Sanas, sic animum comple, quaesita resolvens,  
 Ut mihi non secus ambigere, ac dignoscere per me  
 Sit volupe. At retro quoque nunc te verte parumper,  
 Dixi, illuc rediens, ubi dicis foenus amorem  
 Laedere divinum, nodumque resolve. Poeta
- 95 Sic: Attendentem sophiae doctrina docebit  
 Passim a mente suum naturam ducere cursum  
 Divina, tum et ab arte sua. Bene sique notabis,  
 Quae tibi Aristotelis physicis traduntur, et ista  
 Si bene perspicias, multas evolvere chartas
- 100 Non erit, inveniesque, omnes contendere vires  
 Vestram artem, ut sese naturae accommodet, illam  
 Usque sequi, a vetere ut discentis cura magistro  
 Nunquam digreditur. Quare est ars vestra putanda  
 Paene Dei neptis. Porro per utramque necesse est
- 105 (Usque a principio Genesin si mente revolvis),  
 Aevum agere atque opibus vestram ditescere gentem.  
 Et quia qui crescit positus in foenore nummis,  
 Diversum molitus iter, praepostera captat,  
 Per se naturam spernit, perque ejus alumnam,

110 Spes sibi proponens alias, ac totus in illis.

Sed jam carpe viam mecum; juvat ire, micantes  
Jam coelum ascendunt pisces currusque Bootis  
Impendet Cauro totus; tum lenius illic  
Ardua praeruptae descendit semita rupis.

## XII.

Ille locus, quo nos lapsuri ex margine ripae  
Venimus, asper erat, tum ab eo, qui insederat illic,  
Talis, ut aspectu quivis horresceret audax.

Non secus ac rupes illa convulsa ruina,

5 Ob quam *ATHËSI*, citra fines illapsa *TRIDENTI*,  
Impulit in latus, aut quia vi succussa resedit  
Terra tremens, aut quod deerat fultura labanti;  
Vertice enim a celso montis, qua ex parte recessit  
Mota, ad planitiem cautes sic nuda rigeat,

10 Tantum aliquam ut daret illa viam loca summa tenenti.

Haec erat ex illo descensus copia saxo,

Inque apice abruptae ripae infamia *CRETAE*

Strata erat, in falsa quondam generata juvenca:

Atque ubi nos vidit, rabido se dente momordit,

15 Ut quos interius frangit furor improbus irae.

Hanc meus inclamans contra sophus: Anne putabas.

*CECROPIUM* huc venisse ducem, qui stipite caesum

Stravit apud superos? Isthinc jam comprime gressum,

Bellua! Namque haud iste tuae praecepta sororis

20 Advenit edoctus, sed poenas cernere vestras

Fert animus. Qualis, mortali ubi percitus ictu

Se expediat vinclis, quo evadat, nescit, et isthuc

Emicat atque illuc taurus: sic ipse furentem

Vidi semihominem discurrere *MINOTAURUM*.

25 Atque id ut advertit sapiens: Aditum arripe, dixit;

Nunc te, dum furia abis, descendere oportet.

Sic sumus aggressi, quod iter dabat ima petenti.

- Congeries ea saxorum, quae saepe moveri  
Sub pedibus sensi, haud consueto pondere pressa.
- 30 Ibam multa putans, atque is: Tibi mente repostâ  
Forte ruina manet, cui custos illa ferina  
Ira sedet, modo quam exstinxî. Nunc impulit ultro  
Mens, ut te id doceam. Quo huc olim tempore veni,  
Nondum etiam ruerat commota haec diruta rupes;
- 35 At certe paullo ante, nisi me decipit error,  
Quam huc adventaret, magnam qui ex orbe superno  
Extorsit Diti praedam, jam alta undique foeda  
Vallis ita intremuit, raptum ut dulcedine amoris  
In Chaos antiquum mihi sit considerare visum
- 40 Funditus omne, aliqui quoniam id venisse putarunt  
Saepe; atque ista vetus cautes in temporis illo  
Puncto hic atque alibi tali est revoluta ruina.  
Sed tu nunc oculos desige. Est proxima nigro  
Unda cruore fluens, ubi vasto ebullit in aestu,
- 45 Vi quicumque aliis noceat. Oh coeca cupido,  
Oh rabies vesana, brevi quae hoc tempore vitae  
Nos adeo exstimulas, male sic mensura per aevum  
Aeternum! — Hic amplam, quae se sinuabat in arcum,  
Fossam cernere erat, veluti quam dixerat omnem
- 50 Planitiem amplecti ductor prius. Inter et imas  
Radices ripae et fossam agmine circumfusi  
CENTAURI huc illuc gestantes tela ruebant,  
Ut mos his fuerat venari lustra ferarum.  
Nosque ubi viderunt labentes vertice, quisque
- 55 Constitit, atque acie ex illa tres ilicet arcu  
Atque hastis prius electis excedere, et unus  
Inclamare procul: Vos, qui descenditis, ad quam  
Venistis poenam? Isthinc dicite, sin minus, arcu  
Ejaculor tenso. Praeceptor talia contra:
- 60 CHIRONI haec isthinc propius responsa dabuntur:  
In tua damna nimis semper tam prompta libido  
Ista fuit. Tum me fodiens: Haec illius umbra est

Nessi, inquit, qui olim pro AETOLIDE DEIANIRA  
Occubuit, cavitque idem, ne ita inultus obiret.

65 Atque hic, qui medius demisso ad pectus inhaeret  
Obtutu, sese inspiciens, est magnus alumnus  
Pelidis, CHIRON. Alter PHOLUS ille, sub acri  
Irarum fluctus tantos qui pectore volvit.

Stant circum fossam innumeri, quascumque parati

70 Figere telo animas emersas sanguine plus, quam  
Sorte illis sua noxa dedit. Nos illa ferarum  
Agmina, veloci cursu pollentia, adimus.

Arma capit CHIRON, et posteriore sagittae

Crena usus, retro ad malas barbae sibi silvam

75 Dimovit; sed ubi os magno detexit hiatu,

Edidit haec sociis: Numquid sensistis, ut ille

Pone sequens moveat quidquid pede tangit? at istud

Haud solet accidere a pedibus jam luce carentum.

Sed bonus huic contra dux, qui prope pectora stabat,

80 Qua duplex jungit natura hominemque feramque,

Tunc ait: Iste quidem vivit sic solus inopsque,

Atque meus labor est huic tetram ostendere vallem.

Nec jam sponte venit, Superum sed lege coactus.

Talis mota loco est, ubi concinit alleluja,

85 Hoc dignata novum nobis committere munus.

Non hic praedator, neque ego sum crimine vitae

Foeda anima impurae. Quare nunc te oro per illam

Virtutem, per quam fas est mihi tendere gressus

Tam durum per iter, de vestra cede cohorte

90 Notum aliquem, cujus vestigia certa sequamur,

Quique vadum monstret, detque huic insidere tergo,

Huic, qui non umbra est assueta per aëra ferri.

Tum latus in dextrum convertit lumina CHIRON,

Et Nessim appellans dixit: Vestigia retro

95 Tu releges, et sic hos duc, ut, si qua altera sistat

Contra adversa acies, nulla obstat caussa morandi.

Hoc duce sub fido fumantem legimus aestu

- Oram puniceo, plebes ubi cocta ciebat  
Immanes gemitus. Oculis tenuis undique mersam
- 100 Aspxi gentem; atque ingens haec edidit ore  
Centaurus: Sunt hi bacchati in caede tyranni,  
Inque latrocinio. Hic veniunt lugenda feroci  
Damna illata manu. Manet hic PELLARUS, et ille,  
Qui Siculis tristes tribuit, DIONYSIUS, annos;
- 105 Atque hic, sic nigris cui frons est horrida setis,  
AZZOLINUS habet nomen, qui vertice flavam  
Alter caesariem diffundit, ONICCIUS ille est  
Patria ATESTINUS, quem (adsit reverentia vero)  
Mactatum superis privignus depulit oris.
- 110 Tunc ego respexi vatem, atque ille ora resolvit:  
Hic tibi nunc ductor sit primus, me adde secundum.  
At paullo ulterius CENTAURUS lumen fixit  
In gentem, scatebris quae exire vomentibus aestum  
Visa tenuis colli est. Hic solam in parte reducta
- 115 Ostendit nobis umbram, atque haec insuper addit:  
Numinis in gremio cor discidit ille, quod isto  
Tempore adhuc TAMESIS multo veneratur honore.  
Praeterea plures rubicundo in gurgite fossae  
Aspxi capite exstantes et pectore toto;
- 120 Atque nimis multos istorum ex ordine novi.  
Sic magis atque magis subsidens sanguinis ille  
Fons ibat, plantas ut vix obduceret humor:  
Jamque hic fossa viam ostendit transire paratis.  
Quanto ex parte vides hac plus decrescere semper,
- 125 NEXSUS ait, scatebram, tanto te credere oportet  
Et magis atque magis deorsum fundi premere ima  
Ex alio, donec sese conjunxerit undae,  
Sub qua mersatur lugere coacta tyrannis.  
Hic justa spreti cruciantur numinis ira
- 130 ATTILA, qui fuit in terris fatale flagellum,  
PYRRHUSQUE et SEXTUS, lacrimasque emungit in aevum  
Aeternum dolor, undanti quas fundit in aestu,

CORNETI crimen patriae, RAINERIUS; adstat  
PACCIA progenies, alter RAINERIUS; ambo  
135 Tanto infestantes bello insidiosa viarum.  
Tergo deinde dato, remeat vada nota bimembris.

## XIII.

Nondum etiam Nessus ripae ulteriora tenebat,  
Cum sumus ingressi nullo tritam pede silvam.  
Non frondes virides, fusca at ferrugine tinctae;  
Non rami laeves, at nodosi inque plicati;  
5 Non pomi stabant, spineta at plena veneno.  
Non ita habent rigidas stirpes, passimque frequentes,  
Quae fugiunt odio silvestria saecula ferarum,  
Inter CAECINAM et CORNETUM culta locorum.  
Hic nidum obscoenae, strophadum quae littore Teucros  
10 Onine terrifico damni pepulere futuri,  
HARPYIAE ponunt. Latae alae, collaque et ora  
Humana, atque pedes unci, plumosaeque magni  
Ventris erat moles, abnormibus insidentes  
Plantis dant questus. Tum doctor talia fundit:  
15 Interiora priusquam tu penetralia silvae  
Istius subeas, te devenisse secundum  
Circum, erraturumque isthic jam scito, tremendae  
Ad cumulos donec via te deducat arenae.  
Propterea inspecta penitus; namque ipse videbis  
20 His factura fidem, quae sum sermone locutus.  
Undique ploratus veniebant, undique fletus,  
Nec mihi cernere erat quemquam tam triste dolentem:  
Quare constiteram totus formidine torpens.  
Credo ego, MINCIADEN tum me venisse putasse  
25 Mentis in hunc sensum, ut tot rorer fundere voces  
Gentem, quae hos inter ramos oblecta lateret  
Nos propter. Quare verbis est talibus usus:  
Unam si obtrunces quavis ex arbore virgam,

- Quae tu nunc animo reputas, mutilata labescent.
- 30 Tum paullum extendi dextram, magnoque revulsi  
Ex pruno exiguum ramum, et lacrimabile truncus  
Clamavit: Cur me vellis? Sed sanguine ubi ater  
Factus erat, rursus: Cur me decerpere gestis?  
Nulla tuum pietas docuit miserescere pectus?
- 35 Quondam homines fuimus, qui nunc sub cortice stamus  
Mutati in stirpes. Certe exspectanda fuisset  
Haec tua dextra magis flecti pietate parata,  
Anguigenas animas si nos gestare putasses.  
At veluti in ramo viridi, cui flammeus ardor
- 40 Summa urat capitis, tum pars extrema gementi  
Sibilat assimilis, vento exspiranteque stridet:  
Sic simul ex illo erumpebant fragmine verba,  
Et sanguis. Quare labentem vertice prono  
Demisi virgam, atque steti, ut qui territus haeret.
- 45 Si prius ex nostris potuisset credere verbis,  
Respondit sapiens, quae oculis hic aspicit ipsis,  
Laesa anima, haud unquam foret ausus tendere dextram  
In te. Incredibilis sed res me adducere suasit  
Hunc in opus, quod me pariter gravat. Ast age fare;
- 50 Qui sis huic memora, ut pro, quo tua damna rependat,  
Munere, apud superos, ad quos remeare facultas  
Huic datur, ipse tuam jubeat revirescere famam.  
Et truncus: Tam dulce mihi sonat ista loquela,  
Ut tacitus nequeam vos mittere. Nec grave vobis
- 55 Sit, si qua alliciat me, dicere pauca, cupido.  
Ille ego sum, claves qui quondam nactus utrasque,  
Queis FRIDRICI animum noram me posse potiri,  
Nunc claudens, modo recludens ita suaviter ambas  
Verti, ut submorim cunctos, cui sensa solebat
- 60 Credere; et explevi tam fidus nobile munus,  
Ut me deficerent somni, et vis vivida pulsus.  
At meretrix, oculos avertere visa protervos  
Caesaris hospitio nunquam, commune sepulchrum,



Et vitia aularum, flammis ardentibus omnes  
65 Accendit mentes in me, queis pectora flammis  
Incensa Augustum sic incendere, beatos  
Ut mihi conversos in tristia tempora honores  
Flerem. Animusque avidus vesanam ulciscier iram,  
Atque hunc posse ratus praevertere morte furorem,  
70 Contra me justum me injuste surgere jussit.  
Per ligni istius radices juro novellas,  
Me nunquam violasse fidem praeclara merenti  
Praemia tot laudum domino. Atque evadere ad auras  
Si cui fas vestrum est superas, det surgere nomen,  
75 Atque meam famam quoque nunc post illa jacentem  
Vulnera, quae infixit meritis turba invida nostris.  
Paullisper stetit attendens, deinde ora resolvit  
Sic doctor: Quoniam tacet is, ne labier horam  
Incassum sine, sed loquere et, quae scire laboras,  
80 Ipse roga. Sed ego hunc contra sum talibus orsus:  
Tu quoque fac rogites, si quid mihi posse putabis  
Sat facere; ipse etenim impediore, sic opprimit angor  
Cor miserans. Iterum hic coepit: Sic iste capessat  
Ingenue, quae verba orant tua, carcere in arcto  
85 O anima inclusa, haud quaerenti taedeat unum  
Hoc pariter monstrare mihi, qui fiat, ut istis  
Vincta anima in nodis habitet, vel, si qua facultas  
Est tibi, dic mihi, num ex membris sese ulla resolvat  
Talibus: Interea magno conamine truncus  
90 Exspirare animam venti se vertere in istas  
Voces: Haec breviter vobis responsa dabuntur.  
Ut primum membris animae effera vita recedit  
Corporis, unde snis se avulsit viribus usa,  
Tartarei hanc barathri Minos in septima septa  
95 Mittit, et haec cadit in silvam, nec certa parata est  
Sedes; et quocumque illam sors projicit, illic  
Permanet, utque zae granum sua germina trudit.  
Deinde in virgultum plantamque assurgit agrestem.

- Pascunt HARPYIAE frondes, acremque dolorem  
 100 Ingeminant, latam huic dantes simul ore fenestram.  
 Corporis exuvias nostri, ceu caetera turba,  
 Nos quoque sumpturi pariter veniemus; at illas  
 Induere haud dabitur; neque enim est res aequa tenere  
 Quemquam, sponte sibi quae adimit. Raptabimus ipsas  
 105 Huc, et per moestam pendebunt corpora silvam.  
 Unumquodque illi pruno appendetur, ubi umbrae  
 Cogitur indoluisse suae. — Nos ora tenentes  
 Intenti stabamus adhuc, utrique putantes  
 Plura locuturum truncum, cum murmur ad aures  
 110 Attonitis venit, velut illi, qui impete magno  
 In se conversum nemorosis vallibus aprum  
 Erupisse audit, strepitumque exterritus haurit  
 Latrantumque canum turbataeque undique silvae.  
 Atque ecce, ecce duo laevo descendere clivo,  
 115 Ambo nudati, foedatique unguibus artus,  
 Tam celeri elapsi cursu, ut ramalia silvae  
 Obvia dejicerent. Tum qui prior incitus ibat:  
 Mors, occurre mihi, mihi mors, occurre! fremebat;  
 Atque alter nimium lente sibi currere visus:  
 120 Non ita pernices plantae tibi, LANX, fuerunt,  
 Cum te in TORPIACIS agitarunt proelia campis.  
 Et quia forte, anima jam deficiente, fefellit  
 Hunc vigor; ipse sui tum cespitis objice nodum  
 Implicuit. Post hos resonabat plena nigrarum  
 125 Ore inhiante canum cupido, rapideque ruentum  
 Silva. Illae, veluti demptis venatica vinculis  
 Turba furens, dentes misere latentis in artus,  
 Cumque in frustra ipsum solvissent morsibus aspris,  
 Mox illos secum simul arripuere dolentes  
 130 Artus. — At dextra presum me protinus egit  
 Dux, ubi mittebat cespes per rapta cruentis  
 Vimina vulneribus gemitus lamentaque vana.  
 O JACOB, toto dicebat pectore clamans,

De Sancto Andrea, quid te quaesisse salutem  
135 Juvit me opposito? Tibi si turpissima vita  
Acta fuit, quodnam tantum mihi crimen in illa est?  
Ipsam ubi praeceptor super adstitit, ora resolvit:  
Qui fueris, memora, o qui tot per vulnera fissus  
Exspiras lugubre gemens cum sanguine carmen.  
140 Ille autem: O animae, quae istas venistis in oras,  
Visurae nostras tam inhonestis undique sparsas  
Excidiis frondes, vos illas cogite in unum  
Cespitis ante pedes tristis. Prognatus in illa  
Urbe fui, domino quae suffecisse priori  
145 Baptistam fertur. Quare ipsam tempus in omne  
Efficiet tristem arte sua, et nisi signa manerent  
Nunc aliqua ex illo glaucus qua profluit Arnus,  
Qui supra cineres olim, quos Attila liquit,  
Hanc struxere iterum, viderent ire labores  
150 Incassum. Ipse meis pro furca sum aedibus usus.

## XIV.

Patria me postquam pietas distrinxit, in unum  
Dispersas mihi cura fuit conjungere frondes,  
Reddere et huic jam tum fracto. Devenimus inde  
Ad finem, unde orbis discindit septa secundi,  
5 Horribiles justi qui ostendit vindicis artes  
Tertius. At nova sat claris ut pandere verbis  
Copia sit, dicam nos descendisse patentem  
In campum, cui cuncta suo plantaria strato  
Amovet. Hunc tristi praecingit silva corona,  
10 Ut funesta palus ipsam, pesque unus et alter  
Aegre haesit stringens nemus. Arida spissaque arena  
Stratum erat, haud aliter quam quae pede pressa CATONIS.  
Ultrix ira Dei, quam es formidanda legenti  
Haec oculis manifesta meis, quae mente notavi!  
15 Multos stare greges animarum veste videbam

- Nudos, atque omnes valde miserabile flentes;  
Qui mihi sunt visi diversa lege teneri.  
Nam resupina solo gens quaedam strata jacebat;  
Quaedam sede sedens, arcte contractaque stabat;  
20 Altera continuo gens ibat concita motu.  
Quae circumit, major multo, minor altera poenae  
Subdita: at ista magis solvebat fraena dolori  
Allapsu lento flammaram expansa pluebant  
Vellera, arenosus campus quacumque patescit,  
25 Nix alpina velut, nullis spirantibus auris.  
Quales, assiduo qua torrida fervet ab aestu  
India, militibus Pellaeis incidere ignes  
Vidit ALEXANDER, solidosque incumbere terrae;  
Quare provisens, juncto simul agmine, jussit  
30 Conculcare solum pedibus, nam posse vaporem  
Noverat exstingui melius, dum solus adurit:  
Talis erat sine more furens delapsus ab alto  
Aeternus calor, unde omnis flagrabat arena,  
Supposita ut silici excussae succenditur esca,  
35 Duplice ut excruciet poena. Pax nulla dabatur,  
Nulla quies misere compulsis ludere ludum  
Continuum manibus, nunc hinc nunc inde repulsa  
Ut vis usque recens ardoris longius iret.  
Tunc ego: Praeceptor, cui fas est vincere cuncta,  
40 Praeter durorum praecordia Daemoniorum,  
Surgere quae vidi nos contra in limine portae,  
Quisnam est ille ingens, qui non curare videtur  
Flammas, et jacet insultans, transversa tuendo,  
Ut mihi sit visus nondum mitescere ab imbre?  
45 Isque, ubi me sensit scitantem nomen, et ausa  
A doctore sua, exclamans haec pectore fudit:  
Qualis ego vixi, talis post funera persto.  
Si fabrum ipse suum delasset JUPPITER, a quo  
Ira excandescens accepit fulmen acutum,  
50 Quo me percussit postremo tempore vitae;

Perque vicem in nigris reliquos fornacibus Aetnae  
Ipse fatigaret, fer opem, faber optime, opem fer,  
VULCANE, exclamans, veluti in certamine Phlegrae,  
Inque caput totis jaculetur viribus ignes,  
55 Post poenas ultor sanę non laetus abiret.

Tales flammato tum rupit pectore voces  
Dux meus, ut nunquam verbis sic acribus usum  
Audierim: Quoniam mentis furor iste superbae  
Non deflagrat adhuc, ideo majore gravaris,

60 O CAPANEU, poena. Poenarum copia nulla  
Tanta, tuam praeter rabiem, foret apta dolorem  
Incussisse, tuo qui det completa furori  
Vulnera. Dein placide vultu meliore loquelam  
In me convertens dixit: Fuit ille tyrannis

65 Unus de septem Thebas obsidere adortis,  
Atque odio hic habuit Superos, et habere videtur,  
Et curare parum. Verum ut me dicere dudum  
Audieras, isti, quos nunc fovet ipse, furores  
Ornamenta animae nimium sunt debita atroci.

70 Nunc sequere, atque cave arenti vestigia arenae  
Defigas, sed stringe nemus. — Devenimus illuc,  
Parvus ubi silva decurrens labitur amnis,  
Cujus adhuc horret mea mens meminisse ruborem.  
Qualis de scatebra Viterbi rivulus exit,

75 Quem sibi scorta solent partiri; talis arena  
Hac unda emergens ibat. Sinus illius imus,  
Tum geminae ripae, tum marginis utraque labra  
Naturam induerant lapidis; quare esse putavi  
Hac iter. Ex cunctis, quae ostendi plurima, postquam

80 Nos sumus ingressi portam, quae limina nulli  
Obserat, haud ulla est unquam sic digna notari  
Res oculis inspecta tuis, ut rivulus iste,  
Qui super allapsas quascumque extinguere flammās  
Est potis. Ista meus fundebat ab ore magister.

85 Tum prece persuasi largiri pabula, amorem

Qui largitus erat. Dedit haec responsa rogatus:  
In medio vastata mari sedet insula, CRETAM  
Appellant, cujus sub rege fuisse pudicus  
Narratur mundus. Vi quondam laetus aquarum,  
90 Frondibus et patulis mons surgit, et IDALOS isti  
Nomen erat, nunc stat, ceu res corrupta senecta,  
Desertus, quem RHEA sibi cunabula nati  
Fida sui legit. Melius rata condere furtum  
Posse ibi, cum flebat, cava tympana, et aera jubebat  
95 Edere tinnitus. Manet intra viscera montis  
Ingens, arrectus, DAMIATAE immania tollens  
Terga adversa senex, prospectans moenia Romae,  
Ut speculum. Vertex ex auro divite, pectus  
Brachiaque argento ex puro, deinde aere rigenti  
100 Cuncta ipsi constant tenuis inguinis; omnia ferro  
Electo inferius, praeter pedis infima dextri,  
Qui terra conflatus erat, quam coxerat ignis.  
Plus huic insistit, quam laevo erectus, et ejus  
Pars quaevis, auro excepto, disrupta fatiscit  
105 Rima, quae exstillat lacrimis. Junguntur in unum  
Hae guttae, atque illud vis harum perfodit antrum.  
Quarum decursus vallem se immittit in illam,  
Unde ACHERON, PHLEGETHONQUE oritur, STYGIAEQUE paludis  
Lenta vada, atque eadem hoc arcto ruit unda canali  
110 Usque illuc, unde ulterius descendere non est;  
Cocytum et facit, et quae sint ea stagna videbis;  
Propterea ulteriora tibi nunc dicere parco.  
Illi ego: Si, modicis qui nunc it rivulus undis,  
Nostro ita ab orbe oritur, cur solum apparet in ista,  
115 Quam sumus aggressi, ripa? Is mihi talia reddit:  
Tu scis hoc spatium gyro constare rotundo,  
Et quamvis longo processeris intervallo  
Semper descendens laevus, loca cum infima adimus,  
Nondum circuitum totum pes noster obivit;  
120 Hinc, si qua apparet novitas, absiste moveri.

- Rursum ego: Ubi flumen PHLEGETHON, ubi sunt vada LETHAE?  
 Unum namque taces, illumque hoc crescere ab imbre  
 Dixisti. Tua cuncta quidem quaesita fuere,  
 Suntque mihi jucunda, inquit; tamen aestus aquarum  
 125 Rubrarum poterat quaesitum solvere primum.  
 Aspicias LETHEN simul atque evadere ab ista  
 Fas fuerit fossa, quo fit concursus ad undas,  
 Postquam corda terens dolor imus rite removit  
 Culpas, appropierantque animae veniuntque lavatum.  
 130 Sed jam tempus erit silva discedere, dixit;  
 Tu fac nostra retro veniens vestigia serves.  
 Dant non usta viam tibi ripae labra, superque  
 Postremas oras omnis restinguitur ardor.

## XV.

- Nunc de marginibus duris nos prendimus unum,  
 Caligansque amnis fumus sic desuper umbrat,  
 Ut defendat aquis, et claustris aggeris ignem.  
 Qualia, ab undarum metuentes impete, Belgae  
 5 Munimenta struunt inter Guzzanta Brugasque,  
 Objice quo incurrens fluctus maris inde recedat;  
 Qualia Trojano prognati Antenore cives,  
 Distenti studio rura et castella tuendi,  
 Medoacum propter, solaria tela priusquam  
 10 Alpes sentire incipiant: sub imagine tali  
 Illa assurgebant, quamvis minus alta minusque  
 Ampla esset moles; quisquis sit, qui arte magister  
 Hoc exegit opus. — Silva jamque ipse relicta  
 Cum duce, tantum aberam, ut nequaquam nosse daretur,  
 15 Quo devenissem, licet observata retrorsum  
 Signa requisissem, veniens cum offendimus agmen  
 Umbrarum propter lapidosas aggeris oras,  
 Nos oculis lustrans, veluti sub luce novellae  
 Lunae se alterni, post facta crepuscula noctis,

- 20 Obscuri inspiciunt; aciem et figebat utramque  
Quisque, senex ut sutor acus in tenue foramen.  
Haud aliter tali nos vestigante caterva,  
Me quidam adveniens novit, limboqueprehendit  
Vestis et: Oh, monstri quid tu? clamavit. Ubi ille
- 25 Bracchia me contra protendit, figere coepi  
Intentos oculos hominem coctum igne pererrans,  
Ustus ut aspectus minus hunc defendere quisset,  
Quin internoritur nostrae vis conscia mentis:  
Declinansque manum ad vultum illius, ora resolvi:
- 30 Hic te, BRUNETTE, invenio? Tunc ille: Molestum  
Ne tibi sit, fili, paullum vestigia retro  
Si tecum fert BRUNETTUS, quem vestra LATINI  
Terra vocat, reliquamque sinit procedere turbam.  
Illi ego: Te vero id precibus majoribus oro.
- 35 Quod si forte cupis me tecum hac sidere ripa,  
Id faciam, dum isti placeat, quocum ire necesse est.  
O fili, quisquis subsistit de grege nostro  
Vel minimum, dixit, centenos procubat annos,  
Quin queat obnitens manibus prohibere favillas.
- 40 Quare i prae; ipse latus stringens sequar, atque catervam  
Deinde meam repetam cursu, sua damna dolentem  
Aeterna. Haud me animus descendere calle sinebat,  
Ut pariter graderer; cervice at cernuus ibam,  
Atque observanti similis. Tum talibus infit:
- 45 Quae sors aut fatum ante extremam funeris horam  
Te tulit huc? Quisnam iste, viam qui monstrat eunti?  
Huic ego: Apud Superos fruerer cum luce serena,  
Respondi, vallem deveni devius, ante  
Quam cursum vitae plenum confecerit aetas.
- 50 Huic mane hesterno solus dare terga studebam.  
Cumque redire illuc coepissem, hic tempore in illo  
Adfuit, atque domum per callem hunc me ipse reducit.  
Is mihi: Ubi, quod iter monstrat tua stella, sequaris,  
Nobilis haud poterit te famae fallere portus,



- 55 Si bene id agnovi jucundae tempore vitae.  
Et nisi tam subito clausissem lumina morte,  
Cum tibi vidissem coelum sic esse benignum,  
Incepti hortator quoque consiliumque fuisset.  
Ast ille ingratus populus mentisque malignae,  
60 Editus antiqua FESULA qui ab origine venit  
Hactenus atque tenet montana et saxea corda,  
Saepe tibi infestus propter benefacta redibit,  
Exercens odio; ac merito, neque enim aspera ficum  
Inter sorba decet dulci ditescere fructu.  
65 Fama vetus coecum hunc vocat. Invida, avara, superba  
Gens est; fac praestes te purum moribus horum.  
Sed tantum fortuna tibi tua servat honorem,  
Esturie ut superante tui pars utraque sit te  
Optatura; sed a rostro fiet procul herba.  
70 Ipsa sibi de se FESULANA animalia stramen  
Efficiant, et si qua sua inter stercora planta  
Surgit adhuc, illam parcant contingere, ubi almaum  
Semen Romulidum reliquum, cunabula postquam  
Nequitiae tantae fuerunt fabricata, revivat.  
75 Totum, huic respondi, si plane habitura fuissent  
Vota mea eventum, nondum natura fuisset  
Jussa tua exilio mortalia linquere saecula.  
Nam subit, atque mihi cor imum affligit imago  
Cara paterna tui, crebro praeclara docentis,  
80 Dum vesci in terra licuit vitalibus auris,  
Ut scirem, quo quisque modo sua nomina in aevum  
Aeternum extendat. Quare quam grata voluntas  
Me tibi conjungat, dum stat mihi vita, necesse est,  
Per nostram ut possit quivis id noscere linguam.  
85 Quae cursu narras de nostro, haec tradere scriptis  
Appropero, atque alio libro illustranda relinquo  
Cuncta meae Dominae; si coram adstare licebit,  
Haec sciet. Id tantum cupio tibi pandere aperte:  
Dum mihi non latret verbis mens conscia amaris,

90 Insistam, quodcumque velit fortuna, paratus  
Carpere iter; neque enim novus auribus arrhabo nostris  
Surgit. At ipsa suos orbes fortuna, bubulcus  
Pro lubito verset rastros. — Tum vertere malam  
Praeceptor dextram retro, et me respicere, atque hos  
95 Reddere deinde sonos: Bene is audit, qui notat aure  
Percepta. Haud tamen interea sermone rogare  
BRUNETTUM absisto socios hoc carcere clausos,  
Quorum fama magis micet, et tollatur in altum.

Is mihi: Scire bonum est aliquos; laudabile lingua

100 Praeteriisse alios; tot enim me nomina fantem  
Tempus deficeret. Scito, esse ex ordine cunctos,  
Cui nudata pilis capitis cutis explicat orbem,  
Multos doctrina insignes, magnoque decore,  
Turpiter in terris maculatos crimine eodem.

105 Illa PRISCIANUS cum turba incedit, in illa est  
Editus ACCURSI FRANCISCUS. Cernere quisse,  
Si mihi cura hujus porriginis ulla fuisset,  
Illum, quem Servus servorum jusserat Arnum  
Permutare oris Retronis, ubi male tensos

110 Is liquit nervos. Memorarem plura; at eundi  
Longius et fandi ulterius me copia fugit.  
Namque novum video fumum consurgere arena,  
Et gens adventat, quacum simul esse vetamur.  
Thesauri tibi cura mei sit sedula, in illo

115 Vivus adhuc spiro, neque te orans plura morabor.

Tergo deinde dato, vestigia flammea flexit,  
Ut qui Veronae tendunt celeri pede cursum  
Per campum, viridis certantes vincere panni  
Praemia, et ex istis, cui dat victoria laudem

120 Visus erat similis, non cui pes cessat in auso.

## XVI.

- Ventum erat in partes, ubi aquae labentis in orbem  
Suppositum strepitus nostras ita perculit aures,  
Ut, quod plena solent alvearia mittere, murmur;  
Cum simulacra simul vidi tria devia cursu  
5 Deservisse agmen sub diro evadere nimbo  
Supplicii properans, et nobis obvia ferri.  
Singula clamabant: Siste, o, quem prodit amictus  
Nostratem, pravae prognatum semine terrae.  
Hei mihi, quae nova, quae vetera illis vulnera inusta  
10 Artubus asperi jaculante incendia flamma!  
Nunc quoque mens renovat revocanti talia luctum.  
Substitit, auditis horum clamoribus, et me  
Respiciens doctor: Maneas et comiter istos  
Fac, ait, accipias. Et ni fera spicula flammae  
15 Naturam feriant regionis, te aequius esse  
Dixissem, quam illos, properante accedere passu.  
Ut stetimus, vetus illi iterarunt flebile carmen;  
Atque ubi nos propter trina haec simulacra fuere,  
Trina rotam de se simul implicuere. Virorum  
20 Ut mos est, ubi nudi unctique adstare solebant  
Signantes oculis, quo vertant aptius arma,  
Ante ictus quam inter se et vulnera acuta cierent;  
Singula non aliter, dum se rotat, umbra tenebat  
In me versam aciem sic, ut contraria collo  
25 Planta iter assidue faceret. — Tunc incipit unus:  
Si locus hic miser instabili substratus arena,  
Tinctus et aspectus, tristisque odisse monebit  
Nos nostrasque preces, at saltem flectere nostra  
Fama tuam valeat mentem, et da discere, qui sis,  
30 Cur vivas ita fas tuto est fricuisse cavernis  
Tartareis plantas. Hic vir, vestigia cujus  
Me calcare vides, quamquam sic veste pilisque  
Captus, de majore gradu est, quam forte putabas.

- GUIDO GUERRA habuit nomen, GUALDRADA nepotem  
 35 Quem bona fassa suum est. Dum movit spiritus artus,  
 Plurima consiliis hic gessit, plurima ferro.  
 Alter, qui prope me terram terit, ALDOBRANDI  
 TEJAJUS, cujus gratissima habenda loquela  
 Esset apud vestros. Ego, qui una torqueor isthic,  
 40 RUSTICULUS JACOB; et certe rustica conjux  
 Plus mihi, quam quidquam pejus, nocuisse putanda est.  
 Si tecto flammae licuisset tela subire,  
 Ire sub amplexus horum fuit impetus ingens,  
 Idque meus doctor, ni fallor, forte tulisset;  
 45 Sed quia mi torrens coxisset flamma medullas,  
 Me bona destituit, superante pavore, voluntas,  
 Quae cupidum urebat. Dein talia pectore fudi:  
 Vestrae conditio sortis mihi corde dolorem,  
 Non odium, infixit sic, ut jam serius illo  
 50 Omnino exspolier, simulac comes ore loquelas  
 Effudit tales, claros ut adesse doceret  
 Nobilitate viros, quales vos usque fuistis.  
 Vestra fuit mihi terra parens, et tempus in omne,  
 Non sine honore pio, decora alta et nomina magna  
 55 Vestra ego descripsi, studiosisque auribus hausi.  
 Triste ego fel linquo, et quaesitum dulcia poma  
 Appropero, mihi quae promittit idoneus auctor;  
 Sed primum jubeor centrum descendere in imum.  
 Sic tua felici deducat spiritus aura  
 60 Membra diu, dixit; sic post te fulgida fama  
 Sit tua; dic, an adhuc nostra remorentur in urbe  
 Humani mores, animorum et mascula virtus,  
 Ut solet, an contra prorsus fugisse ferantur?  
 Namque GUILLELMUS BORSERIUS, incola arenae  
 65 Urentis novus, et turbam comitatus euntem,  
 Dum permulta refert, nostras valde asperat aures.  
 Gens nova, tum subitis congesta pecunia lucris,  
 Et fastum et luxum immodicum, Florentia, in urbe

Sic genuere tua, ut jam tristia tempora plores.

70 Haec ego sublato clamavi turbidus ore:

Tresque, his auditis, umbrae vertere vicissim  
Lumina in alterius vultum, ut qui vera tuentur.

Si fuit unquam alias tibi respondere facultas

Tantillo constans, tamque apta explere rogantem,

75 O te felicem, cui mens ea verba ministrat!

Quare si has valles tibi fas evadere nigras,

Sitque tibi rursus jucundas cernere stellas:

Illic ipse fui, quam te dixisse juvabit!

Fac, nostra ut memores viventî nomina vulgo.

80 Dein rupere rotam, alarumque fuisse putasses

Remigium plantas. Quam prosiluisse fugaces,

Non amen citius potuisset dicere quisquam:

Tam celeres oculo se subduxere sequenti;

Quare doctori visum est discedere nostro.

85 Ibam post ipsum, isque parum processerat ultra

Gressu, cum insonuit sic nos prope rumor aquarum,

Ut vix ulla esset fantes audire potestas.

Qualis, iter proprium qui primum corripit amnis

Prosiliens ex rupe Vesi, quae prospicit ortum

90 Ex qua parte latus laevum explicat Apenninus;

Quique appellari solet Unda quieta, priusquam

Sese praecipitem fundum demittat in imum,

Atque foro Livi sonat expers nominis hujus,

Illic supra aedes, quibus est a nomine Sancti

95 Deductum nomen Benedicti, vi incitus amnis

Obstrepat, e scopulo pronum ruiturus in agrum,

Quem jam mille viri incolerent, fors si qua tulisset:

Sic nos labentes praeruptae ex aggere ripae

Vidimus hanc tanto resonantem murmure aquarum

100 Diluviem tinctam, ut mox nobis laeserit aures.

Funis erat circa lumbos mihi cinctus, et isto

Rebar pantheram capere olim pelle decoram.

Hoc me dissolvi, sic praecipiente magistro,

Porrexique ipsi nodis nexum inque plicatum.

- 105 In latus is dextrum versus, paullumque recedens  
 A sponda, hunc barathri demisit in ima profund.  
 Et mecum: At certe nova res succedat oportet,  
 Dicebam, huic nutus novitati, ubi ductor utroque  
 Istum sic oculo sequitur. Quam mente sagaci  
 110 Est opus et cauta his coram, quos non modo facta,  
 Intima sed cordis moneat prudentia praesens!  
 Ille mihi dixit: Quam primum exire videbis,  
 Quod cupide maneo; et quod nunc tua somnia versant,  
 Quam primum, ut par est, claro se lumine prodet.  
 115 Quod verum falsi faciem induit, usque tacendum est,  
 Dum liceat, namque insontis tegit ora pudore.  
 At vocem hic nequeo retinere, notasque per istas  
 Juro, quas doctis comoedia nostra propinat,  
 Sic ea non redeat diuturni vana favoris,  
 120 Lector, me his oculis vidisse per aëra crassum  
 Et nigrum quiddam monstri emersisse natando,  
 Cuilibet horrendum gestanti ferrea corda;  
 Ut redit is, salsum qui se dejecit in aequor,  
 Navem exempturus ferrato dente retentam,  
 125 Qui scopulum, aut aliud prensat, quod clauditur undis,  
 Atque, ut consurgat, se extendit parte superna,  
 Dum pedibus nitens membra inferiora coarctat.

## XVII.

- En fera caudae acie pollens, quae transfodit Alpes,  
 Et rumpit muros atque arma; en bellua, tristi  
 Quae cunctas mundi terras infestat odore! —  
 Dux meus his infit verbis, atque annuit ipsi,  
 5 Ut teneat ripam, calcata ubi marmora finis  
 Limitat. Illa autem foedissima fraudis imago  
 Adstitit, atque caput truncamque admovit arenae;  
 Sed non extraxit sinuosa volumina caudae.

Os erat huic hominis justī, usque adeo ipsa benignam  
10 Induerat pellem exterius, sed caetera trunci  
Totius anguis erat. Villosus uterque lacertus  
A digitis ad utrasque axillas usque rigebat,  
Pinxerat et dorsum pectusque atque undique costas  
Nodis exiguisque rotis. Non Tauricus unquam  
15 Turcave conjunxit supposta, impostaque fila  
Vestis tam vario discrimine tincta colorum,  
Non tales radio telas distinxit ARACHNE.  
Ut stant interdum pelagi prope littora cymbae,  
Quarum pars undas tangit, pars altera terram,  
20 Utque illic inter lurcones Teutonas arma,  
Atque suam pugnam castor parat; haud secus ista  
Pessima forma ferae lapidoso in margine stabat,  
Undique qui cumulos ustae claudebat arenae.  
Quanta erat, in spatio cauda vibrabat inani,  
25 Torta veneniferae sustollens verbera furcae,  
Quae ritu scorpi mucronem armabat acutum.  
Nunc declinandum est paullum, dux inquit, eoque  
Intendendum iter est, mala ubi se bellua sternit.  
Nos ideo latus ad dextrum descendimus, et bis  
30 Progredimur quinos extremo in limite passus,  
Curantes flammam et nubem defendere arenae.  
Hanc prope ut est ventum, gentem considerare arena  
Ulterius paullo vidi, quae proxima inani  
Pendebat barathro. — Tum doctor ita ora resolvit:  
35 Ut tibi sit cunctas hujus cognoscere circi  
Experto penitus partes, i, perspice stirpem  
Istorum; at breviter loquere, haud ita multa rogando.  
Dum redis, ipse superveniens monstrum alloquar istud,  
Ne fortes humeros nobis praebere recuset.  
40 Sic quoque per caput extremum, quod septimus orbis  
Finit, eo solus, gens moesta ubi fusa sedebat.  
Illorum ex oculis dolor intimus erumpebat:  
Hinc atque inde ipsi manibus succurrere tendunt

- Adversus flammās, telluremque igne perustam;  
 45 Non secus atque aestate canes contendere contra  
 Et rictu et pedibus nituntur, ubi aspera morsu  
 Aut tafani, aut pulices, aut muscae vulnera figunt.  
 Atque ubi quorundam quaesivi lumine vultum,  
 Quos supra cadit ignis atrox, ego noscere quemquam  
 50 Haud potui; at peram e collo cujusque videbam  
 Pendentem, atque inerant perae rata signa colorque  
 Certus, et hinc oculos sunt visi pascere hiantes.  
 Utque ego perspicieus accessi, fulgere flavo  
 In loculo vidi glastum, os habitumque leonis  
 55 Effingens; oculisque meis cum longius irem,  
 Altera visa fuit mihi pera rubentior ipso  
 Sanguine, quam signat presso lacte albior anser.  
 Ast unus, glaucae et magnae suis indice signo  
 Albentem loculum sibi qui distinxerat, inquit:  
 60 Hac tu quid facis in fossa? Jam hinc proripe gressum.  
 Et quoniam tu vivis adhuc, te scire jubebo,  
 Ut VITALANUS mihi proximus usque sedebit  
 Hic latere a laevo mecum. Cum civibus Arni  
 Ipse ANTENORIDES maneo, mihi saepe sonora  
 65 Qui voce et magnis tidunt clamoribus aures,  
 Summus eques veniat, dum dicunt, qui tria rostra  
 Afferet in loculo. Atque hic os distorsit, et extra  
 Produxit linguam, ut bos nitens lambere nasum.  
 Tunc ego praemetuens, mora ne diuturnior illum  
 70 Taederet, brevibus qui me sermonibus uti  
 Jusserat, a lassis retro vestigia flexi  
 Umbris, invenique ducem, qui ascenderat atrae  
 Terga ferae, dixitque: Opus est jam pectore firmo,  
 His etenim scalis nos nunc descendere oportet.  
 75 Ascendas prae me; medius considere crevi,  
 Verbere ne possit te monstri laedere cauda.  
 Ut stat, quartanae cui frigidus imminet horror,  
 Pallentes gestans ungues, quatiensque tremore



- Membra simul dentesque, cubat dum lentus in umbra;  
80 Sic ego restiteram, dux haec ubi protulit ore;  
At verba, ipsiusque minae incussere pudoris  
Sat mihi, quod famulo vires solet addere coram  
Lenis heri aspectu. Tunc illa in grandia terga  
Insilui, suasitque animus sic dicere, sed vox,  
85 Ut volui, haud venit: Fac des mihi brachia circum.  
Atque is, saepe alias mihi qui succurrit, in altum  
Fortis, ut insilui, me sustulit atque lacertis  
Vinctum sustinuit; mox has dedit ore loquelas:  
GERYONEU, fac te moveas jam, at larga rotando  
90 Intervals legas, nec multum accedito ad ima,  
Respectaque novum, quod gestas tergore, pondus.  
Ut cum cymba loco se submovet, ista retrorsum  
Et magis atque magis cedit: sic inde recessit  
Paulatim abscedens; sed cum via libera nanti  
95 Inventa est, ubi pectus erat, caudam ipse retorsit.  
Protentaque illa, ex anguillae more natabat,  
Brachiaque extendens ad se collegerat auras.  
Majorem haud credo terrae incubuisse pavorem  
Tempore, quo manibus Phaethon emisit habenas,  
100 Unde hujus quoque adhuc coeli pars cocta videtur;  
Nec quo se pennis miser Icarus exspoliatum  
Sensit, ubi cera incaluit, clamante parente:  
Est mala, qua pergis, via; quam mihi, cum undique totum  
Libratum vidi jam corpus in aëra, et omnem  
105 Aspectum extinctum, praeter monstri horrida membra.  
Interea ille natans magis et magis ire remissee  
In gyrum, ac sensim descendere, nec datur hilum  
Id sentire mihi, nisi qui mihi ventus in ora  
Spirat, et inferius sub plantis. Gurgis aquarum  
110 Jam sonat horrendum ad dextram. Hic oculosque caputque  
Despectans flecto. Tunc major me occupat horror  
Ad strepitum; nam ignes aspexi hausique ululatus.  
Quare ego contraxi coxas tremefactus utrasque,

Summa vi nitens. Dein, quod non viderat ante,  
 115 Visus ibi sensit, nos labi, et per mala multa  
 Atque ex diversa magis adventantia parte  
 Circumagi. Ut falco, postquam libratus in alas  
 Erravit, neque avem, revocantis signave nota  
 Vidit, cogit herum clamare: Heu laberis! alto  
 120 Descendit lassus centumque per aëra gyros  
 Molitur levis, atque animi tandem impos ob iram  
 A ductore procul considit et infremit acer:  
 Sic nos deposuit prope fundum GEAYON illum  
 Rupis ad exesae radices, atque ibi utroque  
 125 Excusso evasit, ceu chorda missa sagitta.

## XVIII.

Est locus, appellantque malas hunc nomine bulgas  
 Manes, de saxo totus, ferrugine nigrans,  
 Orbis ut est ripae, spatium qui amplectitur omne.  
 In media prorsus campi statione maligni  
 5 Stat puteus, barathrum qui labris cingit inane  
 Latum, immane, imum, cujus narrabitur ordo,  
 Tempus ubi adveniet. Reliqui ergo quod manet agri  
 Altam inter ripam et rigidam, puteumque jacentem  
 Magno intervallo praecingit forma rotunda,  
 10 Et per valla decem distinguitur infima vallis.  
 Sicut, ubi muros opus est defendere, qua se  
 Castellis multae, et multae undique circumfusae  
 Fossae protendunt, stat pars circumflua tuta:  
 Sic non dissimilem referebant illa figuram.  
 15 Atque ut ponticuli cujusque e limine turris  
 Externam attingunt ripam: ex radicibus imis  
 Rupis sic scopali progressi valla recidunt  
 Et fossas usque ad puteum, hos qui obtruncat, et una  
 Colligit. — Hic, ubi nos excussit bellua dorso,  
 20 Restituimus. Vates laevam legit; ipse sequebar

- Hunc pone. A dextra nova sese forma doloris,  
Poenarumque novum genus, atque novorum  
Arma ministrorum veniunt, queis bulga repleta est  
Anterior. Nudi fossa spectantur in illa
- 25 **Damnati.** Ex media hinc venientes ora ferebant  
Adversa, inde, ut nos, conversa, sed ocius ibant:  
Sicut, ubi exactis complentur mensibus anni,  
Romani ad stata sacra, quibus dant juba nomen,  
Invenere viam, qua pontem plurima turba
- 30 Hinc inde exundans transiret libera gressu;  
Nam latere ex uno castello obversa, Petrique  
Sancti templa petens it pars una; altera spondam  
Pars aliam tenet ad montem vestigia flectens.  
Hinc atque hinc saxum per tetrum Daemonas ire
- 35 **Cornibus armatos, immani et verbere vidi**  
Vulneribus saevis illorum terga terentes.  
Heu mihi, quam propere hos adigebant tollere crura  
Ad primos crepitus plagarum! Jamque secunda  
Verbera caedentum, vel tertia nemo manebat.
- 40 Cumque irem, offendere simul mea lumina quendam;  
Atque cito dixi: Haud ab ea est jejuna figura  
Nostra acies. Ideoque pedes, ut noscere possem,  
Continui, ac dulcis mecum dux restitit atque  
Annuit, ut retro paulum vestigia ferrem.
- 45 Ille autem caesus me fallere posse putabat,  
Vultu demisso, parum at ipsi profuit astus;  
Nam dixi: O tu, qui defigis lumina terrae,  
Ni fallunt quae signa geris, **VENERICUS** ille es  
**CACCIANIMICO.** Ad coenas tam acri sale salsas
- 50 Quisnam te ducit? Tum is: Non sponte ora resolvo;  
Sed tua me cogit claro sermone loquela,  
Propter quam antiquum mea mens reminiscitur orbem.  
Ille idem ipse fui, qui vultu et corpore pulchro  
Praestantem suasi **GHISOLAM** dedere cuncta,
- 55 **Marchio** quae voluit, quidquid mala fabula cantet.

Sed neque ego hic solus de tot, quos *FELSINA* mittit,  
 Lugeo, at iste locus tot jam completus abundat,  
 Ut totidem linguae nondum didicisse ferantur  
 Inter *Savenam* ac *Rhenum* modo dicere sipa.  
 60 Quod si digna fide ac verum testantia quaeras,  
 Fac animo nostrum perpendas pectus avarum.  
 Haec tanti *Daemon* percussit terga flagello;  
 Atque: Hinc, dixit, abi, leno, hic mercabilis aere  
 Haud ulla est mulier. Comitem ipse subinde petivi.  
 65 Progressi paulum, conscendimus egredientem  
 Ex ripa scopulum. Sed nos invenimus istum  
 Ascensu facilem, praeruptaque saxa prementes  
 Abscessu, aeternos anfractus liquimus illos,  
 Ad dextram versi. Sed cum devenimus illuc,  
 70 Dux, ubi pons vacuus manet infra, ne locus undis  
 Caesorum desit: Gressum modo comprime, dixit,  
 Fac male natorum feriant te lumina, et horum,  
 Quorum tu nondum potuisti cernere vultum,  
 Namque hi nobiscum venere. — Ex ponte vetusto  
 75 Vidimus alterius speculantes agmine turbae  
 Ex alia raptim nos contra occurrere parte,  
 Quos pariter fustis crepitanti verberare trudit.  
 Tum bonus haec addit, me non scitante, magister:  
 Aspice magnum illum venientem, pectore nullum  
 80 Cui gemitum aut lacrimam dolor expressisse videtur.  
 Quantum is adhuc retinet formae regalis in ore!  
*Thessalus Aesonides* ille est, qui mente animoque  
*Arietis* aurato privavit vellere *Colchos*.  
 Venerat is casu *Lemnum*, cum, caede peracta,  
 85 Corpora cuncto virum per calles strata jacebant  
*Femineae* turbae dextra, et crudelibus ausis.  
 Nutibus hic usus verbis et fallere doctis,  
 Dicitur *Hypsipylae* fucum fecisse puellae,  
*Femineo* fucum quae fecerat ante furori.  
 90 Hic gravidam et solam liquit. Damnatu ob istud

Crimen, dat poenas istas; nec inultus obivit  
MEDEAE deceptus amor. — Qui hac decipit arte,  
Hunc sequitur. Sed ita hanc primam cognoscere vallem  
Sit sat, quosque suo cruciatos carcere claudit.

95 Jam ventum fuerat, via quo se angusta secundo

Vallo decussat conjuncta et continet arcus  
Alterius partem. Hic stantes audivimus agmen  
In bulgae alterius tenebris immane gementum,  
Rictu frendentum atque suis sibi pectora palmis

100 Plangentum. Horrebat mucosis obsita crustis

Ripa, etenim densus barathro effert se habitus illo,  
Oppugnans oculos ac robur naris odoraë:  
Atque ita coecus erat sinus ille voraginis altae,  
Ut locus, unde mei demisi lumina visus,

105 Non faceret satis. Ergo, qui supereminet, arcum

Legimus ascensu, et demersam stercore eodem,  
Quod motum humanis credas exire latrinis,  
In fossa vidi gentem. — Mihi quaerere aventi  
Qui suberant, quidam apparet, cui merda fluebat

110 Sic capite ex toto et sic deturpaverat ora,

Ut scire haud possem, num aliquem tonsura ministrum,  
Crisis an intonsus de nostris proderet unum.

Hic ille increpitans dixit: Quis te impulit ardor,  
Ut me plus cupide aspiceres, quam plurima turbae

115 Turpia? Respondi: Quia te, ni fallor, ALEXI,

Crine olim sicco vidi, quem nomine clarat  
Gens INTERMINEI Lucensem. Quare ego visu  
Te praeter cunctos quaero. Hic caput ictibus, ambas  
In se convertens palmas, sibi tundere et ista

120 Mittere verba: Isthuc me deduxere loquelae

Blandisonae, et nimium incautis palpatia verba,  
Queis satura haud unquam fuerat mea lingua. — Fac ultra  
Plus paulo inspicias, dux inquit, et ora tuere  
Illius ancillae foedatae et crinibus hirtis,

125 Quae sibi coenosis misere secat unguibus artus.

Et modo se in talos inclinat, nunc stat utroque  
In pede recta. Est haec THAIS, lupa pessima, amanti  
Respondisse suo quae fertur vocibus usa  
Talibus: Est ingens tecum mihi gratia, quin est  
130 Mira. — Atque hinc satiata acies sit nostra vicissim.

### XIX.

O SIMON mage, et o miseri hujus castra secuti,  
Qui res divinas, summi quas ducere amoris  
Dignum esset sponsas, et vos, suadente rapace  
Ingluvie, ob lucrum audetis corrumpere, moechi,  
5 Vos propter claro sonitu tuba clangat, oportet;  
Tertia nam vobis substruxit bulga sepulchrum.  
Jamque erat ascensu tumuli superata sequentis  
Rupes, directe qua scilicet imminet altae  
In medio scopulus fossae. O sapientia summa!  
10 Oh quantum in coelo terraque elucet, et illo  
Pessimo in orbe, artis! Virtutis munera juste  
Dividis omnigenae! — Per ripae terga, per imi  
Strata soli vidi liventia marmora crebris  
Plena foraminibus, latis aequaliter: oris  
15 Forma rotunda inerat cunctis. Minus ampla fuisse,  
Nec majora reor, quae vidi, templa JOANNI  
Sacra meo ingressus pulcherrima, purus aquai  
Humor ubi stabat hominem renovare paratus.  
De quibus, haud ante haec multo, mihi contigit unum  
20 Rumpere, ut extraherem quendam jam corpore mersum,  
Interclusa anima; idque obsignet caetera, ut omnem  
Dissipet errorem. Cujusque foraminis ore  
Damnati exstabant pedibusque et cruribus usque  
Ad suram. Interius pars caetera tecta manebat.  
25 Omnibus igne incensus erat pes unus, et alter;  
Quare convulsi jactabant impete tanto  
Membra, ut rupissent ex torto vimine vincla.

- Utque micare solent res unctae, atque vagari  
Summam lambentes flamma tantummodo pellem:  
30 Sic illic erat a talo usque ad pollicis unguem.  
Tunc ego: Dic, doctor, quisnam is, qui sic furit, atque  
Sese contorquet plus quam sibi proxima turba  
Consors, et quem flamma magis rubra sugit adustum?  
At contra: Si forte optas, ait ille, sub istam  
35 Ripam, quae melius jacet, haud te ferre recusem.  
De se deque suis malefactis ipse loquetur.  
Res mihi sola placet, quae te juvat, huic ego dixi;  
Tu dominus mihi, tu scis me discedere nunquam  
Consilio optatisque tuis, scisque ipse, tacenda  
40 Quae reor esse mihi. — Tum quarti culmina valli  
Scandimus et laevi descendimus, infima fossae,  
Plena foraminibus loca nec non arcta legentes.  
Praeceptorque bonus sublatum pondere toto  
Nondum me posuit, donec pervenit ad arcam  
45 Ruptam sic misere, jactando crura, dolentis.  
Quisquis es, heu, capite inverso qui membra superne  
Inferiora tenes, anima improba, more modoque,  
Quo in terra palus defigitur, haec ego fari  
Coepi, fac prodas, est si tibi copia, vocem.  
50 Adstabam ut frater, sua cum malefacta fatentem  
Latronem auscultat fictum, qui, ubi figitur, aurem  
Indulgentis adhuc poscit; quae caussa morandae  
Mortis sola subest. Ille autem corde profundo  
Clamorem ducens, inquit: Tune in pede rectus  
55 Hic jam es, BONIFACI? Tune hic es jam in pede rectus?  
Me plures annos igitur mentita sefellit  
Pagina. Tam cito divitiis satiatus abisti,  
Quas propter non es veritus tibi jungere fraude  
Egregiam forma sponsam, quam deinde parabas  
60 Perdere? — Non secus ac qui stans accommodat aures,  
Non percepturus, sibi quae responsa rogatus  
Reddit, ut illusus nescit, quae verba remittat:

Sic ego restiteram. At vates sic ora resolvit:

Ille ego, quem credis, non sum, dic illicet, ille

65 Non sum. At ego, quae jussus eram, tunc verba remisi.

Hic plantas totis distorsit viribus ambas

Illa anima atque trahens singultum flebile fatur:

Quid me igitur poscis? Si te fert tanta cupido

Noscere me, ut ripam idcirco percurreris, audi:

70 Non me pontificale decus gestasse negabo;

Veraque caussa fuit, cur crederer editus ursa,

Tam cupidus catulos ad opes extollere summas,

Ut nummis illic loculum, hic mihi deinde pararim.

Sub capite at nostro, qui me anteiere, trahuntur

75 Simonis comites, in marmoris abdita rima

Membra coarctantes, pariterque ego labar in ima

Haec loca, ubi is veniet, quem te nunc esse putabam,

Cum subito audisti scitantem. At longius, ex quo

Hic coquor igne pedes, capite ex quo inversus ita angor,

80 Praeteriisse reor mihi temporis intervallum,

Quam cum candentes flammis defixus habebit

Ille pedes. Sed enim qua Sol juga prospicit orbis

Occidui mox adveniet mage turpia facta

Ausurus pastor, non ulla lege retentus,

85 Qui me, ipsoque simul detruso, contegat ambos.

Alter, quem memorant Machabaea volumina, JASON

Hic surget novus, utque suus tunc mollior illi

Rex fuit, haud magis asper erit rex Gallicus isti.

Nescio an hic amens fuerim, cum talia contra

90 Fudi: Dic; quodnam pretium tam grande poposcit

Petrum, ante arbitrio quam claves traderet hujus,

Christus? Me sequere! haud aliud certe ille petivit.

Nec Petrus, aut Petri socii jussere Mathiam

Afferre argentum, aut aurum, cum sorte trahebant,

95 Quam Judas male perdiderat, qui sede sederet.

Quare sic maneat, nam poenis jure gravaris,

Atque male ablati bene serva dona metalli,



- Per quae saepe tuos expertus CAROLUS ausus  
Dicitur; et nisi quae summas reverentia claves  
100 Respicere hortatur, me fari plura vetaret,  
Audisses verbis etiam gravioribus usum;  
Vestra enim avarities omnes contaminat oras.  
Per se quisque, bonos dum calcat, tollit iniquos.  
Vos ita pastores fore sensit Apostolus ille,  
105 Qui sibi visus erat meretricis cernere more  
Regibus utentem, quae hinc atque hinc insidet undia,  
Quae septingemino nata est cum vertice, quaeque  
Cornibus ex denis duxit sua robora, donec  
Virtutem huic juncto fama est placuisse marito.  
110 Ex auro, argentoque Deum effinxistis in usus  
Vestros. Ecquid enim jam vos discernit ab illo,  
Qui Divum coluit simulacra? Id nempe, quod unum  
Praecipuum ille habuit, vos centum in vota vocatis.  
Eheu, quot genetrix, o Constantine, malorum  
115 Inventa est, non jam quae te sententia vertit,  
Sed dos, qua primum patrem cumulassem priorem  
Diceris! — Ast alter, jam dudum me ista canente,  
Sive furor stimulo seu mens hunc conscia agebat,  
Fortiter ambabus calces propellere plantis.  
120 Id credo placuisse duci, sic adstitit ore  
Semper contento attendens, quae vera loquebar.  
Quare complexus medium me sustulit ulnis  
Ambabus, repetitque viam, quam legerat ante  
Descendens, prae se ipse sinu me haud stringere lassus,  
125 Ad summi donec fastigia detulit arcus,  
Qua datur ex quarto ad quintum transcendere vallum.  
Suaviter hic pondus dimisit suave, praealti  
Ob durum scopuli dorsum, praeruptaque saxa,  
Aspera quae capreis fuerit via; deinde tuenti  
130 Alterius vallis patuit tenebrosa vorago.

## XX.

- Nunc nova poenarum species dicenda, meoque  
Materies, praeter his septem et quinque labores,  
Invenienda operi est, hujus primordia cantus  
Dum texo, memorans quos dicunt nomine mersos.
- 5 Reclusum fossae fundum speculabar, in illo  
Totus, solliciti qui fletus imbre madebat.  
Atque hic in gyrum per vallem incedere gressu,  
Quo bini ire solent, qui nomen voce canora  
Sanctorum repetunt, pagi dum compita lustrant,
- 10 Aspexi plebem tacitam lacrimasque cientem.  
Ut paulo inferius coepit descendere visus,  
Miris ora modis cuivis inversa videbam  
A mento ad pectus, sinuosus ubi incipit ordo  
Costarum. Nam omnes ad renes ora retorta
- 15 Gestabant, et erat pedibus via cuique terenda  
Retrogradis, neque enim posita ante videre dabatur.  
Vi morbi quidam, nervis fortasse solutis,  
Inversum se sic a pectore novit; at istud  
Haud unquam vidi, et nunquam evenisse putarem.
- 20 Si tibi dent Superi, mi lector, carpere fructum  
Hoc opere ex nostro, per te modo mente voluta,  
Quomodo ego ista genis potuissem cernere siccis,  
Cum prope nostra mihi sic torta occurrit imago,  
Ut quae rima nates interfuit, usque maderet,
- 25 Guttarum emittens oculis lacrimantibus imbrem.  
Ipse quidem flebam, incumbens de cautibus uni,  
Quae duro exstabat scopulo, cum farier inquit  
Dux ita: Te pariter stultorum de grege stultum  
Inveniam? Hic pietas, ubi sit bene mortua, vivit.
- 30 Equis habendus erit mortali nequior illo,  
Qui, quae jussa Deo stant iudice, sustinet aegre?  
Arrige nunc caput, arrige et aspice, terra dehiscens  
Quem quondam absorpsit, Theba inspectante, suisque

Omnibus horrendum clamantibus: Quo ruis, eheu!

35 Quo ruis, AMPHIARAE, quid hic infecta relinquis  
Bella? Sed ille tamen non destitit ire profunda  
In loca, ubi Minos delapsus quemque revincit.  
Aspice, ut ex tergo pectus sibi fecit; ob illam  
Causam, qua voluit nimium res ante videre,

40 Respicit, atque viam modo cogitur ire retrorsum.

Aspice TIRESIAM, qui mutavisse figuram  
Fertur deque viro factus modo femina, dein vir,  
Cuncta sibi vertit membra: ast iterum ante bacillo  
Nexa simul duo serpentum huic caedenda fuerunt

45 Corpora, quam plumas posset revocare viriles.

Sed qui, pone legens hujus vestigia, tergo  
Ipsius sese ventri fert obviis, ille est  
ARUNS, qui quondam se in montibus abdidit altis  
Lunae, ubi suppositus Carrarius accola runcat.

50 Huic tectum spelunca fuit de marmore cano,  
Unde ingens patuit speculanti pontus et aether.

Quaeque tegit mammas, quas non est cernere nobis,  
Crinibus effusis, pars illinc quaeque pilosa  
Cui patet, est MANTO, quae plurima regna petivit,

55 Dein, qua me genetrix peperit, se in sede locavit:

Quare pauca libet, te aures praebente, referre.  
Haec ubi persolvit defuncto justa parenti,  
Passaque servitium est quae olim cunabula Baccho  
Urbs dedit, ipsa diu fuit errabunda per orbem.

60 Illic, Italiae formosa ubi panditur ora,

Infra Alpes lacus est, qui te, Germania, claudit  
Tirolum super, et Benacum nomine dicunt.  
Per mille et plures hunc credo crescere rivos,  
Gardam inter Camunosque et nubiferum Apenninum,

65 Atque undam intumuisse, lacu quae stagnat in isto.

In medio locus est, quem dux gregis, atque magister,  
Sive Tridentinus, seu qui te, Brixia, seu qui  
Te, Verona, colit patriam, describere posset,

- Hoc ubi iter tereret. Piscaria, pulchra potensque  
 70 Arx, opere egregio fortis, sedet, obvia genti  
 Borgomeae obsistens, et si quid forte moveret  
 Brixia. Ubi circum plus ripa inclinat, oportet  
 Ut tota unda cadat, quae sese in gurgite vasto  
 Benaci haud capit: haec labens per pascua laeta,  
 75 Nomine Benaci posito, fit Mincius amnis,  
 Donec Acroventum delabens exilit amplum  
 Eridani in gremium. Spatii nec conficit unda  
 Longum, nam lamam offendens, spatiat in ista;  
 Inde palus oritur, quae aestivo tempore saepe  
 80 Obfuit. Hinc ubi transgressa est illa aspera virgo,  
 Atque oculis inter limum undique circumspexit  
 Culturae expertes agros, nudosque colonis;  
 Ut cuncta humanae fugeret commercia vitae,  
 Illic cum turma servorum restitit, artes  
 85 Tractatura suas, vixitque et corpus inane  
 Deseruit. Tunc turba virum dispersa per agros  
 Convenere, locumque fimi munimine cinctum  
 Elegere, urbemque his ossibus impendentem  
 Construxere manu, cui MANTUA nomen ab illa,  
 90 Quae tum prima locum legit, sine sorte remansit.  
 Hanc olim major celebrabat copia vulgi,  
 Ante nimis stolido quam subdola verba dedisset  
 LAUDENSI ALBERTO PINNAMON; quare ego vellem  
 Hoc te praemonitum, ne, si quis forte paternae  
 95 Diversum genus esse urbis confingeret, ullum  
 Commentum fraudet quae vere dicta notasti.  
 Tunc ego: Praeceptor, dixi, sic certa locutum  
 Te reor, atque fide sic res narrata potita est.  
 Ut mihi restinctus foret altera fabula torris.  
 100 At quae procedunt, mihi narra examina gentis,  
 Si qua tibi ante oculos occurrit digna notari  
 Umbra, id namque unum nostra stat mente repostum.  
 Tum dux: Ille, genis, inquit, cui prominet hirta.

- Barba, nigris affusa humeris, fuit incola terrae  
 105 Tempore, quo se tota viris sic Graecia vidit  
 Nudam, ut per cunas vix corpora pauca manerent.  
 Dicitur hic augur, socio CALCHANTE, fuisse  
 Sortitus tempus, quo primum incidere funes  
 Aulide fas esset; quem nostra tragoedia cantu  
 110 Sublimi vocat EURYPYLUM; nec scire negabis;  
 Nam tibi, quanta fuit, lecta est ac tradita menti.  
 Ille alter, laterum sic pauper, SCOTICUS ille est,  
 Cui MICHAEL inerat nomen, qui ludere fraudes  
 Vere doctus erat magicas. Agnosce BONATTI  
 115 GUIDUM atque ASDENSEM. Supero quam vellet in orbe  
 Et corium tractasse et contortam pice stuppam!  
 At frustra hunc facti modo poenitet. Aspice pravas,  
 Quae digitis dicuntur acum radiumque columque  
 Excussisse suis, et se voluisse vocari  
 120 Vates, carminibusque herbisque et imagine inani  
 Usae. Sed jam tempus erit discedere; et ecce  
 Chain ac spinae bifidae confinia sphaerae  
 Ima tenent, undam et tetigere sub Hispalis ora.  
 Et nocte hesternam jam pleno fulserat orbe  
 125 Luna; etenim meminisse potes, tibi noxia quando  
 Non fuit, ingresso silvae loca nigra profundae.  
 Haec ille. Interea sic fantem ego pone sequerbar.

## XXI.

- Sic ponte ex alio atque alio, diversa locuti,  
 Quae mea non ducit comoedia digna relatu,  
 Venimus ad culmen. Placuit tunc sistere gressum  
 Visuris barathrum bulgarum immane malarum,  
 5 Quod remanet, vanoque alios conamine questus;  
 Et loca conspexi miro suffusa nigrore.  
 Sicut apud Venetos, ubi stant navalia bruma  
 Canente, ebullit pix migrans, apta tenaci

- Glutine restaurare rates, queis membra fatiscunt,  
 10 Tempore, quo nequeunt pelagus tentare protervum;  
 Proque labore viae navem struit iste novellam,  
 Ille peragratae longum vada caerula cymbae  
 Obturat costas, proram ille repercutit, ille  
 Puppim, remos ille polit, tenet iste rudentes,  
 15 Vela minora alius, majoraque carbasa sarcit:  
 Sic, non vi flammae, divina at numinis arte  
 Illic fervebat pix densa atque undique ripam  
 Conspergens visco. Hanc potui modo cernere, in illa  
 Non potui, praeter spumas, cum turgida ab aestu  
 20 Tota insurgebat, donec compressa sederet.  
 Hoc ego in obtutu cum lumina fixa tenerem,  
 Dux: Caveas, caveas! inquit, meque inde retraxit,  
 Pes ubi constiterat. Tum verti lumina retro,  
 Non secus ac sibi qui sero vidisse videtur  
 25 Quae novit fugienda, timor cui protinus artus  
 Debilitat, quem visa fugae dare terga morantem  
 Non faciunt; et post aspexi Daemona nigrum  
 Summa ascendentem scopuli fastigia cursu  
 Praepete. Et, heu, quantum feritatis in ore ferebat!  
 30 Quam mihi visus erat furiis agitatus acerbis,  
 Expandens alas, et vix tangens pede terram!  
 Alte assurgentem huic humerum, qui erat asper, acutus,  
 Damnatus quidam coxis onerabat utrisque,  
 Isque pedum huic nervum violentius ungue tenebat.  
 35 Nostri custodes pontis, socii unguibus acres,  
 Clamabat procul, ecce hic e senioribus unus  
 De SANCTA ZITA: sontem supponite, post hunc  
 Prensurus reliquos mox ipse revertor ad illam  
 Terram, his magnifice popularibus exornatam.  
 40 Quisque etenim, excepto BONTRUO, est fallere doctus:  
 Namque per hanc minime fit maxime, ubi imperet aurum.  
 Atque isthuc projecit eum, perque ardua duri  
 Flexit iter scopuli, nec dempto fune molossus

- Unquam tam rapido furis vestigia cursu  
45 Pressit. Is et mersit sese, atque humerum extulit inde;  
Quique hostes nigri stabant sub rupe latentes,  
Clamarunt: Nil hic Divae facit inclita imago;  
Hic aliter nandum est, quam ubi friget SÆCULUS unda:  
Et nisi vis nostris. laniatos unguibus artus  
50 Ferre, superjecta pice desine velle levatus  
Plus aequo eduxisse caput. Dein millibus uncis  
Arripuere simul miserum, sic ore locuti:  
Hic te submersum in numerum jam ludere oportet,  
Laeva ut furtive utaris, si copia detur.  
55 Non aliter famulata coquis plebs uncta jubetur  
Uncis exstantes carnes demergere ahenō.  
Optimus at ductor: Ne quis te advertat adesse,  
Inquit, post scopulum, unde aliquid sperare latenti  
Praesidii possis, jaceas depressus, et unquam  
60 Ne timeas, quidquid mihi triste parare videbis  
Daemonas; haec alias etenim mihi nota fuere  
Experto hanc pugnam. Deinde ulteriora petivit  
Pontis, et ut sextae tetigit confinia ripae  
Labra, animis opus huic fuit uti, et fronte minarum  
65 Secura. Quantus furor urget, quanta procella  
Irarum rabida ora canum rapit, agmine facto,  
Adversus stantem, subito quem poscere egestas  
Hortatur panem: tantus sub ponte latentes  
Impetus egressus custodes egit in illum,  
70 Undique circumseptum armis, atque omnibus uncis;  
Queis ait inclamans: De vestris nemo sit acer,  
Atque prius nostros quam vester ceperit artus  
Uncus, de vestris coram sese efferat unus;  
Ac si tantus amor caedendi est, tum rotet arma.  
75 Clamavere simul cuncti: Malacauda propinquet!  
Quare unus subiit, dum constitit altera turba,  
Minciademque adiens, Quidnam velit ipse? rogavit.  
Num, Malacauda, putas huc me venisse, — loquelas

Has dedit ore sophus, — securum, atque omnia contra  
 80 Tela tuae turmae tutum sine numine rerum  
 Cunctarum domino, fatove juvante benigno?  
 Me sine tendere iter, nam vult suprema potestas,  
 Ipse oculo alterius regna haec teterrima monstrem.

Tum sic huic animi cecedit fiducia, ut uncum  
 85 Concidere ante pedes sineret, sociosque juberet  
 Abstinuisset armis. Me vero hac voce vocavit  
 Dux meus: O tu, qui latitas sub rupe cavata  
 Compressus, refer huc reditum formidine pulsa.  
 Quare mox veni egressus. Tunc adstitit ante  
 90 Tota inimica cohors sic, ut mens icta pavore  
 Deficeret, metuens ne auderent frangere pactum.  
 Sic pedites vidi pallentes ora timore,  
 Cum pacti exirent Capronae ex moenibus arcis  
 Et tot conspicerent armorum millibus hostes

95 Contra se accinctos. — Accessi corpore toto  
 Ductorem propius, nusquam mea lumina ab ore  
 Detorquens horum, mihi non jucunda ferentum.  
 Alternis uncum declinans quisque fremebat:  
 Vis uropygium huic tangam? cui caetera turba:

100 Sane, ait, experiare, an sit penetrabile telum.

At qui ductorem interea sermone tenebat  
 Daemon prosiliens: Absiste, absiste moveri,  
 Scarmalio, dixit; dein nobis edidit ista:  
 Hunc propter scopulum ulterius procedere non est;

105 Arcus enim sextus jacet a fundamine totus  
 Excisus. Sed pergere iter si certa voluntas  
 Vos fert, hoc antri summum superate cacumen:  
 Hic prope prona viam vobis dabit altera rupes.  
 Sub lucem hesternam, quinta paulo amplius hora  
 110 Post hanc, et bis sena prius quam saecula coelum,  
 Senosque undecies expletis orbibus annos  
 Vertisset, rupta ista via est. Modo de grege nostro  
 Hos mitto, ut videant, num quisquam omergat ad auras



- Furtim; vos comites his addite, sed timor absit;  
 115 Non hi corda gerent in vos truculenta ministri.  
     Calcabrina, adsis, Cynisarpagos, Alicchine;  
     Cum Cynimega adsit Ciriattus dente timendus,  
     Inquit, bis quinos duc, Barbacrispe, sodales,  
     Tuque, Draghignacci, simul, et Libicocche, propinqua;  
 120 Farfarulus se addat, Rubicusque furore protervus.  
     Jam spectate simul picea ferventia spuma  
     Stagna, hosque incolumes ripam mihi ducite ad illam,  
     Quae superimpendens aliis tota incubat antris.  
     Heu mihi, quid video, praeceptor? pectore vocem  
 125 Hanc rupi, quaeso, nullis ducentibus, istud  
     Suscipiamus iter soli, si semita nota est;  
     Namque duces mihi non posco. Si mente sagaci es,  
     Ut prius; anne vides, ut frendunt dentibus atris,  
     Utque supercilio minitantur pessima nobis?  
 130 Is mihi respondens dixit: Jam mitte timorem;  
     Hos sine pro lubito ringi. Nam signa per ista  
     Elixos pavitare jubent sua damna dolentes.  
     Illi iter ad ripam versi flexere sinistram;  
     Verum quisque prius linguam sibi dentibus arcte  
 135 Presserat, adversus ductorem his nutibus usus;  
     Atque erat huic tibicen, qui inflaret classica, podex.

## XXII.

- Jam vidi ipse equites discurrere, et ordine inire  
 Certamen seseque pares ostendere in armis,  
 Saepe fugae tergum nudare et quaerere tuta.  
 Vidi excussores in vestram irrumpere terram,  
 5 O ARETINI, et latronum more ruentes  
 Ludere quosdam armis, pugnae et simulacra cieri  
 Nunc cornu, modo Campani tinnitibus aeris;  
 Tympana pulsa aderant, castellis edita signa,  
 Instrumenta domi inventa atque aliunde petita:

10 Nec mihi jam audita est adeo praepostera bombo  
 Fistula, ubi pedites equitesque accedere vidi;  
 Talia non terram, aut stellam monuere carinas  
 Indicia. — Interea sic agmine Daemoniorum  
 Bis quino cincti (heu comitatus effera turba!)

15 Nos molimur iter nostrum. Sed templa petenda  
 Cum sancto veniunt, et cum lurcone tabernae.

At mihi pix animum totum retinebat, ut hujus  
 Bulgae introspicerem penitus claustra omnia et omnem  
 Circuitum, nec non gentes, quas aestus adurit.

20 Non secus ac signum delphines tergoris arcu  
 Dant nautae, ut caveat properetque reducere pinum:  
 Sic quandoque aliquis, captans lenimina poenae,  
 Dorsum ostendebat de sontibus, atque sub aestu  
 Spumarum piceo celabat fulguris instar.

25 Ac veluti ranae stant fossae in margine aquoso  
 Ora objectantes, pedibusque et corporis omni  
 Parte latent: haud dissimili ratione modoque  
 Undique damnati stabant. Ut adesse videbant  
 Jam Barbacrispum, retrahebant ilicet artus

30 Sub spumam. Vidi, et me nunc quoque concutit horror,  
 Cunctatum quendam, sic, ut forte accidit, una  
 Cum rana effugiens elabatur, una moratur;  
 Quique aderat propius contra Cynisarpagos isti  
 Glutine concretos crines convolvit, et ipsum

35 More lutrae extraxit. Cunctorum ego mente tenebam  
 Nomina, ubi lecti fuerunt, nam quemque notavi,  
 Et qua quisque alium vocitasset voce, sciebam.  
 Injicito huic unguis, Rubicas, simul ore fremebant  
 Tristes, donec eum glubas. — Tum talia fudi:

40 Si licet, o sapiens, fac quaeras, qualis et unde  
 Sit miser hic, manibus quem sors objecit acerbis  
 Hostilis turmae. Tum dux accessit et illum  
 Scitatus, quis sit, tulit haec responsa: Parentes  
 Me NAVARENSEM civem genuere, deditque

- 45 Mater hero servum perverso me patre natum,  
Qui bona cuncta domumque suam male perdidit, et se.  
Deinde aulam accessi, regnum moderante benigno  
THEBALDO, atque isthic studui me dedere technis,  
Pro quibus hoc poenas cogor persolvere in aestu.
- 50 Sed qui ore exstantem parte ex utraque gerebat,  
Sicut aper, dentem, Ciriattus ungue rigenti  
Hunc docuit, quam artus laniaret vulnere acerbo.  
Inciderat feles inter, mala saecula, sorex.  
Hunc Barbacrispus complexus utrisque lacertis :
- 55 Quisque, ait, absistat, dum furca ipsum male mulco !  
Deinde ad doctorem conversus, talibus infit:  
Si quid scire optas ultra, scitare, priusquam  
Hunc alius perdat. — Reliquos ergo incipe sontes  
Dicere, doctor ait; num quemquam sub pice nosti
- 60 Ex LATIO ? Is contra respondit: Nuper abivi  
A quodam, vestris qui non procul abfuit oris;  
Sic ego nunc una tegerer, nam haud cogerer unguem  
Horrere aut uncum. At vero Libicoccus ad ista :  
Hunc, dixit, tulimus nimium; et furca arripit ulnam;
- 65 Cumque ita saeviret, fractum tulit inde lacertum.  
Aspra Draghignacci voluit manus infima crurum  
Prensare; at circumspiciens stetit ore severo,  
Qui praeerat. Postquam paulum repressa quievit  
Turba, moram abrumpens praeceptor voce rogavit,
- 70 Vulnere adhuc sua spectantem: Quisnam ille vocatur,  
A quo digressum te dicis tempore tristi,  
Oras ut caperes? — GOMITA est nomine, Frater  
Ille ex GALLURA, vas omni fraude refertum;  
Prae manibus qui habuisse suis hostilia fertur
- 75 Arma parata suum in dominum, sed, qui illa gerebant,  
Hostes pro facto hunc laudant; nam pondere captus  
Auri, ut et ipse inquit, passus fuit ire solatos.  
Non fuit hic humilis fraudator, at ordine princeps.  
Utitur hoc MICHAEL (Logodurum patria ZANCHE)

80 Quem vocat), atque istis nec vox nec lingua loquendo  
De Sardis unquam lassa est. Ast heu mihi fesso!  
Aspicite hunc alium frendentem. Dicere averem  
Ulteriora, sed hunc metuo, ne saeviat ungue.

Tum magnus princeps, ut vidit torva tuentem

85 Farfarulum, atque artus pavido laniare parantem:  
Accede huc, mala avis, dixit. Tunc territus ille  
Sic fari pergit: Si rursus corde cupido  
Fert fantes audire, et coram cernere vultus  
Tuscos, quosque PADI una atque altera ripa tenebat

90 Cives, arcessam; ast exercitus unguibus acer-  
Cesset, ne ultores metuant. Hic ipse sedendo,  
Nomine pro unius, qui sum, hinc exire jubebo  
Septem, cum, sicut mos est caput emittentum,  
Sibila nota dabo. Audito sermone, levavit

95 Rictum quassavitque caput Cynimega locutus  
Sic: Audi technam, quam secum versat, in ima  
Ut se dejiciat nostri securus. — At ille,  
Multorum dives laqueorum, talia contra:  
Egregiis vero technis instructus abundo,

100 Respondit, majora meis cum damna procuro.  
Sed non usque adeo mens perstitit Alicchini,  
Atque alios contra dixit: Si stagna subibis,  
Non cursu incurram, alarum sed utrumque movebo  
Remigium, pice torrentes instans super undas.

105 Linquamus collem, tibi sit tutamine ripa:  
Num tu plus valeas, an virtus nostra, videre est.  
O tu, qui legis ista, novum nunc accipe ludum.  
Quisque oculos alio ex scopulo convertit, et ille  
Primus, qui hanc mentem est magis aversatus acerbe

110 Tum Navarensis conamen tempore sumens  
Sat scite, pedibus terram pulsavit, et uno  
Ictu oculi assiliens, stagnum se injecit in imum,  
Ac se subduxit meditati atrocia turbae.  
Hoc casu confossi omnes; verum acrius ille

- 115 In primis, qui caussa fuit: Quare ilicet urgens  
 Clamavit: Jam, jam teneo! At leve pondus habebant  
 Voces, namque alis praevertere posse timorem  
 Non licuit. Subit ille; arrectus corpore toto,  
 Iste supervolitans instabat. Ita obruit undis
- 120 Corpus anas, findente auras falcone propinquo,  
 Isque furens ira, et fractus petit aethera rursus.  
 Ludum indignatus mox Calcabrina volatu  
 Hunc sequitur, tacite gaudens, quod fugerat alter,  
 Jam cupidus conferre manus. At ubi improbus omnem
- 125 Evasit casum, socii petit unguibus ora,  
 Arripuitque simul fossam super. At fuit ille  
 Accipitri similis praedanti, unguisque rapaces  
 Immisit contra, revolutusque unus et alter  
 Decidit in medii ferventia glutina stagni.
- 130 Protinus hos aestus dirimens defendit, at inde  
 Surgere nulla dabant conamina, ita haeserat alis  
 Concreta viscum pice. Barbacrispus acuto  
 Vulnere cum reliquis percussus, quattuor ad se  
 Evocat ex alio clivo, simul omnibus armis
- 135 Instructos, propereque. Ast illi hinc inde volando  
 Lapsi, devenere locum, viscoque revinctos  
 Appetiere uncis, nam coctos crusta tegebat.  
 Hos sic implicitos est nobis linquere visum.

## XXIII.

Nos taciti, soli, ac nulla comitante caterva,  
 Vadimus, et praeunte uno, pone ambulat alter,  
 Quales, quos nostri Fratres dixere minores,  
 Egressi incedunt. Animum mihi fabula movit

5 Aesopi, historiam ranae murisque canentis,  
 Propter praesentem rixam, quae convenit aequae  
 Ac nunc atque modo. Namque huc concurrat utrumque  
 Exemplum, fixa si quis componere mente

- Principium et finem recte velit. Utque frequenter  
10 Res alia ex alia emergit, sic inde suborta  
Cura nova est animo, primam formidinis umbram  
Quae duplicem ostendit. Namque haec ego volvere mecum:  
Isti nos propter decepti fraude, tulerunt  
Et damna et ludum, et sic, ut taedere furenter  
15 Hos credam. Si forte malis accesserit ira  
Ingeniis, in nos crudelius irruet hostis,  
Quam canis in leporem, quem primum contigit ore.  
Tum sensi subito arrectos mihi stare capillos,  
Horrescens totus, tum pone secutus euntem  
20 Intendebam aures, ac talia denique fudi:  
Ni te meque cito celas, male ab unguibus acrem,  
Dux, turbam extimeo; jam hostes post terga propinquant:  
Hos mihi sic fingo, ut videar jam audire tumultum. —  
Si speculum ipse forem, non ad me externa referrem  
25 Tam vultus simulacra tui, quam pectoris ima  
Sensa, ait, insculpo; perque haec simul ipse vagabar  
Tecum, hunc ipse ferens gestum similemque figuram;  
Quare unam feci mente ex utraque. Sed iste  
Dexter ubi jaceat sic mons, ut copia detur  
30 Descendendi aliam in bulgam, quem fingimus, hostis  
Effugere incursum dabitur. — Vix desiit istud,  
Reddere consilium, cum vidi accedere pansis,  
Haud procul hos, alis nos captum. Matris ad instar,  
Cui somnum excussit rumor, cum incendia cernit  
35 Proxima, quae, arrepto nato, fugit incita, nec stat,  
Plus isti metuens, dum uno se velat amictu,  
Quam sibi; dux cito me prendit, ripaeque rigentis  
Ex alta sese misit cervice supinum  
Erga impendentem scopulum, quo clauditur unum  
40 Alterius bulgae latus. Haud unquam unda canali  
Ocuis exsiliit, terrestris volvere jussa  
Orbem pistrini, propius illapsa batillis,  
Quam meus hic sapiens hujus per lubrica valli,

- Pectore me portans comitem non ut comes alter,  
45 Sed veluti natum genitor. Vix intima fossae  
Contigerant plantae, cum jam super adstitit hostia  
Insidens clivo, sed nil erat inde timoris;  
Provida nam summi sapientia numinis istos  
Quintae praefecit fossae imposuitque ministros,  
50 Sed non inde dedit vestigia posse movere.  
Illic inventa est gens infucata, graduque  
Tardo aegre reptans, quae circum largiter imbre  
Rorabat fletus oculos, vultuque ferebat  
Se lassam ac victam. Demisso ante ora cucullo  
55 Tegmina pendebant istis, quo more lacernas  
Consutas monaci suerunt adhibere Coloni,  
Exteriusque auro visum fallente micabant.  
At plumbo interius quacumque ex parte rigeant,  
Sic gravia, ut paleae fuerint de stramine habendae  
60 Vestes Fridrico miseros torquente reptae.  
O perpersu asprum tegmentum tempus in omne!  
Nos pariter laevi passus defleximus una  
Coniuncti arrectique ad tristis murmura luctus.  
Pondere lassa suo sed gens ea lenta movebat  
65 Sic raro passus, novus ut comes ire viderer,  
Unum ubi promoram femur. Hic ego talibus orsus,  
Ductori dixi: Fac coepto, aut nomine notum  
Invenias quendam, atque oculo undique circumspecta,  
Dum sic incedis. — Sed, qui cognovit Hetruscum  
70 Sermonem, quidam post tergum tollere coepit  
Exclamans vocem: Plantas retinete, citatas  
Per caligantem cursu sic praepete ripam!  
Forte a me disces, quae poscis. Lumina retro  
Dux, his auditis, vertit, sic ore locutus:  
75 Fac maneat ac dein passu procede secundus.  
Restiti, et ecce duos vidi praepandere vultu  
Magnum animi ardorem mecum properantis adesse;  
Verum hos tardabant et pondus, et arcta viarum.

- Tandem ubi perventum est, valde me lumine torvo  
 80 Conspectere ambo muti, dein vertere vultus  
 In se, et sic fari secum: Hic spirare videtur,  
 Guttur ubi aspicio. At si mors absumpsit utrumque,  
 Quae lex priva stolis gravibus dedit ire solutos?  
 Deinde mihi: O, qui, Thusce, potes collegia inire  
 85 Intima, ubi tales dat tristis hypocrita poenas,  
 Qui sis, effari ne dedignare rogatus.  
 His ego: Jucundi prope ripam fluminis Arni  
 Magna urbs me vidit prognatum crescere in annos  
 Plures, quosque habui semper, gero corporis artus.  
 90 Sed vos qui tandem, queis tanto lumina fletu  
 Extillant, quantum ex vestro patet ore doloris?  
 Quae vos poena premit sic fulgens? — Ora resolvens  
 Ex istis unus, respondit: Tegmina flavae  
 Vestis ita solido stant plumbo, ut pondera lances  
 95 Sic stridere suas cogant. Nos Felsina in auras  
 Edidit, ac fuimus Gaudentum de grege Fratres,  
 Iste LODERINGI, CATALANI ego nomine notus,  
 Quos tua terra duos praefecit, ut ante solebat  
 Unum, sic pacem sperans se posse tueri.  
 100 At fuimus tales, ut adhuc vestigia nostri  
 Praeferat imperii Gardingus. Ego edere vocem  
 Hanc coepi: O Fratres, mala vestra ... Haud plura locutus;  
 Namque mihi ante viam tendenti lumina quidam,  
 Quem terrae fusum palorum trina tenebat  
 105 Vis cruci inhaerentem, fuit obvius. Undique totum,  
 Me viso, se distorsit barbamque senilem  
 Sufflabat, graviter suspiria pectore ducens.  
 Quod cum sensisset CATALANUS, talia fando  
 Commemorat: Quem tu confixum conspicias isthic,  
 110 Ipse PHARISAEIS consultus reddidit istud  
 Verbum: Pro populo dare poenas expedit unum:  
 Perque viam positus transverse, ut cernis, et omni  
 Nudus veste jacet, perpendere pondera jussus



- Huc intendentum passus praeterque meantum.  
115 Nec socer huic aliter fossa cruciatur in ista,  
Turbaque, consilium quae caetera inivit iniquum,  
Ex quo JUDÆIS sementis pessima venit.  
Tunc ego MINCIADEM vidi pallescere vatem,  
Mirantem infami fixam trabe corporis umbram,  
120 Tam turpe opprobrium passuram tempus in omne.  
Tum sic Gaudenti: Haud pigeat, ni forte vetaris,  
Dicere, an ad dextram jaceant aliqua ostia, per quae  
Exitus ambobus sit pervius, ante ministros  
Quam nos cogamus nigros hinc tollere utrumque.  
125 Ille autem: Propius, quam speras, obvia rupes  
Circuitu ex magno prodit, vallesque per atras  
Ire dat, attingens omnes. Tamen excipe ruptam  
Istam, quae bulgae non contigit intervallum;  
At per congeriem saxorum perque ruinam,  
130 Quae jacet acclivis superansque assurgit in altum,  
Ascensus dabitur. — Paulisper lumina doctor  
Fixa solo tenuit, dein sic est ore locutus:  
In nostrum malus auctor opus fuit ille, recurvo  
Qui sontes illic damnatos corripit unco.  
135 Atque iste: Audivi jam, cum me FELSINA haberet,  
Plurima Daemonii vitia, inque his, fallere doctum  
Cognovi et fictum, commentorumque parentem.  
Exin dux properante gradu digressus abivit,  
Ora gerens ira paulum turbata. Gementem  
140 Immani abscedens liqui sub pondere turbam,  
Carorumque pedum pedibus vestigia legi.

## XXIV.

Ille ubi pars anni est parum adhuc aetate vigentis,  
Qua sol sub pluvio Ganymedis sidere crines  
Temperat, ad medium ac festinant jam ire diei  
Noctes, cum faciem delapsa pruina sororis

- 5 Fingit canentis, sed non durabile acumen  
Est calamo istius; re deficiente, colonus  
Corripit ex stratis membra, et prospectat et agrum  
Totum albere videt nivibus, quare femur icit:  
Deinde domum redit, ac replet loca cuncta querelis,  
10 Ut miser, ignarus, quid agat; mox rura regressus  
Lustrat, spemque iterum condit, mutata revisens  
Hora cuncta brevi, pecudesque ad pascua sumpta  
Compellit virga. Haud aliter mihi corda timore  
Concussit sapiens, turbata ubi fronte videbam  
15 Ipsum, sed tribuit prompte mihi pharmaca laeso.  
Qui, cum corrupti ventum est ad diruta pontis,  
Ipse oculos in me convertit dulce micantes,  
Qualis se obtulerat primum sub monte videndum.  
Quaedam molitus secum, inprimisque ruinam  
20 Luminibus tacitis emensus, brachia pandit,  
(Haec etenim potior visa est sententia menti)  
Et me corripuit. Tunc qualis qui audet et ausum  
Aestimat, usque sibi qui prospexisse videtur:  
Sic me correptum saxi ad fastigia tollens,  
25 Quod pars exstabat non exiguissima rupis,  
Frustum aliud scopuli circumspectabat acuti,  
Sic fatus: Manibus deinde hoc prensabis aduncis;  
At prius, an valeat libratum ferre, retenta.  
Ista lacernato via non tentanda veniret;  
30 Nam vix, ille levis, post tergum ego adactus, in altum  
Qua reptare dabat saxi angulus, unus et alter  
Quivimus ascensum petere, et ni forte fuisset  
Hac multo brevior septi altera ripa sequentis,  
Nescio ego hunc, ast ipse manus superante dedissem  
35 Asperitate viae victus. Verum infima campi  
Cum puteus teneat, puteique impendeat oris  
Totum bulgarum spatium hoc immane malarum,  
Quisque situs vallis fert unum surgere septum  
Altius opposito. Nos ad fastigia summa

40 Venimus, unde silex se extremo in vertice scindit.

Sic pulmonis erat mihi vis emuncta micantis,  
Cum super evasi, ut gressum ultra ferre nequirem,  
Quin imo sedi quam primum. At talia doctor:  
Sic est discutienda tibi socordia mollis;

45 Nam qui suffultus pluma tectusque torali  
Desidet, ad famam haud ascendit, qua sine vitam  
Qui peragit, de se vestigia talia linquit,  
Qualia in oceano spumae, vel in aëre fumus.  
Quare fac surgas; vincatur pectoris angor

50 Qualemcumque animo praesenti vincere pugnam,  
Ni sese ipse gravi pariter cum corpore sternal.  
Jam nobis opus est mage longas scandere scalas:  
Nec satis abscesfisse isthinc; si missa per aures  
Accipis aequo animo, tu ne sine inania abire. —

55 Tunc ego consurgo, et me vi majore paratum  
Jacto, at qua non ipse mihi pollere videbar;  
Atque: I prae, dixi, nam animo sum et robore firmo.

Sic nos per scopuli salebrosa, angusta, maligna  
Atque accliva magis, quam quae fuit altera ripa

60 Victa mihi, ascensum petimus. Neve ipse putarer  
Debilis, ore dabam, pede perrepente, loquelas.  
Quare vox alia ex fossa mihi venit ad aures,  
Verba edens hominis non convenientia linguae.  
Nescio quid dixit, quamquam impendentia fossae

65 Terga arcus premerem, qui dat transmittere cursum  
Illuc; at visa est hominis vox illa furentis.  
Intendebam oculos pronus; sed lumina viva  
Obscurae haud poterant pervadere ad infima vallis;  
Quare ego ductori: Fac prendas altera ripae

70 Culmina, nec mecum pigeat descendere muro;  
Namque, ut ego hic sonitum accipio, nec percipit auris  
Quidquam, sic illic video, sed nulla facultas  
Noscere dat quemquam. — Ulla tibi haud responsa remitto,  
Praeter, ait, factum; nam si quis poscit honesta,

75 Huic indulgendum tacite est factoque favendum.

Nos capite ex pontis, quo ripae jungitur orbis  
Octavus, lapsi descendimus, et mihi bulga  
Tum manifesta fuit, stipatumque intus acervum  
Serpentum vidi horribilem, queis forma genusque

80 Sic inerat varium, ut revocantem talia mente  
Sanguis adhuc fugiat. Non se, non jactet arenas  
Africa tota suas. Nam si jaculosque chelydrosque,  
Et phareas cenchresque haec gignit et amphisbaenam,  
Nec tot tamque malas pestes haec edidit unquam

85 Cum terra Aethiopum, cum Nilo flumine et omni  
Reptilium specie, rubrum quae continet aequor.  
Monstrorum huic generi foedo commista ruebant  
Corpora nudata, ac domitae formidine gentes,  
Queis spem nulla dabat latitandi rima, nec illa

90 Mira Gygae quondam in gemma sat cognita virtus.  
His post terga manus serpentum vincla ligabant,  
Qui se per renes cauda et capite insinuabant,  
Anteriora hominis complexi nexibus arctis.

Atque ecce ex istis unum prope littora nostra

95 Invasit serpens et acuto dente momordit,  
Qua cervix humeris vincitur juncta superne.  
Non o tam subito quisquam, aut i scribere quivit,  
Quam subito iste fuit flammis incensus et arsit,  
Et delabenti in terram considerare toti

100 Huic opus in cinerem fuit. Utque absumpserat ignis  
Hunc ita humi fusum, sese collegit in unum  
Tum cinis, et per se mox formam sumpsit eandem,  
Quae prius exstiterat. — Sic et phoenica fatentur  
Nobilitate sophi insignes occumbere morti,

105 Deinde iterum nasci, cum explevit saecula quina.

Non isti gramen, non isti pabula praebent  
Fruges, sed thuris lacrimae, sed succus amomi;  
Myrrhaque cum spica nardi dant ultima strata.  
Atque ut qui procumbit humi male conscius ipse

- 110 Casus, atque sui (sive hunc vis Daemonis atri  
Detrahat in terram, sive obstruat ostia mentis  
Morbus, membra ligans), ubi surgit, lumina circum  
Se volvit, totus cruciatibus exanimatus,  
Inspectansque oculis suspiria pectore ducit;  
115 Talis, ut arrexit sese, fuit improbus ille.  
O justa ira Dei, quanta gravitate severa est,  
Quae sic horrendis furit ictibus ulta dolorem!  
Tum dux hortatur fari, quibus editus oris,  
Quis sit; at ille inquit: Defluxi ex aethere Hetrusco  
120 Nuper in hanc faucem diram. Mihi vivere vitam  
Non hominis placuit, pecudum sed more ferarum,  
Ut mulo, qui et eram. Sum VANNES FUCCIUS ille,  
Bellua, cui dignum Pistori nota cubile  
Urbs fuit. Hunc, dixi, ne nos ita linquat inanes  
125 Rerum diffugiens, ora, dux atque magister,  
Atque roga, quae caussa istud detrusit in antrum;  
Namque illum novi bacchatum in sanguine et ira.  
Nec tamen, auditis istis, simulare, sed in me  
Osque animumque suum damnatum vertere vidi,  
130 Atque simul totum tristi erubuisse colore.  
Quod me deprendis poenarum vortice tanto  
Mersum, ut et ipse vides, gravior me cura remordet,  
Inquit, quam cum me superis mors abstulit oris.  
Quod petis, abnuere haud possum. Tam proxima centro  
135 Haec me bulga tenet, quod furtim ex aede sacrata  
Surripui argentum, gemmisque rigentia vasa;  
Quare alius nostrum in crimen sine crimine venit.  
Sed ne gaudenti liceat tibi nostra tueri  
Ora, ubi fas unquam tibi sit loca linquere nigra,  
140 Quae modo praedico, reseratis auribus audi:  
Pistori primum macrescunt oppida NERIS,  
Dein renovat gentes, renovat Florentia mores:  
Atque ex valle vapor Macra, Mavorte trahente,  
Ingruit obseptus nimbis et nubibus atris.

145 Tempestas violenta, acris prosternet in agro  
 Piceno armatas acies sub turbine belli;  
 Quare improvisus nebulam ipse abrumpet, et ALBUS  
 Quisque suum vulnus lacrimabitur. — Haec ego dixi,  
 Ut tibi sint misere noctesque diesque dolenda.

## XXV.

Verba sub ista manus fur tollens, pollice utrimque  
 Inserto in digitos: Cape, ait, Deus; haec tibi pando.  
 Serpentes habui post illud tempus amicas,  
 Namque una ex illis collum complexa cohaesit,  
 5 His veluti argueret: Nolo, ulteriora loquare.  
 Brachia corripiciens ingentibus altera spiris  
 Vinxit, sic sese parte anteriore retorquens,  
 Ut vi cum gemina haud esset nutare potestas.

Ah urbs Pistori, urbs Pistori! Cur tibi nondum  
 10 Solvere te in tenues suadet mens certa favillas,  
 Ulterius ne jam dures? Nam pessima semen  
 Omne tuum superas factis ausisque nefandis.  
 Cunctos per circos nigri caligine Avernī  
 Nulla Deum contra sic vultu elata superbo  
 15 Umbra mihi visa est; non illius umbra tyranni,  
 Quem cecidisse ferunt Thebanæ ex moenibus arcis.

Is sic diffugit, verbum ut non adderet unum;  
 Atque ego centaurum stimulis furialibus actum  
 Vidi occurrentem, magno clamore rogantem:  
 20 Quo, quo proripuit se, quo ille evasit acerbus?  
 Nulla, reor, maris ora fuit tot plena colubris,  
 Quam multa huic clunes serpentum turba tegebat,  
 Quatenus humanae conjuncta est forma ferina.

Huic humeros supra, et post colla jacebat apertas  
 25 Attollens alas draco, cuncta obvia adurens.

Cacus is est, inquit sapiens, qui saepe cruentam  
 Fecit Aventini montis sub rupe lacunam.

Non iter insistit fratrum de more suorum,  
Ob furandi artem, qua armenta propinqua retraxit:  
30 Quare huic cessarunt fraudes et facta maligna  
Sub clava Alcidis, centenisque ictibus ictus  
Forte decem haud sensit. — Memorat dum talia doctor  
Atque is praeteriit: ripae, quam prendimus, oram  
Tres subiere animae, quae me latuere ducemque,  
35 Donec clamarunt: Qui vos? Tum fabula nostra  
Restitit, ac dictis nos harum admovimus aures.  
Hos ego non noram, sed tum forte accidit, ut fit  
Casu saepe aliquo, ex umbris ut de tribus una  
Alterius nomen, studio hanc hortante, vocaret,  
40 Sic affata: Ubinam censes mansisse CIAMPHAN?  
Quare ego compescens digito mihi labra, magistrum  
Admonui signis, intentus ut ora teneret.  
Si tua lenta fides, quae dico, credere cessat,  
Lector, non mirer; modo namque assentiōr aegre  
45 Ipse mihi, haec oculis qui vidi et visa notavi.  
Hic dum sublati palpebris lumina figo,  
En pedibus senis serpens irrumpit in unum,  
Totus et implicuit. Mediis circumligat alvum,  
Brachia praecingit primis, dein dentibus ambas  
50 Invadit malas. Pedibus, quos pone gerebat,  
Devinxit coxas, immisitque inter utrasque  
Caudam et post renes sinuatam ad terga retraxit.  
Non hederam videas sic ulmi intexere ramum,  
Ut fera terribilis proprios intexuit artus  
55 Artubus alterius. Dein corpus inhaesit utrumque,  
Ut si naturam cerae tepidae igne subissent,  
Et color his permixtus erat, neutrumque videtur  
Quod fuerat. Veluti rapidos flammae ante vapores  
Per chartam excurrit fuscus color, haud tamen ille  
60 Prorsus adhuc niger est, et candidus occidit. Umbrae,  
Quae mansere, duo vertentes lumina retro,  
Clamabant: Eheu, sic mutas, ANGELE, membra?

- Aspice, nec duo jam, nec simplex esse videris.  
Forma duplex capitis jam forma evaserat una,  
65 Bina figurarum cum coram mixta steteret  
Una sub facie, quae jam prima ora duorum  
Perdiderat. Vidi geminos exire lacertos  
Quattuor in partes; femora, et cum pectore ventrem,  
Et suras fieri quae nunquam nota fuere  
70 Membra oculo humano. Deleta ibi pristina forma  
Omnis erat; perversa duos referebat imago,  
Atque unum et nullum; et se ita passu lenta ferebat.  
Solis ut aestivi mutans sub verbere sepem  
Si quando viridis per iter transversa lacerta  
75 Labitur, assimilis trananti nubila flammae:  
Non aliter venit ad reliquos, facto impete in alvum,  
Exiguus coluber, candens livensque nigerque,  
Ut piperis granum; atque ubi nos alimenta solemus  
Ducere nostra prius, morsu confixit acuto  
80 Ex geminis unum, dein fusus corpore toto  
Ipsius ante pedes cecidit, quem vulnere laesus  
Aspexit, sed ad haec vocem non edidit ullam;  
Quin stabat, ceu qui somno febrive laborans  
Oscitat. Hic colubrum, hunc coluber spectabat; utrimque,  
85 Hic plaga, is patulo fumabat largiter ore,  
Seque sibi, occurrens fumus jungebat in unum.  
Lucanus taceat, si qua is miracula tangit,  
Nassidii cum fata canit, miserique Sabelli;  
Intentusque, brevi quae vibro carmine, tradat  
90 Menti. Jam mittat Cadmum, atque Alpheida Naso;  
Quod si illum in colubrum numeris, hanc vertit in amnem,  
Haud equidem invideo. Neque enim converterit unquam  
Naturas binas sic in contraria, ut harum  
Formae materiem fuerint mutare paratae.  
95 Has illi ad normas sibi respondere vicissim:  
In furcam coluber caudam diffindit; in unum  
Committit laesus vestigia. Crura simulque



- Coxae ita inhaeserunt, ut jam spectabile nullum  
Juncturae exstaret signum. Partita figuram  
100 Sumit cauda, illi delapsam. Mollior hujus,  
Durior illius fit pellis. Brachia vidi  
In geminas retro axillas sublapsa referri,  
Quosque pedes ambos est visus habere minores  
Anguis, plus tanto in longum subcrescere, quanto  
105 Illa minus, spatium in brevius contracta, patebant.  
Postremi se deinde pedes glomeramine torti  
Vertunt in membrum, quod vir naturaue celat,  
Deque suo duo membra miser protenderat alter.  
Dumque novo fumus suffundit utrumque colore,  
110 Ingeneratque pilos isthinc, depascitur inde,  
Unus se erexit, tum pronus concidit alter  
In terram; haud torquent tamen impia lumina, quorum  
Sub visu rictum mutabat uterque priorem.  
Qui rectus stetit in plantis, ad tempora traxit  
115 Rostrum, et, materia superante, exilibus aures  
Emersere genis: quae nondum lapsa retrorsum  
Pars superabat adhuc, in nasum versa recessit,  
Atque dedit modice, ut par erat, turgescere labris;  
Quique jacebat humi, rictum protrudit et aures  
120 Per caput adducit, veluti sua cornua limax;  
Et, quae haud lenta loqui fuerat conjunctaque, lingua  
In partes est scissa duas, et lingua bisulca  
Clauditur alterius, statque ipso tempore fumus.  
Quique feram induerat, per vallem sibila lambens  
125 Effugit; at retro clamatque atque inspuit alter.  
Deinde illi nova terga dedit, simul ista locutus:  
Sic volo, jam Buosus currat, velut ipse per istos  
Reptabam calles. Ita bulgae est visa saburra  
Septima mutare, et formas revocare priores.  
130 Illic nova me excusent, si quid calamus mihi oberrat.  
Et quamvis multo haererent defixa stupore  
Lumina, mensque mihi fugisset, non tamen illis

Sic clausis licuit labi, quin ora notarem  
 Pucci DEPYGIS, quem vidi de tribus unum,  
 135 Qui venere prius, nondum mutasse figuram.  
 Alter erat, tibi adhuc luctus qui est caussa, GAVILLA.

XXVI.

Gaude, tam magnum quod habes, FLORENTIA, nomen,  
 Quo terram et mare pervolitas, ac Tartara comples.  
 Namque tuos inter cives ego quinque latrones  
 Inveni tales, ut mi pudor occupet ora,  
 5 Per quos in grandem non est tibi surgere honorem.  
 Quod si sub lucem veniant insomnia vera,  
 Non aberit tempus, quo tu patiere, quod optat  
 PRATUM, nedum alii tibi. Quod si forte fuisset,  
 Non maturatum rerer: sic illud adesset,  
 10 Quandoquidem certo eveniet; mihi namque doloris  
 Vulus erit gravius, quo plus processerit aetas.  
 Hinc nos digredimur, quaque ante exstantia saxa  
 Descensum dederant, dux scalis usus iisdem  
 Ascensum petiit, sed me tamen ante recepto;  
 15 Desertamque viam pergens per fragmina, perque  
 Exesas scopuli cautes, sine utroque nequisset  
 Auxilio manuum subnixa evadere planta.  
 Tunc dolui, rursusque subest modo caussa dolendi,  
 Ad quae conspexi, cum tendo lumina mentis,  
 20 Et plus, quam soleo, ingenium cohibere laboro,  
 Ne mihi discurrat, quo non dat tendere virtus;  
 Ut, si stella favens aut hac majus quid abunde  
 Dotibus ornatum me dimisere bonisque,  
 Ista mihi minus invideam. Quot cultor agrorum,  
 25 (Fusus ubi propter clivum dat membra quieti,  
 Tempore, quo, cunctas qui lustrat lampade terras,  
 Ora minus celat, simul importuna strepenti  
 Musca locum cedit culici), lampuridas imam  
 Per vallem spectat, fortasse ubi colligit uvas,

- 30 Et findit sulcos : octava tot undique flammis  
Lucebat bulga, ut sensi, simul atque potitus  
Sum loco, ubi inia mihi patuit manifesta vorago.  
Atque ut, qui quondam est ursis ultoribus usus,  
Viderat ELIAN abeuntem praepete curru
- 35 Tunc, cum quadrijugi arripnere per aëra callem,  
Quem non sic acies poterat servare sequentis,  
Ut praeter flammam salientem, nubis ad instar,  
Haud quidquam aspiceret: sic singula flamma per amplas  
Fossae ibat fauces, ut furtum haud proderet ulla;
- 40 Flammaque damnatum subducit quaelibet unum.  
In digito arrectus, studio stimulante videndi,  
Sic ponti institeram, ut, ni cautem cura fuisset  
Prensare exesam, nullo pellente, ruinam  
Traxissem. At ductor, qui me sic ora tenentem
- 45 Viderat intentum, dixit: Versantur in illis  
Inclusae flammis animae; quo incenditur, igne  
Singula sese amicit. Te talia fante, loquelam  
Sic solvi: O doctor, modo fit mihi certius istud,  
Quod prius adverti per me; sic nam esse putabam,
- 50 Et dicturus eram: quaeenam illa in vertice flamma  
Sic bifida, adveniens, quae surrexisse videtur  
Ex rogo, ubi impositum dicunt arsisse minorem  
Cum fratre OEDIPODEN? — Dedit haec responsa magister:  
TYRIDES illic cruciatur et acer ULYSSES:
- 55 Sic simul in poenas excurrunt, sicut in iras.  
Inque ista flamma lugentur robore texti  
Insidiae fallacis equi, per quem est data porta,  
Ex qua ROMULIDUM processit nobile semen.  
Hic ars fienda venit, per quam quoque mortua ACHILLEM
- 60 DEIDAMIA dolens suspirat, poenaeque sacro  
Palladio sat justa datur. Tunc ora resolvens:  
Praeceptor, dixi, si ex illis forte favillis  
Mittere verba queunt isti, magis oro precorque,  
Atque haec mille preces valeat prex: desine, quaesio,

- 65 Hic me spectantem, adveniant dum cornua flammae,  
 Me prohibere mora. Ipse vides, ut corpore prono  
 Totus ad illa feror. — Tunc contra talibus ille:  
 Laudandas ego laudo preces et dignor; at ore  
 Edere verba tuo fac parcas, me sine linguam  
 70 Solvere; jam novi, cupido quid pectore verses:  
 Nam fastidirent GRAJI te forte loquentem.  
 Ignis ut advenit, doctor tempusque locumque  
 Arripit, audivitque istis hunc vocibus orsum:  
 O vos, qui gemini sub flamma inceditis una,  
 75 Si quid de vobis merui, dum vita manebat,  
 Carmina cum scripsi sublimia, sistite gressum,  
 Et nobis, in qua occiderit deperditus ora,  
 Alteruter memoret. — Concusso vertice majus  
 Antiquae cornu flammae nutare, sonumque,  
 80 More laborantis ventis afflantibus ignis,  
 Mittere, deinde apicem hinc atque inde evolvere, tanquam  
 Lingua esset fari nitens, ac denique vocem  
 Ejicere his verbis usam: Quo tempore abivi  
 A CIRCE, multos quae me remorata per annos  
 85 CAJETAE tenuit, cui nondum nomina terrae  
 AENEAS dederat; nec dulcia pignora nati,  
 Nec patris antiqui pietas, nec debita cura,  
 Nec qui justus amor me laetificare jubebat  
 PENELOPEN, aestum potuerunt vincere cordis  
 90 Ardentis multos per terras cernere mores,  
 Multorumque hominum virtutes pravaque facta:  
 Perque patens altum solus me credere cymbae  
 Haud timui, parva comitum stipante caterva,  
 Quae me desertum nunquam malefida reliquit.  
 95 Hispanos usque ad populos ego littus utrumque  
 Vidi. Non Afri, Sardoia nec insula nostros  
 Effugere oculos, nec quos circumalluit undis  
 Illius ora maris. Tardum me debilis aetas  
 Fecerat, et comites tunc, cum freta tangimus illa.

- 100 In quibus **ALCIDES** fertur posuisse columnas,  
Ultra ne quis eat. Dextra de parte reliqui  
Hispalin, et laeva Ceptam; tum talia dixi:  
O fratres, casus duos numeroque carentes  
Experti mecum, occiduas venistis ad oras.
- 105 Nemo ex tam parva vigilandi temporis hora,  
Quod superesse videt, dare sensibus experiundum  
Abneget, atque sequi solem, qui lumine mundum  
A populis nudum lustrat. Perpendite vestrum  
Semen: non vobis membra, et praecordia finxit
- 110 Natura, ut deceat pecorum vos vivere vitam,  
At virtutis iter moliri, et plura doceri.  
Haec vox una meos stimulis ita suasit acutis  
Insuetam tentare viam, ut vix ulla fuisset  
Jam mihi sponte sua cupidos retinere potestas.
- 115 Nec mora. Ad Eoos puppim convertimus **INOS**,  
Tendimus et stultum studio properante volatum,  
Addidimusque alas remis, latus usque potiti  
Laevum. Jamque poli cunctas sub nocte videbam  
Alterius stellas, sic et descendere nostrum,
- 120 Ut non ex plano se attolleret aequore ponti.  
At vicibus quinis jam luna accenderat orbem,  
Et totidem inferius defectum lumine vultum  
Celarat terris, postquam discrimina rerum  
Tanta ingressus eram; cum subniger, intervallum
- 125 Ob longum, procul ante oculos est visus adesse  
Mons, ita sublimi se tollens vertice ad aethram,  
Ut socii aequalem in terris vidisse negarent.  
Hic nos laetari pariter, sed gaudia nostra  
In luctus abiere cito; nam turbinis atri
- 130 Tellure orta nova vehemens violentia navem  
In primum feriit latus, et terna vice torsit  
Omnibus hanc undis, et quarta sustulit alte  
Puppim, ac depressit proram, ut placuisse videtur  
Arbitrio alterius, donec nos obruit aequor.

XXVII.

Arrectam se sustulerat jam flamma, quiete  
 Composita, ulterius fandi finem ore datura,  
 Atque ibat, dulci hanc missam faciente poeta:  
 Altera flamma suum cum vertere lumina visus  
 5 Ad cornu hortata est, abeuntem pone secuta,  
 Confuso sonitu, qui funditus erumpebat.  
 Ut Siculus taurus, qui luctu immugiit ante  
 Illius (atque id jure fuit), qui hunc finxerat arte,  
 Edebatque hominis mugitus voce dolentis,  
 10 Ut, quamvis totus constaret corpore abeno,  
 Ipse videretur cruciatu percitus acri:  
 Sic fraudata via pariterque foramine, ab ignis  
 Principio in flammae murmur se tristia verba  
 Mutabant. At ubi haec apicis per mobile acumen  
 15 Invenere viam, motum vibrantia eundem,  
 Quem prius emissis vibravit lingua locuti,  
 Haec vox audita est: Te, verbis quem alloquor istis,  
 Namque modo cum Ithaco te ANDÆUM est fassa loquela,  
 Quamvis adveniam serus fortasse, morari  
 20 Non pigeat, mecumque loqui. Potes ipse videre,  
 Ut me non pigeat; quamquam hic me flamma perurit.  
 Si modo in haec tu regna ruis caligine coeca,  
 Ex illa dulci lapsus tellure Latina,  
 Unde ego transactae vitae fero crimina cuncta;  
 25 Dic mihi, num AEMILIAE populi modo commoda pacis,  
 An bellum spectent. Fateor me in montibus ortum  
 Urbini fines intra rupisque recessus,  
 Unde fluit Tiberis. — Prono tum corpore stabam  
 Intentus, cum me fodiens dux talibus inquit:  
 30 Tu loquere, ex Latio est. Ego, respondere paratus  
 Illico, sic solvi caleres voces: Anima, istis  
 Abdita sub latebris, tua nullo tempore terra  
 Aut caret, aut caruit bellis, quae corde tyranni

- Vestri agitant; sed ibi modo nulla patentia liqui.  
35 Stat veluti multos stetit ante RAVENNA per annos;  
Atque POLENTINUS pollens rostro ales adunco  
Sic sovet ora, suis PLYLOGLEN ut contegat alis.  
Quaeque olim longo tellus exercita ludo  
Gallorum tumulis infecerat arva cruenta,  
40 Pace diu fruitur viridi secura sub ungue:  
At VERRUCCHINI, seniorque novusque, molossi.  
Sub quibus indigne jacuit MONTIGNA peremptus,  
In saltu pasti dentes de more terebrant.  
Quasque LAMON terras, quasque alluit unda VATERNI,  
45 Nunc regit imperiis nido Leo parvus in albo,  
Qui, quas tutatur calido sub sidere, partes  
Sub bruma mutat: CAESENAE proxima SAURO,  
Ut media est inter campum lapidosaque montis,  
Inter servitium libertatemque moratur.  
50 Nunc mihi dic, oro, qui sis; plus quam fuit alter  
Ne mihi sis durus, ut sit tua fama superstes.  
Postquam more suo sat longum immugiit ignis,  
Verticis hac illac extremum movit acumen,  
Deinde sonum efflavit talem: Si posse putarem  
55 Id fieri, ut rursus visuro lumina solis  
Nostra forent commissa viro responsa, maneret  
Haec flamma haud agitata ultra: ast, ut credere dignum est,  
Quandoquidem revocare gradus hoc carcere ab atro  
Nulli unquam vivo licuit, responsa remittam,  
60 Haud metuens famae, quae nostra opprobria prodat.  
Olim miles eram, dein lumbos fune retorto  
Cinxi, sic vitam ratus emendare priorem.  
Et certe ista fides veniebat mi integra tota,  
Si non ille potens ter magnus presbyter esset,  
65 Cui male sit. Namque is me in crimina prima remisit.  
Qui quamque ob caussam, ipse volens, adverte, docebo.  
Donec forma fui cum carne atque ossibus illis,  
Quae dederat genitrix, non me mea facta leonem,

Sed vulpem fecere. Astus quoscumque, peritus,  
70 Secretasque vias novi, et sic omnia vafre  
Digessi, externas ut fama exiret in urbes.  
At simul aetatis me vidi limine in illo,  
In quo cuique foret satius deducere vela,  
Colligere et funes, tunc rerum, quae ante placebant,  
75 Est mihi pertaesum, confesso crimina vitae  
Cuncta et testato me poenituisse malorum;  
Atque haec, me miserum! juvisset versa voluntas.  
Princeps nostrorum novus iste Pharisaeorum  
Tempore, quo juxta Lateranum bella gerebat,  
80 Non jam Judaeis infensus, nec Saracenis;  
Christiadum nam gente satos sibi duxerat hostes,  
Et numero ex illo nemo oppugnaverat Acrin,  
Nemo mercator Sultani intraverat urbes;  
Nec summum imperii munus, nec chrismata sacra  
85 In se respexit, nec quod tenuare capistrum  
Praecinctos solet, in me habuit duxitque verendum.  
Verum ut SILVESTRUM inclusum Soracte petivit  
CONSTANTINUS, ut a lepra se mitteret acri  
Sanum: ita ut et sibi praeceptor febrim ipse superbam  
90 Sanarem, me consuluit. Mihi faucibus haesit  
Vox muto; sic verba hominis sunt ebria visa.  
Deinde inquit: Nullo trepident tibi corda timore;  
Hac te absolvo tenus; Praenesten quomodo possim  
Vertere, tu tantum doceas. Mihi claudere coelum,  
95 Et reserare datum, jam scis; quare mihi claves  
Sunt geminae, quas ille parum modo functus amavit.  
Tum grave dictorum pondus me pressit, ut ultra  
Conticuisse mihi rerer magis affore damno.  
Atque ita respondi: Quoniam me, crimen in istud  
100 Jam jam lapsurum, Pater, abluis, accipe: longum  
In promissa abeas, promissis addito curtam  
Ipse fidem; et duces stans alta in sede triumphum.  
Ast ubi Franciscus gelida me morte solutum



- Secum adducturus venit, niger obstitit unus  
105 De Cherubin Stygiis: Absitque injuria dixit,  
Ne tolle. Hunc aequum est descendere in ima meorum  
Permixtum populo. Nam plenum fraudis ab isto  
Venit consilium, post quod crini ipsius haesi.  
Namque haud ulla data est absolvere posse facultas,  
110 Quem non poenituit; sed culpam odisse, simulque  
Hanc velle, haud par est: quis enim pugnancia contra  
Jungat? Et, heu misere! excusso mihi qui fuit aestus!  
Cum me corripuens dixit: Num forte putabas,  
Me logicum non esse. Atque ad Minoa retraxit,  
115 Isque quater geminos caudam sinuavit in orbes,  
Ad durum adducens dorsum, et simul ore momordit  
Acriter iratus, deinde has dedit ore loquelas:  
Istum flamma decet furax sontem; utque videre est,  
Perditus his lugens contextus vestibus erro.  
120 Flebile visa queri, contorto flamma refugit  
Quassatoque diu vibrantis acumine cornu.  
Dux et ego ulterius transimus, terga prementes.  
Rupis, ad usque aliam, quae dat contendere ad arcum,  
Qui superimpendet fossae, in qua stat sua poena  
125 Illis, qui conjuncta simul sunt scindere adorti.

## XXVIII.

- Quis potis est, verbis vel quavis lege solutis,  
Dicere sanguineos rivos, ac pandere plagas,  
Quas modo conspexi, repetendo saepe relata?  
Omnis lingua quidem minus, ac minus utilis esset,  
5 Ob paupertatem nostri sermonis, et arctos  
Ob mentis fines, non aptae cuncta tenere.  
Si quis congereret totius gentis acervos,  
Pro quibus infelix fertur terra Appula caedi  
Indoluisse suae, Aeneadum data vasta sub ense,  
10 Atque annellorum diuturni ob tempora belli

- Magnas exuvias, memorat quas Livius auctor,  
 Qui nunquam erravit; simul et miserabile vulgus  
 Ictus expertum tristes, dum arcere RUBERTUM  
 GUISCARDUM patriis certabat finibus hostem,  
 15 Et reliquum, cujus CEPERANUS nunc quoque campus  
 Ossæ tegit, mendax ubi erat nimium Appulus omnis,  
 Et TALEACOTI trans arcem, ubi viribus usus  
 Armorum nullis vicit longævus ALARDUS;  
 Atque hic perfossos truncos ostenderet, ille  
 20 Artus: nil horum nonæ foedissimæ bulgæ  
 Supplicia æquaret. Non sic perfossa videntur  
 Dolia, quæis media est aut infima lamina subter  
 Amissa, ut quidam a mento usque ad podicis orbem  
 Scissus, qui mihi spectandum sese obtulit ultro.  
 25 Intestina inter crura huic pendentia stabant,  
 Extaque cum tristi vertente in stercora sacco  
 Quidquid quisque haurit, nobis manifesta patebant.  
 Atque hic dum spectans hærebam totus in illo,  
 Is me respiciens, manibus sibi pectora pandit,  
 30 Sic fatus: Cerne, ut lanier crudeliter artus;  
 Aspice, ut incedat mutilus MAOMETUS; et ALYX  
 Flens prae me repit, diffissus turpiter ora  
 A mento ad frontem; quosque illic conspicias, omnes  
 Hi, dum vita fuit, seruerunt scandala, adorti  
 35 Schismatis omne nefas. Quare sic scissa trahentes  
 Membra illi occurrunt. Isthic post terga moratur  
 Daemon, qui scindit nos tam crudeliter ense,  
 Turba de nostra rursum sub vulnera mittens  
 Quemquam, ubi triste viae spatium revolutus obivit;  
 40 Vulnera namque prius coeunt, quam huic obvius alter  
 Fiat regressu. At quis tu, qui in vertice rupis  
 Hujus odorare? An subeundæ ut sit mora poenæ,  
 Quæ tibi decreta est confesso crimina vitæ? —  
 Nec mors hunc deprendit adhuc, nec facta nefanda  
 45 Huc adduxerunt cruciandum, talibus infit

Praeceptor; sed ego, absumptus jam funere, poscor,  
Hunc ut circumagam loca per tenebrosa, per omnes  
Orbes, hinc donec rerum experientia doctum  
Mittat et, ut nunc ipse loquor, res vera pateat.

50 Talibus auditis, plus quam centena virorum  
Turba stupens stetit in fossa; nam mira cruentae  
Res poenae immemores fecit. Nunc ergo monebis,  
Tu fortasse brevi visurus lumina solis,  
Fratrem DULCINUM, validis ut se instruat armis,

55 Ni mens certa illum tulerit, me pone subire  
Quam primum hanc fossam, ne sic tam angustia victus,  
Quam nivis aggestae, victorem Guascona mittat;  
Nam secus haud facinus fuerit leve castra potiri.

Ut pede suspenso hanc vocem MAOMETUS iturus  
60 Edidit, hinc abiens tellurem hoc pressit. At alter,  
Perfossus cui guttur erat, qui naribus ibat  
Ad frontem truncis, tantum aure notabilis una,  
Et steterat, mistus reliquorum examine, mirans,  
Ut me lustraret, per aperta foramina cannae

65 Undique caede rubrae prior occupat, ista locutus:  
O tu, quem nulla impurum facta impia damnant,  
Et quem jam vidi in Latio, nisi fallit imago  
Me similis, si forte iterum tibi cernere dulcem  
Tellurem dabitur, quae a Vercellensibus agris

70 Ad Marcobejum vergit, reminiscere PETRUM,  
Patria cui Medicina fuit; duoque optima Fani  
Lumina viva modo, mox ista monere memento,  
GUIDUM atque ANGELULUM, nisi mens hic praescia vana est,  
Se vita iri depulsos, atque aequore mersos

75 In saccum insutos, sub prodicione tyranni  
Falsi, ad Crustumium; nec, qua Majorica ad oras  
Usque patet Cyprias, vasti rex aequoris unquam  
Tale scelus vidit, nullo grassante pirata,  
Nulla acie Argolica. Qui oculo tantum aspicit uno

80 Proditor, atque tenet terram, quam, qui modo mecum

- Versatur, nunquam vellet vidisse, vocabit  
 Hos in congressum, efficietque, ut vota precesve  
 Non opus his vento sit mittere Phocarensi.  
 Huic ego: Fac monstres, et da mihi discere posse,  
 55 Si me forte tuum vis nomen ferre sub auras;  
 Ecquis is est, adeo visum execratus amarum?  
 Ille manu arripuit socii malam oraque pandit,  
 Exclamans: Hic est —; neque hiantem verba sequuntur.  
 Caesaris hic animo dubitanti fraena resolvit,  
 90 Sic fatus: Nocuit semper differre paratis.  
 Atque oh! quam mihi visus erat formidine victus,  
 In jugulo truncus linguam sic farier ausam,  
 CURIO! Tum manibus mutilatis alter utrisque,  
 Aëra per fuscum tollens foedantia vultum  
 95 Ossa lacertorum, hanc eduxit pectore vocem:  
 Musca tua maneat pariter tibi mente repostus,  
 Cui quondam, heu nimium misero! vox excidit ista:  
 Facta viam invenient, quod genti semen Hetruscae  
 Triste fuit. Generisque tui commune sepulchrum!  
 100 Respondi. Quare ille, suo hunc etiam insuper addens  
 Moerorem, flenti similis similisque furenti  
 Fugit, et ipse steti cupidus spectare catervam.  
 Et res oblata est, quam me narrare vetaret  
 Ipse timor, nullo mecum testante; sed ipsa  
 105 Conscia mens veri, comes optima, sueta juvare  
 Auxiliis hominem, cui pro thorace dedisset  
 Nil conscire sibi non purum, mi omnia tuta  
 Praestat. Ego vidi certe, videorque videre  
 Nunc etiam, truncum per se capite ire revulso  
 110 Cum reliquis grege de tristi; arreptumque capillis  
 Abscissum caput ipse manu pendente ferebat,  
 Instar laternae, nosque illud lumine utroque  
 Spectans: Me miserum! questu repebat amaro.  
 Ipse aderat lucerna sibi; geminatus in uno,  
 115 In gemino simplex: qui fiat, noverit ille,

Qui regit haec. Postquam sub pontis constitit arcu  
 Arrectus, dextram ac totum caput extulit alte,  
 Verba admoturus nobis sua. Verba fuerunt  
 Ista: Modo nostrae durum genus aspice poenae,  
 120 Tu, qui vivus adhuc visurus morte peremptos  
 Huc ades, atque vide, num sit crudelius ullum  
 Supplicium; utque aliquid nostri non inscius edas,  
 BLANDERIONENSEM BELTRAMUM scito fuisse  
 Me, illum, qui regi dederam perversa JOANNI  
 125 Consilia, atque in se patrem natumque rebelles  
 Armavi. Architophel non sic furialibus egit  
 Maachiadem stimulis, nec tanto vulnere luctus  
 Davidem oppressit. Quare, tam juncta duorum.  
 Divisi qui corda virum, sic nunc ego gesto  
 130 Divisum cerebrum, miser! usque ab origine prima,  
 Isto quae in trunco est. Sic lex pro dente reposcens  
 Dentem, haud absimiles jussit me pendere poenas.

## XXIX.

Sic mihi turba frequens, diversaque vulnera visum  
 Abstulerant domitum, ut cuperent mea lumina longa  
 Flere mora. At: Quid adhuc, vates ait, aspicias ultra?  
 Et quid adhuc, acie defixa, immobilis haeres,  
 5 Carcere sub tristi speculando vulnere passim  
 Multiplici laceras umbras? Sic temporis horas  
 Te flendo haud aliae viderunt ducere bulgae.  
 Haec vallis, bene si numeres, per millia ductos  
 Bis patet undenos passus; jamque aurea luna  
 10 Sub pedibus lucet nostris, jamque hora diei,  
 Quae datur, exigua est; minime et quod rere, videnda  
 Multa manent. Ego respondi: Si agnoscere caussam  
 Et tu quivisses, cur undique vestigarem,  
 Cunctandi ulterius spatium breve forte dedisses.  
 15 Ille ibat partim, gradientem ego pone sequebar,

Inceptum evolvens responsum atque insuper addens :

Illam intra foveam, consulto ubi fixa tenebam  
Lumina, flere meo reor umbram sanguine cretam  
Crimina, apud manes adeo constantia magno.

20 Tum doctor contra: Ne posthac sensa tuamque  
Is frangat mentem; atque alias sub pectore curas  
Jam versa; hic per te liceat remanere sepulto.  
Namque illum vidi graviter sub ponte minantem,  
Ac te signantem digito, audivique vocatum

25 Hic intus GERIUM DEL BELLO nomine Hetrusco.  
Sed qui ALTAFORTIS quondam possederat arcem,  
Sic tibi detinuit mentem, ut divertere visu  
Inde tibi haud fuerit; quare jam evaserat ille.

Mi dux, mors violens, ultorem nacta nec ullum,

30 Qui fuerit probri consors, ita abire frementem  
Compulerit, dixi; quare ille, ut corde voluto,  
Excessit, nulla dignum qui voce vocarer  
Ducens; idque magis miserantem indignaque flentem  
Hujus fata movet. — Sermonum hac nos vice primum

35 Venimus ad callem scopuli, qui ex vertice monstrat  
Alterius vallis spatium totum undique ab imo,  
Si major fuerit speculanti copia lucis.

Ventum ubi bulgarum est postrema ad claustra malarum

Sic, ut alumnorum mihi jam apparere figurae

40 Possent, diverso ferierunt murmure questus  
Cor mihi, quos pietas telis armarat acutis:  
Quare aures manibus properavi claudere utrisque.  
Qualis, si spatio fossae glomeretur in uno,  
Quidquid in aegrorum hospitibus pigra stagna Claninae

45 Vallis, cum arentes agros Leo tristis hiulcat,  
Aut cum Libra vices aequat, quidquid maris ora  
Importuna Senae, quidquid Sardos malorum  
Morbis foeta gerit, dolor afforet; undique talis  
Hic erat, ac talis se hinc halitus effundebat,

50 Qualem membra halant diuturna putrida tabe.

Nos longi extremam scopuli, laevam usque tenentes,  
Descensu petimus ripam, atque revivere visus  
Tunc coepit propius fossae ima, ubi rege sub alto  
Justa ira, haud patiens falli, cruciatibus angit  
55 Falsificos; atque hic mulcandos ipsa notavit.  
Tristius haud quidquam Aeginae vidisse putarem  
Confectum morbo communi vulgus, ubi aër  
Sic plenus vitio fuit, ut genus omne animantum,  
Ad minimum vermem, collapsum morte periret;  
60 Et genti antiquae dein semina formicarum  
Suffecere novum populum, ut cecinere poetae;  
Quam qui per tenebras illius vallis acervos  
Umbrarum varios languere aegrore videret.  
Iste superjectus ventri, tergo ille jacebat  
65 Alterius, quidam reptando triste cubile  
Mutabat. — Taciti nos lento incedere passu,  
Circumferre oculos, aegrosque audire querentes,  
Tollere qui nullo sese conamine quibant.  
Ipse duos vidi nixos se mutuo, ceu vas  
70 Impositum vasi, calfiat ut esca vicissim,  
A capite ad plantas maculatos undique crustis.  
Haud unquam strigili propere percurrere vidi  
Tergus equi puerum, domino exspectante moratum,  
Aut quem pertaedet vigilando ducere tempus:  
75 Ut se quisque supra properantibus unguibus acres  
Hic illic iterum morsus geminabat, ob iram  
Indomitae nimium proriginis omni ope captae.  
Et conabantur scabiem sibi detrahare ungues,  
Sardoni ut culter squamas, aut cuilibet ulli  
80 Largius instructo pisci. — Tum talibus unum  
De numero aggressus, dictis dux incipit ultro:  
O, qui te laniat digitis, ut forcipe adunca  
Saepe usus, dic, an quisquam ex tellure Latina  
His commistus eat; sic unguis tempus in omne  
85 Sit tibi par operi. — Sumus ambo ex gente Latina,

Quos ita corruptos cernis, tunc unus ad ista  
Respondit lacrimans; sed qui nos voce rogasti,  
Ecquis es? — At ductor: Veni, descendere adortus  
Ex rupe in rupem, ducturus corpus habentem.

90 Vivum, Tartareas homini monstrare cavernas  
Certus. Tum vero sese commune resolvit  
Fulcrum, et quisque fremens oculos atque ora tenebat  
In me, unaque alii, quibus haec vox icerat aures.

Optimus accessit demisso vertice, fatus  
95 Sic mecum, sapiens: Istis tu edissere, quidquid  
Vis. Et ego coepi, hanc veniam mihi dante magistro:  
Sic nunquam vestrum primo vanescat in orbe  
Mentibus elabens nomen, sed vivat in aevum  
Multum. Non pigeat qui sitis dicere, et unde  
100 Sit genus; haud vestrae species foedissima poenae  
Impediat, veterem metuentes prodere famam.

ARETINA mihi tellus est patria, tali  
Unus voce infit; damnatum me igne SENENSIS  
ALBARUS absumpsit; sed, quod me morte peremit,  
105 Haud huc me adduxit. Quamquam, ut verum ordine pandam,  
Huic quondam dixi, per ludum multa locutus,  
Me callere artem, per quam sublimis in auras  
Tollerer. Hic plenus studiorum, et mentis inanis,  
Monstrare hauc jussit: sed, quod tranare volatu  
110 Aëra Daedaleo haud dederam, dedit ipse cremandum  
Me cuidam, cui carus erat, patri ut sua proles.  
Verum me ista decem de bulgis ultima claudit,  
Quod me, qui Alchymia sum usus, dum vita manebat,  
Minos, cui nunquam decepto errare licebit,  
115 Ista multavit poena. — Atque ego talia vati:  
Vidistin' gentem captanti vana Senensi  
Aequalem? Huic certe haud multum gens Gallica cedit.

Alter ubi audivit scabiosus talia fantem:  
Excipe, respondit, STRICCAM rescindere doctum  
120 Impensas, simul atque auctorem divitis illum



NICOLEUM moris, primum qui invenerit hortum,  
 Cui caryophylli benevolentia semina adhaerent;  
 Excipe conventus, ubi consita vitibus arva  
 ASCIANONENSIS dispersit CACCIA, et ingens  
 125 Frondiferum nemus, et qui effudit, prodigus auri,  
 Quidquid consilii prius ABBALIARDUS habebat.  
 Utque scias, qui te spectantem mente Senenses  
 Adversa sic auxilio juvet, inspice, et ora  
 Fac bene respondent tibi nostra, et disce CAPOCCI  
 130 Umbram arte Alchymiae docti vitare metalla;  
 Et meminisse potes, si te bene lumine lustrò,  
 Quam bene naturae simulator simius essem.

## XXX.

Cum Juno ob Semelen odio indulgebat acerbo  
 Gentis in omne genus Thebano sanguine cretae,  
 Quod semel, atque iterum ostendit; furialibus actus  
 Est adeo stimulis Athamas, ut conjuge visa,  
 5 Quae natos, utrasque inanus onerata, trahebat,  
 Exclamarit: Io, tendamus retia silvis,  
 Ut post insidias gemina cum prole leaenam  
 Prendam. Deinde feros ungues protendit, et unum,  
 Nomine quem proprio compellavere Learchum,  
 10 Corripuit, circaque caput bis terque rotatum  
 Ad saxum allisit: reliquo et cum pondere sese  
 Obruit illa mari. Et cuncta ausa, ausisque potita  
 Cum fortuna Phrygum coepit sublapsa referri,  
 Ut regnum et regem deleverit una ruina;  
 15 Tristis, inops, praedae mala sors Cisseis, ubi aras  
 Caede Polyxenia respersas vidit, et ictu  
 Telorum exanimis Polydori in littore corpus,  
 Acta furore dedit latratus ore caninos  
 Pro verbis; tantus mentem distorserat angor.  
 20 Sed neque Thebanae, neque Troicae Erinnyes unquam

- Visae sunt adeo in quemquam saevire, vel ungue  
 Figere, nedum hominum, rabidarum membra ferarum,  
 Sicut ibi umbrarum vidi simulacra duarum  
 Arida, nuda artus se alterno incessere morsu,  
 25 Tamque cito ferri cursu, quanto impete porcus,  
 Cum se solvit hara. Petit artus una CAPOCCI,  
 Et colli nodum compressit dente tenaci  
 Sic, ut raptato venter tellure fricandus  
 Huic esset solida. Tum, qui stetit ore trementi,  
 30 ARETINUS ait: Furiosam cerne JOANNIS  
 STICCHI umbram cunctos sic depectentis. — At isti  
 Dixi: O sic parcat te figere dentibus alter;  
 Ne grave sit fari; dic, quisnam est ille, priusquam  
 Isthinc erumpat. MYRRHÆ vetus illa scelestae  
 35 Est anima, in patrum fas ultra perditæ amica;  
 Crimen in incestus quem traxit fraude sub ista:  
 Alterius formam falso mentita, parenti  
 Sese supposuit; velut alter, qui inde recedit,  
 Fingi se BUOSUM DONATI passus, equarum  
 40 Ut grege de toto reginam acquireret, ausus  
 Testari hunc simulans, simul et tabulis dare normam.  
 Postquam abiire duo rabido obvia dente petentes,  
 In quos obtutum figebam, lumina verti  
 Inspectura alios male natos. Se obtulit alter  
 45 Spectandus litui forma, quam totus habebat,  
 Non aliter factus, si demas inguina parti,  
 Qua vir sit bifidus. Gravis hydrops, dispare norma  
 Sic membra afficiens congestae copia aquai,  
 Quam male convertit, minime ut respondeat alvo  
 50 Os, hunc continuo labris inbiare reclusis  
 Cogit, more viri, quem tabida febris adurit,  
 Qui, stimulante siti cum flagrat, deprimit imum  
 Ad mentum, invertitque ad nares usque supernum.  
 O vos, qui poenae immunes (nec cognita caussa)  
 55 Triste pererratis regnum, circumspicite, inquit,

Intentique gravem perpendite mente magistri  
ADAMI luctum. Mihi vivo haud defuit ulla  
Copia poscenti; heu! nunc lymphae gutta vel una,  
Una est in votis. Rivi, qui montibus agri  
60 Clusini argento similes labuntur in Arnum,  
Quaque iter intendunt, saturant loca cuncta liquore  
Frigidulo, ante oculos, nec frustra, errare videntur;  
Nam me dulce fluens horum plus siccatur imago,  
Quam, qui sic macie vultum depascitur, aegror.  
65 Quae me justitiae sic contudit ira severae,  
Inde loci, infamem turpi quem crimine feci,  
Deduxit caussam, qua plus mihi corde frequentes  
Exprimat ex moesto gemitus. ROMENIA terra est  
Haec, ubi corrupto nummos cudi aere notatos  
70 Baptistae effigie; quare membra usta reliqui.  
At mihi si coram prava umbra videnda daretur,  
Vel GUIDI, vel ALEXANDRI, vel fratris utrique,  
Inspicere hanc mallet satius, quam fonte potiri  
Branda. Jamque una intus adest, si vera loquuntur  
75 Umbrae actae rabie: at quid mi, si vincior artus?  
Si saltem mihi corpus adhuc levitatis haberet  
Tantum, ut, dum vertunt labentia tempora saeculum,  
Unum vel digitum pedibus procedere possem,  
Hoc essem jam ingressus iter, vestigia quaerens  
80 Illius has inter vulgi sordes; licet ista latrina  
In longum undenos passus per millia ductos,  
Et plus quam passus quingentos lata patescat.  
Colluviem hanc inter mihi tempus in omne jacendum est  
Hos propter. Namque hi suaserunt cudere nummos,  
85 Queis tantum suberat misti purgaminis, ut tres  
Pondere adaequaret siliquas. — Tum talibus orsus  
Quaesivi rursum: Quae sunt miseranda duorum  
Spectra haec, quae fumant veluti sub frigore brumae  
Fonte extracta manus, tibi dextrum qui latus urgent  
90 Prostrati, junctique simul? — Quo tempore in istud

- Antrum, inquit, pluvi, illos me invenisse recordor  
 Sic positos; nunquam digressos amplius inde,  
 Aeternumque reor mansuros. Femina mendax  
 Una est, quae nomen JOSEPHI crimine falso  
 95 Detulit; haec umbra est DANAI perjura SINONIS  
 Ex urbe Iliaca, quorum de pectore febris  
 Tantum nidoris graveolentis torrida mittit.  
 Unus at ex illis, piguit quem forte vocatum  
 Nomine ita obscuro, pugnum huic impegit in ampli  
 100 Duritiem ventris. Veluti Cybeleia ab ictu  
 Tympana, is insonuit. — Contra subita ira magistri  
 ADAM vibrato graviter ferit ora lacerto,  
 Nec minus hic fuerat durus; dein talia fatur:  
 Quamvis membrorum gravitas vetet ire, lacertus  
 105 It mihi liber, ubi sit opus. Tunc edidit alter  
 Haec verba: Ardentem ad flammam quo tempore tractus  
 Ibas, haud fuerat tam alacer tibi; at hunc tamen aera  
 Cudere sic norunt, et plus fortasse paratum.  
 Hydronicus contra: Nunc tandem dicere verum  
 110 Coepisti; at Trojae tu pandere verum rogatus,  
 Non ita testis eras verax. Verum assimulavi,  
 Tu cuneum, DANAUS dixit; sed criminis una  
 Isthic me labes damnat, te plurima, totque  
 Crimina, quot quisquam haud potuit committere Daemon.  
 115 Insidias fallacis equi, perjure, revolve,  
 Illi respondit, qui inflatum abdomen habebat,  
 Arguat et sontem totus jam conscius orbis.  
 At tibi sit crimen sitis arida, dixit ACHIVUS,  
 Quae tibi disrumpit linguam; sit marcidus humor  
 120 Crimen, qui antea ventrem tibi sepiat. — At aeris  
 Cusor: Ita, ut quondam, magno se scindit hiatu  
 Os tibi nunc, ubi fert animus maledicere suetus.  
 Quod si me exsiccat sitis, et me lymphæ refert,  
 Ardor te male habet, male habet caput usque laborans;  
 125 Et dum Narcissi speculum tibi lambere detur,

Hortantem haud velles te longa ambage moratum.

Hos ego defixa sermones aure bibebam,  
Cum mihi praeceptor subtristis: Prospice, dixit;  
Namque parum modo abest, quin tecum in jurgia surgam.

130 Quem simul iratum audiui verba ista loquentem,  
Accessi, puduitque adeo, ut pudor intima mentis  
Nunc quoque pervadat, repeto dum talia mecum.  
Ac veluti in somnis sua qui sibi damna figurat,  
Somnia dum ludunt, ludant modo somnia mavult  
135 Sic, ut quidquid adest, omnino exoptat abesse:  
Talis ego adstiteram, cum deessent verba student  
Errori caussam nostro praetexere; at istud  
Fecerat adspectus, quod me haud fecisse putarem.

Culpa tua major tanto purganda pudore  
140 Non esset; quare hic omni te labe levavit,  
Doctor ait, meque usque puta te cernere coram  
Adstantem, si forte pari certamine gentem  
Infensam offendas: id velle audire pusilli est.

• XXXI.

Una eademque prius me lingua momordit, utrasque  
Tinxerit ut malas, medicataque postea juit.  
Talis, ut audiui, fatalis lancea Achillis,  
Ac Pelei patris primo caussa esse solebat  
5 Tristis, deinde bonae strenae. Nos vertere terga  
Valli infelici, praecingentemque tenere  
Coepimus adscensu ripam, transversa legentes  
Muti. Nescio quid minus hic quam noctis opacae,  
Atque minus quam lucis erat. Nec longius ire  
10 Vestigando oculus quibat; verum impulit aures  
Stridore altisono cornu, quod et omne tonitru  
Obruerit strepitu horribili, propriumque secutum  
Oppositum sibi iter, me figere adegit in unum  
Lumen utrumque locum. Post flendae funera cladis,

- 15 Carolus a sancto Magnus cum decedit auso,  
Tam perterricrepto non perculit aëra bombo  
Rholandus. — Caput inde ausus paullisper in altum  
Tollere, sum multas visus spectare praealtas  
Turres. Quare ego: Dic, quaenam est terra ista, magister?
- 20 Isque mihi: Quoniam multis stipata tenebris  
Per loca transcurris nimium procul, hinc fit, ut erres  
Propter opinatus animi; at, probe, tu quoque disces,  
Illuc si accedas, quam, quae longinqua videntur,  
Decipiant sensus: quare properantius ito.
- 25 Apprenditque manum peramanter, et insuper addit:  
Ante iter ulterius quam pergas carpere mecum,  
Scito, non illas turres, verum esse gigantas,  
Stantque, tenus ventris quanti sunt, undique fixi  
Circum oram putei. Veluti, caligine pulsa,
- 30 Paullatim incipiunt oculi internoscere, quidquid,  
Aëra qui stipat, vapor abdidit; aëra crassum  
Sic me, dum fodio, magis et magis usque propinquans  
Orae, error fugit et pavor ingens occupat artus.  
Namque ut, ubi vallo sedet area septa rotundo,
- 35 Monstregio surgit redimitus turribus altis:  
Sic exornabant, puteus qua cingitur, oram  
Terribiles media non plus quam parte gigantes  
Supra impendentes, queis Juppiter aethere ab alto,  
Dum crepitat, minitatur adhuc. — Mihi jamque videbar
- 40 Cernere cujusdam faciemque humerosque sinumque  
Et magnam ventris partem, distentaque utrimque  
Brachia sub costis. Recte natura reliquit  
Artem, quae tales homines in luminis auras  
Ederet, his similis Marti ereptura ministros.
- 45 Quod si ceterorum aut elephantum haud poenitet illam,  
Res inspectanti penitus censenda videtur,  
Plus justa ac prudens. Nam si solertia mentis  
Nequitiam jungat cum vi, jam nulla juvaret  
Contra obnitentis virtus. Praelonga patebat

- 50 Atque ampla huic facies, veluti pinna ardua molis  
Romae, Petre, tibi sacrae; modus ossibus idem:  
Ut pars inferior, cui facta est subligar ora,  
Sat bene demonstret tantum superesse staturae,  
Ut male praesumant se his tangere posse capillos
- 55 Tres Phryges impositi. Non paucos namque videbam  
Triginta magnos in longum tendere palmos  
Inde, ubi demissam subnectit fibula vestem.  
Rafel, mai, amech! coepit clamare ferinum  
Os, quod non hymni carmen mage dulce decebat.
- 60 Dux meus hunc contra: Stolidissima bellua, dixit,  
Aere tona cornuque tuos effunde dolores,  
Ira furorve alius simulac praecordia tangit.  
Collum pertenta; invenies, confuse, ligamen  
Funis, qui vinctum tenet; atque hunc adspice magnum,
- 65 Qui tibi praecingit pectus. — Dein talibus inquit  
Mecum: Idem scelus ipse suum nunc arguit; iste est  
NEMBAOTTUS, cujus mala mens effecit, ut una  
Tantum haud utantur mortalia saecula loquela.  
Istum mittamus, nec ventis irrita verba
- 70 Spargamus vanis; nam sermo est quilibet ipsi  
Talis, ut et nobis idem hic, non cognitus ulli.  
Longius ire igitur juvit, laevam usque tenentes,  
Atque intra jactum teli stetit obvius alter  
Saevior, ac major. Qui hunc cinxerit arte, magistrum
- 75 Dicere nescirem; at prae se laevum ipse tenebat,  
Et post se dextrum religatum fune lacertum,  
Qui sic hunc infra collum undique praepediebat,  
Ut partem exstantem vel quino involveret orbe.  
Iste tumens fastu voluit tentare quid ipse
- 80 Contra supremum terrae coelique potentem  
Pugnando posset, ductor mihi dixit, et inde  
Haec ipsi merces. EPHIALTES nomen habebat,  
Extremumque dedit specimen virtutis in illa  
Pugna, qua Superis tantum iniecere gigantes

85 Terrorem: haud unquam movet is, quae brachia torsit.

    Illi ego tum: Vellem, fieri si posse putares,  
 Immensum his oculis BRIAREA videre. Sed ille:  
 ANTÆUM haud procul invenies dantem ore loquelas,  
 Quem non vincla tenent, qui nos deponere in ima  
 90 Valle, ubi cunctorum stant pectora pessima sontum,  
 Possit. Quem velles, is multo longius isthac  
 Distat, et est vinclis vinctus, nec dispare forma,  
 Si vultum excipias, qui saevior esse videtur.

    Nec jam sic validus terrae tremor ingruit unquam,  
 95 Mole sua stantem quateret qui fortius arcem,  
 Ut cito se excussit dirum genus IPHIMEDIAE.  
 Tunc mihi mors, nunquam pejus metuenda, recurrit,  
 Ad quam formido sat erat, nisi vincula torta  
 Vidissem. Quare gressu processimus ultra,

100 ANTÆUM et petimus, qui ulnas, sine vertice, denas  
 Spelunca exstabat, solvitque haec ore magister:  
 O fortunatae nimium vetus incola vallis,  
 Quae decora eximii quondam dedit ampla triumph  
 Scipiadi, Annibalem, turba cedente suorum,  
 105 Vidit ubi dare terga fugae, o cui mille leonum  
 Sacraasti exuvias; o tu, qui si agmina fratrum  
 Juvisse alto in bello, jam credere dignum est  
 Cessuros regnum natis tellure fuisse  
 Coelicolas victos; ne nos deponere in oris

110 Cocyti grave sit, glacies quem frigida vincit.  
 Ne mitte orantes TIRYO, ne mitte ΤΥΡΗΟΟ:  
 Largiter hic praebere potest, quae munera cuncti  
 Hic vestri cupiunt. Oneri supponere tergus  
 Ne pigeat nostro, et naso suspendere parce.

115 Iste et apud superos poterit tibi reddere famam  
 Nunc quoque; vivit enim, et diuturnam ducere vitam  
 Sperat, ubi ante diem non ipsum gratia major  
 Ad sese revocet. — Sic doctor. At ille tetendit  
 Approperans dextram et, queis pressit ad incita adactum



120 Alcidem quondam, ductorem sustulit ulnis.

Ut sese prensu sensit, mihi talia fatur

Minciades: Isthuc accede, ut te quoque prenam:

Dein sic effecit, fasci ut glomeraverit uni,

Sese, meque. Velut sub parte, ubi prona videtur

125 Carisenda oculis, si quando ex aethere in ipsam

Incumbat nubes, ut contra pendeat illa;

ANTAEUS mihi talis erat, dum multa morabar,

Clinantem spectans tanta se mole gigantem.

Nec semel evenit, diversum ut quaerere callem

130 Optarim; sed nos inum prope fluminis alveum

Deposuit leviter, Cocyti ubi stagna profundi

Luciferum Judamque vorant. Hic nulla manendi

Ipsi caussa fuit sic curvo, ast arboris instar

Veliferae, immani se arrexerit corpore in altum.

### XXXII.

Si mihi sic asprum raucumque sonantibus uti

Fas esset numeris, ut convenientia tristi

Carmina concreperent barathro, in quod pondere rupes

Cunctae aliae tendunt, vena magis ubere succum

5 Exprimerem mentis; sed ubi est mihi copia nulla,

Fari haud absque metu aggredior: nec parva videtur,

Dignave res risus, aut nomina halba parentum

Fingentis linguae, medium, in quod nititur omne,

Designare. Sed hunc doctissima turba sororum

10 Ipsa juvet versum, quae Amphiona claudere Thebas

Molitum auxilio juvat, ne carmina rebus

Discordent. — O plebs humanae pessima gentis,

Quae sedes habitas, quas est describere durum,

Profuerit melius vobis pecudum atque caprarum

15 Isthic sorte datas animas sumpsisse repostis.

Postquam demissi in puteum devenimus atrum,

Sub pedibus Lybici, in multo inferiora locorum

Lapsi, et adhuc murum direxi lumina ad altum:  
 Prospice, ut incedis, subito haec vox venit ad aures,  
 20 Neve caput fratrum miserorum protere plantis.  
 Quare ego respexi, atque oculos sese obtulit ante,  
 Sub pedibusque lacus glacie concretus inerti,  
 Durus ita, ut vitri potius, quam mollis imago  
 Esset aquae. Non sic denso velamine cursum  
 25 Ister contextit, qui praeterlabitur agrum  
 Austriacum, aut Tanais rigidi sub sidere coeli,  
 Ut lacus hic stabat. Quod si collapsa ruinam  
 Vasta Tabernicci, aut Petrapanae pondere toto  
 Traxisset moles, haud ullum sponda dedisset  
 30 Sub casu crepitum. Ac veluti stat rana coaxans  
 Rictu extra stagnum, cum virgo rustica saepe  
 Somniat in sulcis se spicas ire legentem,  
 Stabant liventes, illac tenus, unde pudoris  
 Apparent signa, in gelidis stringoribus amnis  
 35 Umbrae externatae luctu, dentesque ciebant  
 Conflictu in numerum, ut peregrina ciconia rostrum.  
 Vultum quaeque suum figebat versa deorsum:  
 Angorem os, cor triste oculi testantur. At omnia  
 Ut circumspexi, demisi lumina quaerens  
 40 Inferiora meis plantis, simulacraque vidi  
 Stare duo sic juncta sibi, connexaque ita arcte,  
 Ut simul immistus capitis pilus esset utrique.  
 O vos, qui premitis sic pectora mutuo, dixi,  
 Qui vos, et quodnam genus? — Illi flectere colla  
 45 In me sublatis oculis. Tum mollia primum  
 A lacrimis intus, fluxerunt lumina guttis  
 Labra supra, at glacies illas oculum inter utrumque  
 Frigore concretas adstrinxit, et ostia visus  
 Occlusit. Nunquam sic ligno adnectere lignum  
 50 Vi subscus valuit. Quare hi se fronte petebant  
 Adversa alternis, hircorum more duorum,  
 Tanta ira hos vicit. Tum unus, cui frigus utrasque

- Aures depastum fuit, haud minus usque deorsum  
Defixis oculis, dixit: Cur tanta cupido
- 55 Sic nos lustrandi? Si istos tu scire laboras,  
Possedere ambo vallem, Byzantius amnis  
Unde fluit: pater his ALBERTUS; et unica mater  
Ipso ventre satos in luminis edidit auras.  
Vestigare potes totius lustra Cainae,
- 60 Non tamen invenies culpis insignibus auctam  
Umbram marmoreo mage dignam in frigore figi;  
Non illam, manus ARTUDIS cui pectus et umbram  
Uno ictu rupit. Non his PROCACCIA, non his  
Iste est deterior, modo qui me sic capite umbrat,
- 65 Cernere ut ulterius nequeam; quem nomine dicunt  
SASOLUM MASCHERONI. Si es sanguis hetruscus,  
Tu quoque quis fuerit jam scis. Et multa profari  
Ne me forte adigas, ego sum, inquit, CAMMISSIONUS  
De PAZZIS et, qui purget mea turpia facta,
- 70 CARLINUM maneo. — Dein vidi mille caninos  
Frigore deformes vultus. Quare horreo totus,  
Semper et horrebo, gelida vada saxea crusta  
Cum relegam mente. At medium, quo cuncta trahuntur,  
Queis aliquid gravitatis inest, dum planta petebat,
- 75 Et mihi in aeterno trepidabant frigore membra;  
An mens sic tulerit, seu fatum sorsve, referre  
Nescirem; sed, dum capitum inter strata movebam  
Plantas, cujusdam offendi pede fortiter ora.  
Ille hanc me contra flens vocem pectore rupit:
- 80 Quare me tundis? Nisi multam MONTISAPERTI  
Advenis aucturus, quid me, furiose, laccessis?  
Atque ego: Fac maneat hic me, praeceptor, ab isto  
Dum mihi solvantur, dubia quae mente revolve;  
Et me pro arbitrio posthac properare jubebis.
- 85 Dux stetit; atque ego adhuc dure maledicta vomenti  
Dixi: Quis tu, alios audax incessere probris?  
Ecquis es, o, qui aliis, quos haec ANTENORA claudit,

Percellens malas spatiaris, ut, integer aevum  
Si quoque nunc ageres, tamen id nimium foret? inquit.

- 90 Tunc ego respondi: Superest mihi vita, tibiue  
Dulce erit id scitu, si poscis munera famae,  
Caetera quae inscribat vestrum inter carmina nomen.  
Quin etiam cupio, dixit, contraria: abito,  
Proripe te hinc, caussamque ultra ne intersere questus;  
95 Namque per hanc vallem male nosti pellicere umbras.

- Tunc illum, colli cute posteriore potitus,  
Arripui, ac dixi: Aut pandas mihi nomen oportet,  
Aut pilus in toto nullus tibi vertice restet.  
Isque mihi: Ut cunctos studeas mihi vellere crines,  
100 Nec dicam, qui sim, nec per me discere quidquam  
Te patiar; non, si centenis calcibus isti  
Insultes capiti. Manibus jam utrisque prehensum  
Irrueram in vellus, cirris et pluribus illud  
Exspoliaram, ipso multum latrante deorsum  
105 Inversis oculis; cum quidam his vocibus orsus  
Clamavit: Quid, Bocca, tibi est? Non esse putabas  
Sat tibi sic sonitum crepitantibus edere malis,  
Ni latras etiam? Quidnam te Daemonis urget?

- Tunc ego: Jam verbum, dixi, nolo amplius addas,  
110 Proditor infamis; nam, te obnitente, per omnes  
Effundam terras, de te quae vera notavi.  
Ille autem respondit: Abi, et quae ferre sub auras  
Vis, narra, ac si unquam nostris evadere lustris  
Detur, ne taceas illum, cui lingua parata  
115 Sic fuit. Argentum Gallorum is luget et aurum:  
Ipse DURRENSEM, poteris jam dicere, vidi,  
Pessima congeries ubi sontum frigora captat.

- Si quis forte roget, num quisquam accesserit ultra,  
Haerentem ad latus huic est cernere BECCHERIAM,  
120 Cui quondam ferro secuit Florentia guttur.  
Cum GANO, atque TRIBALDELLO simul inde JOANNEM  
SOLDANERO ortum non tam procul esse putarem,

Per quem est questa suam, dominante FAENTIA somno,  
Irrupisse hostes portis bipotentibus arcem.

125 Hinc nos digressi non longe aberamus ab illo,  
Cum durata gelu fovea duo spectra sub una  
Sic conjuncta simul vidi, ut caput unius esset  
Pileus alterius capiti; ac veluti improba ventris  
Esuries cogit durum convellere panem:

130 Sic sibi suppositum predebat dente supernus,  
Stabat ubi molli cervix adjuncta cerebro.  
Non aliter Tydeus Menalippo tempora rosit,  
Exsuperante ira, ut caput hic, et caetera circum.

O qui crudelem ostendis sic more ferino,  
135 In quem stas supra, rabiem, quemque ore voraci  
Manducas, dixi, hac caussam mihi dicito lege.  
Hunc contra tantos si exerces jure furores,  
Dum vos ipsiusque scelus cognoscere detur,  
Ipse quoque ad Superos remeans tibi grata rependam,  
140 Ni prius arescat, quae dat mihi talia fari.

### XXXIII.

Sustulit os diro a pastu malus ille, comisque  
Abstersit capitis, quod retro morsibus acer  
Foedarat, coepitque: Jubes renovare dolorem  
Insanum, admonitu jam corda premente, priusquam  
5 Dicam. At si quae verba loquor, sint semina iniquo,  
Quem rodo, opprobrii infames reddentia fructus,  
Narrantem simul adspicies, lacrimasque cientem.

Ignoro, qui sis, et qua ratione sub istas  
Veneris huc sedes; at cum tua sensa loquentem  
10 Audio, Florentinum te lingua indicat ipsa.  
Jam me UGOLINUM comitem ignorare negabis,  
Atque hunc RUSCERUM ornatum majore tiara;  
Nunc dicam, huic tali quae me det caussa propinquum.  
Quomodo consiliis atque ipsius arte maligna,

- 15 Cui me credebam, sim captus, deinde peremptus,  
 Dicere non opus est. Sed quae tibi cognita forsan  
 Haud patuere unquam fando, quam scilicet atrox  
 Supplicium mortis fuerit mihi, jam ipse videbis,  
 Et, num sim laesus, tu disces crimine ab isto.
- 20 Rima adapertha brevis tenebroso in carceris antro,  
 Cui titulus per me famis est, ubi clausus oportet  
 Ultimus haud fuerim, mihi jam per tenue foramen  
 Monstrarat plures lunas, mala somnia cum me  
 Ceperunt, per quae velamina scissa futuri
- 25 Sunt mihi. Is hortator dominusque est visus adesse,  
 Atque lupum et catulos ad montis trudere saltus,  
 Quo Pisae opposito prohibentur cernere Luccam.  
 Cum canibus macris, studiosis, atque notatis,  
 Prae se GUILANDOS, et cum agmine SISMUNDORUM
- 30 Una LANFRANCOS in prima fronte locarat.  
 Jam parvo elapsos spatio natosque patremque  
 Cernere erat lassos, et acutis dentibus artus  
 Findi his. Cum evigilans totus, nondum jubare orto,  
 Natos ecce meos, aderant qui in carcere mecum,
- 35 Lugere in somnis audivi, ac poscere panem.  
 Vere es crudelis, si jam prohibere dolorem  
 Scis, reputans tecum, quod cor me triste monebat;  
 Et si non luges, quaenam te caussa videbit  
 Lugentem? Elapso stabat jam quisque sopore,
- 40 Atque prope hora aderat, qua nobis esca solebat  
 Adduci; at dubitans sua somnia quisque timere;  
 Cum subito audivi claudentes stridere claves  
 Turre sub horribili. Quare simul ora meorum  
 Quaesivi haud hiscens. Non flebam, ita saxeus intus
- 45 Factus eram. Illi flere, meusque ANSELMULUS inquit:  
 Sic haeres, pater, obtutu, quid mente volutas?  
 Lacrima nulla mihi tamen, et vox edita nulla est  
 Tota illa labente die, vel nocte sequente,  
 Donec mane nova sol luce impleverat orbem.

- 50 Utque parum irrepsit jubaris claustra intima acerbis  
Carceris, inspiciensque meum per quattuor ora  
Legi ipse os, ambas, superante dolore, momordi  
Dente manus: illi, id suadente cupidine edendi  
Me fecisse rati, in pedibus subito ante stetere,  
55 Haec fati: O genitor, multo minus aspera nobis  
Poena foret, nobis si vescere: carnibus artus  
Hos tu vestisti miseros, tu hos exue. Motus  
Tunc ego composui, ne urgerem tristius ipsos:  
Illa aliaque die muti omnes. O mihi dura  
60 Terra nimis! cur non patefactis faucibus imum  
Pandisti barathrum? Quarta redeunte diei  
Luce, mihi ante pedes protenso corpore GADDUS  
Procubuit, dixitque: Pater mi, cur tua cessant  
Auxilia? Effuditque animam hic; et, ut ipse videre  
65 Me potes, hic vidi casu tria singula eodem  
Quintam intra sextamque diem cecidisse meorum  
Corpora natorum exspirantia. Quare ego coecus  
Quemque supra incubui reptans, et quemque vocavi  
Binos usque dies totos post funera. Tandem  
70 Plus potuit jejuna fames, quam patrius angor.  
Haec uhi dicta dedit, contorquens lumina, rursus  
Corripuit miserum caput, haerens dentibus ossis  
Contra vim validis, velut escam inhiantem molosso.  
O Pisae, o ingens populorum infamia, quotquot  
75 Pulchra alit, ac recipit tellus, ubi cuncta per ora  
Si resonat; quoniam tam lenti poscere poenas  
Vicini cessant, ruptis Capraria vinclis,  
Atque Urgo irrumpant, quaque undans profuit Arnus,  
Objiciant sepem, exspatiatus ut obruat omnes.  
80 Quod si UGOLINUM comitem tum fama ferebat  
Arcibus esse tuis sub proditione potitum,  
Saevire in natos quatenam te causa jubebat?  
Quid tantum meruere UGUNCULUS, atque BRIGATA,  
Quosque alios cecini? Insontes nova fecerat aetas,

- 85 Theba nova. — Interea progressi venimus illuc,  
Stringor ubi gelidus concretæ frigore aquai  
Comprimit alterius, velut aspera fascia, gentis  
Saecula, non inversa solo, sed ventre supina.  
Fusus ibi fletus in fletus non sinit ire,  
90 Inque oculis dolor offendens obstantia, retro  
Vertitur, interiora petens, duplicatque dolorem.  
Namque ori agglomerant stagnantes frigore guttae,  
Cassidis atque instar vitreae loca concava replent  
Palpebris subjecta. Licet mihi frigore sensus  
95 Torperent omnes, velut obdurescere callo  
Mos est, nec quidquam in visu jam sedis haberent,  
Nescio quid venti tamen usurpare videbar  
Auribus, atque meo doctori: Quis movet istum?  
Nonne hic extinctum vidi genus omne vaporis?  
100 Is mihi: mox illuc venies, ubi visus ad ista,  
Quae quaeris, responsa dabit, cum caussa patebit  
Inspicienti oculis, agitatae quae pluit auras.  
Atque malorum usus, quos frigida crusta premebat,  
Ad nos: O animae, clamabat, corde ferino  
105 Sic, ut vos poenae sedes postrema reservet,  
Demite dura oculis velamina, ut exitus altae  
Tristitiae, qua corda gero praegnantia, detur  
Mi paulo ante, gelu lacrimas quam duret in ore.  
Ut sit opis nostrae, dixi, tibi copia, qui sis  
110 Effare; at, nisi te solvam, sub fluminis imam  
Ire mihi glaciem sit opus. Tunc talia fudit:  
ALBERICUS ego, male nati a fructibus horti  
Ille ego sum frater, carotam qui hoc lego in arvo  
Pro fico. — Oh, dixi, anne dies te jam abstulit atra?  
115 At contra ille: Meo quidnam de corpore fiat,  
Aut ubi terrarum maneat, mihi scire facultas  
Nulla datur. Tantum fert haec PROLOMAEIA lucri,  
Ut non raro anima in praeceps huc decidat, ante  
Hanc ex carceribus quam mittat Parca reclusis.



- 120 Quoque magis vitro compressas radere ab ore  
Sponte velis lacrimas, haec discito: Quaelibet usa  
Proditione anima est, ut et hoc scelus ipse patravi;  
Illi aufert corpus Daemon, qui hoc deinde gubernat,  
Dum totum excurrit spatium revolubilis aevi.
- 125 Hanc in cisternam ruit illa, et forte videtur  
Vos inter nunc corpus adhuc versatier umbrae,  
Quam mersam hinc retro perstringit frigidus horror.  
Id te scire puto, nigra si modo regna subisti  
Nuperus: isque est BRANCA, suum cui patria habere
- 130 URIA dat nomen. Tamen illo ex tempore plures  
Praeteriere dies, glacie cum est clausus in ista.  
Hic: Mihi mentium te suspicor, haec ego dixi;  
Nunquam etenim BRANCAM sublatum fanere vidi,  
URIAque hunc salvum testatur patria; vivit,
- 135 Atque edit, atque bibit, dormitque, atque integra pannis  
Membra tegit. — Contra is: Nondum nigrantia in antra  
Ille ingressus erat, fervens ubi nigra tenaci  
Unda pice expumat, MICHAEL cognomine ZANCHE,  
Ex quo suffecit dominantem Daemona in artus
- 140 Ipse suos, pariterque affinis, qui fuit una  
Proditor. Ast huc tende manus, mihi denique solve,  
Pande oculos; sed ego huic oculos aperire negavi,  
Atque fuisse hominis credo, sine corde videri  
Humano. — O Ligures, contraria pectora legi
- 145 Omnigenae, atque omni vitiorum labe referta!  
Cur hinc justa Dei vos mundum sustulit ira?  
Namque ubi canctorum stat pessimus Aemilianus  
Proditor, inveni ex vestris, qui ob tristia facta  
Jam stagno abluitur Cocytî, in corpore visus
- 150 Nunc quoque apud Superos vitali vesciet aura.

## XXXIV.

- Obvia Tartarei regis vexilla propinquant;  
 Quare intende aciem, dixit praeceptor, an illa  
 Prospicias. Veluti cum spirat pinguis opacae  
 Caligo nebulae, aut nostris nox incubat agris:  
 5 Tunc e longinquo sum visus cernere molem,  
 Orbi pistrini similem, quem flamine ventus  
 Vertit agens circum: dein, me impellentibus auris,  
 Ductorem traxi retro; neque enim ulla latebram  
 Antra dabant. Ego eram (nec jam formidinis expers  
 10 Haec trado numeris), ubi stabant undique totae  
 Circumtectae umbrae, ac sicut festuca nitenti  
 Clausa vitro, illarum sic translucebat imago.  
 Stant aliae multaeque jacent, hae in vertice, et illae  
 In pedibus rectae; ad talos invertere, ut arcus,  
 15 Vidi alias vultus. — Ubi sic processimus ultra,  
 Ut mihi monstraret, quem dextera summa creatrix  
 Fecerat eximium forma facieque micante,  
 Se mihi subduxit submoto, ac sistere iussit:  
 Ecce tibi Dis, ecce locus, ubi pectore firmo  
 20 Atque animis opus est, fatus. — Tu conjice, lector,  
 Quam tunc horruerint mihi membra, ac faucibus haerens  
 Vox steterit. Mitto id modo scribere, namque loquentis  
 Lingua foret quaevis impar. Situs inter inane  
 Sanguinis atque animae corpus, vivumque manebam:  
 25 Jam tecum reputa, si quid tibi mentis acutae est,  
 Qualis eram factus, defectus munere utroque.  
 Pectore dimidio regni induperator acerbi  
 Exstabat glacie; atque magis mea forma giganti  
 Conveniat, formae corpus quam immane gigantum.  
 30 Istius: jam tu ipse vide modo, quanta putanda  
 Sit moles tantae respondens congrua parti.  
 Si tam pulcher erat, quam nunc deformis, et ausus  
 Acriter ore suum est auctorem surgere contra,

Omne genus luctus aequum est descendere ab illo.

35 O mihi quid monstri est visum, cum in vertice trinas  
Aspexi facies! Unam, quam in fronte gerebat,  
Sanguineam vidi: ast reliquas, quae duplice forma  
Constabant, isti superaddi humerum inter utrumque,  
Quae concurrebant, quo cristae surgit acumen.

40 Dextra videbatur pallentem neutra colorem  
Inter et albentem, faciesque sinistra tuenti  
Talis erat, quales, quos primos alluit undis  
Nilus, cernere erat. Geminae sub qualibet alae  
Magnae, quaeque pares moli tanti alitis essent:

45 Per mare velivolum non vidi carbasa tanta.  
Haud plumae his inerant ullae, sed tegmina quaedam,  
Qualia habent volucres, nomen quae a vespere ducunt;  
Hasque ita quassabat, triplex ut spiritus inde  
Exiret venti. Atque hinc Cocyti omnia stagna

50 Frigore durabant. Per senos ora rigabat  
Flens oculos, lacrimaeque fluebant triplice mento,  
Sanguinea mistae spuma; atque, ut malleus hirtam  
Contundens stupam, tria singula morsibus ora  
Unum ex damnatis rumpebant, tresque dolentes

55 Sic emittebat. Verum quae vulnera dente  
Os dabat antèrius, nihili pensanda fuissent,  
Si non certassent caedem geminare cruenta  
Asperitate unguis, qui dorsum pelle frequenter  
Nudabant. — Quam urget cunctarum maxima poena,

60 Illa anima est JUDAE, qui dicitur ISCARIOTES.  
Intus habet caput et jaculatur crura superne  
Exterius porrecta, inquit praeceptor; et umbris  
Ex aliis geminis, quarum utraque habet caput infra,  
Quae pendet nigro a rictu, est BRUTI: adspice, ut iste

65 Sese convolvat, nec vocem erumpat in ullam;  
Robore membrorum qui praestat, CASSIUS ille est.

Sed nox praecipitat, jamque est discedere tempus,  
Quando luminibus lustravimus omnia nostris.

Ut placitum est illi, devinxi colla lacertis.

70 Is tempusque locumque observans, cum satis alas

Expansas vidit, villosi corporis haesit

Costis, inque aliud vellus de vellere lapsus,

Inter setarum silvam, glacieque rigentes

Postea descendit crustas. Cum venimus illuc,

75 Coxae ubi se jungit summae femur, anxius, aeger,

Conatu multo, quo crura pedesque tenebat,

Invertit caput, et setas prensavit, ut ille,

Qui petit adscensum. Hinc iterum me in Tartara rebar

Deferri. — Dux, more viri, qui lassus anhelat:

80 Fige animo hac, inquit, discedere peste malorum

Tanta opus esse istas per scalas. Deinde forato

Emersit saxo, posuitque in margine primo

Hic me sessurum. Mihi post haec sat pede cauto

Obvius advenit. Visus ego tollere in altum

85 Coepi, et Luciferum rebar, qualem ante reliqui,

Cernere. At adverti sublata hunc crura tenentem.

An me sollicitum tunc ceperit anxius horror,

Curet id ignarum vulgus, cui noscere non est,

Quale mihi dederit punctum transire poeta.

90 Atque is: Surge! inquit; longa est via, trames iniquus,

Et jam confecit spatii medium ora diei

Tertia. Non erat illud iter per vermiculata

Atria, quo fessus deveni, at carcer ab ipsa

Natura exstructus, cui strata maligna, caverna

95 Lucis inops. Simul arrexī me corpore, dixi:

Doctor mi, ante antro quam vellam corpus ab isto,

Ut mihi dissolvas errorem, fare parumper.

Dic, ubinam est glacies? Et quomodo figitur iste

Corpore ita inverso? Cur sol tam praepete cursu

100 Vesperis a primo primum pervenit ad ortum

Lucis? — Et ille mihi: Te mens illusa morantem

Trans centrum telluris adhuc facit; atque ubi inhaesi

Setis infesti vermis, qui perforat orbem,

- Ipse diu tam illic mansisti, quam mihi visum  
105 Descensum petere est. Inverti ubi corpus, ibi illud  
Est tibi trajectum medium, quo cuncta trahuntur  
Pondera. Jamque oculis bifidae convexa tueris  
Sphaerae, quae bifidam contra est, unde arida magna  
Magnum tegmen habet, summo et sub culmine cujus  
110 Est consumptus homo, qui vixit et occidit insons  
Culpa; atque exiguo plantis insistis utrisque,  
Frontem JUDECCAE posticam qui efficit, orbi.  
Hic mane est, ubi sol illic descendit in aequor.  
Atque hic, pro scalis qui vellus praebuit hirtum,  
115 Fixus adhuc remanet, fixum velut ante videbas.  
Decidit hac coelo: et, quae primum emerserat isthac,  
Icta metu tellus ponto, ut velamine, vultum  
Texit, et ad nostrum semiorbem venit; et istum,  
Ut fugeret fortasse, locum tum liquit inanem  
120 Isthinc quae apparet, sursum et conversa recurrit.  
Est illic, nec tam procul est a Belzebub, antrum,  
Quam puteus patet in longum: hoc haud noscere visu,  
Sed rivi a sonitu est. Fluit iste foramine saxi  
Arrosi, cursu qua circum labitur unda,  
125 Exigue pendens. — Dux atque ego (nam data membris  
Haud fuit ulla quies) fruituri luce novelli  
Mundi, iter ingressi, contectum adscendimus: ille  
Primus, ego propius post terga, et plurima pulchra,  
Quae gerit arx coeli, per spiramenta rotundae  
130 Adspexi rimae; egressique revisimus astra.
-

**P U R G A T O R I U M.**

---



## I.

Ut jam currat aquam meliorem, carbasa tollit  
Navicula ingenii nostri, post terga relicto  
Tam diro pelago; veniuntque secunda canenda  
Regna, ubi concretæ sordis veterumque malorum  
5 Stant hominum purgandæ animæ, et conscendere coelum  
Emergunt dignæ. — Verum hic extincta resurgat  
Ars nostra, o sanctæ Musæ; me namque ministrum  
Legistis. Nunc Calliope det surgere vati  
Altius atque illo sonitu deducere carmen,  
10 Qui sic percussit miseris præcordia picis,  
Ut non sint ullam in venia spem ponere visæ.  
Dulcis ab Eoa saphiro color, undique circum  
Aëris adspectum puri sine nube serenum  
Primam usque ad sphaeram perfundens, gaudia rursus  
15 Jussit habere oculos, simul ac me mortua passa est  
Aura exire suis antris, quæ oculosque meumque  
Vexarat pectus. Qui pulcher amare planeta  
Hortatur, radiis juga subdita matutinis  
Spargebat risu, cingens velamine pisces,  
20 Qui sibi ductores aderant. Dextram ipse petivi,  
Alteriusque poli vestigans lumina mente  
Quattuor intenta suspexi sidera nunquam  
Cognita, primigenæ nisi genti, atque ignibus horum  
Ipse videbatur gaudens hilarescere Olympus.



- 25 O vidua extremam quae tellus vergis ad Arcton,  
Cur tibi subducta est illos spectare potestas?  
Cum detorsissem visum, oppositumque parumper  
Axem quaesissem coeli, piger unde Bootes  
Cesserat; ecce senex, nullo comitante ministro,  
30 Qui tanto dignum cultu sese ore ferebat,  
Majorem ut patri natus non debeat ullus,  
Adstitit. In pectus longa illi barba cadebat  
Cano mista pilo, et simili coma sparsa colore  
Hinc inde in partes geminas divisa fluebat.  
35 Quattuor hae sanctae radiabant lumine tanto  
In faciem huic luces, veluti mihi si qua fuisset  
Flammiferum coram spectandi copia solem.  
Quinam vos estis, qui contra flumina coeca  
Ex imo aeterni fugistis carceris antro?  
40 Talia concutiens plumas est fatus honestas.  
Quis vos adduxit? Vel quis praeferre lucernam  
Vobis est ausus noctis per opaca profundae,  
Infernae quibus usque solent nigrescere valles?  
Sic quas tartareas subierunt funera leges  
45 Franguntur? vel sic coelestia numina mentem  
Mutavere novam, ut vos, o damnata, cavernas  
Pectora, adiretis nostras? — Dux atque magister  
Tunc me corripuens, verbis nutuque manuque  
Jussit in obsequium componere genua oculosque.  
50 Talia deinde illi contra: Non ista petivi  
Regna meis opibus treptus. Descendit ab alto  
Femina, qua implorante, comes ductorque juvare  
Hunc ego decrevi, et quoniam tua certa voluntas  
Postulat, ut magis nostra tibi, utque est vera pateat  
55 Conditio, hoc equidem me haud posse negare fatebor.  
Nunquam hic supremam sibi vidit funeris horam;  
Stultitia at ducentis, fuit sic proximus, ut iam  
Temporis haud multum absuerit, quin protinus atro  
Conciderit leto. Ut dixi, me miserat illa.

- 60 Hunc ut subriperem. Effugii at via vera dabatur  
Nulla alia, excepta, quam sum molitus inire.  
Huic ego monstravi devotae examina gentis,  
Nunc fert mens illos animarum ostendere coetus,  
A quibus abluitur macularum funditus omnis,  
65 Te jus dante, lues. Longum esset dicere, ut illum  
Traxerim. At ex alto virtus descendit opemque  
Dat mihi, ut adducam fruiturum lumine vultus,  
Atque oris sermone tui. Ne taedeat hujus  
Adventus. Illi libertas quaeritur omni  
70 Cara viro, ut novit, pro libertate cruorem  
Qui dedit et vitam; tuque id nescire negabis,  
Pro qua dulce UTICAE duxisti occumbere, ubi ipse  
Liquisti vestem, quae multa luce micabit,  
Magna dies cum aderit. Nec per nos laesa videbis  
75 Edicta aeternae legis; nam vescitur iste  
Aura vitali, nec Minos arbiter Orci  
Me ligat; at me ille orbis habet, tua MARTIA casto  
Lumine quem lustrat, faciemque habitumque precantis  
Nunc quoque habens, sanctum pectus, pro foedere primi  
80 Conjugii, utque tuam sese patiari vocari.  
Flecte igitur mentem per, qui hanc tibi jungit, amorem.  
Nos septemgemi valles sine visere regni.  
Huic de te grates referam, si fama feratur  
Vis tua per sedes illas. — Mihi MARTIA, dixit,  
85 Tantum cara fuit, vestro cum sole fruebar,  
Ut sim largitus, dum vixi, quidquid habebat  
In votis. At nunc cum trans mala fluminis atri  
Stet vada, tempus abit, quo possit nostra movere  
Consilia, ob legem, quae egressum jusserat istis  
90 Imperitare locis. Sed si te femina coetu  
De supero movet, atque regit, prout ipse fateris,  
Hand opus est precibus, tibi nam satis esse putandum est,  
Hanc quod me poscis veniam, exorasque per istam.  
Ergo i, et fac cingas huic crinem simplice junco,

- 95 Osque laves ipsi, ut sordes eluta recedat  
Omnis, namque aliqua nebulae caligine laesos  
Dedeceat primo visus offerre ministro  
Aulae coelestis. Perparva haec insula in imo  
Fundo, ubi se illidunt undae, fert sponte palustrem  
100 Per limum juncos. At quaevis altera planta  
Seu frondens, solido seu stans in stipite, habere  
Hic vitam haud possit, namque harum nulla secundat  
Plagarum impulsus. Ne postea ferre regressum  
Hinc sit. Sol jam oriens clara vos luce docebit  
105 Carpere iter levius, qua sit minus ardua rupes.  
Haec ubi dicta dedit, nostris evanuit ille  
Ex oculis. Ego humo haud hiscens mea membra levavi,  
Totus et accessi ductori, ac lumina in illum  
Verti; atque is coepit: Fili, vestigia nostra  
110 Tu sequere, inque viam retro tendamus euntes;  
Namque hinc planities fines descendit ad imos.  
Eos vincebat modo facta crepuscula terris  
Praemeditata fugam, nec jam procul inde videbam  
Aequor crispato tremulum fervere fluctu.  
115 Per vacui non culta soli nos vertere gressus.  
Qualis qui excessit recta regione viarum,  
Et redit, effusus cui tum labor ire videtur,  
Donec eo veniat. Postquam pervenimus illuc,  
Ros ubi cum radiis pugnat solaribus, atque  
120 Sedibus insistens, quas mulcet frigidus aër,  
Rarescit lente; super herbam utrasque tetendit  
Suaviter ille manus. Ego tunc haud nescius artis,  
Quam doctor molitus erat, huic ora, genasque  
Protendi lacrimis rorantes. Ille colorem  
125 Omnem detexit, mihi quem celaverat Orcus.  
Exin desertam pelagi devenimus oram,  
Quae sua mortales nunquam vada findere remis  
Viderat expertos reditum. Hic mea tempora cinxit  
Pro lubita alterius. Verum o mirabile visu!

130 Nam qualisque et quanta fuit, quam legerat ille,  
Planta humilis, talisque et tanta est visa renasci  
Ilicet. inque loco pariter posita, unde revulsa est.

## II.

Jam Sole albebat, qui in plano terminat aethrae  
Prospectum circlus, cui qui super imminet aequae  
Hinc, inde in medio, qua sese altissimus effert,  
Urbem operit Solymam; atque viae, quae conficit orbem  
5 Parte sub opposita, nox assurgebat ab undis  
Gangis, praeportans aequato pondere lances  
Dextra elapsuras, simul ac properare laboret:  
Quare candidulo roseoque adpersa colore  
Pulchra Aurora genas, in qua regione morabar,  
10 Lutea fiebat nimio jam languida ab aevo.

Cum duce adhuc ibam propter vada caerula ponti,  
Ut gens, quae meditatur iter, sibi corde volare  
Visa, suoque moram non rumpit corpore; et ecce  
Qualia jam exoriente die splendentia Martis  
15 Igne rubent inter densatos ora vapores  
Axe sub Hesperio liquidi super aequora ponti;  
Tale mihi lumen (sic hoc spectare facultas  
Sit rursus!) visum est adscendere per mare cursu  
Tam cito, ut alarum non ullum aequare volando  
20 Remigium valeat. Cum visus inde parumper  
Flexissem, donec doctorem pauca rogarem,  
Hoc fulgere magis vidi, increbrescere majus:  
Dein stetit ante oculos, jubare undique circumfuso,  
Albi ignotum aliquid, sensimque exire videbam  
25 Huic quiddam simile inferius. — Dux hactenus ore  
Conticuit, donec nobis prima alba videndas  
Ostendere alas; sed ubi bene navita cursus  
Arbiter huic patuit, clamans est talia fatus:  
Fac, fac utrumque genu flectas, ac jungito utrasque

- 30 Palmas; ecce tibi coelestis nuntius aulae;  
Jam tibi continget tales spectare ministros.  
Cerne, ut spernat opes humanas, nec velit ullum  
Velum, nec remum praeter, quibus emicat, alas  
Per tam longinquis distantia littora terris.
- 35 Adspice, ut arrectas ad coelum hic aëra tranans  
Explicet aeternas pennas, quas cernere non est  
Tempore mutatas mortalis more capilli.  
Dein, quanto propius propiusque accesserat ales  
Divinus, tanto manifestior ille micabat
- 40 Clare, ut nostra acies adspectum ferre nequiret  
Cominus; ast in humum defixi lumina visus.  
Atque hic applicuit ripis agilissima cymbae  
Texta levis, sic ut pini nihil hauserit unda.  
In puppi stabat coelestis navita, talis
- 45 In fronte, ut legeres hunc omni ex parte beatum;  
Et turba umbrarum plus quam centena sedebant  
Cantantes intus, quae vates carmina David  
Edidit, Aegypti de finibus egredientes  
Judaeos memorans, ac tandem exuta catenis
- 50 Brachia barbaricis; et erat vox omnibus una.  
Ut cruce signavit cunctas, tulit impetus illas  
In terram. Iste cito, quo cursu venerat, inde  
Ex oculis abiit. Sed, quae illic turba remansit,  
Ire videbatur rudis, atque ignara locorum,
- 55 Circumspectando haud aliter, quam qui nova tentat.  
Omni ex parte diem telis urgebat acutis  
Sol, qui cornigorum expulerat medio aethere caprum;  
Cum nova gens ad nos sublata fronte locuta est:  
Si nota est vobis, quae ad montem semita ducit,
- 60 Hanc nobis monstrate. — Illis dux talia contra:  
Nos hunc haud nescire locum vos forte putatis,  
Attamen hac, ut vos, peregrini erramus in ora.  
Huc aliud per iter nos paulo venimus ante,  
Asperitasque viae nos talis tantaque fregit,

65 Ut jam pro ludo veniat labor omnis habendus,  
Quaecunque adscensu via sit superanda maligno.

Quae sensere animae me per spiracula vitam  
Ducere, mirantes vultu pallente stetero.

Atque ut gestantem ramos pacalis olivae

70 Circumfusa ruit turba auditura loquentem  
Legatum, et quemquam haud refugit calcare premendo;  
Sic hae felices animae intendere frequentes  
In me aciem pariter certantes cernere coram,  
Paene iter oblitae, quod puras mittit et alma

75 Indutas forma. — Vidi praecedere quandam  
Me complecti avidam, ac tanto haec ardebat amore,  
Ut me compulerit simili quoque munere fungi.

O umbrae, humani praeter speciem oris, inanes!

Ter vincere manus post hanc tulit impetus, et ter

80 Ad pectus rediere mihi: Reor ora stupore  
Me pinxisse; etenim risit, seseque retraxit  
Umbra; at ego ulterius processi hanc pone secutus.  
Suaviter haec jussit pedibus me parcere; at ipsa  
Tunc mihi cuja esset patuit, precibusque rogavi,

85 Sisteret ut gressum, ne fandi copia deesset.

Illa mihi: Qualis mortali corpore vinctam

Me tibi junxit amor, talis me morte solutam  
Jungit adhuc. Quare sto. At quae te causa coegit  
Has penetrare domos? O mi CASSELLA, per istud

90 Veni iter, ut me alio reducem illuc tempore sistam.

At quis praeripuit tantam tibi temporis horam?

Iste autem: A quoquam mihi nulla injuria venit,  
Si mihi, qui imponit quo visum est tempore, quosque  
Vult, cursum ad ripas optatas saepe negavit.

95 Namque illi alterius sua fit bene justa voluntas:

Quamquam, ex quo trinos verterunt sidera menses,

Pace bona, quemcumque animus intrare ferebat,

Accipit patiens. Ego, qui mare prospiciebam,

Tibris ubi spumante salo se immiscet, ab illo

- 100 Comiter exceptus sedi, qua versa tenebat  
Remigia alarum: nam semper convenit isthuc,  
Erga Tartareas quicunque haud labitur undas.  
At tibi nota olim nova ni lex abstulit, aut te  
Usus expertem fecit, quo saepe canebas
- 105 Carmen amatorum, cupidique et multa moventis  
Pectus eras solitus plena donare quiete,  
Ne pigeat te aliquo mentem solamine, dixi,  
Hanc recreare aegram, tanta quam mole laborum,  
Dum venio, via pressit. — Amor qui mente repostus
- 110 Alta intus loquitur mecum; sic ille resolvit  
Tam dulci ora sono, ut pertentet pectoris ima  
Nunc quoque suave melos. — Praeceptor et ipse, cohorsque  
Hunc juxta usque adeo visa est contenta, suique  
Jam compos voti, veluti si nemo moveret
- 115 Corde alias curas. Ita nos consistere hiantes  
Intentique notis; verum en longaevus honestus  
Advenit, increpitatque: Quid hoc est, pectora lenta?  
Qualis neglectus? Quid statis? Quaerite cursu  
Montem, quaeque Dei prohibent vos ora tueri,
- 120 Ponite ibi exuvias. Ut far loliumve columbi  
Si quando carpunt, simul inter pabula stantes,  
Nec praeportantes fastum de more superbum,  
Si quidquam apparet formidinis, ilicet escam  
Deseruere omnes, cura majore premente:
- 125 Sic ego deseruisse melos turbae illa novellae  
Agmina, et ad montem pariter contendere vidi,  
Ut qui carpit iter, nec novit, qua sit eundum  
Quaerenti metam; nec nos minus incitus ardor  
Ex illis propere ripis discedere adegit.

### III.

Improvisa licet disperderet undique latos  
Hos fuga per campos, gressuque animoque petentes  
Montem, quo impellit ratio, mihi stringere fidi

- Cura fuit comitis latus. Et quo tendere cursum  
5 Hoc sine quivissem? Quis me per saxa rigentis  
Traxisset rupis? Percussus pectora morsu  
Ire videbatur proprio. O mens conscia, digna  
Puraque, ut exigui species erroris amaro  
Te pungit stimulo! — Postquam pedis impetus illum  
10 Destituit, quemvis gestum qui invertit honestum,  
Mens mea, quae primo stabat contracta, resumens  
Propositum, expandit se, ut quae cupiebat, et ora  
Converti ad clivum, qui sese effundit et alto  
Fit propior coelo. — Solis post terga rubentis  
15 Flamma, meo densum offendens in corpore fulcrum,  
Fracta meam fuerat describere visa figuram  
Ante pedes. Ego tum metuens, ne linquerer illic  
Solus, me verti; sed tum mihi cernere terram  
Contigit obscuram ante meam tantummodo formam.  
20 At mihi, qui solamen erat, sic ore profatur  
Totus in occursum: Quae diffidentia mentem  
Cepit? Me tecum esse, et me te ducere nescis?  
Hesperus est, ubi membra jacent, quæ clausus opacam  
Protendebam umbram. Haec Calabri rapuere, tenet nunc  
25 Parthenope; quod si prae me haud effunditur umbra,  
Ne mirere magis, quam cum non excipit ignem  
Alterius radiis coelestis quilibet orbis.  
Haec parat apta pati cruciatum aestumque geluque  
Corpora, quæ virtus nobis aperire recusat  
30 Quod facit. Insanit, qui spe sibi spondet inani  
Immensam se posse viam percurrere mente,  
Quam tenet una Dei natura, triplexque potestas  
Unius et trini. Proles humana, doceri  
Non ultra fines contenta, absiste moveri.  
35 Nam si vi propria potuisses discere cuncta,  
Virginis intactæ haud eguissent tempora partu:  
Et desiderio multos pallescere vano  
Vidistis, quæ plena quies concessa fuisset.



- Nunc datur his luctu urgeri, poenaeque perenni:  
40 Illum NICOMACHO natum divumque PLATONA,  
Permultosque alios dico; et capite inclinato  
Hic os compressit turbatus. — Ad infima montis  
Venimus, atque isthic ita visa est ardua rupes,  
Ut levitas crurum hanc suaderet scandere frustra.  
45 Inter Turbiam atque Ericem mage vasta magisque  
Sola via, ad nostram, est lenissima scala patensque.  
Quisnam, ubi in acclivi rupes jacet ista, docebit?  
Doctor suspenso dixit pede, ut ire sine alis,  
Qui caret his, possit? Sed figens lumina terrae  
50 Dum mentem ille suam, quae sit via eunda, rogabat;  
Atque ego lustrabam suspectans undique saxum:  
Aduit accurrens animarum exercitus ingens  
Nos contra ad laevam, nec visa est turba moveri;  
Tam tardo illa gradu peragrabat devia rupis.  
55 Tolle tuos oculos, comiti dixi atque magistro;  
Ecce hinc, consilium unde petas, si pectore pendes.  
Tunc me respexit, vultu et laetante solutus  
Sic ait: Ergo illuc vestigia nostra feramus;  
Nam lente incedunt, et tu, dulcissime fili,  
60 Spem firma. Sed adhuc tanto procul intervallo  
Illae aberant, dico post passus cum duce mille  
Perreptos, quanto a longe jaculante recedit  
Missa silex dextra, cum altae saxa aspera rupis  
Strinxerunt cunctae constipataeque steteri;  
65 Ut qui mente manet dubia, et circumspicit haerens.  
O bene defunctae, o animarum lecta corona,  
Virgilius coepit, per pacem vos precor illam,  
Quam reor ex vestris ardentem quamque manere,  
Dicite, ubi jaceat mons sic, ut scandere in altum  
70 Sit nobis; nam quo plus quis sapit, hunc terere horas  
Frustra plus taedet. — Veluti sua septa relinquunt  
Singulae oves, binae, trinae, et stat caetera turba  
Subtimida, affigens oculos simul oraque terrae;

- Quodque facit prior, et faciunt uno ordine cunctae,  
75 Densae humeris huic ad dorsum, si forte moratur,  
Simplicitate pari dociles, pariterque quietae,  
Atque id qui ignorant: ego tunc accedere vidi,  
Qui caput illius gregis ibat sorte beati  
Gestantis pariter decus incessu, ore pudorem.  
80 Verum ut humi lucem prae se videre retractam,  
Me dextrum obijciente humerum, qui extenderat umbram  
A me ad speluncam: gens omnis restitit, ac se  
Paulum retraxit, reliquaeque hanc pone secutae,  
Ignarae, quare id fieret, cessere vicissim  
85 Retro. — De vestris quamquam me nemo rogavit,  
Hunc, quem suspicatis, terreno corpore opacum  
Esse ego confiteor, per quem modo fissa videtur  
Lux solaris humi. Mirari absistite, et ipsum  
Non sine demissa coeli virtute putate  
90 Quaerere, qua superet munimen parietis hujus.  
Talia praeceptor. Dignusque exercitus ille:  
Ferte igitur gressus retro nobisque praeite,  
Respondit, dorso manuum velut indice tanto.  
Unus at ex illis coepit: Quicumque vocaris  
95 Tu sic incedens, oculos converte tuoque  
Volve animo, an vultus illic perspexeris unquam  
Nostros? Respexi figens mea lumina in illum.  
Flavus erat, pulcher, forma spectandus honesta,  
Deque superciliis unum diviserat ensis.  
100 Vultu ubi demisso me unquam vidisse negavi:  
Illum, inquit, cerne! atque in summo pectore vulnus  
Ostendit ridensque: Ego sum MANFREDIUS, addit,  
Induperatrix quem Constantia fassa nepotem est.  
Quare oro ut, vestras simul ac remearis ad urbes,  
105 Pulchram adeas natam, quae in luminis edidit auras  
Hispanae et Siculae gentis lumenque decusque,  
Illi ut vera canas, si quis contraria narrat.  
Postquam me geminae letali vulnere plagae

- Ruperunt, flentem victas dare supplice voce  
110 Viderat ille manus, qui parcit corde libenti.  
Ausa atque acta mihi perverse horrenda fuere;  
Divina et bonitas tam late brachia porgit,  
Ut prenda, quidquid conversam suspicit illam.  
At si Clusinus pastor, venatus in agro  
115 Me per CLEMENTEM, tunc saltem volvere libram  
Coepisset, dictante Deo qui scriptus habetur,  
Corporis ossa mei post pontem condita starent  
Sub molis statione gravis propter Beneventum.  
Nunc illa allidunt imbres et flumina vexant  
120 Regni extra fines, Verdim quasi propter aquosum,  
In quo jactatur restincta luce cadaver.  
Sed quos devovit verborum formula, non sic  
Perdit, ut aeterni non possit vivida amoris  
Flamma redire viam, dum aliqua spe praedita vita est.  
125 Haud equidem infitior praereptum morte, priusquam  
Demisse orarit, quam sancta ecclesia pacem  
Subjecto indulgere solet male facta fatenti,  
Quamvis poeniteat, prohiberi hoc littore in omnem  
Annum, ex quo durus jussis parere refugit,  
130 Triginta magnis volvendis orbibus annos,  
Vota, bonaeque preces isti compendia legi  
Ni faciant. Ergo jam prospice, si potes ullis  
Tu me hilarare modis, uxori et nuncius ito,  
Ut bona cognoscat per te CONSTANTIA, qualem  
135 Hic me vidisti, quam haec interdicta docebis;  
Namque hic per vestros lucrari multa solemus.

## IV.

Cum propter sensum seu gaudi sive doloris,  
Qui quandam ex nostris virtutem apprendat, in illam  
Se bene mens animi figit, non ista videtur  
Amplius ad reliquas alias se intendere vires.

- 5 Quapropter longe diversi errare putantur,  
Qui credunt aliam atque aliam insuper inflammari  
In nobis animam. Nam si quid fertur ad aures  
Aut oculos rerum, valido quod distrahat ictu,  
It tempus, neque homo sentit. Namque illa potestas,  
10 Quae sensu haeret in hoc, alia est atque integra nostrae  
Tota animae. Haec quasi devincta est, manet illa soluta.  
Id verum experto patuit, cum fantis ab ore  
Umbræ pendebam et mirabar plurima, donec  
Quinquaginta gradus superaverat aethereus Sol.  
15 Nec sensi, nisi tunc, cum illarum venit ad aures  
Umbrarum clamor nostras: Quod poscit, hic est!  
Majorem objicibus sepius vallavit hiatum  
Villicus exiguo spinarum saepe maniplo  
Usus, ubi nigro suffunditur uva colore,  
20 Quam fuit ille aditus, per quem contendere solis  
Ductori atque mihi est visum, post terga caterva  
Discedente alia. Sanlaeum est repere plantis,  
Naulo delabi, atque tuum, Bismantua, dorsum  
Exsuperare datur; verum hic opus esse volatu  
25 Res docet alarum levitateque: scilicet ingens  
Me desiderium pennis ducebat adortum,  
Illum pone sequi, qui spem dabat, atque ferebat  
Prae se meque facem. Nos inter fragmina saxi  
Venimus adscensu, stringebatque undique corpus  
30 Summa; pedes pariterque manus pars infima semper  
Poscebat. — Postquam supremo in margine rupis  
Alterius stetimus, ripae nacti aequor apertum,  
O mi praeceptor, dixi, quem carpere callem  
Fert animus? Tunc ille mihi: Descendere passu  
35 Parce ullo, ac post me teneas saxa ardua montis  
Scandendo, sapiens dum nobis obvius adsit  
Monstrator. Sed apex summus distabat ab ima  
Radice usque adeo, ut visum longinqua tuentem  
Falleret, atque assurgebat magis ille superbe

- 40 Clivus, quam ex medio ad centrum demissa quadrante  
Linea. Lassus eram, cum coepi: Respice, dulcis  
Mi pater, atque vide, ut maneo jam solus, ubi ultra  
Contendas. Fili, respondit, repere perge  
Atque accede isthuc, ostendens proxima rupis
- 45 Terga impendentis, quae ex illa parte rigentem  
Undique montem ambit. Tales mihi verba magistri  
Admorum stimulos, ut juxta hunc niterer ipse  
Reptando usque adeo, donec saxi orbita duri  
Sub pede pressa meo est, et ibi consedimus ambo
- 50 Ortum spectantes, qua ex parte adscendimus ante;  
Nam juvat emensos oculis lustrare viarum  
Difficiles flexus; subjectaque littora primum  
Legi, deinde oculos ego coepi tollere in altum,  
Ad solem, at laeva hunc mirabar spicula lucis
- 55 Mittere. Me vates suspensum haerere stupore  
Sat sensit, dum lucis iter solisque tuebar,  
Hunc ubi nos inter Boreamque intrare videbam.  
Is mihi: Si gemini, lucentia sidera, fratres  
Cum speculo ducente jubar sursum atque deorsum
- 60 Una irent, ibi in obliquo curvamine sectum  
Rubrum iter adspiceres propius, dum se rotat, ursas  
Stringere adhuc curru, nisi forte id tramite abiret  
Antiquo. At cur id fiat, si cernere posse  
Optas, fac mente attendas ac finge Sionem
- 65 Tantum, atque hunc montem terrarum exsistere in orbe  
Sic, ut, qui in plano prospectum terminat aethrae  
Circulus. utrisque unus pateat, diversaue sphaerae  
Puncta utrique habeant bifidae, tunc ipse videbis,  
Ut sit, per quod iter Phaëthon malè decedit ausis,
- 70 Huic latere ex alio sol conspiciendus, et illi  
Ex alio, clare si advertas lumine mentis.  
Haud unquam certe res aequae est clara, magister,  
Visa mihi, atque modo, dixi, hanc dignoscere fas est:  
Quod prius ingenium mihi erat minus utile visum.

- 75 Namque orbis medius, quem circa sidera motu  
Labuntur supero, quique appellatur in arte  
Aequator, quique usque inter solemque hiememque  
Est situs, ob caussas illas, quas dicis, ad Arcton  
Hinc discedit; ubi contra hunc Judaea videbat
- 80 Gens rutila ad calidas tendentem lampade partes.  
At, nisi te taedet, me valde scire juvaret,  
Quanta terenda via est nobis; namque altus ad astra  
Mons scandit plus quam mea lumina scandere possint.  
Virgilius mihi: Is est clivus, respondit, ut usque
- 85 Sit gravis ad summum nitenti evadere ab imo.  
At quanto magis ille viam vir pergit, eundem  
Tanto urget minus atque minus labor omnia vincens.  
Quare ubi suavis erit tibi sic, ut vadere in altum  
Res tibi habenda levis veniat, velut ire secundo
- 90 Flumine navigiis deorsum; tum haec semita habebit  
Finem, et securae dabitur dare membra quieti:  
Nullum ultra verbum, namque haec verissima novi.  
Vix haec fatus erat, subito cum venit ad aures  
Proxima vox: Fortasse prius tibi copia deerit
- 95 Sidendi; ad sonitum cujus convertimus ambo  
Lumina, et a laeva saxum conspeximus ingens,  
Cui neque ego, neque dux oculos adverterat ante.  
Repimus huc, multaeque isthic sub tegmine stabant  
Umbrae post saxum, ut queis mollis inertia suadet
- 100 Stare, atque ex illis unus languescere visus  
In sede haerebat complexus genua tenensque  
Haec inter vultum demissum. — O blande magister,  
Hunc lustra, dixi, qui sese prodit inertem  
Sat plus, quam si pigrities soror afforet ipsi.
- 105 Tunc inspecturo venientes haec prior illi  
Cura fuit, visus aciem supponere coxae  
Haec fando: Tibi praestanti conscendere par sit.  
Tunc mihi nosse hominem licuit, nec plurimus angor,  
Qui cogebat adhuc animam, celerare parumper,

- 110 Illuc ferre aditum vetuit. — Postquam obuius isti  
 Restiteram, is tollens caput aegre ita voce profatur:  
 Jam bene novisti, qui fiat, ut aureus axem  
 Sol humero a laevo ducat? — Pigrum osque brevisque  
 Sermo mihi ad risum solverunt labra parumper.
- 115 Dein coepi; BELLACQUA, tuum jam parco dolere  
 Casum; at me doceas, cur hic in sede moreris  
 Immotus. Num forte manes, quem pone sequaris,  
 Ductorem, an potius te mos vetus ille revinxit?  
 Ille mihi: Frater, quid me adscendisse juvaret,
- 120 Si, quam praefecit numen, custodia portae  
 Me loca, ubi poenas luerem, prohiberet inire?  
 Est opus ut primum mihi vertant astra tot annos  
 Excluso, quot adhuc vixi; nisi vota precesque  
 Corde erumpentes, cui gratia donat habere.
- 125 Vitam, consurgant ad quem mittuntur; at illae,  
 Quas fundunt alii, quae non coelestia tangunt  
 Pectora, quid prosunt? — Et jam sublime petebat  
 Prae me ac dicebat vates: Jam perge, viden', ut  
 Axe diem medium Sol hinc contingit, et inde
- 130 Nox pedibus tegit Hesperii jam regna Marochi?

## V.

- Jam procul umbrarum coetu digressus ab illo  
 Ibam, ductoris vestigia pone secutus,  
 Cum digitum intendens post me talem edidit una  
 Exclamans vocem: En si non fulgere videtur
- 5 A laeva jubar huic subeunti, et planta moveri  
 Non secus ac vivo. — Ad rumorem ego lumina verti,  
 Atque illas vidi me unum lustrare stupentes,  
 Et retro fracti cedentia lumina solis.
- Cur in tot curas animum tibi dividis, inquit
- 10 Doctor, ita ut gressus cessarint? Cur tibi curae est,  
 Quid mussent illi strepitantes? Pergito mecum,

- Et sine, quod libeat, post tergus dicere vulgus.  
Sta veluti turris, quae immoto vertice nunquam;  
Quid possit Boreas, didicit. Nam semper, ubi una,  
15 Atque alia atque alia invadit praecordia cura,  
Longe a proposito fertur, quia, ubi altera gliscit,  
Altera lentescit. — Potui nil dicere contra,  
Hoc uno excepto: Venio! Id dixi, ora colore  
Valde conspersus, quo vir quandoque repertus  
20 Est dignus venia. — Interea transversa legentes  
Clivi, prae nobis paulum longo ordine gentes  
Ibant, pro versu versum *Miserere* canendo  
Reddentes. At ubi sensit me turba vetantem  
Per corpus transire meum, quae spicula mittit  
25 Sol, interruptum mutarunt carmen in unum  
O! longum raucumque sonans. Ast agmine bini  
Ex illo, qui se legatos ore ferebant,  
Occurrere simul nobis et voce rogarunt:  
Quae sit conditio vobis decreta, docete.  
30 Atque meus doctor: Jam vobis ire licebit,  
Atque his, qui mittunt, eadem haec responsa referre:  
Hujus adhuc corpus vera coalescere carne;  
Cujus ut inspiciant umbram, si forte stetero,  
Ut reor, haec satis est illis responsa dedisse;  
35 Ipsi habeatur honor, quod eas fortasse juvabit.  
Accensos nunquam, nocte incumbente, vapores  
Tam cito ego vidi sudum diffindere coelum,  
Aut mense Augusti nubes, jam sole cadente,  
Quam citius reditum hi tulerint alti ad juga montis;  
40 Atque ubi perventum est illuc, comitante caterva  
Advenere sua regressi, ut fusa sine ullo  
Turba ruit freno. Quae se agglomeratque premitque,  
Ad nos festinans, numero gens plurima abundat,  
Et venit oratum, vates dicebat; at ipse  
45 Ne tamen ire viam desiste audique rogantes,  
Non interrupto cursu. Tu, quae artubus illis,



- Cum quibus existi primas in luminis auras,  
O anima, incedis vestita, initura beatas  
Sedes, clamabant venientes, ito parumper  
50 Lenius atque vide, num quem tibi noscere nostrum  
Forte datum fuerit, cuius narrata reportes  
Ad vestros. At cur properas? cur stare recusas?  
Nos vis hostilis jam cunctos funere mersit.  
Assueti sceleri extremum duravimus usque  
55 Ad tempus, donec lumen coeleste refulsit  
Mentibus, ac docuit sic, ut malefacta perosus  
Cum fletu ac certus veniam indulgere nocenti,  
Quisque sua exivit, placato numine, vita,  
Visendi quod amore sui praecordia adurit.  
60 His ego: Ut in vestros ego figam lumina vultus,  
Haud ullum inspiciens nosco. At vos si qua juvabit  
Res penes arbitrium nostrum, o bene nata animarum  
Turba, loqui haud pudeat. Nam pacem juro per illam,  
Quam jubeor tantum ductorem pone secutus,  
65 Nunc hoc, nunc illo properans, mihi quaerere in orbe,  
Id me facturum. — Tum contra talibus unus  
Infit: Quisque tuo benefacto fideret, ullo  
Quamquam haud jurasses verbo, prodesse student.  
Ni tibi propositum virtus male fida recidat.  
70 Quare ego, prae reliquis unus qui te alloquor, oro,  
Ut, si forte unquam terram conspexeris illam,  
Aemiliae fines inter, quaeque Appulus arva  
Exercet, positam, Fani tu largus abundes  
Supplicibus verbis, quisque ut bene numen adoret  
75 Pro me, ut purgando gravium delere malorum  
Sit mihi fas labem. Namque est mihi patria Fanum.  
Verum Antenoreos inter mihi plura profunda,  
Unde cruor fluxit, nostra in quo vita sedebat,  
Vulnera venerunt, ubi tutius ipse latere  
80 Rebar. Arestinus vehementi percitus ira  
In me plus aequo patrati est criminis auctor.

- Quod si, dum fugi, Mirae loca lata petissem,  
Cum juxta Oriacum me primum oppresserat hostis,  
Nunc quoque, vitalis ubi ducitur aura, manerem.
- 85 Currenti est quaesita palus, cannaeque fimusque  
Impediere adeo trepidantem, ut corpore prono  
Conciderim; atque meis vidi manare cruentum  
In tellure lacum venis. — Deinde incipit alter:  
O quae vota trahunt te celsi ad culmina montis,
- 90 Sic rata sint: succurre meis, miserescere praesens  
Corde bono atque pio. Primas MONSFELTRIUS auras  
Ducere me vidit. BUONCONTEM agnosce; JOANNAE  
Non est cura mei, nec respicit altera egentem  
Turba. Ideo hos inter demissa fronte vagari
- 95 Cogor. — Ego huic: Quae vis, fortunave CAMPALDINO  
Te sic avertit procul, ut se scire sepulcrum  
Nemo tuum dicat? — Tunc is mihi talia reddit:  
Infra Clusinos agros delapsus Eremo,  
Tollit ubi culmen pater Apenninus ad astra,
- 100 Fons ruit oblique, Archianus qui dicitur illic.  
Jamque ego perveni, quo fertur nominis experts  
Unda, meum diro transfossus vulnere guttur,  
Diffugiens pedes, atque irrorans sanguine campum.  
Hic me defecere oculi, pariterque loquela
- 105 Clamantem extremum, lingua frigente, Mariam;  
Et corpus mansit solum. Nec vera pigebit  
Dicere, tuque refer vivis. Demissus ab alto  
Ales me prendit coelestis nuncius aulae;  
Tartareus contra clamare: O tu, incola coeli,
- 110 Cur me dimittis vacuum? Tu aeterna reportas  
Istius spolia ob miseram, mihi quae eripit istum,  
Lacrimulam. At reliqui quod me manet, ipse repexum  
Longe aliter mittam. Scis jam, ut se tollit in altum  
Collectus vapor humidus atque recedit in imbrem,
- 115 In loca cum surgit, gelidis ubi stringitur auris.  
Huc venit malus ille animus, qui mille nocendi

- Usque artes poscit solertis acumine mentia,  
Et fumum et ventum ingenita virtute repente  
Movit. — Ubi est exstincta dies, caligine vallem  
120 A Prato Magno in coelum sublime minantis  
Montis ad usque jugum textit. Dein desuper aethram  
Admonuit, foetusque in aquam dissolvitur aër.  
Praecipitant imbres, et quos jam terra nequibat  
Accipere, in fossas tulit impetus, utque finientis  
125 Mos solet esse amplis, undae traxere ruinam  
Tam rapide in flumen regale, ut nulla valeret  
Vis prohibere malum. Mea frigore membra soluta  
Indomiti Archiæni furor aufert improbus inque  
Arnum coniecit, solvitque a pectore nexam,  
130 Quam fecere crucem mihi brachia, cum dolor ingens  
Me vicit domitum, et per ripas volvit et inum  
Per fundum; deinde ipse sua cinctum atque revinctum  
Advolvit praeda. O patrias cum rursus adire  
Fas tibi erit terras, dabiturque quiescere longo  
135 A cursu atque labore viae (sic fata secundam  
Tertia post animam est), haud obliviscere nostri!  
Sum PIA, me genuit Sena confecitque Maremma,  
Scitque haec ille, prius mihi qui donarat habere  
Anellum, sociamque tori uxoremque vocarat.

## VI.

- Ludere ubi talis cessatum est, corde dolenti  
Stat victus repetitque vices, ac denique tristis  
Discit. Victorem sequitur gens tota, praecitque  
Unus, eumque alter prendit post tergus, it alter  
5 Ad latus atque jubet meminisse. Haud ille remittit  
Ire, at nunc aures isti, nunc admovet illi,  
Cuique manum porgit, mens importuna recedit  
Instandi ulterius; removel sic ipse sequentem  
Turbam. Non secus hoc versabar in agmine vulgi,

10 Quemque tuens oculis atque undique circumspectans,  
Multaque promittens a cunctis liber abibam.

Hic ARETINUM, qui sub fera brachia GMINI

De TACCO occubuit, vidi, quique impete coeco  
Hostes dum insequitur, subjectum lapsus in amnem

15 Interclusa anima periit. Hic cum prece blanda  
Attollens palmas FRIDRICUS utrasque NOVELLUS,  
Nec non PISANUS testatus, pectore forti  
MARZUCCUM eminuisse bonum, tardabat; et URSI  
Vidi animam comitis; disjunctaque corpore ob iram

20 Atque acrem invidiam, sicut dicebat, at ulla  
Absque sua culpa, nobis anima altera venit  
Obvia. Ego PETRUM BRACCENSEM hunc esse monebo.  
Atque hic praecaveat, superest dum vita, BRABANTA  
Regina, ac videat, ne pejor se maneat grex.

25 Omni me postquam dissolvi exercitu earum  
Umbrarum orantum, ut requiem sibi supplice voce  
Orarent alii, ob quam sanctis esse liceret  
Ocius, hic coepi: O mea lux, docuisse videtur  
Omnino tua Musa loco non posse precando

30 Fata Dei flecti; tamen id gens ista rogabat.  
Frustra ergo hi sperent? An non bene scripta patescunt  
Mi tua? — At is contra: Si contemplabere sana  
Rem penitus mente, est facilis planusque meorum  
Scriptorum sensus, neque eos spes ludit inanis.

35 Namque hand descendit majestas summa superni  
Judicii, dum corda urens vis ignea amoris  
Uno ictu absolvat, quod jussus solvere debet,  
Quicumque hic stabulat. Sed ut est sententia, nemo  
Vitae emendabat veteris malefacta precando;

40 Namque Deo immensum sejunxerat intervallum  
Orantem. At vero tantis obducta tenebris  
Dicta arcana mihi ne obfirma certa putare,  
Ni prius id doceat, quae lux micat inter utramque  
Veri animique faciem nostri. Atque hic nescio, an istud

- Usque artes poscit solertis acumine mentis,  
 Et fumum et ventum ingenita virtute repente  
 Movit. — Ubi est exstincta dies, caligine vallem  
 120 A Prato Magno in coelum sublime minantis  
 Montis ad usque jugum textit. Dein desuper aethram  
 Admonuit, foetusque in aquam dissolvitur aër.  
 Praecipitant imbres, et quos jam terra nequibat  
 Accipere, in fossas tulit impetus, utque fluentis  
 125 Mos solet esse amplis, undae traxere ruinam  
 Tam rapide in flumen regale, ut nulla valeret  
 Vis prohibere malum. Mea frigore membra soluta  
 Indomiti Archiani furor aufert improbus inque  
 Arnun conjecit, solvitque a pectore nexam,  
 130 Quam fecere crucem mihi brachia, cum dolor ingens  
 Me vicit domitum, et per ripas volvit et inum  
 Per fundum; deinde ipse sua cinctum atque revinctum  
 Advolvit praeda. O patrias cum rursus adire  
 Fas tibi erit terras, dabiturque quiescere longo  
 135 A cursu atque labore viae (sic fata secundam  
 Tertia post animam est), haud obliviscere nostri!  
 Sum PIA, me genuit Sena confecitque Maremma,  
 Scitque haec ille, prius mihi qui donarat habere  
 Anellum, sociamque tori uxoremque vocarat.

## VI.

- Ludere ubi talis cessatum est, corde dolenti  
 Stat victus repetitque vices, ac denique tristis  
 Discit. Victorem sequitur gens tota, praeitque  
 Unus, eumque alter prendit post tergus, it alter  
 5 Ad latus atque jubet meminisse. Haud ille remittit  
 Ire, at nunc aures isti, nunc admovet illi,  
 Cuique manum porgit, mens importuna recedit  
 Instandi ulterius; removet sic ipse sequentem  
 Turbam. Non secus hoc versabar in agmine vulgi,

10 Quemque tuens oculis atque undique circumspectans,  
Multaque promittens a cunctis liber abibam.

Hic AETINUM, qui sub fera brachia GWINI  
De Tacco occubuit, vidi, quique impete coeco  
Hostes dum insequitur, subjectum lapsus in amnem

15 Interclusa anima periit. Hic cum prece blanda  
Attollens palmas FRIDRICUS utrasque NOVELLUS,  
Nec non PISANUS testatus, pectore forti  
MARZUCCUM eminuisse bonum, tardabat; et URSI  
Vidi animam comitis; disjunctaque corpore ob iram

20 Atque acrem invidiam, sicut dicebat, at ulla  
Absque sua culpa, nobis anima altera venit  
Obvia. Ego PETRUM BRACCENSEM hunc esse monebo.  
Atque hic praecaveat, superest dum vita, BRABANTA  
Regina, ac videat, ne pejor se maneat grex.

25 Omni me postquam dissolvi exercitu earum  
Umbrarum orantum, ut requiem sibi supplice voce  
Orarent alii, ob quam sanctis esse liceret  
Ocius, hic coepi: O mea lux, docuisse videtur  
Omnino tua Musa loco non posse precando

30 Fata Dei flecti; tamen id gens ista rogabat.  
Frustra ergo hi sperent? An non bene scripta patescunt  
Mi tua? — At is contra: Si contemplare sana  
Rem penitus mente, est facilis planusque meorum  
Scriptorum sensus, neque eos spes ludit inanis.

35 Namque hand descendit majestas summa superni  
Judicii, dum corda urens vis ignea amoris  
Uno ictu absolvat, quod jussus solvere debet,  
Quicumque hic stabulat. Sed ut est sententia, nemo  
Vitae emendabat veteris malefacta precando;

40 Namque Deo immensum sejunxerat intervallum  
Orantem. At vero tantis obducta tenebris  
Dicta arcana mihi ne obfirma certa putare,  
Ni prius id doceat, quae lux micat inter utramque  
Veri animique facem nostri. Atque hic nescio, an istud

- Usque artes pascit solertis acumine mentis,  
Et fumum et ventum ingenita virtute repente  
Movit. — Ubi est exstincta dies, caligine vallem  
120 A Prato Magno in coelum sublime minantis  
Montis ad usque jugum textit. Dein desuper aethram  
Admonuit, foetusque in aquam dissolvitur aër.  
Praecipitant imbres, et quos jam terra nequibat  
Accipere, in fossas tulit impetus, utque fluentis  
125 Mos solet esse amplis, undae traxere ruinam  
Tam rapide in flumen regale, ut nulla valeret  
Vis prohibere malum. Mea frigore membra soluta  
Indomiti Archiensi furor aufert improbus inque  
Arnum coniecit, solvitque a pectore nexam,  
130 Quam fecere crucem mihi brachia, cum dolor ingens  
Me vicit domitum, et per ripas volvit et imum  
Per fundum; deinde ipse sua cinctum atque revinctum  
Advolvitur praeda. O patrias cum rursus adire  
Fas tibi erit terras, dabiturque quiescere longo  
135 A cursu atque labore viae (sic fata secundam  
Tertia post animam est), haud obliviscere nostri!  
Sum PIA, me genuit Sena confecitque Maremma,  
Scitque haec ille, prius mihi qui donarat habere  
Anellum, sociamque tori uxoremque vocarat.

## VI.

- Ludere ubi talis cessatum est, corde dolenti.  
Stat victus repetitque vices, ac denique tristis  
Discit. Victorem sequitur gens tota, praeitque  
Unus, eumque alter prendit post tergus, it alter  
5 Ad latus atque jubet meminisse. Haud ille remittit  
Ire, at nunc aures isti, nunc admovet illi,  
Cuique manum porgit, mens importuna recedit  
Instandi ulterius; removet sic ipse sequentem  
Turbam. Non secus hoc versabar in agmine vulgi,

10 Quemque tuens oculis atque undique circumspectans,  
Multaque promittens a cunctis liber abibam.

Hic AETINUM, qui sub fera brachia GWINI  
De TACCO occubuit, vidi, quique impete coeco  
Hostes dum insequitur, subjectum lapsus in amnem

15 Interclusa anima periit. Hic cum prece blanda  
Attollens palmas FRIDRICUS utrasque NOVELLUS,  
Nec non PISANUS testatus, pectore forti  
MARZUCCUM eminuisset bonum, tardabat; et URSI  
Vidi animam comitis; disjunctaque corpore ob iram

20 Atque acrem invidiam, sicut dicebat, at ulla  
Absque sua culpa, nobis anima altera venit  
Obvia. Ego PETRUM BRACCENSEM hunc esse monebo.  
Atque hic praecaveat, superest dum vita, BRABANTA  
Regina, ac videat, ne pejor se maneat grex.

25 Omni me postquam dissolvi exercitu earum  
Umbrarum orantum, ut requiem sibi supplice voce  
Orarent alii, ob quam sanctis esse liceret  
Ocius, hic coepi: O mea lux, docuisse videtur  
Omnino tua Musa loco non posse precando

30 Fata Dei flecti; tamen id gens ista rogabat.  
Frustra ergo hi sperent? An non bene scripta patescunt  
Mi tua? — At is contra: Si contemplabere sana  
Rem penitus mente, est facilis planusque meorum  
Scriptorum sensus, neque eos spes ludit inanis.

35 Namque hand descendit majestas summa superni  
Judicii, dum corda urens vis ignea amoris  
Uno ictu absolvat, quod jussus solvere debet,  
Quicumque hic stabulat. Sed ut est sententia, nemo  
Vitae emendabat veteris malefacta precando;

40 Namque Deo immensum sejunxerat intervallum  
Orantem. At vero tantis obducta tenebris  
Dicta arcana mihi ne obfirma certa putare,  
Ni prius id doceat, quae lux micat inter utramque  
Veri animique faciem nostri. Atque hic nescio, an istud



Usque artes poscit solertis acumine mentis,  
 Et fumum et ventum ingenita virtute repente  
 Movit. — Ubi est exstincta dies, caligine vallem

120 A Prato Magno in coelum sublime minantis  
 Montis ad usque jugum textit. Dein desuper aethram  
 Admonuit, foetusque in aquam dissolvitur aër.

Praecipitant imbres, et quos jam terra nequibat  
 Accipere, in fossas tulit impetus, utque fluentis

130 Mos solet esse amplis, undae traxere ruinam  
 Tam rapide in flumen regale, ut nulla valeret  
 Vis prohibere malum. Mea frigore membra soluta  
 Indomiti Archiani furor aufert improbus inque  
 Arnum coniecit, solvitque a pectore nexam,

130 Quam fecere crucem mihi brachia, cum dolor ingens  
 Me vicit domitum, et per ripas volvit et imum  
 Per fundum; deinde ipse sua cinctum atque revinctum  
 Advolvit praeda. O patrias cum rursus adire  
 Fas tibi erit terras, dabiturque quiescere longo

135 A cursu atque labore viae (sic fata secundam  
 Tertia post animam est), haud obliviscere nostri!  
 Sum PIA, me genuit Sena confecitque Maremma,  
 Scitque haec ille, prius mihi qui donarat habere  
 Anellum, sociamque tori uxoremque vocarat.

## VI.

Ludere ubi talis cessatum est, corde dolenti.  
 Stat victus repetitque vices, ac denique tristis  
 Discit. Victorem sequitur gens tota, praecitque  
 Unus, eumque altar prendit post tergus, it alter  
 5 Ad latus atque jubet meminisse. Haud ille remittit  
 Ire, at nunc aures isti, nunc admovet illi,  
 Cuique manum porgit, mens importuna recedit  
 Instandi ulterius; removet sic ipse sequentem  
 Turbam. Non secus hoc versabar in agmine vulgi,

10 Quemque tuens oculis atque undique circumspectans,  
Multaque promittens a cunctis liber abibam.

Hic ARETINUM, qui sub fera brachia GWINI  
De Tacco occubuit, vidi, quique impete coeco  
Hostes dum insequitur, subjectum lapsus in amnem

15 Interclusa anima periit. Hic cum prece blanda  
Attollens palmas FRIDRICUS utrasque NOVELLUS,  
Nec non PISANUS testatus, pectore forti  
MARZUCCUM eminusisse bonum, tardabat; et URSI  
Vidi animam comitis; disjunctaque corpore ob iram

20 Atque acrem invidiam, sicut dicebat, at ulla  
Absque sua culpa, nobis anima altera venit  
Obvia. Ego PETRUM BRACCENSEM hunc esse monebo.  
Atque hic praecaveat, superest dum vita, BRABANTA  
Regina, ac videat, ne pejor se maneat grex.

25 Omni me postquam dissolvi exercitu earum  
Umbrarum orantum, ut requiem sibi supplice voce  
Orarent alii, ob quam sanctis esse liceret  
Ocius, hic coepi: O mea lux, docuisse videtur  
Omnino tua Musa loco non posse precando

30 Fata Dei flecti; tamen id gens ista rogabat.  
Frustra ergo hi sperent? An non bene scripta patescant  
Mi tua? — At is contra: Si contemplabere sana  
Rem penitus mente, est facilis planusque meorum  
Scriptorum sensus, neque eos spes ludit inanis.

35 Namque hand descendit majestas summa superni  
Judicii, dum corda urens vis ignea amoris  
Uno ictu absolvat, quod jussus solvere debet,  
Quicumque hic stabulat. Sed ut est sententia, nemo  
Vitae emendabat veteris malefacta precando;

40 Namque Deo immensum sejunxerat intervallum  
Orantem. At vero tantis obducta tenebris  
Dicta arcana mihi ne ohfirma certa putare,  
Ni prius id doceat, quae lux micat inter utramque  
Veri animique facem nostri. Atque hic nescio, an istud

- Usque artes poscit solertis acumine mentis,  
 Et fumum et ventum ingenita virtute repente  
 Movit. — Ubi est exstincta dies, caligine vallem
- 120 A Prato Magno in coelum sublime minantis  
 Montis ad usque jugum textit. Dein desuper aethram  
 Admonuit, foetusque in aquam dissolvitur aër.
- Praecipitant imbres, et quos jam terra nequibat  
 Accipere, in fossas tulit impetus, utque fluentis
- 125 Mos solet esse amplis, undae traxere ruinam  
 Tam rapide in flumen regale, ut nulla valeret  
 Vis prohibere malum. Mea frigore membra soluta  
 Indomiti Archiani furor aufert improbus inque  
 Arnum coniecit, solvitque a pectore nexam,
- 130 Quam fecere crucem mihi brachia, cum dolor ingens  
 Me vicit domitum, et per ripas volvit et imum  
 Per fundum; deinde ipse sua cinctum atque revinctum  
 Advolvit praeda. O patrias cum rursus adire  
 Fas tibi erit terras, dabiturque quiescere longo
- 135 A cursu atque labore viae (sic fata secundam  
 Tertia post animam est), haud obliviscere nostri!  
 Sum PIA, me genuit Sena confecitque Maremma,  
 Scitque haec ille, prius mihi qui donarat habere  
 Anellum, sociamque tori uxoremque vocarat.

## VI.

Ludere ubi talis cessatum est, corde dolenti.  
 Stat victus repetitque vices, ac denique tristis  
 Discit. Victorem sequitur gens tota, praetique  
 Unus, eumque alter prendit post tergus, it alter

5 Ad latus atque jubet meminisse. Haud ille remittit  
 Ire, at nunc aures isti, nunc admovet illi,  
 Cuique manum porgit, mens importuna recedit  
 Instandi ulterius; removet sic ipse sequentem  
 Turbam. Non secus hoc versaber in agmine vulgi,

10 Quemque tuens oculis atque undique circumspectans,  
Multaque premittens a cunctis liber abibam.

Hic ARETINUM, qui sub fera brachia GWINI  
De TACCO occubuit, vidi, quique impete coeco  
Hostes dum insequitur, subjectum lapsus in amnem

15 Interclusa anima perit. Hic cum prece blanda  
Attollens palmas FRIDRICUS utrasque NOVELLUS,  
Nec non PISANUS testatus, pectore forti  
MARZUCCUM emisuisse bonum, tardabat; et URSI  
Vidi animam comitis; disjunctaque corpore ob iram

20 Atque acrem invidiam, sicut dicebat, at ulla  
Absque sua culpa, nobis anima altera venit  
Obvia. Ego PETRUM BRACCENSEM hunc esse monebo.  
Atque hic praecaveat, superest dum vita, BRABANTA  
Regina, ac videat, ne pejor se maneat grex.

25 Omni me postquam dissolvi exercitu earum  
Umbrarum orantum, ut requiem sibi supplice voce  
Orarent alii, ob quam sanctis esse liceret  
Ocius, hic coepi: O mea lux, docuisse videtur  
Omnino tua Musa loco non posse precando

30 Fata Dei flecti; tamen id gens ista rogabat.  
Frustra ergo hi sperent? An non bene scripta pateant  
Mi tua? — At is contra: Si contemplabere sana  
Rem penitus mente, est facilis planusque meorum  
Scriptorum sensus, neque eos spes ludit inanis.

35 Namque haud descendit majestas summa superni  
Judicii, dum corda urens vis ignea amoris  
Uno ictu absolvat, quod jussus solvere debet,  
Quicumque hic stabulat. Sed ut est sententia, nemo  
Vitae emendabat veteris malefacta precando;

40 Namque Deo immensum sejunxerat intervallum  
Orantem. At vero tantis obducta tenebris  
Dicta arcana mihi ne obfirma certa putare,  
Ni prius id doceat, quae lux micat inter utramque  
Veri animique facem nostri. Atque hic nescio, an istud

- Usque artes poscit solertis acumine mentis,  
 Et fumum et ventum ingenita virtute repente  
 Movit. — Ubi est exstincta dies, caligine vallem  
 120 A Prato Magno in coelum sublime minantis  
 Montis ad usque jugum textit. Dein desuper aethram  
 Admonuit, foetusque in aquam dissolvitur aër.  
 Praecipitant imbres, et quos jam terra nequibat  
 Accipere, in fossas tulit impetus, utque fluentis  
 125 Mos solet esse amplis, undae traxere ruinam  
 Tam rapide in flumen regale, ut nulla valeret  
 Vis prohibere malum. Mea frigore membra soluta  
 Indomiti Archiani furor aufert improbus inque  
 Arnum coniecit, solvitque a pectore nexam,  
 130 Quam fecere crucem mihi brachia, cum doler ingens  
 Me vicit domitum, et per ripas volvit et inum  
 Per fundum; deinde ipse sua cinctum atque revinctum  
 Advolvit praeda. O patrias cum rursus adire  
 Fas tibi erit terras, dabiturque quiescere longo  
 135 A cursu atque labore viae (sic fata secundam  
 Tertia post animam est), haud obliviscere nostri!  
 Sum PIA, me genuit Sena confecitque Maremma,  
 Scitque haec ille, prius mihi qui donarat habere  
 Anellum, sociamque tori uxoremque vocarat.

## VI.

Ludere ubi talis cessatum est, corde dolenti.  
 Stat victus repetitque vices, ac denique tristis  
 Discit. Victorem sequitur gens tota, praesitque  
 Unus, eumque alter prendit post tergus, it alter  
 5 Ad latus atque iubet meminisse. Haud ille remittit  
 Ire, at nunc aures isti, nunc admovet illi,  
 Cuique manum porgit, mens importuna recedit  
 Instandi ulterius; removet sic ipse sequentem  
 Turbam. Non secus hoc versabar in agmine vulgi,

10 Quemque tuens oculis atque undique circumspectans,  
Multaque promittens a cunctis liber abibam.

Hic ARETINUM, qui sub fera brachia GWINI  
De TACCO occubuit, vidi, quique impete coeco  
Hostes dum insequitur, subjectum lapsus in amnem

15 Interclusa anima periit. Hic cum prece blanda  
Attollens palmas FRIDRICUS utrasque NOVELLUS,  
Nec non PISANUS testatus, pectore forti  
MARZUCCUM eminusisse bonum, tardabat; et URSI  
Vidi animam comitis; disjunctaque corpore ob iram

20 Atque acrem invidiam, sicut dicebat, at ulla  
Absque sua culpa, nobis anima altera venit  
Obvia. Ego PETRUM BRACCENSEM hunc esse monebo.  
Atque hic praecaveat, superest dum vita, BRABANTA  
Regina, ac videat, ne pejor se maneat grex.

25 Omni me postquam dissolvi exercitu earum  
Umbrarum orantum, ut requiem sibi supplice voce  
Orarent alii, ob quam sanctis esse liceret  
Ocius, hic coepi: O mea lux, docuisse videtur  
Omnino tua Musa loco non posse precando

30 Fata Dei flecti; tamen id gens ista rogabat.  
Frustra ergo hi sperent? An non bene scripta patescunt  
Mi tua? — At is contra: Si contemplabere sana  
Rem penitus mente, est facilis planusque meorum  
Scriptorum sensus, neque eos spes ludit inanis.

35 Namque hand descendit majestas summa superni  
Judicii, dum corda urens vis ignea amoris  
Uno ictu absolvat, quod jussus solvere debet,  
Quicumque hic stabulat. Sed ut est sententia, nemo  
Vitae emendabat veteris malefacta precando;

40 Namque Deo immensum sejunxerat intervallum  
Orantem. At vero tantis obducta tenebris  
Dicta arcana mihi ne obfirma certa putare,  
Ni prius id doceat, quae lux micat inter utramque  
Veri animique facem nostri. Atque hic nescio, an istud

- Usque artes poscit solertis acumine mentia,  
Et fumum et ventum ingenita virtute repente  
Movit. — Ubi est exstincta dies, caligine vallem  
120 A Prato Magno in coelum sublime minantis  
Montis ad usque jugum textit. Dein desuper aethram  
Admonuit, foetusque in aquam dissolvitur aër.  
Praecipitant imbres, et quos jam terra nequibat  
Accipere, in fossas tulit impetus, utque fluentis  
125 Mos solet esse amplis, undae traxere ruinam  
Tam rapide in flumen regale, ut nulla valeret  
Vis prohibere malum. Mea frigore membra soluta  
Indomiti Archiani furor aufert improbus inque  
Arnum conjecit, solvitque a pectore nexam,  
130 Quam fecere crucem mihi brachia, cum dolor ingens  
Me vicit domitum, et per ripas volvit et inum  
Per fundum; deinde ipse sua cinctum atque revinctum  
Advolvit praeda. O patrias cum rursus adire  
Fas tibi erit terras, dabiturque quiescere longo  
135 A cursu atque labore viae (sic fata secundam  
Tertia post animam est), haud obliviscere nostri!  
Sum PIA, me genuit Sena confecitque Maremma,  
Scitque haec ille, prius mihi qui donarat habere  
Anellum, sociamque tori uxoremque vocarat.

## VI.

Ludere ubi talis cessatum est, corde dolenti  
Stat victus repetitque vices, ac denique tristis  
Discit. Victorem sequitur gens tota, praeitque  
Unus, eumque alter prendit post tergus, it alter  
5 Ad latus atque jubet meminisse. Haud ille remittit  
Ire, at nunc aures isti, nunc admovet illi,  
Cuique manum porgit, mens importuna recedit  
Instandi ulterius; removel sic ipse sequentem  
Turbam. Non secus hoc versabar in agmine vulgi,

10 Quemque tuens oculis atque undique circumspectans,  
Multaque promittens a cunctis liber abibam.

Hic ARETINUM, qui sub fera brachia GWINI  
De TACCO occubuit, vidi, quique impete coeco  
Hostes dum insequitur, subjectum lapsus in amnem

15 Interclusa anima periit. Hic cum prece blanda  
Attollens palmas FRIDRICUS utrasque NOVELLUS,  
Nec non PISANUS testatus, pectore forti  
MARZUCCUM eminuisse bonum, tardabat; et URSI  
Vidi animam comitis; disjunctaque corpore ob iram

20 Atque acrem invidiam, sicut dicebat, at ulla  
Absque sua culpa, nobis anima altera venit  
Obvia. Ego PETRUM BRACCENSEM hunc esse monebo.  
Atque hic praecaveat, superest dum vita, BRABANTA  
Regina, ac videat, ne pejor se maneat grex.

25 Omni me postquam dissolvi exercitu earum  
Umbrarum orantum, ut requiem sibi supplice voce  
Orarent alii, ob quam sanctis esse liceret  
Ocius, hic coepi: O mea lux, docuisse videtur  
Omnino tua Musa loco non posse precando

30 Fata Dei flecti; tamen id gens. ista rogabat.  
Frustra ergo hi sperent? An non bene scripta patescunt  
Mi tua? — At is contra: Si contemplabere sana  
Rem penitus mente, est facilis planusque meorum  
Scriptorum sensus, neque eos spes ludit inanis.

35 Namque hand descendit majestas summa superni  
Judicii, dum corda urens vis ignea amoris  
Uno ictu absolvat, quod jussus solvere debet,  
Quicumque hic stabulat. Sed ut est sententia, nemo  
Vitae emendabat veteris malefacta precando;

40 Namque Deo immensum sejunxerat intervallum  
Orantem. At vero tantis obducta tenebris  
Dicta arcana mihi ne obfirma certa putare,  
Ni prius id doceat, quae lux micat inter utramque  
Veri animique facem nostri. Atque hic nescio, an istud



- Usque artes poscit solertis acumine mentis,  
Et fumum et ventum ingenita virtute repente  
Movit. — Ubi est exstincta dies, caligine vallem  
120 A Prato Magno in coelum sublime minantis  
Montis ad usque jugum textit. Dein desuper aethram  
Admonuit, foetusque in aquam dissolvitur aër.  
Praecipitant imbres, et quos jam terra nequibat  
Accipere, in fossas tulit impetus, utque fluentis  
125 Mos solet esse amplis, undae traxere ruinam  
Tam rapide in flumen regale, ut nulla valeret  
Vis prohibere malum. Mea frigore membra soluta  
Indomiti Archiani furor aufert improbus inque  
Arnum coniecit, solvitque a pectore nexam,  
130 Quam fecere crucem mihi brachia, cum dolor ingens  
Me vicit domitum, et per ripas volvit et inum  
Per fundum; deinde ipse sua cinctum atque revinctum  
Advolvit praeda. O patrias cum rursus adire  
Fas tibi erit terras, dabiturque quiescere longo  
135 A cursu atque labore viae (sic fata secundam  
Tertia post animam est), haud obliviscere nostri!  
Sum PIA, me genuit Sena confecitque Maremma,  
Scitque haec ille, prius mihi qui donarat habere  
Anellum, sociamque tori uxoremque vocarat.

## VI.

- Ludere ubi talis cessatum est, corde dolenti.  
Stat victus repetitque vices, ac denique tristis  
Discit. Victorem sequitur gens tota, praeitque  
Unus, eumque alter prendit post tergus, it alter  
5 Ad latus atque jubet meminisse. Haud ille remittit  
Ire, at nunc aures isti, nunc admovet illi,  
Cuique manum porgit, mens importuna recedit  
Instandi ulterius; removet sic ipse sequentem  
Turbam. Non secus hoc versabar in agmine vulgi,

10 Quemque tuens oculis atque undique circumspectans,  
Multaque promittens a cunctis liber abibam.

Hic ARETINUM, qui sub fera brachia GWINI  
De Tacco occubuit, vidi, quique impete coeco  
Hostes dum insequitur, subjectum lapsus in amnem  
15 Interclusa anima periit. Hic cum prece blanda  
Attollens palmas FRIDRICUS utrasque NOVELLUS,  
Nec non PISANUS testatus, pectore forti  
MARZUCCUM eminuisse bonum, tardabat; et Unus  
Vidi animam comitis; disjunctaque corpore ob iram

20 Atque acrem invidiam, sicut dicebat, at ulla  
Absque sua culpa, nobis anima altera venit  
Obvia. Ego PETRUM BRACCENSEM hunc esse monebo.  
Atque hic praecaveat, superest dum vita, BRABANTA  
Regina, ac videat, ne pejor se maneat grex.

25 Omni me postquam dissolvi exercitu earum  
Umbrarum orantum, ut requiem sibi supplice voce  
Orarent alii, ob quam sanctis esse liceret  
Ocius, hic coepi: O mea lux, docuisse videtur  
Omnino tua Musa loco non posse precando

30 Fata Dei flecti; tamen id gens ista rogabat.  
Frustra ergo hi sperent? An non bene scripta patescunt  
Mi tua? — At is contra: Si contemplabere sana  
Rem penitus mente, est facilis planusque meorum  
Scriptorum sensus, neque eos spes ludit inanis.

35 Namque hand descendit majestas summa superni  
Judicii, dum corda urens vis ignea amoris  
Uno ictu absolvat, quod jussus solvere debet,  
Quicumque hic stabulat. Sed ut est sententia, nemo  
Vitae emendabat veteris malefacta precando;

40 Namque Deo immensum sejunxerat intervallum  
Orantem. At vero tantis obducta tenebris  
Dicta arcana mihi ne obfirma certa putare,  
Ni prius id doceat, quæ lux micat inter utramque  
Veri animique facem nostri. Atque hic nescio, an istud

- Usque artes poscit solertis acumine mentis,  
 Et fumum et ventum ingenita virtute repente  
 Movit. — Ubi est exstincta dies, caligine vallem  
 120 A Prato Magno in coelum sublime minantis  
 Montis ad usque jugum textit. Dein desuper aethram  
 Admonuit, foetusque in aquam dissolvitur aër.  
 Praecipitant imbres, et quos jam terra nequibat  
 Accipere, in fossas tulit impetus, utque fluentis  
 125 Mos solet esse amplis, undae traxere ruinam  
 Tam rapide in flumen regale, ut nulla valeret  
 Vis prohibere malum. Mea frigore membra soluta  
 Indomiti Archibian furor aufert improbus inque  
 Arnun conjecit, solvitque a pectore nexam,  
 130 Quam fecere crucem mihi brachia, cum dolor ingens  
 Me vicit domitum, et per ripas volvit et inuam  
 Per fundum; deinde ipse sua cinctum atque revinctum  
 Advolvit praeda. O patrias cum rursus adire  
 Fas tibi erit terras, dabiturque quiescere longo  
 135 A cursu atque labore viae (sic fata secundam  
 Tertia post animam est), haud obliviscere nostri!  
 Sum PIA, me genuit Sena confecitque Maremma,  
 Scitque haec ille, prius mihi qui donarat habere  
 Anellum, sociamque tori uxoremque vocarat.

## VI.

- Ludere ubi talis cessatum est, corde dolenti  
 Stat victus repetitque vices, ac denique tristis  
 Discit. Victorem sequitur gens tota, praetique  
 Unus, eumque alter prendit post tergo, it alter  
 5 Ad latus atque jubet meminisse. Haud ille remittit  
 Ire, at nunc aures isti, nunc admovet illi,  
 Cuique manum porgit, mens importuna recedit  
 Instandi ulterius; removet sic ipse sequentem  
 Turbam. Non secus hoc versabar in agmine vulgi,

10 Quemque tuens oculis atque undique circumspectans,  
Multaque promittens a cunctis liber abibam.

Hic ARETINUM, qui sub fera brachia GMINI  
De TACCO occubuit, vidi, quique impete coeco  
Hostes dum insequitur, subjectum lapsus in amnem

15 Interclusa anima periit. Hic cum prece blanda  
Attollens palmas FRIDRICUS utrasque NOVELLUS,  
Nec non PISANUS testatus, pectore forti  
MARZUCCUM eminusisse bonum, tardabat; et URSI  
Vidi animam comitis; disjunctaque corpore ob iram

20 Atque acrem invidiam, sicut dicebat, at ulla  
Absque sua culpa, nobis anima altera venit  
Obvia. Ego PETRUM BRACCENSEM hunc esse monebo.  
Atque hic praecaveat, superest dum vita, BRABANTA  
Regina, ac videat, ne pejor se maneat grex.

25 Omni me postquam dissolvi exercitu earum  
Umbrarum orantum, ut requiem sibi supplice voce  
Orarent alii, ob quam sanctis esse liceret  
Ocius, hic coepi: O mea lux, docuisse videtur  
Omnino tua Musa loco non posse precando

30 Fata Dei flecti; tamen id gens ista rogabat.  
Frustra ergo hi sperent? An non bene scripta patescunt  
Mi tua? — At is contra: Si contemplabere sana  
Rem penitus mente, est facilis planusque meorum  
Scriptorum sensus, neque eos spes ludit inanis.

35 Namque hand descendit majestas summa superni  
Judicii, dum corda urens vis ignea amoris  
Uno ictu absolvat, quod jussus solvere debet,  
Quicumque hic stabulat. Sed ut est sententia, nemo  
Vitae emendabat veteris malefacta precando;

40 Namque Deo immensum sejunxerat intervallum  
Orantem. At vero tantis obducta tenebris  
Dicta arcana mihi ne obfirma certa putare,  
Ni prius id doceat, quae lux micat inter utramque  
Veri animique facem nostri. Atque hic nescio, an istud

- Usque artes poscit solertis acumine mentis,  
Et fumum et ventum ingenita virtute repente  
Movit. — Ubi est exstincta dies, caligine vallem  
120 A Prato Magno in coelum sublime minantis  
Montis ad usque jugum textit. Dein desuper aethram  
Admonuit, foetusque in aquam dissolvitur aër.  
Praecipitant imbres, et quos jam terra nequibat  
Accipere, in fossas tulit impetus, utque fluentis  
125 Mos solet esse amplis, undae traxere ruinam  
Tam rapide in flumen regale, ut nulla valeret  
Vis prohibere malum. Mea frigore membra soluta  
Indomiti Archibani furor aufert improbus inque  
Arnum conjecit, solvitque a pectore nexam,  
130 Quam fecere crucem mihi brachia, cum dolor ingens  
Me vicit domitum, et per ripas volvit et imum  
Per fundum; deinde ipse sua cinctum atque revinctum  
Advolvit praeda. O patrias cum rursus adire  
Fas tibi erit terras, dabiturque quiescere longo  
135 A cursu atque labore viae (sic fata secundam  
Tertia post animam est), haud obliviscere nostri!  
Sum PIA, me genuit Sena confecitque Maremma,  
Scitque haec ille, prius mihi qui donarat habere  
Anellum, sociamque tori uxoremque vocarat.

## VI.

Ludere ubi talis cessatum est, corde dolenti.  
Stat victus repetitque vices, ac denique tristis  
Discit. Victorem sequitur gens tota, praeitque  
Unus, eumque alter prendit post tergus, it alter  
5 Ad latus atque jubet meminisse. Haud ille remittit  
Ire, at nunc aures isti, nunc admovet illi,  
Cuique manum porgit, mens importuna recedit  
Instandi ulterius; removet sic ipse sequentem  
Turbam. Non secus hoc versabar in agmine vulgi,

10 Quemque tuens oculis atque undique circumspectans,  
Multaque promittens a cunctis liber abibam.

Hic ARETINUM, qui sub fera brachia GRINI  
De TACCO occubuit, vidi, quique impete coeco  
Hostes dum insequitur, subjectum lapsus in amnem

15 Interclusa anima periit. Hic cum prece blanda  
Attollens palmas FRIDRICUS utrasque NOVELLUS,  
Nec non PISANUS testatus, pectore forti  
MARZUCCUM eminuisse bonum, tardabat; et UNS:  
Vidi animam comitis; disjunctaque corpore ob iram

20 Atque acrem invidiam, sicut dicebat, at ulla  
Absque sua culpa, nobis anima altera venit  
Obvia. Ego PETRUM BRACCENSEM hunc esse monebo.  
Atque hic praecaveat, superest dum vita, BRABANTA  
Regina, ac videat, ne pejor se maneat grex.

25 Omni me postquam dissolvi exercitu earum  
Umbrarum orantum, ut requiem sibi supplice voce  
Orarent alii, ob quam sanctis esse liceret  
Ocius, hic coepi: O mea lux, docuisse videtur  
Omnino tua Musa loco non posse precando

30 Fata Dei flecti; tamen id gens ista rogabat.  
Frustra ergo hi sperent? An non bene scripta patescunt  
Mi tua? — At is contra: Si contemplabere sana  
Rem penitus mente, est facilis planusque meorum  
Scriptorum sensus, neque eos spes ludit inanis.

35 Namque hand descendit majestas summa superni  
Judicii, dum corda urens vis ignea amoris  
Uno ictu absolvat, quod jussus solvere debet,  
Quicumque hic stabulat. Sed ut est sententia, nemo  
Vitae emendabat veteris malefacta precando;

40 Namque Deo immensum sejunxerat intervallum  
Orantem. At vero tantis obducta tenebris  
Dicta arcana mihi ne obfirma certa putare,  
Ni prius id doceat, quae lux micat inter utramque  
Veri animique facem nostri. Atque hic nescio, an istud

- Usque artes poscit solertis acumine mentis,  
Et fumum et ventum ingenita virtute repente  
Movit. — Ubi est exstincta dies, caligine vallem  
120 A Prato Magno in coelum sublime minantis  
Montis ad usque jugum textit. Dein desuper aethram  
Admonuit, foetusque in aquam dissolvitur aër.  
Praecipitant imbres, et quos jam terra nequibat  
Accipere, in fossas tulit impetus, utque fluentis  
125 Mos solet esse amplius, undae traxere ruinam  
Tam rapide in flumen regale, ut nulla valeret  
Vis prohibere malum. Mea frigore membra soluta  
Indomiti Archibani furor aufert improbus inque  
Arnum conjecit, solvitque a pectore nexam,  
130 Quam fecere crucem mihi brachia, cum dolor ingens  
Me vicit domitum, et per ripas volvit et imum  
Per fundum; deinde ipse sua cinctum atque revinctum  
Advolvit praeda. O patrias cum rursus adire  
Fas tibi erit terras, dabiturque quiescere longo  
135 A cursu atque labore viae (sic fata secundam  
Tertia post animam est), haud obliviscere nostri!  
Sum PIA, me genuit Sena confecitque Maremma,  
Scitque haec ille, prius mihi qui donarat habere  
Anellum, sociamque tori uxoremque vocarat.

## VI.

Ludere ubi talis cessatum est, corde dolenti.  
Stat victus repetitque vices, ac denique tristis  
Discit. Victorem sequitur gens tota, praeitque  
Unus, eumque alter prendit post tergus, it alter  
5 Ad latus atque jubet meminisse. Haud ille remittit  
Ire, at nunc aures isti, nunc admovet illi,  
Cuique manum porgit, mens importuna recedit  
Instandi ulterius; removet sic ipse sequentem  
Turbam. Non secus hoc versabar in agmine vulgi,

10 Quemque tuens oculis atque undique circumspectans,  
Multaque promittens a cunctis liber abibam.

Hic ARETINUM, qui sub fera brachia GRINI  
De TACCO occubuit, vidi, quique impete coeco  
Hostes dum insequitur, subjectum lapsus in amnem

15 Interclusa anima periit. Hic cum prece blanda  
Attollens palmas FRIDRICUS utrasque NOVELLUS,  
Nec non PISANUS testatus, pectore forti  
MARZUCCUM eminuisse bonum, tardabat; et UNSI  
Vidi animam comitis; disjunctaque corpore ob iram

20 Atque acrem invidiam, sicut dicebat, at ulla  
Absque sua culpa, nobis anima altera venit  
Obvia. Ego PETRUM BRACCENSEM hunc esse monebo.  
Atque hic praecaveat, superest dum vita, BRABANTA  
Regina, ac videat, ne pejor se maneat grex.

25 Omni me postquam dissolvi exercitu earum  
Umbrarum orantum, ut requiem sibi supplice voce  
Orarent alii, ob quam sanctis esse liceret  
Ocius, hic coepi: O mea lux, docuisse videtur  
Omnino tua Musa loco non posse precando

30 Fata Dei flecti; tamen id gens ista rogabat.  
Frustra ergo hi sperent? An non bene scripta patescant  
Mi tua? — At is contra: Si contemplabere sana  
Rem penitus mente, est facilis planusque meorum  
Scriptorum sensus, neque eos spes ludit inanis.

35 Namque hand descendit majestas summa superni  
Judicii, dum corda urens vis ignea amoris  
Uno ictu absolvat, quod jussus solvere debet,  
Quicumque hic stabulat. Sed ut est sententia, nemo  
Vitae emendabat veteris malefacta precando;

40 Namque Deo immensum sejunxerat intervallum  
Orantem. At vero tantis obducta tenebris  
Dicta arcana mihi ne obfirma certa putare,  
Ni prius id doceat, quae lux micat inter utramque  
Veri animique facem nostri. Atque hic nescio, an istud



- Usque artes poscit solertis acumine mentis,  
 Et fumum et ventum ingenita virtute repente  
 Movit. — Ubi est exstincta dies, caligine vallem  
 120 A Prato Magno in coelum sublime minantis  
 Montis ad usque jugum textit. Dein desuper aethram  
 Admonuit, foetusque in aquam dissolvitur aër.  
 Praecipitant imbres, et quos jam terra nequibat  
 Accipere, in fossas tulit impetus, utque fluentis  
 125 Mos solet esse amplis, undae traxere ruinam  
 Tam rapide in flumen regale, ut nulla valeret  
 Vis prohibere malum. Mea frigore membra soluta  
 Indomiti Archibian furor aufert improbus inque  
 Arnun conjecit, solvitque a pectore nexam,  
 130 Quam fecere crucem mihi brachia, cum dolor ingens  
 Me vicit domitum, et per ripas volvit et inum  
 Per fundum; deinde ipse sua cinctum atque revinctum  
 Advolvit praeda. O patrias cum rursus adire  
 Fas tibi erit terras, dabiturque quiescere longo  
 135 A cursu atque labore viae (sic fata secundam  
 Tertia post animam est), haud obliviscere nostri!  
 Sum PIA, me genuit Sena confecitque Maremma,  
 Scitque haec ille, prius mihi qui donarat habere  
 Anellum, sociamque tori uxoremque vocarat.

## VI.

- Ludere ubi talis cessatum est, corde dolenti.  
 Stat victus repetitque vices, ac denique tristis  
 Discit. Victorem sequitur gens tota, praeitque  
 Unus, eumque alter prendit post tergus, it alter  
 5 Ad latus atque jubet meminisse. Haud ille remittit  
 Ire, at nunc aures isti, nunc admovet illi,  
 Cuique manum porgit, mens importuna recedit  
 Instandi ulterius; removet sic ipse sequentem  
 Turbam. Non secus hoc versabar in agmine vulgi,

10 Quemque tuens oculis atque undique circumspectans,  
Multaque promittens a cunctis liber abibam.

Hic ARETINUM, qui sub fera brachia GRINI  
De TACCO occubuit, vidi, quique impete coeco  
Hostes dum insequitur, subjectum lapsus in amnem

15 Interclusa anima periit. Hic cum prece blanda  
Attollens palmas FRIDRICUS utrasque NOVELLUS,  
Nec non PISANUS testatus, pectore forti  
MARZUCCUM eminuisse bonum, tardabat; et UNSI  
Vidi animam comitis; disjunctaque corpore ob iram

20 Atque acrem invidiam, sicut dicebat, at ulla  
Absque sua culpa, nobis anima altera venit  
Obvia. Ego PETRUM BRACCENSEM hunc esse monebo.  
Atque hic praecaveat, superest dum vita, BRABANTA  
Regina, ac videat, ne pejor se maneant grex.

25 Omni me postquam dissolvi exercitu earum  
Umbrarum orantum, ut requiem sibi supplice voce  
Orarent alii, ob quam sanctis esse liceret  
Ocius, hic coepi: O mea lux, docuisse videtur  
Omnino tua Musa loco non posse precando

30 Fata Dei flecti; tamen id gens ista rogabat.  
Frustra ergo hi sperent? An non bene scripta patescunt  
Mi tua? — At is contra: Si contemplabere sana  
Rem penitus mente, est facilis planusque meorum  
Scriptorum sensus, neque eos spes ludit inanis.

35 Namque hand descendit majestas summa superni  
Judicii, dum corda urens vis ignea amoris  
Uno ictu absolvat, quod jussus solvere debet,  
Quicumque hic stabulat. Sed ut est sententia, nemo  
Vitae emendabat veteris malefacta precando;

40 Namque Deo immensum sejunxerat intervallum  
Orantem. At vero tantis obducta tenebris  
Dicta arcana mihi ne obfirma certa putare,  
Ni prius id doceat, quae lux micat inter utramque  
Veri animique faciem nostri. Atque hic nescio, an istud

- Usque artes pœcit solertis acumine mentis,  
 Et fumum et ventum ingenita virtute repente  
 Movit. — Ubi est exstincta dies, caligine vallem  
 120 A Prato Magno in coelum sublime minantis  
 Montis ad usque jugum textit. Dein desuper aethram  
 Admonuit, foetusque in aquam dissolvitur aër.  
 Praecipitant imbres, et quos jam terra nequibat  
 Accipere, in fossas tulit impetus, utque fluentis  
 125 Mos solet esse amplis, undae traxere ruinam  
 Tam rapide in flumen regale, ut nulla valeret  
 Vis prohibere malum. Mea frigore membra soluta  
 Indomiti Archiani furor aufert improbus inque  
 Arnun conjecit, solvitque a pectore nexam,  
 130 Quam fecere crucem mihi brachia, cum dolor ingens  
 Me vicit domitum, et per ripas volvit et imum  
 Per fundum; deinde ipse sua cinctum atque revinctum  
 Advolvit praeda. O patrias cum rursus adire  
 Fas tibi erit terras, dabiturque quiescere longo  
 135 A cursu atque labore viae (sic fata secundam  
 Tertia post animam est), haud obliviscere nostri!  
 Sum PIA, me genuit Sena confecitque Maremma,  
 Scitque haec ille, prius mihi qui donarat habere  
 Anellum, sociamque tori uxoremque vocarat.

## VI.

Ludere ubi talis cessatum est, corde dolenti.  
 Stat victus repetitque vices, ac denique tristis  
 Discit. Victorem sequitur gens tota, praecitque  
 Unus, eumque alter prendit post tergis, it alter  
 5 Ad latus atque jubet meminisse. Haud ille remittit  
 Ire, at nunc aures isti, nunc admovet illi,  
 Cuique manum porgit, mens importuna recedit  
 Instandi ulterius; removet sic ipse sequentem  
 Turbam. Non, secus hoc versabar in agmine vulgi,

10 Quemque tuens oculis atque undique circumspectans,  
Multaque promittens a cunctis liber abibam.

Hic ARETINUM, qui sub fera brachia GRINI  
De TACCO occubuit, vidi, quique impete coeco  
Hostes dum insequitur, subjectum lapsus in amnem

15 Interclusa anima periit. Hic cum prece blanda  
Attollens palmas FRIDRICUS utrasque NOVELLUS,  
Nec non PISANUS testatus, pectore forti  
MARZUCCUM eminuisse bonum, tardabat; et URSI  
Vidi animam comitis; disjunctaque corpore ob iram

20 Atque acrem invidiam, sicut dicebat, at ulla  
Absque sua culpa, nobis anima altera venit  
Obvia. Ego PETRUM BRACCENSEM hunc esse monebo.  
Atque hic praecaveat, superest dum vita, BRABANTA  
Regina, ac videat, ne pejor se maneat grex.

25 Omni me postquam dissolvi exercitu earum  
Umbrarum orantum, ut requiem sibi supplice voce  
Orarent alii, ob quam sanctis esse liceret  
Ocius, hic coepi: O mea lux, docuisse videtur  
Omnino tua Musa loco non posse precando

30 Fata Dei flecti; tamen id gens ista rogabat.  
Frustra ergo hi sperent? An non bene scripta patescunt  
Mi tua? — At is contra: Si contemplabere sana  
Rem penitus mente, est facilis planusque meorum  
Scriptorum sensus, neque eos spes ludit inanis.

35 Namque hand descendit majestas summa superni  
Judicii, dum corda urens vis ignea amoris  
Uno ictu absolvat, quod jussus solvere debet,  
Quicumque hic stabulat. Sed ut est sententia, nemo  
Vitae emendabat veteris malefacta precando;

40 Namque Deo immensum sejunxerat intervallum  
Orantem. At vero tantis obducta tenebris  
Dicta arcana mihi ne obfirma certa putare,  
Ni prius id doceat, quae lux micat inter utramque  
Veri animique facem nostri. Atque hic nescio, an istud

Usque artes poscit solertis acumine mentis,  
Et fumum et ventum ingenita virtute repente  
Movit. — Ubi est exstincta dies, caligine vallem

120 A Prato Magno in coelum sublime minantis  
Montis ad usque jugum texit. Dein desuper aethram  
Admonuit, foetusque in aquam dissolvitur aër.

Praecipitant imbres, et quos jam terra nequibat  
Accipere, in fossas tulit impetus, utque fluentis

130 Mos solet esse amplis, undae traxere ruinam  
Tam rapide in flumen regale, ut nulla valeret  
Vis prohibere malum. Mea frigore membra soluta  
Indomiti Archiani furor aufert improbus inque  
Arnum coniecit, solvitque a pectore nexam,

130 Quam fecere crucem mihi brachia, cum dolor ingens  
Me vicit domitum, et per ripas volvit et imum  
Per fundum; deinde ipse sua cinctum atque revinctum  
Advolvitur praeda. O patrias cum rursus adire  
Fas tibi erit terras, dabiturque quiescere longo

135 A cursu atque labore viae (sic fata secundam  
Tertia post animam est), haud obliviscere nostri!  
Sum PIA, me genuit Sena confecitque Maremma,  
Scitque haec ille, prius mihi qui donarat habere  
Anellum, sociamque tori uxoremque vocarat.

## VI.

Ludere ubi talis cessatum est, corde dolenti.  
Stat victus repetitque vices, ac denique tristis  
Discit. Victorem sequitur gens tota, praecitque  
Unus, eumque alter prendit post tergo, it alter  
5 Ad latus atque jubet meminisse. Haud ille remittit  
Ire, at nunc aures isti, nunc admovet illi,  
Cuique manum porgit, mens importuna recedit  
Instandi ulterius; removet sic ipse sequentem  
Turbam. Non secus hoc versaber in agmine vulgi,

10 Quemque tuens oculis atque undique circumspectans,  
Multaque promittens a cunctis liber abibam.

Hic ARETINUM, qui sub fera brachia GRINI  
De Tacco occubuit, vidi, quique impete coeco  
Hostes dum insequitur, subjectum lapsus in amnem  
15 Interclusa anima periit. Hic cum prece blanda

Attollens palmas FRIDRICUS utrasque NOVELLUS,  
Nec non PISANUS testatus, pectore forti  
MARZUCCUM eminuisse bonum, tardabat; et URSI  
Vidi animam comitis; disjunctaque corpore ob iram

20 Atque acrem invidiam, sicut dicebat, at ulla  
Absque sua culpa, nobis anima altera venit  
Obvia. Ego PETRUM BRACCENSEM huic esse monebo.  
Atque hic praecaveat, superest dum vita, BRABANTA  
Regina, ac videat, ne pejor se maneat grex.

25 Omni me postquam dissolvi exercitu earum  
Umbrarum orantum, ut requiem sibi supplice voce  
Orarent alii, ob quam sanctis esse liceret  
Ocius, hic coepi: O mea lux, docuisse videtur  
Omnino tua Musa loco non posse precando

30 Fata Dei flecti; tamen id gens ista rogabat.  
Frustra ergo hi sperent? An non bene scripta patescunt  
Mi tua? — At is contra: Si contemplabere sana  
Rem penitus mente, est facilis planusque meorum  
Scriptorum sensus, neque eos spes ludit inanis.

35 Namque hand descendit majestas summa superni  
Judicii, dum corda urens vis ignea amoris  
Uno ictu absolvat, quod jussus solvere debet,  
Quicumque hic stabulat. Sed ut est sententia, nemo  
Vitae emendabat veteris malefacta precando;

40 Namque Deo immensum sejunxerat intervallum  
Orantem. At vero tantis obducta tenebris  
Dicta arcana mihi ne obfirma certa putare,  
Ni prius id doceat, quae lux micat inter utramque  
Veri animique facem nostri. Atque hic nescio, an istud

45 Perspicias etiam. Mihi designanda BEATRIX

Verba per ista fuit, tibi quae manifesta videndam

Se dabit istius sublimem in vertice montis,

Pax ubi perpetuo diffundit gaudia visu.

Cui: Bone dux, dixi, hanc gressu properante petamus;

50 Me namque haud labor iste gravat, velut ante solebat,

Jamque vide, ut major de clivo decidat umbra.

Isto progrediamur iter cum lumine, donec

Sol dabit ire, inquit. Verum id secus esse putabis,

Ac tu rere modo. Nam tu ipse redire, priusquam

55 Illuc pervenias, iterum miraberis illum,

Qui sic opposita montis sese abdidit umbra,

Ipsius ut radios non sit tibi rumpere. At ecce,

Cerne illic animam figentem lumina visus

Omnino solam, quae nostrum utrumque tuetur;

60 Haec nos, quae melior ducat via, forte docebit.

Venimus: O anima, italico sata sanguine citra

Eridanum, corde humano, quam te ore ferebas

Celsam ac majestate gravem! O ut honesta moventi

Tarde oculos acies ibat. Nihil illa profari,

65 Sed sinere ire viam venientes, more leonis

Compositi requie nos contemplata, nec ulla

Vox fuit. — Huic tamen accessit, paucisque rogavit

Virgilius, monstraret iter, quod scandit in altum

Lenius. Illa nihil, sed quae sit patria nobis,

70 Quae vita, exquirat. Dulcis dux: Mantua, coepit: —

Umbraque sola loco in solo, qua sede sedebat.

Obvia surrexit, vati sic ore locuta:

Urbs tua, Minciade, est pariter mihi patria. Dicor

SORDELLUS, collo et complexus uterque pependit.

75 O serva Italia, angoris lustrum, orba magistro

Pinus, ubique gravis stridente furore procellae,

Non jam terrarum domina, ast praesepe luparum!

Nobilis huic animus tam mox assurgere suasit,

Audito dulci patriae modo nomine terrae,

80 Officiosa suo ut praeberet pignora civi;

At nunc ex vestris nemo, qui lumine solis

Gaudeat, a bello vacat, alternisque furentes

Se rodunt, unus quos claudit murus et una

Fossa. O infelix, quaere et circumspecte ab oris

85 Aequoris omne tui spatium, deinde inspicere pectus,

Si qua tui saltem pars in te pace fruatur.

Quid prodest vobis, si Justinianus habenas

Restituit, cum sella vacet? Sors vestra sine illis

Forte pudenda minus foret. O gens, jussa deceret

90 Te facere, et sinere Augustum considerare sella,

Si vobis mandata Dei bene nota fuere.

Adspice, ut haec facta est nequam fera, dum sinis ire

Immunem stimuli, postquam tua dextera lorum

Arripuit. Te jam, te, proles Teutona, princeps

95 ALBERTE, hanc lentus qui negligis atque relinquis,

Quae facta indomita est, similisque ferocibus ursis,

Istius decuit bene presso insidere dorso.

Justum iudicium de coelo decidat alto

In genus omne tuum, horrendum novitate, patensque,

100 Ut successori metus anxius occupet ossa.

Tu namque atque tuus pater, ambitione jubente,

Isthinc distracti passi estis amoena vireta

Imperii vestri fieri deserta locorum.

Fac reditum huc referas, et prospice CAPPELLETOS

105 MONTICULOSQUE PHILIPPENSESQUE, et cerne MONALDOS,

Illos jam tristes, trepida hos formidine plenos.

Huc ades, o crudelis! ades; circumspecte pressos,

Quos tibi conjunctos noras, et vulnera cura;

Et sanctam inspecta Floram, ut segura quiescit.

110 Cerne tuam Romam flentem viduamque relictam,

Ac solam id tantum noctesque diesque querentem:

Heu! cur, mi Caesar, mecum comes ire recusas?

Cerne, ut amentur, ament gentes; sin pectora vestra

Nulla movet nostri pietas, huc te adjice, famae



- 115 Ut puduisse tuae discas. Et si mihi detur,  
Proh tu, Summe! crucem in terris contente subire  
Pro nobis, alias avertis lumina justa?  
An sunt consilii in barathro arcanisque parata  
Ista tui, suadente boni melioris amore,
- 120 Quod latet omnino, ut rura Italica plena tyrannis  
Sint cuncta, et novus exurgat Marcellus in agris  
Quisquis rumpebat glebas, dum sponte sequatur,  
Quam malit, partem? — O mea tu, Florentia, certe  
Hic me proposito deerrantem, atque ista canentem
- 125 Sat fecisse tibi duces; neque te movet illud,  
Quod dixi, ob meritum populi sic vestra tuentis.  
Justitia est cordi multis, sed missile tarde  
Solvitur, imprudens ne dextera liberet arcum;  
At summo vestri populi versatur iu ore.
- 130 Pondera permulti detrectant publica, at ista  
Plebs tua respondet, nullis suadentibus; ecce  
Meme; adsum, clamans; humeris onus ipse subibo!  
Nunc gaude, nam causa subest. Tu dives opum vi,  
Tu pacis, tu consilii plenissima: nec res,
- 135 Num verum dicam, quemquam inspectare vetabit.  
Cecropis urbs, nec non Sparte, queis condere leges  
Cura fuit veteres, tanto et florescere cultu,  
Perleviter bene vivendi tetigiase feruntur  
Exemplar, prae te, quae tam subtilibus usa es
- 140 Consiliis. Nam quae tu Octobri fila dedisti,  
Non ultra fines medii venere Novembris.  
Temporis, ah, quoties! cuius meminisse dat aetas,  
Jus, morem, nummos et munera permutasti,  
Suppositisque novis posuisti membra priora?
- 145 Et bene si memori mente uteris, et bene lumen  
Adspicis, illi aegrae assimilandam te esse videbis,  
Quae frustra in plumis studeat reperire quietem  
Mutandoque latus morbum non pellat acutum.

## VII.

Alternis ubi dicta salus est, terque quaterque  
 Officiis sat uterque fuit laetatus honestis,  
 Restitit atque inquit SORDELLUS: Fare docesque,  
 Qui vos? — Ante animae inciperent quam advolvere monti  
 5 Sese isti, Superum dignae conscendere sedes,  
 Ossa per Augustum mea sunt tumultata, vocorque  
 VIACILIUS, nec quidquam aliud me amittere jussit  
 Coelum, hoc excepto, fidei quod luce carebam.

Sic iste. Ut subito, si cui res obvia fiat,  
 10 Quam stupet, hic stat in ambiguo, credatne negetne  
 Id verum: Est, nihil est! dicens; ita se ore ferebat  
 Ille, ac deinde supercilium demisit et omne  
 Pronus in obsequium hunc rursus properavit adire,  
 Complexuque haesit, qua mos solet esse minoris.  
 15 O lux Ausonidum, quotquot peperisse Latina  
 Se jactat tellus, per quem, inquit, nostra loquela,  
 Quid posset, docuit, decus aeternum illius urbis,  
 Unde fui: quodnam meritum, quae gratia monstrat  
 Te mihi? Si dignor tua verba audire loquentem,  
 20 Dicito, an ex Orco quove huc emergeris orbe?

Omnes per circos regni sua damna dolentis  
 Huc veni, sapiens dixit. Me movit ab alto  
 Descendens virtus, et ea ducente profectus  
 Adsum. Non ob facta, sed ob non facta tueri  
 25 Altum sum vetitus solem, quem tu expetis, et quem  
 Ipse nimis sero novi. In barathro est locus illo  
 Non a tormentis tristis, sed nocte profunda  
 Tantum, ubi non resonant questus de more ululantum,  
 Sed suspirantum; et pueris immixtus oberro,  
 30 Quos propera insontes mors dentibus ante momordit,  
 Quam labe humana licuisset abire solutis.  
 Hic illos inter sedeo, qui sancta feruntur  
 Virtutum ornamenta trium sibi tempore nullo

Adsumsisse, licet reliquas novere sorores  
35 Immunes vitii, et cunctas sunt rite secuti.

Verum si scis atque potes, quoddam exsere nobis  
Indicium, ut detur conscendere Purgatori  
Ad primum citius magis apto tramite limen.

Nulli certa domus, respondit, et ire facultas  
40 Est data mi sursum ac circa, ductorque paratus,  
Qua possum, aecedo. Sed jam circumspice, ut umbrae,  
Inclinante die, incumbant, nec scandere noctu est.  
Quare fit bona suadentis consistere belle  
Consilii ratio. Stant dextra in parte remotae

45 Hinc animae, ad quarum statui te adducere coelum,  
Si sinis, atque istas haud te novisse pigebit.  
Qui fit? responsum est. Ergo conscendere aventem  
Noctu vis aliqua impediet? Vel fiet, ut iste  
Non queat? — Et digito fricuit bonus iadice terram

50 SORDELLUS. Dein sic: Adverte, haec linea sola  
Haud tibi post obitum solis superabilis esset;  
Non quia quidquam aliud mora sit odiosa parato  
Scandere, quam nigror densae caligine noctis;  
Haec frustra adnixo contra studium implicat omne.

55 Ipse quidem, stipante ista, descendere quires  
Circum et supposito spatium in colle vagando,  
Dum vesper claudit solem. Miratus ad ista  
Tum dux: Ergo illuc duc nos, respondit, et illic  
Stantibus occurrent, quae nos vidiisse juvabit.

60 Nec procul inde aberam comites post terga secutus,  
Cum mihi mons minui est visus, quo more residunt  
Hic valles. Illuc, ait illa anima, ibimus, amplum  
Clivus ubi gremium submittit, ibique novellam  
Proderit expectare diem. Situs inter utrumque,  
65 Difficilem et planum, nos duxit ad ardua ripae  
In latus obliquus trames, qua deficit istum  
Plus quam dimidium limbi. Massa aurea, puri  
Argenti nitor et coccum cerussaue, quodque

- India fert lignum pretiosum luce serena,  
 70 A plagaque recens, fabro tundente, smaragdus,  
 Cuncta haec victa forent herbae florumque colore,  
 Quos habet ille sinus positos, ut visa minorem  
 Res major vincit. Neque ibi natura crearat  
 Picta modo; ast etiam centum variarat odorum  
 75 Nescio quid mistum, quod non distinguere possis.  
 Cespitibus vivis ac floribus insidentes  
 Hinc animas vidi, quas vallis panda videndas  
 Non concedebat. *Salve, Regina!* sonabant  
 Cantu harum pulsatae aerae. Lux parva priusquam  
 80 Jam cubet occidui Solis, (sic ore profari  
 Coepit SORDELLUS, qui nos huc vertere gressum  
 Suaserat,) hortari, ut vos deducam agmen ad istud,  
 Desinite. Hac melior fuerit de rupe facultas  
 Cujuscunque procul vultum gestumque tuendi,  
 85 Quam si commistos illis vos campus haberet.  
 Altior is, qui sede sedet, nutuque videtur  
 Significare suo, se neglexisse, quod aequum  
 Parque ipsi fecisse fuit, mediusque canente  
 Turba alia haud hiscens mutit, fuit Induperator  
 90 RUDOLPHUS, bene cui patuit sanare potestas  
 Vulnera, quae Italiam communi caede necarunt;  
 Quare ope ab alterius sero solamina ducit.  
 Ater, qui afflictam nutu recreare videtur,  
 Possedit terram, unde oritur, quae vectat in Albin  
 95 Unda fluens Moldam, atque Albin transportat in aequor.  
 Huic fuit OCTOCARUS nomen, quem lactis egentem  
 In cunis stratum meliorem est fama fuisse,  
 Quam VENCESLAUM pubentem hoc patre creatum,  
 Quem mala luxuries et mollis inertia pascunt.  
 100 Atque is NASETTUS, qui consultare videtur  
 Illum secreto, qui fulget fronte serena,  
 Nudans terga fugae ac deflorans lilia obivit.  
 Cernite, ut iste illic pectus sibi tundat, et alter

- Frontem suspirans palma sibi fulciat; unus  
105 Est genitor socer ille mali, quo Gallia tota  
Tabuit; haud latet hos vitiis deperdita vita,  
Atque hinc ille dolor, quo sic agitur uterque.  
Ille adeo ingenti spectandus imagine, quique  
Concinit hunc fusus juxta, cui nasus abundat  
110 Masculus, omnigena fertur virtute micasse  
Praecinctus. Quod si post illum regna potitus  
Ille foret, qui pone sedet puer, omine fausto  
Natorum in natos transisset patria virtus;  
Quod non de reliqua quisquam ausit dicere gente.  
115 JACOB, ac pariter FRIDRICUS regna gubernant,  
Neuter praecipui patrimonii creditus haeres.  
Raro per ramos probitas humana resurgit,  
Omnia dante illo, qui vult accepta referri  
Cuncta sibi. Quae verba loquor, praecordia tangent  
120 NASUTO atque PETRO, qui cantum voce secundat,  
Per quos jam luget Narbona atque Appulus omnia.  
Semine planta suo tanto minor esse putatur,  
Quanto plus etiam CONSTANTIA conjuge laetam  
Se jactat, quam cum consorte sorore BEATRIX.  
125 Adspicite HENRICUM gaudentem simplice vita,  
Anglorum regem, semota in parte sedentem.  
Huic rami minus atque minus pejora tulerunt.  
Hos inter qui se inferius prosternit, in altum  
Suspiciens, habuit nomen GUILIELMUS, et ipse est  
130 Marchio. Alexandria atque hujus bella per ipsum  
Montem Ferratum et Canobejum luctibus implent.

## VIII.

Jam prope tempus erat, quod aventes ire per altum  
Immutat mollitque animos saepe hora recursans,  
Dulcis amicorum cum jussa est turba valere,  
Exstimulatque novi peregrini pectus amore,

- 5 Si missum aere cavo sonitum procul accipit ille,  
Quod jam labentis videatur flere diei  
Occasum; mihi cum coepi frustrarier aures  
Inspiciens quandam, quae consurrexerat, umbram,  
Atque manus gestu adstantes audire iubebat.
- 10 Ut venit, palmas ad coelum sustulit ambas,  
Fixo prospectans orientem lumine utroque,  
Haec fanti similis: Mihi sunt, Deus, omnia tecum;  
Nil ultra. Huic hymnus *Te lucis* in ore sonabat  
Voce pia, usque adeo dulci modulamine cantus,
- 15 Ut mente ipse mihi exciderim. Dein caetera turba  
Dulciter atque pie totam est absolvere adorta  
Legem hymni simul ad sphaeram conversa supernam.  
Hic bene fac acuas ad verum lumina visus,  
Lector; tam bene nunc velum subtile paratur,
- 20 Ut leve sit certe cursim, quod clauditur intus,  
Inspexisse semel. Dein vidi hoc agmen honestum  
Suspiciere haud hiscens, more expectantis, in ore  
Pallens et fastu vacuum: tum ex aethere labi  
Aligeros geminos. bini quos igne micantes
- 25 Armabant enses trunci et mucrone carentes.  
Non secus ac frondes modo natae, vestis amictu  
Fulgebant viridis, viridi quam pone per auras  
Remigio alarum percussam quisque trahebat.  
Unus paullisper supra caput adstitit, alter
- 30 Oppositam in spondam descendit. Turba tenebat  
Se mediam. Potui flavos ego cernere crines;  
At vultum adspiciens oculus mihi hebescere coepit,  
Ceu vis, quam nimiae confundit copia lucis.  
Virginis e gremio, dixit SORDELLUS utrique
- 35 Venerunt vallis custodes, propter hiantem  
Anguem, qui jam aderit. Quare, qui scire nequibam,  
Quo properaret iter, me circumvertere et arte,  
Jam totus frigens, humeris haerescere fidis.  
SORDELLUSQUE simul: Nunc jam descendere tempus

- 40 Inter magnanimas umbras farique vicissim,  
Quas non perleviter vos hic spectare juvabit.  
Tres tantum passus me descendisse putarem,  
Cum subii ac vidi quendam me lumine utroque  
Lustrantem, similem cupide me noscere aventi.
- 45 Tempus erat, quo aër nigrabat, nec tamen ater  
Usque adeo, ut visus non declararet utrique,  
Quae latuere prius. Mihi venerat obviis, illi  
Obviis ipse fui. Nunc, iudex optime rerum,  
Quam laetus pravo semotum te agmine vidi!
- 50 Nulla salutandi ratio bellissima nobis  
Praeterita est. — Deinde hac coepit me voce rogare:  
Quampridem gressus te montem duxit ad istum  
Longinquas transgressum undas? — Oh, sic ego contra,  
Hoc mane adveni per tristia regna vagatus,
- 55 Quamque habui, me vita manet, licet ipse per istos  
Nunc aliam acquiram cursus. Ubi perculit aures  
Haec vox, SORDELLUS simul et simul iste retrorsum  
Repressere pedes, ut queis timor ossa repente  
Occupat. Alter adit vatem, petit umbra sedentem
- 60 Se propter, clamans: CORRADE, exurgito adesque  
Visurus, donante Deo, quid gratia possit.  
Deinde mihi: Per quae tu tanta et maxima debes  
Illi, qui primam caussam sic corde recondit,  
Ut penetrare vadum non sit, trans aequora lata
- 65 Cum primum venies, mihi natam hortare JOANNAM,  
Ut, quae respondent insontibus, ostia pulset  
Pro me. Namque hujus mater delevit amorem,  
Primi oblita viri, ut credo, quo ex tempore velum  
Album mutavit, quod adhuc optare necesse
- 70 Nunc habet infelix. Valde est leve nosse per istam,  
Aestus quam cito feminei extinguatur amoris,  
Ni renovent flammās oculi tactusque frequentes.  
Non illi tumultum tam pulchrum vipera condet,  
Quam Mediolanum sub pugnā pandit in auras,

- 75 Ut GALLURENSIS gallus. Sic ille colore  
Suffusus faciem, qui justum prodit amorem  
Recti, intra certas urentem pectora leges.  
Ast avide coeli suspectum nostra petebat  
Usque acies illuc, ubi sidera tardius ibant,  
80 Ceu rota, quae propius radiatum vertitur axem.  
Duxque meus: Fili, quidnam sic suspicis, inquit?  
Huic ego: Tres illas faculas, quibus iste micando  
In flammis polus it totus. Contra ille vicissim:  
Jam cecidere, illinc primo quas mane videbas,  
85 Bis geminae stellae, inque locum adscendere vacantem  
Hae tres. Sic vates. — Hic fantem talia traxit  
Ad se SORDELLUS dixitque: En bellua nobis  
Adversa; ac digitum intendens simul annuit ipsi,  
Inde loci visus aciem contenderet, unde  
90 Parva patet vallis, nulla munita latebra.  
Hac serpens ibat, qui forsán pavit amara  
Esca Evam. Flores inter veniebat et herbas  
Reptile perversum, nunc isthac, nunc caput illac  
Vertens ac lambens dorsum, ut fera sueta polire  
95 Pellem incompositam. Mihi tunc haud contigit istud  
Adspicere, atque ideo non est mihi copia fandi,  
Impete in hoc quanto irruerit coelestis uterque  
Accipiter; tamen hos memini vidisse ruentes.  
Ut virides sensit findentes aëra pennas,  
100 Effugit serpens, ac retro terga dedere  
Aligeri, aequali repetentes astra volatu.  
At, quae juncta Nino steterat, cum me ille vocarat,  
Umbra, quoad toto pugnata haec tempore pugna est,  
A me nusquam oculos, et ait: Sic tanta lucernae,  
105 Quae te sublimem ducit, sit copia cerae  
Arbitrio commissa tuo, quanta est opus, hortum  
Ad summum ut venias; si qua unquam digna relatu,  
Seu de VALLE MACRA, seu de tellure propinqua,  
Fors vera attulerit, magnum mihi nomen habenti



- 110 Illic, haec narra. CURRADUS nominor, ortus  
Stirpe MALASPINA; non jam vetus ille, sed ipso  
Ex genere, atque meos illo devinctus amore  
Fovi, quem jubeor poena hic urente piare.  
Oh, dixi, vestras nunquam mihi tangere terras  
115 Contigit: at quaeenam Europae est gens dissita vestri  
Nescia, quos clamant proceres, vicinia clamat  
Cum plausu, ut norit, qui nunquam hoc litus adivit?  
Atque ego, si liceat superas evadere ad auras,  
Vestrum illustre genus non dedecorare priores  
120 Juro, seu loculum, seu res exostulet ense.  
Natura atque usus sic dant excellere genti,  
Ut, quamvis torta mundus cervice recedat  
Perversus, tamen haec una est, quae tramite recto  
Incedit florens, iter indignata malignum.  
125 I nunc, nam vice septena haud se straverit aureo  
Sol iterum lecto, pedibus quem portitor Helles  
Bis geminis tegit insidens, cum infixi manebit  
In caput ista benigna tuum sententia clavo  
Majore, alterius quam sermo immissus in aures,  
130 Dum currat, quem summa dedit sapientia, cursus.

## IX.

- Jam senis albebat Tithoni succuba, Gangis  
Prospectans oras, complexu et dulcis amici  
Exibat, cui frons ardebat lucida gemmis  
Sic positus, ut signa ferae, quae frigore torpet,  
5 Atque sua cauda percellit quemque, referret.  
Et nox de gradibus, per quos contendit in altum,  
Atque unum, atque unum adscensu superarat, ut inde  
Cernere erat tollenti aciem, et jam tertius alis  
Deorsum ibat flexis, cum me, qui quidquid Adami est  
10 Attuleram mecum; devicit somnus in herba

- Compositum, locus unus ubi jam quinque sedentes  
Nos conjungebat. Tristes quo tempore questus  
Orditur, primum cum mane rubescit, hirundo,  
Fors memori antiquos servans sub corde dolores,  
15 Et quo nostra magis mens carne soluta minusque  
Indupedita gravi variarum pondere rerum,  
Dum sua visa legit, quasi numen habere putatur;  
In somnis aquila est mihi visa ex aethere pendens,  
Suspensa, auratis plumis, alisque parata  
20 Delabi expansis, et ibi mihi adesse videbar,  
Agmen ubi comitum Ganymedem fama suorum  
Deseruisse refert, Divum quo tempore raptus  
Est ad concilium. Volvebam talia mecum:  
Fortasse hic rapiat de more, et forsitan unco  
25 Dedita pede est aliunde abducere praedam:  
Deinde videbatur paullo magis ire rotando,  
Terribilisque velut fulgur descendere, meque  
Corripere, atque ignem me attollere ad usque supernum,  
Atque ibi cum volucris simul ipse ardere videbar  
30 Jam mihi et incendi. Usque adeo me coxit imago,  
Fugerit ut somnus, sua rumpere vincla coactus.  
Non aliter, somno expulso, vertebat Achilles  
Evigilans oculos circum, quas tangeret oras  
Nescius, hunc mater postquam asportaverat antro  
35 Philyridae, et somno demersum advexerat ulnis  
Ipsa suis Scyrum, unde exin dicuntur Achivi  
Abduxisse virum; quam turbida lumina pandi  
Excussus subito fugiens, ubi membra reliquit  
Somnus, et expallens haesi, ut qui territus alget.  
40 Quique mihi solamen erat, tantummodo solus  
Haerebat latere, et Sol jam processerat horas  
Plures quam binas, et ego mare prospectabam.  
Parce metu, dixit qui dux dominusque praeibat,  
Spemque fove, in tuto nam res est nostra, jubeque  
45 Non premere, at cunctas animum diffundere vires.

- Jam tibi perventum est sub limina Purgatori.  
En illic scopulus, quo clauditur undique clivus;  
En illic aditus, rupes ubi scissa videtur.  
Ante, sub Auroram solitam praecedere Solem,  
50 Cum tibi vis animae interius sopita jaceret,  
Per flores fuso, quibus illic vallis abundat,  
Ornata advenit mulier, sic ore locuta:  
En ego LUCIA sum, vos isthinc surripere istum  
Me sinite evinctum somno. Sic tramite sistam  
55 Hunc facili. Mansit retro SORDELLUS et umbrae  
Binae. Haec apprehendit te, et prima luce micante,  
Clarius adscendit, me illam post terga secuto.  
Hic te deposuit, mihi sed prius annuit ipsa  
Luminibus pulchris aditumque ostendit apertum;  
60 Dein pariter tua membra sopor, nosque illa reliquit.  
Ac veluti dubius qui pendet, singula tactu  
Atque oculis sibi certa facit, vertitque timorem  
Dulce in solamen, simulac sibi vera pateant:  
Sic ego mutabar. Sed ubi mea corda soluta  
65 Curis cognovit doctor, petit ardua montis,  
Atque ego pone altum properabam vincere culmen.  
Lector, jam sentis, me audacibus altius alis  
Tendere iter: quare mirari desine, si quid  
Artis majoris, quae sunt dicenda, requirunt  
70 Materiae fulcrum. Haud illuc accedere nobis  
Est visum, atque loco placuit considerare in illo,  
Unde aliquid rupti sum primum cernere visus  
Rimae instar, murum quae partes findit in ambas.  
Tum portam, inferiusque gradus vidi ordine trinos,  
75 Per quos huc itur, diverso saxa colore  
Suffusa, et custos etiamnum haud hiscere adortus  
Hic erat; utque magisque magisque ego lumina visus  
Contendi, hunc vidi saxo insedissee superno,  
Conspectu talem, qualem sufferre nequivi;  
80 Inque manu ensis erat nudus, qui fulgida Solis

Tela remittebat nos contra, ut saepe tuentem  
Luserit inspectus. Tunc ille: Hinc dicite stantes,  
Quae vobis est mens? Ubi dux? Ne multa dolenda  
Afferat hic vobis adscensus damna, cavete.

85 Coelestis mulier, non harum nescia rerum,  
Contra respondit sapiens, modo dixerat: Illuc  
Scandite, ubi porta est. At fauste dirigat illa  
Sic vobis gressus, pacato janitor ore  
Addidit. Ante gradus ergo procedite nostros.

90 Venimus huc, primusque gradus de marmore cano  
Tamque politus erat tersusque, ut, qualis imago  
Conspicienda mea est, mihi tota legenda pateret,  
Ceum contra speculum. Color inter utrumque secundo,  
Et rubrum, et fuscum fusco superante. Lapillus,

95 Unde gradus constat, scaber et semiustus, ubique  
Fissus; at inferius positus qui tertius haeret  
Insistens gradibus, referebat ab igne nitentem  
Porphyridem, veluti venis spectare micantem  
Sanguineum est rivum. Super istam stabat utrisque

100 Coelestis custos pedibus, prope limina sidens,  
Quae solido ex adamante mihi sunt fulgere visa.

Per tres sponte gradus me ductor traxit, et inquit:

Tu fac, demisse hunc ores, ut clave recludat  
Portam. Me sanctos advolvi, poplite flexo,

105 Ante pedes pius ac dixi: Miserere, foresque  
Pandito; terque prius planxi mihi pectora palmis.  
P mihi septenos descripsit cuspide ferri  
In fronte et: Fac ista laves tibi vulnera, ubi intus  
Ipse aderis, dixit. Cinis exsiccatave terra,

110 Fossa modo, visa est vestis simulare colorem,  
Ex qua tum geminas coelestis protulit ales  
Claves. Ex auro fuit altera, et altera puro  
Argento fulgens. Alba prius usus, et exin  
Flava sic tetigit portam, ut satis esset aventi

115 Intus ferre pedem. Quoties ex clavibus istis

- Una redit fallax, quia non se verterit apte,  
 Haud aditus patet. Est pretiosior una, sed una  
 Artis et ingenii plus poscit, clausa priusquam  
 Pandat, et haec illa est, quae nodum solvere possit.
- 120 A Petro has habui, qui inquit, se malle, potitum  
 His, me errore animi potius reserare paratum,  
 Quam clausas nimium parcentem tangere valvas,  
 Ante meos dum fusa pedes gens pectora pulset.
- Deinde fores portae sacratas impulit, usus
- 125 His verbis: Hac ite, sed haec advertite mente,  
 Hinc egressurum, quem ferret forte voluntas  
 Respicere. At vero ut distortae in cardine utrimque  
 Robustae fuerunt valvae solido aere sonantes,  
 Queis sacra munitur domus: haud ita mugit acre,
- 130 Nec tam Tarpeja infremuit, virtute Metelli  
 Ablata penitus, quo decedente macendum  
 Emunctae fuit. — Ad primum se arrexerat auris  
 Cantum, teque *Deum laudamus!* voce videbar  
 Dulcisonisque modis permiste audire canentes,
- 135 Parque erat auditae cantus et vocis imago,  
 Quam saepe in templo cantantibus organa reddunt,  
 Quae modo verba sinunt captare, modo illa retundunt.

## X.

- Ut porta intrata est, quam animarum prava cupido  
 Efficit insuetam, quia rectum tortile fingit,  
 Post tergum sensi hanc immani murmure claudi;  
 Et qualem errori quissem praetexere caussam,
- 5 Si respexissem? Per scissum adscendere saxum  
 Cura fuit, quod se parte ex utraque movebat  
 Haud aliter, quam quae sese fugit unda petitque.  
 Hic accedenti nunc hinc, nunc inde recedens  
 Ad latus, utendum est aliqua arte: haec ore magister.
- 10 Atque haec caussa fuit, quae passu repere iussit

- Sic raro, ut prius attigerit pars manca recurvae  
Lunae jam proprium mox ingressura cubile,  
Quam fas esset acus exire foramine nobis  
Ex illo. Utque sumus loca libera apertaue nacti,  
15 Clivus ubi cedit retro, seseque coarctat,  
Lassus eram, dubiique ambo, quo tendere gressus,  
Quamque tenere viam esset opus. Nos campus habebat  
Plus multo solus, quam sint per inhospita calles.  
Istius a sponda, quam circumscribit inane,  
20 Usque ad radices altae, qua est scandere, ripae  
Corporis humani triplex mensura pateret:  
Et quoad a laeva dextrave extendere quibat  
Nostra acies alas, talis mihi visa corona  
Est haec. Nostra illic nondum promoverat unum  
25 Planta gradum, circumspiciens cum hanc andique rupem,  
Quae minus adscensum concedere juris habebat,  
Cognovi hanc totam canenti ex marmore, formis  
Celatam sic, ut non jam Polycletus, at ipsa  
Natura hic pendens haesisset victa pudore.  
30 Angelus in terram missus, qui foedera pacis  
Firmaret, multos quae complorata per annos.  
Post interdictum longum patefecit Olympum,  
Ante oculos aderat, tam verus imagine, tamque  
Suavi compositus gestu, ut mutum esse negares;  
35 Jurares hunc dicere: *Ave!* nam proxima stabat,  
Quae reclusuram supremi pignus amoris  
Convertit clavem, effigies operosa magistro,  
Tamque habitu proprio, tamque ore simillima fanti:  
*Ecce ancilla Dei*, quam signo impressa figura  
40 In cera. — Haud oculos partem defigito in unam,  
Dulcis ait sapiens, qui me sibi pone sinistrum  
Stringentem latus adspexit. Tum lumina movi,  
Atque hic post *MARIAE* signum qua ex parte manebat  
Hortator dexter, series rerum altera rupi  
45 Imposita occurrit, quare simul ipse poetam

- Transgressus propius veni, ut magis apta tuenti  
Esset. Et hic stabat saxo celatus in ipso,  
Cum bobus sanctam qui currus vexerat arcam,  
Per quam haud commissum refugit vir tangere munus.
- 50 Turba videbatur praecedere tota gradique  
In septem partita choros, dubiosque tenebat  
Sensus mi binos, quorum unus fundere ab ore  
Hanc melos ajebat, nullam alter mittere vocem.  
Fumus item turis ficta sub imagine nares
- 55 Atque oculos, sensum discordes inter utrumque,  
Fecerat ambiguos. Sacrum vas ipse praeibat  
Vultum dejectus DAVID, pulsans pede terram  
Sublato in numerum, et minus et plus tempore in illo  
Quam rex hic fuerat. Contra est descripta palati
- 60 E specula ingentis MICHOŁ mirata, superbae  
Matronae quod saepe solent, cor triste gerentes.  
Inde, ubi constiteram, excessi, cum cernere averem  
Historiam hic aliam propius, quam albere videbam  
Sepositam a tergo MICHOŁ. Hic gloria summa
- 65 Stat descripta ducis ROMANI, maxima cujus  
Virtus te allexit magna cum laude, GREGORI,  
Tartari ut ex victa peteres sibi lege triumphum.  
Induperatorem TRAJANUM hoc nomine dico,  
Cui quaedam occurrens mulier viduata marito
- 70 Frena manu retinebat equi, osque habitumque gerebat  
Effusae in lacrimas, externataeque dolore  
Hunc acies equitum stant circum, auroque nitentes  
Vidisses aquilas et venti flamine motas.  
Has inter permixta acies, sic ore misella
- 75 Visa loqui est: Princeps, mihi caesum ulciscere natum,  
Quem doleo amissum. Dux respondere: Maneto,  
Dum reditum huc referam. Verum illa, dolore premente  
Sollicitam, justas quam primum poscere poenas:  
Quid, si non referas? Atque is: Qui sede sedebit
- 80 Nostra, ipse expediet. Quid te benefacta juvabunt

- Alterius, tua jam oblitum? haec respondit. At ille:  
Nunc animo esto bono. Mea munera obire, priusquam  
Hinc abeam, decet. Id me jus rogat, atque moratur  
Me pietas. Nova qui nunquam vidisse putatur,  
85 Expressit tales, oculo testante, loquelas;  
Hasque novas nobis. Nam fantem talia nunquam  
Hic hominem inveni. Dum tot fert corde voluntas  
Pascere imaginibus visum, quae plurima moris  
Humani documenta dabant, sentire monentis  
90 De se quam minimum et non fastidire minores,  
Propter et artificem suberant jucunda tuenti.  
Ecce hac, mussabat vates, procedere multos  
Adspicio, raris sed passibus incedentes;  
Haec nos turba gradus altos intrare docebit.  
95 Quamvis haereret cupidus nova cernere visus  
More suo, non iste mihi cessavit, ut illum  
Audiui, inque ipsum non lentus lumina verti.  
Non ego te patiar, lector, discedere, recto  
Proposito abstractum, certus tibi dicere, qualem,  
100 Qui debent, Superi jubeant persolvere poenam.  
Non tibi supplicii forma attendenda, revolve  
Successum et tecum reputa, haud res esse futuras  
Deteriore loco ulterius post tempora magni  
Judicii. — O sapiens, coepi, quod repere contra  
105 Nostra acies videt, haud agmen reor esse virorum,  
Verum nescio quid sic decipit ista tuentem.  
Is mihi: Conditio gravis et ratio aspera poenae  
Hos infigit humi contractos omnia membra,  
Ut prius haud oculi hanc quissent mihi sistere litem.  
110 Ast aciem contende illuc oculisque revolve  
Extricaque illum, qui saxis aegra sub illis  
Membra trahit; disces, ut quisque urgetur ab ipso.  
Christiadae miseri, lassum genus atque superbum,  
Quos male confisos infirmae robore menti  
115 Ire per inversos suadet fiducia calles;



Non venit in mentem, nos vermes degere natos  
Angelici nobis formam edere papilionis,  
Qui volat ad justum, nullo tutante, tribunal?  
Quae vobis animos dat res attollere in altum,  
120 O miseri, quoniam vos deficientia manca  
Insecta, ut vermis, natura errante, creatus  
Paene estis? — Veluti, cum opus est supponere tecto  
Fulcrum, pro mutilo interdum est spectare figuram  
Incurvam, adductoque ad pectus poplite utroque,  
125 Quae facit ex vero, spectantem haud vera, dolentem:  
Sic hos compositos, postquam bene lumina visus  
Intendi, mihi cernere erat. Sed non tamen omnes  
Contractos aequae. At prout unusquisque gravatus  
Plusve minusve ibat. Quem plus patienter euntem  
130 Arguerant gestus, hunc flentem mittere tales  
Voces: Haud valeo ulterius durare, videbam.

## XI.

Summe Pater noster, coelorum qui incolis arcem,  
Non circumscriptus, sed quod, quae prima creasti  
Illic, devinxere magis tibi pectus amore,  
Edita cuncta tuam virtutem et nomen adorent,  
5 Effusa in laudes, ut dignum est solvere grates  
Atque referre tuo spiranti dulce vaporibus:  
Adveniant tua regna. Tuo nutu omnia fiant,  
Aethere et in summo et terrarum in qualibet ora.  
Ipse dies omnes nostram, qua vivimus, escam  
10 Da nobis hodie. Quidquid debemus, id omne  
Nobis dimitte, ut nostris dimittimus ultro.  
Et grave ne adducas nos in certamen, et idem  
Da nobis prohibere malum victoribus. Amen.  
Hac prece postrema haud nobis, neque enim indiget usus,  
15 Imploramus opem, ast illis, carissime, quorum est  
Vita superstes adhuc post nos. Sic illa caterva

Umbrarum sibi iter felix nobisque rogantes,  
Pondere non aliter pressae, ac quandoque gravatur  
In somnis aeger, reptantes membra trahebant  
20 Omnes in gyrum, cruciatae dispare poena,  
Et lassae, primae scandentes saxa coronae,  
Sese abstergentes mundi caligine tactas.  
Si nobis illinc nunquam benedicere cessant,  
Quae possunt ipsis et dicta et reddere facta  
25 Isti, queis radice bona est donata voluntas?  
Hic decet et justam atque pium est, succurrere justis,  
Eluere advectas sordes, ut pura levisque  
Quaeque anima aethereas evadere possit ad urbes.  
Justitia ac pietas sic dent levioribus ire  
30 Quam primum vobis, alamque agitare solutus,  
Quae vos attollat, quo fert immensa cupido;  
Qua datur ad scalas brevior accedere cursu,  
Dicite; sin plures aditus fortasse parantur,  
Qui minus acclivis descendat ad ima, docete;  
35 Nam comes ob pondus carnis, qua indutus ab Adam  
Huc venit, invitus passu est adscendere parvus.  
Pectore quo exierint, non sat dignoscere quivi,  
Quae fanti responsa duci sunt reddita ab illis;  
At dictum est: Dextri nobiscum hanc ite per oram,  
40 Invenietis iter, quod vivus carpere possit.  
Et superimpositi ni obstarent pondera saxi,  
Quo premitur cervix, fastu olim elata superbo,  
Quem propter prona mihi oportet verrere fronte  
Terram: hunc suspicerem vivum, qui nomina celat,  
45 An mihi nosse ipsum liceat, precibusque movere,  
Ut mole oppressi tanta miserescere discat.  
Mi genus ex Latio est, magnique ex semine Iletrusci  
Ipse GUILIELMO exivi genitore creatus  
ALDOBRANDISCO; an vestras hoc nomen ad aures  
50 Venerit, haud scirem. Priscus me sanguis, et alta  
Majorum decora usque adeo fecere tumentem,

- Immemor ut matris communis quemque solem  
Fastidire, atque hic adeo increbrescere morbus  
Coepit, ut occiderem, quod sat novere Senenses  
55 Et de plebe omnes, qui Compagnatica rura  
Concelebrant. Nam OMBERTUS ego, et mens turgida fastu  
Non modo me, at cunctos consortes in mala mecum  
Traxit, et hic humeris haec cogor pondera ferre  
Ob fastum, donec supremo debita regi,  
60 Quando id neglexi, in terris dum vita manebat,  
Solvam defunctos inter. Sic ore loquentem  
Ibam auditurus, demissa ad pectora fronte,  
Cernuus atque ex his unus, non iste locutus,  
Pondere sub proprio graviter sua terga premente,  
65 Se distorsit meque inspectum agnovit, et aegre  
Lumina fixa tenens me nomine compellavit,  
Corpore qui toto incurvus comitabar euntes.  
Dixi: Tunc es, ODERISI, tu gloria prima  
Gugubt, artis honor, cui ductum a lumine nomen  
70 Gallia donavit? — Frater, contra incipit ille,  
Plus rident chartae, quas pinxit dextera FRANCI  
FELSINEI. Nunc totus honor servabitur ipsi,  
Quamvis et pars ipse fui. Haud tamen ipse fuissem  
Tam largus vivos inter. Me tanta cupido  
75 Ad summas artis stimulabat tendere laudes,  
Quas prospectabam. Verum ista superbia poenas  
Hic dat, et immo forem procul hinc, ni tempore in illo,  
Quo poteram esse nocens, conversus pectore toto  
Coelum exorasse. Oh humanae gloria vana  
80 Virtutis, quam flos est tantulus ille caducus,  
Ni premat aetates venturas crassior aër!  
Nulli se CIMABOS cessurum castra putavit  
Picturae, sed nunc it cuncta per ora GHIOTTUS,  
Illius ut famam obscuret: sic alter honorem  
85 Linguae narratur GUIDUS rapuisse priori,  
Forsque supervenit, qui nido expellat utrumque.

- Nil aliud mundi rumor, quam flatus entis  
Nunc huc, nunc illuc venti est, qui nomina mutat,  
Quod solet immutare latus. Quae fama manebit  
90 Te major, si unquam scindas aetate vetustam  
Carnem, quam si olim prius immaturus obisses,  
Quam tu desineres balba pappare loquela,  
Ante anni quam mille fluant? — Quae temporis aetas  
Ad spatium aeternum est brevior, quam nutus ad illam  
95 Est sphaeram, quae tarda magis per inane rotat se.  
Tantillum qui carpit iter prae me, oppida Hetrusca  
Ruraque cuncta sono implevit: modo tenue Senenses  
Vix mittunt murmur, quorum fuit arbiter ille  
Tempore, quo domita et magna convulsa ruina  
100 Florentina fuit rabies, quae fronte superba,  
Ut modo perfrecta est, incesserat. Est color herbae  
Nomen apud vestros pulchrum, qui prodit abituque,  
Quique illam dudum tellure emisit acerbam,  
Ipse colorem adimit. — Respondi: Haec vera locutus,  
105 Virtutem instillas, quae me sentire modeste  
Ingentemque docet me complanare tumorem.  
At quinam hic, quaeso, est, tua quem modo verba notabant?  
Provenzanus is est SILVANI, talia reddit,  
Atque hic iste manet, quia sic sibi fidit, ut actus  
110 Ambitione Senam totam subjecerit, unus  
Arbiter imperii. Sic irrequietus et ivit,  
Atque it post mortem. Pretium isthic tale rependit,  
Qui nimis est illic ausus. Cui talia contra:  
Si, qui extrema manet vitae momenta, priusquam  
115 Sese poeniteat, statione moratur in ima,  
Nec sese huc scandens infert, nisi quis prece pura,  
Ante fluant quam tot, quot pugnax vixerat annos,  
Afferat auxilium: quonam indulgente recepit  
Huc se? — Respondit: Quo vitam tempore agebat  
120 Splendore illustri ac summo spectandus honore,  
Nil se respiciens hic castra Senensia inivit.

Fusus in obsequium supplex positoque pudore  
Constitit, ut poenae dilecti corpus amici  
Eriperet, vinctum quem tristis carcer habebat  
125 CAROLI; is haud cunctis venis horrere refugit.

Ulteriora tibi haud addam; me involvere vera  
Obscuris scio, sed parum abest ea temporis hora,  
Cum, qui te attingunt propius de gente propinqua,  
Efficient, ut et ipse queas his demere velum  
130 Tale virum facinus subtraxit finibus illis.

## XII.

Non secus atque iugo nexi bos unus et alter,  
Hanc pariter vadens umbram comitabar onustam,  
Dulcis dum ductor tulit. Ast ubi farier inquit:  
Mitte hunc et trana; namque est res optima remis  
5 Et velis isthinc vi summa impellere cimbam,  
Mole mea stantem, ceu qui studet ire, paravi  
Me rursus, quamquam demissa et manca maneret  
Mens mihi. Ego institeram vestigia corde lubenti  
Pone ducem, et pes, quid levitate valeret, utrisque  
10 Ostendit. Cum sic dux fari: Verte deorsum  
Lumina, erit, dum carpis iter, tibi dulce levamen  
Strata videre soli, quae dant incedere plantis.  
Terreni ut tumuli praeportant fronte sepulti  
Effigiem, ut discant hujus meminisse nepotes,  
15 (Quare saepe illic fletur, pungente dolore  
Corda recordantum; namque haec tantummodo tangit  
Cura pios,) aequae, sed multo plenius artis  
Ad normam expressa et variis distincta figuris  
Vidi strata viae, quae montem exstantia cingunt.  
20 Conspiciebam illum, quem nobilitate creator  
Fecerat eximium, coeli una ex parte ruentem,  
Fulgure correptum rutilo; vidi BRIAREA  
Ex alia, exanimum coelestis vulnere teli,

- Praegrave onus terrae ob frigus mortale jacentem;  
25 Vidi TYMBRAEUM MARTEMQUE et PALLADA in armis  
Fervere adhuc juxta patrem, et dispersa GIGANTUM  
Membra inspectantes. NEMBROTUM paene timore  
Torpentem prope opus magnum, gentesque videbam  
Respicere una omnes; quae tanto Sennaar una  
30 Miscuerant fastu. Quam oculos dejecta dolentes,  
Inter his septem prostratos funere natos,  
In media spectanda via sub imagine ficta,  
O NIOBE, stabas! O quam similem ense necati  
Sub proprio vidi te, SAUL, super edita montis  
35 GELBOAE, quem exin coelum nec rore nec imbre  
Juvit! Ut insano te fastu, perdita ARACHNE,  
Dimidiam in vermem jam defluxisse, tuique  
Tristem fragmentis operis, tibi quod male cessit,  
Incubuisse! Neque hic tua jam vexilla videntur  
40 Explicuisse minas, ROBOAM, sed plena timoris,  
Ante ea quam pellant hostes, vehit incita habenis  
Immissis levitas currus. Et erat quoque duris  
Inspicere in stratis ALCMAEONA, qui pretiosum  
Persuasit matri infelix venisse monile.  
45 Nec non ut nati templum irrupere ruentes  
SENNACHERIBUM contra, lacerumque cadaver  
Deseruere illic, doctus monstraverat auctor;  
Et quantum intulerit CYRO regina TOMIRIS  
Cladis sanguineae, Satia te sanguine, dicens,  
50 Cujus eras sitiens! — Hic, HOLOPHERNE perempto,  
Terga fugae Assyrios dantes, pariterque ruinae  
Tristes reliquias spectabam et corporum acervos.  
Conversum in cineres tunc Ilion inque cavernas  
Cernebam, utque humilem ac vilem te, Troja, ferebas,  
55 Signum ostendebat, quod parte exstabat in illa.  
Quemnam peniculi atque styli rear esse magistrum,  
Umbras qui valeat tractusque effingere, quales  
Stant ibi, miranda ingenio portenta vel acri?

- Exstincta exstinctis et viva simillima vivis  
60 Corpora dixisses. Nemo verissima vidit,  
Quam quae ego calcavi pedibus, dum cernuus ibam.  
Eja ite, o Eva geniti, nunc ite superbi  
Visu sublato, ne vobis cernere detur  
Quam pravum teneatis iter. — Jam maxima nobis  
65 Pars circum peragrata jugi, multoque diurni  
Plus erat impensum cursus, quam mente putaram  
Non vacua; cum, qui semper vigilante praeibat  
Sollicitus cura, coepit: Caput arrige; non est  
Tempus praeterea suspensio incedere passu,  
70 Ut modo. Cerne illic superis de sedibus unum  
Aligerum huc adventantem cito adesse paratum;  
Adspice, sexta redit famulata ancilla diei.  
Fac tibi compositum exornet reverentia vultum  
Et gestum, ut juvet hunc nos montem mittere in altum:  
75 Volve animo hanc non posse diem lucescere rursus.  
Saepe assuetus eram monitis, quibus ducere tempus  
Me doctor vetuit; quare mihi rebus in istis  
Non potuit docuisse nova aut perplexa profari.  
Egregius forma, niveo spectandus amictu,  
80 Ultro occurrebat venientibus obvius ales;  
Matutini instar tremulo fulgore micantis  
Sideris, huic facies radiabat. Brachia pandit  
Primum et mox alas simul: Huc accedite, dixit,  
Hic prope sunt aditus facilisque evadere in altum  
85 Dat gradus. Haec suadent gressum huc hortamina ferre  
Raros. Progenies hominum, super astra volare  
Enata, ah quianam te tantula dejicit aura?  
Is nos deduxit, quo rupes caesa patebat:  
Hic mihi percussit frontem vibrantibus alis,  
90 Dein tutum promisit iter mihi. Qualis, ubi altum  
A dextra montem conscendis, quo insidet aedes,  
Quae bene moratam, Rubiconem desuper, urbem  
Subjicit, adscensus rapidi interruptitur audax

- Conatus, gradibus positis quo tempore norma  
95 Mensurae, et codex erat in tuto; haud secus ista  
Ripa remittebat, male quae aspra huc decidit orbe  
Ex alio; at saxi hinc illinc latera ardua radit.  
Dum nos huc versi properamus scandere in illum,  
Hoc multae voces carmen cecinere: *Beati*  
100 *Ter, quibus humanae stat pauper spiritus aurae,*  
Dulcisonis adeo numeris, ut dicere non sit.  
Oh quam Tartareis differre a faucibus istas  
Vidimus! Huc etenim per cantus itur, at illuc  
Per nunquam auditos questus fremitusque feroces  
105 Jam sanctos superare gradus nos ardor agebat,  
Et mihi plus multo levior prodire videbar,  
Quam prius in plano. Quare: Dic, quaeso, magister,  
Tali voce rogo; quonam graviore levatum  
Pondere me censes? Nam pars quasi nulla laboris.  
110 Jam mihi sentitur, pedibus conscendere aventi. —  
Cum tibi *P* reliqui, positi qui in fronte leguntur,  
Nunc etiam paene extincti, velut unus ademptus,  
Abrasi penitus fuerint, tunc utraque planta,  
Sponte levata sua, usque adeo superabitur, inquit,  
115 Ut sit nitenti, ne dum grave, dulce, futurum  
Impelli sursum. Veluti qui portat in ore  
Signa suo imprudens, nisi si quod suspicet ipsi,  
Afferat alterius nutus, namque utitur apto  
Tunc manus auxilio, quaeritque atque invenit, isto  
120 Officio fungens, quod visu absolvere non est;  
Sic digitos dextrae intendi frontem undique circum,  
Invenique notas senas, quas tempora supra  
Clavibus armatus mihi primum inciderat ales;  
Quod cum vidisset, subrisit dulce magister.



## XIII.

- Ventum erat ad summum scalarum, ubi scabra secundo  
Dat resecata viam rupes, depellere praesens  
Scandendo morbos. Ibi circumducta corona  
Altera non aliter clivum, ac prior illa revincit,  
5 Si non falcatus citius se inflecteret arcus.  
Haud ullam hic umbram, haud ullum hic est cernere signum,  
Sed ripa est, et iter simplex, scopulique colorem  
Liventem referens. At vates talia mecum:  
Si nos mansuri gentem, quam voce rogemus,  
10 Hic stamus, vereor ne nostrum forte moremur  
Plus satis electum. In solem dein lumina figens,  
Dextro usus latere, ut centro, circumegit in orbem  
Se laevamque sui partem conamine torsit.  
Jucundum lumen, quo fidens istud inivi  
15 Insuetum mihi iter, sic nos duc, inquit, ut aequum est  
Te nos huc intus deducere. Tu face mundum  
Calfacis ignifera tuque ipsum lampade lustras;  
Si non obsistat contraria caussa, necesse est  
Pro duce habere tuum splendorem tempus in omne  
20 Quantum isthic spatii passus per mille putatur,  
Tantum nos illic, studio inflammante, viai  
Confecisse brevi credo, cum sensimus umbras,  
Cernere quas acie haud fuerat, prodire loquaces  
Nos contra, hortantes ad mensam accedere amoris  
25 Comiter, et quae transivit vox prima volando,  
Alto est fata sono: *Non est his copia vini,*  
Carmen, et hoc iterum post nos iterumque locuta est.  
Et prius ob longum abscessum quam tota periret,  
Altera praeteriens: Ego sum, clamabat, ORESTES.  
30 Nec tamen haec mansit. Quare: O pater optime, dixi,  
Quae sunt hae voces? Vix talia verba locuto,  
Ecce! supervenit vox tertia et inquit: *Amate,*  
*Quos scitis nocuos vobis.* — Illic verberat orbis,

- Dux ait, invidiam. Hinc ferulae, qua caeditur umbra,  
35 Traxit amor cordas. Sonet ut contraria frenum,  
Est opus. Id te auditurum reor esse, priusquam  
Sit tibi inire locum veniae. Sed in aëra visum  
Intende, et cernes turbam nos ante sedentem;  
Namque solum propter speluncae quisque resedit.  
40 Tunc magis atque magis patefeci lumina visus.  
Et prae me inspiciens, indutas vestibibus umbras  
Vidi, quæ inerat saxi color, atque ubi paullo  
Accessi propius, simul una voce: *Maria!*  
*Ora pro nobis*, audiui, et nomine Michel,  
45 Et Petrum atque alios divos divasque vocari;  
Demum compellari omnes. Haud tempore nostro  
Hanc terram peragrarè reor tam pectore duro  
Quemquam, quem pietas haud vulnere figeret acri,  
Si, quæ dein vidi, adspiceret. Nam ubi sic prope ventum est,  
50 Ut certos horum possem dignoscere vultus,  
Mi gravis emunxit oculos dolor. Hos ego vili  
Indutos cilicum texto sum cernere visus,  
Alterum et alterius humeris insistere fultum,  
Illaque fulcimen nixis dabat omnibus ora.  
55 Sic, quos res fallit, prope templa frequentia coeci  
Stant oraturi, quod quemque hortatur egestas.  
Alter ubi alterius supra caput inclinato  
Stat capite, ut citius pietas prae cordia tangat,  
Non modo verborum ob sonitum, at miserabile propter  
60 Spectaculum, quod non secus adjuvat, atque rogantum  
Adspiret votis. Atque ut Sol lumine captos  
Non adit, haud aliter coeli lux abnegat umbris  
In regione illa, mea tunc ubi sensa loquebar,  
Sese largiri. Nam ferrea fila ligabant  
65 Palpebras illis sutas, quo more feroci  
Accipitri nunquam docili servare quietem.  
At mihi tunc illis injurius esse videbar,  
Quos ego spectabam. si non inspectus abirem.

- Quare ego respexi, quem scitum propter habebam  
70 Consilii auctorem; neque eum quae mutus averet  
Dicere, fugerunt; quare expectare rogantem  
Noluit, ast inquit: Non multis utere verbis,  
Sed tamen argutis. Vates ex parte coronae  
Illa ibat, quae tota patens circumdata nulla  
75 Sponda, pandit iter praeceps. Pars altera sanctis  
Umbris strata dabat, quae sic prae angore premebant  
Suturam horribilem, ut lymphis genae utraeque maderent.  
Stans super has coepi: O gens altum cernere certa  
Lumen, quod solum suspirat vestra cupido;  
80 Sic, quas vos scitis, quam primum gratia spumas  
Dissipet, ut menti clarum illabatur ab astris  
Flumen ope ipsius, mihi dicite, namque erit istud  
Gratum et jucundum; num qua hic ex gente Latina  
Inter vos anima est? Atque illam forte juvabit  
85 Isthic inventam. — Mi frater, quaelibet urbis  
Est civis verae: tua sed sententia quaerit,  
Num qua hic considat, quae degerit hospes in oris  
Italiae. Haec responsa mihi venisse per auras,  
Et multo inde puto ulterius, quam ubi talia fatus  
90 Constiteram. Quare gressum vocemque propinquans  
Illuc admovi et quandam vidi agmine in illo  
Umbram expectanti similem. Si forte requiras:  
Quomodo? Uti coecus, visa est attollere mentum.  
O anima, huic dixi, quae regnum initura supernum  
95 Te crucias, tu eadem mihi si responsa dedisti,  
Effice, ut ex patrio aut proprio te nomine noscam.  
Est Sena mi natale solum, respondit, et istis  
Hic ego mista, pio perversae crimina vitae,  
Illacrimans illi, ut nobis praebere fruendum  
100 Se velit. Haud Sapii, licet appellare SAPIAM  
Me genitor voluit, majoraque gaudia cepi  
Ex damno alterius, quam si essem qualibet usa  
Fortuna: ac ne falsa putes me farier, audi,

- An fuerim demens, ut te monuisse volebam.
- 105 Cum mihi jam annorum propere descenderet arcus,  
Tum cives nostri prope Collem castra locarant,  
Contulerantque manus, aggressi fortiter hostes,  
Atque ego vota Deo faciebam, eadem ipsa precata,  
Quae voluit. Nam omnes fusi versique fuere
- 110 In mala amara fugae, et victorem terga prementem  
Spectando haud ullum percepi pectore sensum  
Laetitiae huic similem; et vultu, temeraria, in altum  
Sublato, ad Numen clamavi: Haud amplius irae  
Arma tuae timeo, ut, placidi ridente parumper
- 115 Temperie coeli, merulus. Prope tempora vitae  
Jam suprema, Deum veniam pacemque rogavi;  
Et multa nondum minuissem debita poena,  
Ni PECTIGNANUS PETRUS, dum supplice tollit  
Voce preces sanctas, nostri meminisset, ubi illum
- 120 Et dolor, et pietas monuit miserescere nostri.  
At tu quis tandem, quem nostram inquirere sortem  
Fert studium? qui oculos affers, ut credo, solutos,  
Atque animam ducens loqueris? — Hic lumina, dixi,  
Mi quoque dementur, sed non in longius aevum,
- 125 Nam culpa exigua est, quod livor torva tueri  
Me docuit, stringorque magis formidine poenae,  
Quam vidi inferius; namque illo membra gravatus  
Pondere mi videor. — Tum sic os illa resolvit:  
Quisnam te huc igitur duxit, si ferre regressum
- 130 Deorsum posse putas? — Qui mecum est, nec tamen hiscit,  
Respondi, et vivo; quare, umbra electa, rogare  
Ne parcas, si me pedibus mortalibus uti  
Et pro te vivos inter tua certa voluntas  
Hortatur. — Tua sic, inquit, mihi dicta videntur
- 135 Insolita auditu, ut pateat, quam numine amico  
Incedas; quare precibus quandoque juvare  
Me dignare tuis, et per, quae ardentius optas,  
Oro; si Hetruscum liceat tibi litus adire,

Me penes affines fama in meliore repone,  
140 Quos illo vanae mistos examine gentis  
Cernes, quam Telamon multa spe lactat; at illos  
Plus haec spes ludet, quam cum reperire Dianam  
Ardebant; rerum navarchis plus emunctis.

## XIV.

Ecquis is est, montis qui nostri circumit orbem,  
Ante ipsi volucres quam mors aptaverit alas,  
Atque aperit clauditque oculos, ut sponte libido est?  
Qui sit, scire mihi non est, tamen arbitror istum  
5 Non solum hos intrasse locos. Qui proximus adstas,  
Comiter acceptum scitare, ut voce loquatur.  
Haec duae, utraque humero alterius super impendentes,  
Umbrae ibi dextrorsum de me sermone serebant;  
Deinde locuturae visus fecere supinos,  
10 Atque una: O anima, inquit, adhuc quae corpori inhaerens  
Coelum conscendis, quaeso, solare rogantes  
Atque, unde et qui sis, humane edissere nobis.  
Namque stupore tenet tanto tua gratia mentem  
Nobis defixam, ut quae nunquam nota fuere.  
15 Exspatiatur, agrum lambens medium, inter Hetruscos  
Amniculus, dixi, cui Falterona dat ortum,  
Nec satis est isti percurrere millia centum.  
Inde supra hos artus deporto, et vana requiris  
Hortando fari, qui sim, namque hactenus auras  
20 Haud mea personuit sat claro murmure fama.  
Si bene percipio penitus tua pectore sensa,  
Respondit, qui fatus erat prior, innuis Arnum.  
Atque ait hic alter: Cur iste vocabula terrae  
Illius modo nos celat, velut horrida dictu?  
25 Quaeque rogata fuit, proprio sic munere functa est  
Umbra: Haud ista scio, verum hujus nomina vallis  
Sunt digna, ut pereant: nam prima ab origine, ubi amnis

- Sic tumet, ut rigidus, qui obtruncat saxa Pelori,  
Mons paene haud usquam hunc superet, mare ad usque profundum,  
30 Quo venit, ut reddat, quod siccat flammeus aether,  
Damna repensurus, cui debent flumina, quidquid  
Advolvunt secum, sic pellitur hostis ad instar  
A cunctis virtus, velut anguis, sive maligna  
Conditione loci, pravo seu more premente.
- 35 Quapropter miserae quicumque est incola vallis,  
Naturam usque adeo jam commutasse videtur,  
Non secus atque omnes Circe inter pascua haberet.  
Obscoenos inter porcos it pauper aquarum  
Primum, hosque offendit mage dignos pascere glandes,
- 40 Quam quoscunque cibos alios consumere, in usum  
Humanum lectos. Exin revoluta deorsum,  
Occurrit catulis sat plus ringentibus unda,  
Quam praestent vires, quos dedignata, retorquet  
Rictum. It delabens, et quo magis ista redundat,
- 45 Tanto plus catulos versos in membra luporum  
Invenit acta malo fato devotaque fossa.  
Deinde viam arripiens per plurima stagna profunda,  
Offendit vulpes sic plenas fraude dolisque,  
Nullam ut nequitiam formident, quae occupet ipsas.
- 50 Dicere nec parcam, licet hic mihi praebeat aures.  
Atque isti bene erit, memori si haec mente recondat,  
Quae mihi defunctae mortali corpore, verax  
Spiritus enodat. Tuus ecce ante ora videtur  
Concursare nepos factus venator, et illos
- 55 Exagitare lupos in diri fluminis ora,  
Et terrere omnes, istorum vendere carnem,  
Nec satis est ipsi, vivam, sed deinde necatos  
Abjicit, ut senio confecta animalia, inert  
Defraudat multos vita, se nomine honesto.
- 60 Tristi exit silva foedatus caede; relinquit  
Talem, ut mille exin volvendis orbibus anni  
Nequidquam studeant primum reparare decorem.

Sicut, ubi accipiat venturi nuncia damni

Verba, os auditor turbat, quacumque periculum

65 Ex parte huic animum feriat, sic altera visa est

Conturbari anima, haec fantis dum pendet ab ore,

Surgere et adspectu tristi haec simul auribus hausit.

Alterius sermo, alterius conspectus aventem

Suadebant horum me inquirere nomina, et illos,

70 Multis immiscens precibus mea dicta, rogavi.

Quare, quae fuerat mecum prius umbra locuta,

Sic iterum: Id tibi me hortaris praestare, quod ipse

Abnuis; at quoniam Superum manifesta voluntas

Efficit, ut tanta te donet gratia luce,

75 Non tibi parcus ero. Quapropter me esse fatebor

GUIDUM DEL DUCA. Fuerat mihi sanguis adustus

Invidia tanta, ut, testantem gaudia vultu

Si quem vidissem, sparsum livore maligno

Me quoque vidisses. Ex isto semine talem

80 Demeto nunc paleam. O soboles humana, quid omnes

Impendis curas, inbians quae jura vetandi

Poscunt et quemvis consortem a finibus arcent?

Quem prope me stantem cernis, REINERIVS hic est,

Colbolidum decus ac lumen, quem nemo secutus

85 Hactenus est haeres tanta virtute potitus.

Nec solum circa Eridanum montemque fretumque

Et circa Renum jam defecisse videtur

Illius sanguis rebus, queis vera paratur

Copia opum, atque quibus coalescunt gaudia vitae;

90 Verum intra hos fines sunt sentibus oppida cuncta

Plena veneniferis, et frustra cura laboret,

Ut cultu meliore minus silvescere discant.

Nunc ubinam est LICIVS bonus HENRICUSQUE MENARDI,

Et TRAVERSARUS PETRUS et CARPINIVS ille

95 GUIDUS? — Proh genti gens Aemiliana priori

Degenerata! Novas cum vidit Felsina fabrum

Mittere radices, parvo atque ex gramine factum

Nobile virgultum succrescere BERNARDINUM  
Progenitum Fusco jam tota Faventia narrat.

- 100 Desine mirari flentem, sate sanguine Hetrusco,  
Cum memori GUIDUM DE PRATA atque HUGOLINUM  
Mente colam ACTIACUM, nostris qui degit in oris;  
Et tum FRIDRICUM TIGNOSUM mente recordar  
Atque hujus socios; cum TRAVERSARA recursat
- 105 Clara domus menti, cum nomen ANASTASIORUM,  
Utraque gens quorum facta est modo nominis haeres,  
Matronae atque equites, studia horum sedula, centum  
Commoda, sollicitante virum praecordia amore,  
Et sensu humano, quae contra versa nefandos
- 110 Inducunt mores. Quid, BECTINORE, moraris,  
Gente tua egressa, multis ex urbe secutis,  
Improba ne fiat? Sed erit bene BAGNACAVALLO,  
Haud genuisse novam prolem, male CASTROCARO,  
Et pejus COMO, ulterius qui gignere curant
- 115 Tale genus Comitum. Si quanto Daemon abibit,  
Paganis bene erit, sed non vitae integer, omni  
Labe carens, horum nascetur sanguine testis.  
O FANTOLINAE gentis decus, UGOLINE,  
Luce tuum nomen tuta fulgebit in omne
- 120 Aevum, ex quo prolis tibi spes amissa futurae est,  
Quae tibi degenerans obducat labe nitorem.  
Verum, THUSCE, abeas jam, nam mage fundere fletus  
Interea, quam verba juvat; sic pectora pressit  
Vestra mihi ratio. Neque erat mens nescia nobis
- 125 Auditū instructas abeundo haud fallere posse  
Dilectas animas; quare vocem ore premendo,  
Addiderant animum haud nota regione viarum  
Confisis. — Postquam est nobis data copia eundi  
Solis, visa fuit vox aëra findere ad instar
- 130 Fulguris, incursans adversa ac talia fata:  
Dedet me leto quisquis me offendit! et uno  
Tempore ceu tonitrus, qui, scissa nube, repente



Diffugit, in tenues dispersa evanuit auras.

Auribus ut nostris requies fuit, ecce fragore

135 Altera sic resono, ut subito sit visa tonare

Post fulgur: Sum AGLAUROS ego, nunc saxeae facta!

Ast ego, sollicite properans mage stringere vatem,

Retrorsum, non ante pedem vestigia traxi.

Jamque quiescenti similis cessaverat aura

140 Undique, et ille inquit: Fuit haec vis aspera freni.

Apta suos intra fines cohibere protervos

Terrigenas; sed vos sic escam inhiatis, ut hostis

Vos fraus antiqui necopinos occupet hamo.

Quare frena parum prosunt, aut signa vocantur.

145 Retrorsum vos templa vocant coelestia, vestrum

Dum gyros ducunt supra caput, atque decorem

Aeternum pandunt: sed terrae fixa tenetis

Lumina adhuc; ita vos, qui perspicit omnia, pulsatur.

## XV.

Quantum inter spatium, quod tertia conficit hora,

A jubare exorto sphaera indicat intervalli,

Sueta suum semper pueri instar ludere ludum:

Hesperiam tantum properanti tangere soli

5 Restabat cursus. Erat illic ultima lucis,

Atque isthic mediae pars obscurissima noctis;

Et vultum medium telum solare petebat;

Namque ita montis erat nobis peragrata corona,

Ut planctus Hesperias directo tramite partes

10 Calcarent. Mihi cum sensi splendore gravatum,

Sat plus quam ante caput, quae res me cognita nondum

Fecerat attonitum. Quare fuit impetus ambas

Hinc atque hinc palmas palpebrae opponere utrique,

Luminibusque jubar defendi, ut spicula lucis

15 Parcius afficerent oculos, limata, tuentes.

Sicut aqua aut speculo solis lux fracta, retrorsum

- Ad partem oppositam saliendo, pervolat ipso  
Impete, quo primum descenderat, atque recedit  
A saxi lapsu multo velocius, aequum,
- 20 Si numeres, spatium, quod et experientia et artis  
Doctrina ostendit; sic prae me luce videbar  
Ictus refracta. Quare mea lumina promptae  
Consuluere fugae. Quid id est, pater optime, dixi,  
Quod prohibere oculis non me sinit ulla facultas
- 25 Nitentem, et contra nos festinare videtur  
Occursu usque magis? — Non te stupor occupet, inquit,  
Si tibi stringit adhuc aciem gens aethere missa:  
Angelus est, hominem qui hortatur scandere in altum.  
Nec longe jam tempus abest, cum haec cernere propter
- 30 Non grave erit, sed dulce tibi, quoad tendere sensum  
Naturae dederint vires. — Ut venimus almo  
Aligero coram, sic laeta is voce profatur:  
Hac intrate gradus, per quos minus ardua ducet  
Vos via. — Digressi inde ascendimus, atque: *Beati*
- 35 *Illi corde bono, qui sunt miserescere sueti,*  
Insonuit retro, et, *gaude qui vincis.* Utrique  
Soli una scalas ascendere. At utile duxi,  
Illius ex verbis si quidquam discere possem,  
Dum mecum ire viam pedibus pergebat, et ipsum
- 40 Aggressus rogo: Quidnam innuit Aemilianis  
Orta anima in terris, consortem et jura vetandi  
Commemorans? Tunc ille mihi: Quae quantaque damna  
In se congressit labe sua maxima, novit.  
Quare ne stupeat quisquam, si voce reprendit
- 45 Hoc vitium in vestros, luctu ut majore leventur.  
Quod mens vestra aciem viresque intendit in illa.  
Quorum pars minui, socio accedente, videtur,  
Propterea cogit suspiria ducere livor  
Folle suo. At coeli sphaeram si vestra cupido
- 50 Suspiciat, timor hic a vestro pectore abesset.  
Namque illic quanto plus fas est dicere nostrum,

- Tanto plus vir quisque tenet, plusque ardet amore  
Coelesti in patria. Mens haud expleta magisque  
Mi, dixi, jejuna manet, quam si ista tacendo  
55 Misisses; nam incerta magis suspensaue pendet.  
Qui poterit fieri, ut multis divisa bonorum  
Pars magis hos cumulet, quam si illam pauculi haberent?  
Is mihi: Propterea, quod tu terrena volutas  
Nunc quoque mente tua, vera de luce tenebras  
60 Ducis. Namque bonum non enarrabile, summum  
Hoc, quod corda beat superiorum, occurrit amori,  
Corporibus veluti lucentibus ignea solis  
Spicula. Coelestis tantum conceditur aestus,  
Quantum hic inventum est. Quare quo latius ignis  
65 Exit, eo flamma virtus aeterna redundat  
Majore, et quanto plures ex gentibus illis  
Illuc intendunt animos, et amore feruntur;  
Tanto plus ipsis bene amandi copia abundat,  
Diligiturque mage. Ut speculum, quod lumina reddit  
70 Alterius speculi vitro, et simulacra refundit.  
Quod si non explet ratio te nostra, BEATRIX  
Adveniet spectanda tibi, quae plenius istam,  
Et quamvis aliam vellet de pectore curam.  
Fac tibi quam primum exstinguantur vulnera quinque,  
75 Sicut jam illa duo, quae est claudere corde dolendo.  
Jam dicturus eram satis haec fecisse roganti,  
Cum sensi alterius flexus me tangere spondam,  
Quare oculus cupiens suasit compescere vocem.  
Atque ibi mente abii raptus, subitoque videbar  
80 Collectam in templo multam mihi cernere turbam,  
Et quandam tecto subeuntem matris habentem  
Dulce os atque habitum atque edentem has corde loquelas:  
Quid sic fecisti nobis, fili? Ecce dolentes  
Et pater, et tua ego mater te quaerere nunquam  
85 Destitimus. — Post haec cum voce effugit imago,  
Quae mihi visa prius fuerat. Deinde altera coram

- Occurrit, perfusa genas humore cadente  
Illo, quo dolor exstillat, qui gignitur ira;  
Atque haec sic fari: Si tu dominaris in urbe,  
90 Pro qua certatum est studio inter numina tanto,  
Ex qua doctrinae atque artis decus omne refulget,  
Ne mora sit poenis illos punire lacertos  
Ausos amplecti natam, o PISISTRATE, nostram;  
Cui tum visus erat sic respondere benignus,  
95 Composito placide, princeps mitissimus, ore:  
Quid faciemus adhuc, si quis male fausta precetur  
Nobis, si poena nostri afficiamus amantem?  
Deinde aliam vidi flammato pectore gentem  
Aggressam saxis juvenem dare funeri acerbo,  
100 Murmure quae magno clamabat: Percute, caede!  
Isque videbatur succumbere, morte gravatus,  
Pronus humi, semperque oculos contendere apertos  
In coelum fixos ac summum poscere regem  
In tanto pacem bello, veniamque feroci  
105 Turbae, quo mitis pietas diffunditur, ore.  
Cum rediit mihi mens externaque vera revisit  
Extra se posita, haud falsus tum cognitus error  
Est mihi. Me similem rumpenti vincula somni  
Cernere qui potuit: Quae, inquit, consistere posse  
110 Causa vetat, doctor? Sed jam te millia vidi  
Plus quasi quam duo progressum tibi lumina palmis  
Velantem atque aegre vestigia torta trahentem,  
Ut vir. cui somnus vel vinum praepedit artus?  
O dulcis pater, huic dixi, si porrigis aures,  
115 Dicam visa mihi, per quae vis conceidit omnis  
Crurum. Atque is contra: Tibi si velamine vultum  
Larvae texissent centum, quae cogitat intus  
Mens tua, parva ficit, non me sic clausa laterent.  
Haec ideo sunt visa tibi, ne forte recuses  
120 Pacificis cor pandere aquis, quae fonte redundant  
Aeterno. Neque ego studui cognoscere causam,

Ut qui oculis posita ante videt tantummodo, et ultra  
Non videt exanimi simulac calor ossa reliquit;  
At percontabar, quia plantis addere vires  
125 Consilium fuerat. Sic pigros pungere oportet,  
Ut, quas evigilare datur, redeuntibus horis,  
Solliciti utantur. Nos ire crepuscula noctis  
Spectantes ultra, quantum procedere quibat  
Nostra acies, contra lucem sub vespere missam.  
130 Ecce autem nobis paullatim occurrere fumus  
Ut nox obscurus, neque erat ratio ulla locusque  
Vitandi, isque oculos simul et purum aëra ademit.

## XVI.

Tartareus nigror et vacuae quocumque planeta  
Paupere sub coelo noctis, caligine densa  
Quantum unquam potuit, sic crasso lumina velo  
Haud mihi compressit, vis illa ut lurida fumi,  
5 Quae nos textit ibi, neque texto sensibus aspro  
Usque adeo, ut mea ferre acies reclusa nequiret.  
Quare, qui mihi ductor erat fidusque catusque,  
Adfuit appositque humerum. Ut vir captus utroque  
Lumine ducentem sequitur, ne forsan aberret,  
10 Aut quidquam offendant damno exitiove futurum:  
Sic per amaritiem ac per sordes aëris ibam,  
Aure ducis vocem accipiens mihi talia fantis:  
Fac caveas, nostris ne quid te separet ulnis!  
Me percellebant voces, pacemque rogare  
15 Verba videbantur, miserantem corde precata  
Agnum divinum, qui tollit crimina mundi.  
Primi *Agnus* clamare *Dei*. Haec deinde omnibus una  
Vox erat, atque uno reddebant missa tenore,  
Omnis ut hos inter concordia amica pateret.  
20 Quorum verba sonant, an sunt simulacra, magister?  
Dixi; ast ille mihi: Tu verum percipis, inquit;

Illi, quem plicuit nodum iracundia, solvunt.

Quisnam tu, nostrum properas qui findere fumum,  
Et nunc verba facis de nobis more modoque,

25 Tempora quo numerat quisquam digesta per annos?

Haec vox audita est. At dux: Huic dicta vicissim  
Redde simulque roga, num isthinc sit scandere in altum.

O anima, huic dixi, quae te hoc in carcere purgas,  
Pulchra ut ad auctorem redeas, si me ipsa secundas,  
30 Mira quidem accipies. Quoad est data copia, dixit,  
Te sequar et, quamquam haud patitur res cernere fumus,  
Auris erit visus instar junctosque tenebit.

Sic coepi: Illa usus, quam solvunt funera, veste  
Adscendo atque inter gemitus elapsus Averni  
35 Huc veni; et quoniam tam large aeterna potestas  
Mi favet, ut libeat propriam me admittere ad aulam  
Extra omnem penitus legem, quam noverit usus,  
Ne cela, quisnam fueris, mors atra priusquam  
Te mersum abstulerit; sed profer, num bene pergam,  
40 Quo transire datur. Quae respondebis, habebo  
Pro ducibus. — Tunc is: Genere et cognomine dicor  
MARCUS LOMBARDUS. Me juvit discere mundum,  
Atque ea praecipuo me virtus vinxit amore,  
Ad quam quisque sui jam fert lentescere robur  
45 Arcus. Directe, quo dat via scandere, pergis.  
Sic ille atque addit: Superum si quando licebit  
Intrare ad sedes, pro me quoque numen adores.

Atque ego: In his tibi nostra fides obstricta manebit,  
Et quod poscis, erit; verum in contraria curà  
50 Rumpor, quae male habet dubium, ni pectore solvam.  
Haec fuerat simplex, tua nunc sententia duplam  
Fecit, quae obfirmat mentem, jam credere certam  
Hic audita mihi atque alibi, tunc cum utraque mecum  
Compono. Anne igitur sic virtus exulat omnis  
55 A mundo, ut narras? Sic foeta obductaque terra est  
Nequitia? Ast, oro, sic da mihi noscere caussam.

Ut pateat cernenda oculis monstrandaque vulgo;  
Namque alter coelo, terris hanc asserit alter.

Ille autem duxit gemitum, quem vertit in unum

60 Triste *cheu!* dolor adstringens, dein talibus infit:

Mundus coecutit, tuaque inde emanat origo,

Frater. Vos vivi, vos derivatis in astra

Et coelum caussam quamvis, ut si omnia coelum

Secum ageret motu fatali et foedere certo.

65 At si id forte putas, periit vis libera vestri

Arbitrii, haud usquam adspiceres, quae facta rependat,

Justitiam, at lugere bonos, gaudere scelestos.

A coelo primi veniunt in pectora motus:

Non omnes, inquam; quamvis, si hoc asserere ausim,

70 Pro vobis recti ac pravi justissima iudex

Stat ratio et nulla expugnabilis arte voluntas

Libera; et haec, primo durata in turbine pugnae

Contra vim coeli, pugna discedet ab omni,

Si bene pectus alat, parto laudanda triumpho.

75 Virtus vos major, melior natura subactos

Temperat, incolumi arbitrio; atque haec ipsa creavit

In vobis mentem, quae coeli haud tradita curae est.

Quare, si praesens mundus vos tramite recto

Abducit, primum vos intus quaerite caussam;

80 Atque meis verbis haec omnia vera probabo.

Illius haec anima e manibus, qui suspicit ipsam,

Ante frui quam det vita, devinctus amore,

Infanti similem lacrimas lususque cientem

More puellari, simplex ignaraque rerum

85 Prosilit; excipito, auctoris quod mota sui vi

Laetificante lubens, quo se oblectare solebat,

Regreditur. Parvusque boni sapor allicit illum

Principio; isthic decipitur, tamen incita in istum

Fertur, ni frenum vel dux deflectat amantem.

90 Quare est ad legem ventum, quae utatur habenis;

Majestas quaerenda simul summi arbitra regis,

Qui saltem turrim verae dignosceret urbis.

Non desunt leges; sed cui stat, legibus uti?

Nulli! Nam pastor praecedens ruminat ore,

95 Quamquam fissa deest huic ungula, turbaque cernens

Ductorem bona venantem, quae pectore hiant

Quisque petit, pascit se his, ulterioraque mittit.

Hic patet, ut ratio vitae mala causa malorum est,

Quae mundum infecere tuum; non insita vestrae

100 Naturae labes. Quae castos Roma vocavit

Ad mores mundum, gemino pollere solebat

Sole, utramque viam mundi monstrante Deique;

Alter at alterius restinxit lumen, et ensis

Juncta pedo est acies; quapropter oportet utrumque

105 Jam pariter ruat in pejus. Nam ubi juncta simul vis

Conjurat gemina alternis, unam altera spernit.

Si dubitas, spicam reputa; nam a semine nosci

Omne potest gramen. Quae crescit terra, rigante

Eridano atque Athesi, pinguis, virtute solebat

110 Et more urbano increbrescere laeta, priusquam

Causa laboraret Farnacis: sed modo tutus

Ire redire viam poterit, quicumque pudore

Nomine compellare bonos vel adire vetatur.

At vero longaeva virum tria pectora restant

115 Nunc etiam, per quos antiqua hanc arguit aetas,

Quis cessare Deus nimium nimiumque videtur,

Quin sese vitae fata in meliora reponat;

CORRADUS, claro quo Brixia gaudet alumno,

GERARDUSQUE bonus, Reggensisque incola GUIDUS,

120 Simplicem Lombardi notus sub nomine Gallis.

Dic jam Pontificum sedem, quae ecclesia Romae est,

Dum studet imperii duplicis confundere vires,

In coenum labi et se dedecorare suumque

Pondus. Ego: Mi Marce, inquam, bene colligis, et mi

125 Sat bene causa patet, quare Levitica proles

Parte exempta fuit. Sed quem tu nomine dicis



GHERARDUM extinctae exemplum superesse prioris  
 Gentis, ut objiciat male culto dedecus aevo,  
 Fac doceas. — Aut me ludunt tua verba, vel ipse  
 120 Me tentas, inquit, qui, sermone usus Hetrusco,  
 Justum GHERARDUM penitus nescire videris. —  
 Hunc non ex alio novi cognomine, quam si  
 Ex Caja sumam, quo patre haec edita fertur.  
 Salvete, haud ultra est mihi fas contendere gressu;  
 135 Prospecta, ut circum radiantur nubila fumi  
 Luce nova immissa, et jam me discedere oportet;  
 Angelus est illic, ne me occupet. Ista locutus  
 Non ultra ad nostros sermones aure vacavit.

## XVII.

Mente tibi memora, si quando, lector, in Alpe  
 Te nebula offendit, per quam sic ipse videres,  
 Sicut per pellem talpae; ut, simulac vapor humens  
 Ac densus coepit rarescere, spicula solis  
 5 Debiliter penetrant; levis haec tibi surget imago,  
 Ex qua conjicias, quo sensu lumina primum  
 Vidi iterum solis, qui praecipitabat in aequor.  
 Sic duce progressus cum fido passibus aequis,  
 Exivi tenebris ad jam intermortua in imis  
 10 Lumina agris. O mens, quae nos ita imagine rerum  
 Saepius abductos a sensibus imprudentes  
 Aufers, mille licet dent circum cornua bombos:  
 Quae te caussa movet, non suppeditante ministro  
 Sensu? Te lux alma movet, quae manat ab alto  
 15 Sponte sua aut ducente Deo, qui donat habere  
 Terrigenis. Non ampla magis, quam forma volucrem  
 Mutatae in parvam, quam plus juvat edere ab ore  
 Cantus, nescio quae, species animo obvia venit;  
 Quae mihi sic intus mentem perstrinxit, ut extra,  
 20 Quae res apparent hujus penetralia inire,

Prorsus desierint. Menti deinde impluit altae  
De cruce vir pendens, fixus fronte, ore superbus  
Ac ferus, et talis claudebat lumina morte.

Hunc circa magni majestas ASSUMERI,

25 Atque ESTHER conjux, et servantissimus aequi  
MARDOCHAEUS erat, tam verbis integer, ut re.  
Atque haec se postquam per sese rupit imago,  
Bullae instar, si, quo fit turgida, deficit humor,  
Cernere visus eram simulacrum triste puellae

30 Altos edentis gemitus, ac talia fantis:  
Cur, suadente ira, voluisti rumpere vitam,  
O regina, tuam? Te extincti, perdere natam  
Dum fugis. En modo sum, mater, tibi perdita, et ipsa  
Alterius prae morte tuam LAVINIA ploro.

35 Ut solet abrumpi somnus, si clausa repente  
Lumina percellat nova lux, atque ante natare  
Fractus, quam occiderit totus: sic decidit audax  
Fingere vis mentis, simulac lux perculit ora,  
Candida plus nostro quam more. Ego volvere visus,

40 Quas devenissem, cupidus cognoscere sedes,  
Cum vox audita est: Hic est adscendere, fata,  
Quae genus omne aliud curarum a corde removit:  
Tamque alacrem me cepit amor, verba ista locutum  
Respicere ac scire, at nunquam consistere discat,

45 Donec eum offendat. Sed sicut, sole gravante  
Nostram aciem, nimis effuso qui lumine celat  
Os sibi: non secus hic virtus me tota reliquit.

Hic est de Superis, qui sponte, precante neque ullo,  
Monstrat iter rectum, et quis vult scandere, dixit,

50 Lumine seque suo abscondit. More utitur illo  
Nobiscum, quo quisque sibi servire laborat.  
Nam si quis manet orantem, qui novit egentem  
Hunc opis esse suae, stat corde negare maligno  
Certus. Nunc tanto aptemus suadente ministro  
55 Plantas. et nos ardor agat superare, priusquam

Incumbant tenebrae; nam posthaec nulla daretur  
Copia scandendi, donec redeunte diei  
Luce nova. Sic doctor. — Ego vestigia servans  
Scalas corripui, atque gradus me primus habebat.

60 Hic alae sensi quasi quodam praepete motu  
Percussus propius vultum, audivique: *Beati  
Pacifici, mala quois pectus non incitat ira.*

Jam jubar extremum tenebrae, quae pone sequuntur,  
Supra assurgebant sic, ut stellae undique adessent.

65 O mea vis, mihi cur te ita subripis? Haec ego mecum,  
Robur ubi crurum sensi cessare coactum.  
Ventum erat ad summas scalas. Nos sistere ad instar  
Navis, quae tandem tutis allabitur oris;  
Intendique aures paullum, si forte novellum

70 Per stratum audirem quidquam; dein voce magistrum  
Sic rogo: Dic, dulcis pater, ecqua injuria in isto  
Eluitur circulo? Non stet, pede stante, loquela  
Hic tua. At ille: Boni haud integra cupido politur  
Hic; hic nimirum male tardis vapulat usus

75 Vir remis. Ast ut tibi detur apertius ista  
Percipere, adverte, atque aliquid tibi forte parabit  
Nostra boni fructus mora. Nec sine amore creator,  
Nec res ipsa creata fuit, sic incipit ille,  
Aut natura, aut sponte sua, quod tu quoque nosti.

80 Ingeneratus amor nullo unquam tempore falsus  
Est animi; ast alter se posse errare frequenter  
Sensit, seu mala cum species, seu dira libido,  
Segnities seu lenta adamet. Bona prima petenti  
Recte servantique modum, si forte secunda

85 Appetat, haud amor iste potest mala gaudia ferre.  
Ac simulac ruit in vetitum, majorve minorve  
Cura ultro bona sectari persuadet, in ipsum  
Artificem convertit opus. Jam hinc discere quibus,  
Cuilibet ut det amor virtuti semen et omni

90 Vestro auso, quod poena manet. Sed sensus amoris

- Privi cum nequeat non prospectare salutem,  
Res odii proprii semper secura manebit.  
Sed quia nec scissus, nec per se stare sine illo  
Primo ullus posset, sic et praescinditur omnis  
95 Causa odii in primum. Superest, si recta mihi mens  
Haec discernenti est, ut, quae mala quispiam amaret,  
In similem ista sui caderent; atque aestus amoris  
Iste fimo in vestro natura triplice constat.  
Est qui, vicino afflicto, se excellere posse  
100 Sperat; et idcirco tantum de culmine in imum  
Hunc cupit ejectum. Est qui rem famamque veretur,  
Et decus, atque auram vulgi ne amittat, ubi alter  
Emineat; quare tantus dolor occupat istum,  
Ut contraria amet. Sunt quos injuria suevit  
105 Exagitare ira, cupidosque ulciscier hostem  
Efficere; et genus hoc hominum sibi figat oportet  
Mente malum alterius. Venit infra amor iste triformis  
Orbe sub hoc flendus. Volo nunc, sat lumine claro  
Concipias alium bona captantem ordine pravo.  
110 Quisquis confuse apprehendit, quod posse juvare  
Se putat, unde quies animo illahatur, et optat:  
Nam quisquis metam cupide contendit ad istam.  
Si vos, cessantes cognoscere sive potiri  
Talia, lentus amor trahit, haec, ubi rite dolendo  
115 Poenituisse prius vos constet, sumere poenas  
Jussa corona fuit. Quae non sinit esse beatos,  
Altera imago boni est, felicem ducere vitam  
Non donat; non ista quidem natura benigna  
Cujuscunque boni fructus radixve putanda est.  
120 Qui sibi amor nimis indulsit, seque et sua amavit,  
Per tres nos supra circos est flebilis; ast hic  
Quare tergeminus dicatur, mitto docere,  
Tecum animo ut reputes, studeasque inquirere causam.

## XVIII.

- Summus desierat sapiens oculosque tenebat  
In me defixos, an praeferrem ore quietem  
Expletus; sed ego, nova quem sitis exstimulabat,  
Praeterea, tacui lingua, mecum ista locutus:
- 5 Quae sine more illum rogito, fortasse gravabunt.  
Verum instar patris veracis, ubi ille timentem  
Dicere me cupidum sensit, quae corde premebam,  
Fando animum mihi restituit, sic farier auso:  
Tale meis oculis tua lux dat lumen habere,
- 10 Ut nitide cernam, quidquid tua proferat et mi  
Describat ratio. Quare, pater optime, amorem,  
Quaeso, demonstra, factorum quem esse bonorum  
Cunctorum semen dicebas atque malorum.
- In me fige oculos mentis, respondit, acutos,
- 15 Coecorumque error, ductorum qui vice fungi  
Audent, sat tibi apertus erit. Qui promptus amare  
Est natura animus, versatur mobilis omnem  
Ad rem, quae placeat, simulatque hunc blanda voluptas  
Excitat atque agere hortatur; neque imagine inani
- 20 Se falli sensus testatur, et efficit, ut mens  
Huic sese intendat, vobisque hanc explicat intus  
Sic, ut ad hanc animum attrahat. Hic si inclinat ad ipsam  
Conversus, fit amor, potius natura vocandus,  
Quae vos jucunda rursus dulcedine vinctos
- 25 Occupat insinuans. Exin ut tendit in altum  
Flamma suam ob formam, quae illuc adscendere nata est,  
Plus ubi materies, sub qua est durare, putatur;  
Sic desiderii, quod vis movet intima, captus  
Intrat claustra animus, nec tempore desinit ullo,
- 30 Nec requiem patitur, donec potiarar amato.
- Nunc tu, quam vera longe a ratione ferantur,  
Qui genus omne aestus in se laudabile dicunt,  
Nosse potes; nam forsitan amor bonus esse videtur

In se; at cera licet bona sit, non omnia signa  
35 Esse tamen bona jurabis. — Tua verba meumque  
Ingenium non unquam abiens docuere rogantem,  
Quid sit amor, dixi. Verum tua dicta relinquunt  
Me magis incertum; quoniam si extraria amorem  
Objiciunt nobis animusque alio pede nescit  
40 Pergere, seu dextra incedat sive ille sinistra,  
Et culpa vacat et merito. — Tunc insuper ille:  
Quae videt hic ratio, possum tibi dicere, et exin  
Quaere BEATRICEM, fidei quae dogmata callet.

Quaevis forma, sua quae stat re praedita, quaeque  
45 Secta a materia est, atque huic se jungit et haeret,  
Virtutem amplexa est propriam, quae contigit uni  
Ingenerata sibi, quae si non exit in actum,  
Non quit sentiri et, nisi per quae facta patescunt,  
Non demonstratur, veluti se vivere planta  
50 Non nisi per virides frondes ostendere posset.

Quare mortalis nescit, qua ab origine menti  
Primae notitiae occurrent, nec qua illa cupido  
Blanda petens, quae prima animo exoptanda recursant,  
Quaeque insunt nobis, sicut flaventia mella  
55 Stipandi studium est apibus; verum illa libido  
Prima caret merito, nec nobis dedecus infert.  
Nunc vis iannata est homini, cui quilibet alter  
Sese amor adveniens accommodat, et datur ipsi  
Consulere atque tenere assensus limina prima.

60 Ex hoc principio procedit caussa merendi,  
Prout bene, vel male progenitos admittit amores  
Et cernit. Virtus haec libera, et insita nobis  
Natura, patuit doctis, qui inquirere amarunt,  
Quae sit norma boni moris, quid poscat honestas.  
65 Quare demus, amore homines non posse carere,  
Intus qui exsurgit, veluti sit amare necesse,  
Semper inest vobis illum retinere potestas.  
Ista BEATRICE virtus praeclara videtur

- Vis esse arbitrii sibi libera, nescia vinci  
70 Fac mente id teneas, ubi sit memorare libido.  
Ferne concubiam sub noctem luna morata  
Suadebat nobis stellas minus esse frequentes,  
Ingenti similis situlae, quae tota flagraret:  
Et contra coelum visa est extendere cursum  
75 Illuc per colles, quos sol flammantibus urit  
Telis, Romanus cum prospicit accola flammam  
Sardoos inter Corsosque illabier undis.  
Comis at, Andaeo quae dat clarescere pago  
Umbra adeo, ut cunctis hoc Mantua praeferat unum,  
80 Ponderibus positis, quibus illum saepe gravaram,  
Ibat. Ego, cui jam rerum manifesta patebat  
Scitanti ratio, collecta messe, quietus,  
Ut qui desipiant summo torpore premente,  
Ibam, ast ista mihi est nubes ablata veteris  
85 Illico, ubi advenit populus post nostra volutus  
Terga occursurus. Qualemque Ismenus et amnis  
Asopus noctu vidit matrumque virumque  
Effusam cursu turbam numeroque frequentem,  
Dummodo Thebani Lenaei patris egerent;  
90 Talia falcato lustrabant agmina circulum  
Hunc passu, quae, prout vidi venientium in ore,  
Mens bona, justus amor cursum celerare jubebant  
Advenere cito, namque ingens illa caterva  
Ibat praecipitante gradu, binaeque praebant  
95 Effusae in lacrimas clamantes altius umbrae:  
Et Maria ad montem studio properante cucurrit,  
Et Caesar cupiens urbem sibi subdere Ilerdam,  
Massiliam pupugit, dein cursu irrupit in oram  
Hispanam. Actutum, actutum, nec abire sinamus  
100 Punctum horae incassum culpa frigentis amoris,  
Retro clamabant alii, ut revirescere posse  
Gratia det studio bene, per benefacta, merendi.  
O gens, quam forsam nunc urget fervor acutus,

- Corrigere hortatus torporis damna moraeque,  
105 Quae vos detinuit minus ad pia facta calentes:  
Hic, qui vivit adhuc (et certe fallere lingua  
Non ego vos ausim), vult ultra scandere, dum sol  
Lucescat nobis. Quapropter dicite, quorsum  
Est aditus propior. Sic dux est ore locutus.
- 110 Atque una ex illis umbris: Vestigia, dixit,  
Nostra lege inveniesque cavum. Nos tanta voluntas  
Incitat ad cursum, ut non sit cessare facultas.  
Quare da veniam, si injurius esse videbor,  
Munere dum fungor justo. Mihi vita peracta est
- 115 Veronae, et divi ZENONIS in aedibus abbas  
Degi, BARBAROSSA bonus cum regna tenebat,  
Quem Mediolanum memorat multo haud sine fletu.  
Atque oram fossae quidam pede jam subit uno,  
Illud coenobium cito defleturus; et ipsum
- 120 Poenituisse sui regni mors sera docebit.  
Namque suam is prolem integram male corpore, mente  
Pejus, quae mala nata fuit, pastore repulso  
Vero, supposuit. Non ausim dicere, an ultra  
Sit fatus, vocemne hic presserit; inde volarat
- 125 Tam citus a nobis. Sed ego haec eadem auribus hausi,  
Et placuit retinere mihi. At dux: Respice et illic  
Contemplare duos, qui incessunt morsibus illos,  
Quos norunt tepidos. Cunctos post terga secuti  
Dicebant: Rubri patuit queis aequoris unda,
- 130 Cunctos exstinxit mors praecipitata, priusquam  
Haeredes proprios Jordanis ripa videret.  
Et longo Aeneae defungi turba labore  
Indocilis, vitam in tenebris sine nomine traxit.  
Ast ubi tam procul a nobis tulit impetus illa
- 135 Agmina, ut haud oculi possent servare sequentes,  
Cura meae menti occurrit nova, deinde recurrit  
Altera, deinde aliae varia sub imagine rerum;  
Tamque diu nunc sum huc, nunc illuc mente vagatus,



Lumina ut in somnum mihi declinare voluntas  
140 Suaserit et tales mutare in somnia curas.

XIX.

- Tempus erat, cum frigus adhuc lunare diurna  
Aura fovere nequit, terra vel sidere saepe  
Saturni victa, et Geomantes surgere ab oris  
Majorem Eois fortunam, aurora priusquam  
5 Exierit thalamo, prospectant calle potitam  
Indocili nigrare diu; cum femina balba  
Adfuit in somnis, oculos transversa tuentes  
Visa movere, supraque pedes distorta manusque  
Trunca ambas, atque os cerae suffusa colore.  
10 Hanc ego spectabam, ac veluti sol frigida membra  
Nocte gravata solet recreare: ita solvere linguae  
Nodos hinc dederam obtutu, et mox corpore toto  
Tollere se arrectam atque expertia sanguinis ora  
Foeda colorabam, ut dominae voluisset amator.  
15 Atque ubi sic lingua potuit garrire soluta,  
Tales illa sonos modulari coepit, ut aegre  
Inde aures mentemque intentam flectere quisset.  
En ego sum, cantabat, ego, dulcissima Siren,  
Quae pelago in medio possum deducere cursu  
20 Nautas; tanta meo manans ex ore voluptas  
Sensibus insinuat. Traxi modulaminae Ulyxam  
Errore e longo, et, mecum qui convenit usu,  
Raro abit. usque adeo plenus manet. Ore profari  
Nondum desierat, cum femina sancta citato  
25 Me propter venit gressu, ut demitteret illam  
Confusam. Andae, o Andae, ecqua ista? feroci  
Clamabat vultu, isque aderat, qui fixa tenebat  
Lumina in alterius vultum, quae incedere honesta  
Visa erat. Haec illam comprehendere, scindere apertae

- 30 Anterius pannos monstrique ostendere ventrem.  
Atque hic foetenti, quem circum halabat, odore  
Mi somnum excussit. Cum lumina circumferrem,  
En bonus Andaeus: Te, dixit, voce vocavi  
Ter saltem, surge atque veni; invenienda petiti  
35 Est porta ingressus. Tunc nitens membra levavi.  
Alta dies cunctos complerat lumine sacri  
Montis circuitus, et erat sub sole recenti  
Ad renes iter amborum. Hunc ego pone secutus  
Fronte incedebam, qualis qui pondere pressam  
40 Curarum hanc gestat, pontis falcatus in arcum  
Dimidium, mihi cum vox exaudita: Venite,  
Transitus est isthic, — ita dulce et come locuta,  
Qualem hac mortali nemo unquam audivit in ora.  
Expansis cigni candorem imitantibus alis,  
45 Ad se nos vertit, qui sic est ore profatus,  
Stans supra summam defensae pariete utrinque  
Marmoreae scalae, dein plumas movit, et aura  
Ambos afflavit, *Qui lugent esse beatos,*  
Testatus; nam animos jam libertate fruantes  
50 Copia solandi his dabitur. — Dux talibus infit:  
Quid tibi, adhuc immota sole qui lumina figis,  
Cum procul haud absit, qui nos super imminet ales?  
Huic ego: Tanta animum suspendit cura novello  
Percussum ostento, quod me flectitque trahitque  
55 Ad se, ut non usquam hunc possim deflectere ab isto.  
Illius antiquae laminae an tibi contigit ora  
Cernere, ait, quae sola dolet jam nos super adstans?  
Vidistin', ut vir sese dissolvat ab ista?  
Sit satis, acceleraque gradus et suspice signum,  
60 Quod rex aeternus magno circum rotatorbe.  
Qualis qui falco prius insistebat, utrisque  
Innixus pedibus, qua clamor venit ad aures,  
Vertit se arractum et protendit corpore toto,  
Tantus amor dapis est, trahit istum tanta cupido:

- 65 Talis factus eram et talis, quoad finditur alta,  
Quae dat iter rupes scandentibus, ire studebam,  
Usque ad quam potui manibus prensare coronam.  
In quintum ut data porta fuit venientibus orbem,  
Hinc illinc vidi fusam lacrimasque cientem,
- 70 Impressam ora solo plebem. Haec vox omnibus una:  
*Haesi anima in terra*, singulibus interrupta  
Sic, ut vix possem fletum captare querelas.  
O animae electae, queis dant lenire dolores  
Justitia et spes juncta simul, sublimia montis
- 75 Unde sit adscensu nobis superare, docete!  
Huc si venistis, securus uterque jacendi,  
Et vos fert animus breviorum carpere callem.  
Dextra legat vobis extremas marginis oras.  
Prex fuerat vatis, paullo nos ante fuere
- 80 Reddita responsa haec. Quare verba ista locutum,  
Quid reliqui lateat, plane ignorare putavi:  
Atque hic luminibus quaesivi lumina nostri  
Et ducis et domini. Laetus tunc annuit ille,  
Ut desiderium explerem, quod in ore ferebam.
- 85 Libertas mihi cum patuit, fuit ardor adire  
Illum, quem voces prius effecere notandum.  
O cujus lacrimae id dant maturare, rogavi,  
Quo sine supremum patrem reperire potestas  
Non est, majorem me propter siste parumper
- 90 Curam. Quis fueris, narra, et cur dorsa feratis  
Conversa ad coelum, et si me impetrare rogando  
Illius inde loci quidquam tibi forte praeoptas,  
Unde huc vivus adhuc vero cum corpore veni.  
Isque mihi. Disces, cur ad se vertat Olympus,
- 95 Quod post nos gerimus, sed primum id scito, fuisse  
Me successorem Petri. Se immittit in agros  
Sestrim Claveriumque inter pulchram agmen aquarum,  
Atque sibi titulum mea gens a nomine ducit  
Hujus, quod titulis nostris est culminis instar.

- 100 Unus iter mensis consecerat, et nova luna  
Vix bene prodierat, cum sensi, quam gravet illum  
Pontificale decus, qui limi immune tueri  
Hoc studet, et prae isto quantumvis pondus habendum  
Pro pluma. Doleo, me poenituisse meorum
- 105 Serius, heu! morum. At simulac mihi contigit uti  
Munere Romani Pastoris, coepit inanis  
Vita patere mihi: didici non posse quiete  
Illic corda frui, non ultra tendere cursum  
Esse datum vestrae conclusis limite vitae;
- 110 Quare hujus me cepit amor. Hic terminus haesit,  
Huc usque infelix superis semota Deoque  
Haec anima erravit misere, rerum omnium avara;  
Nunc, ut et ipse vides, hic cogor pendere poenam.  
Hic quid avarities faciat, poena indicat illas
- 115 Expurgans animas, quas poenituisse dolendo  
Constat, nec totus tormentum atrocius isto  
Mons habet; et sicut non sese arrexerit in altum  
Nostra acies, defixa solo, sic numinis ira  
Justa hanc in terra mersit. Quo more bonorum
- 120 Auri dira fames cunctorum exstinxit amorem,  
Unde labor fusus frustra perit, hoc tenet aequus  
Iudex captivos plantasque manusque revinctos  
Nos hic; quamque diu fert regem justa libido,  
Tam nos immoti ac protensi stare jubemur.
- 125 Poplite constiteram flexo farique paratus;  
At simulac coepi, atque is tantum senserat aure  
A me hoc obsequium: Quae, inquit, te caussa volutum  
Affixit terrae? — Majestas vestra gradusque  
Supremus mentem, quae recti est conscia, morsu
- 130 Impulerant, dixi. — Crura erige, surgito, frater!  
Respondit. Ne erra, tecum conservus et ipse  
Sum mistusque aliis, quibus imperat una potestas,  
Matthaei si unquam sententia venit ad aures  
Sancta tuas: Quae nec nubent, ait, ipse videbis

- 135 Sat nitide, cur ista loquar. Modo perge, morantem  
 Non ego te ulterius patiar, me namque morando  
 Turbas fundentem lacrimas, quibus illa laboro  
 Ut mihi mutarem, quae ego te dixisse recorder.  
 Inde nepos est nata mihi. Huic ALAIA nomen,  
 140 Quae bona natura est, dum ipsam corrumpere vitent  
 Turpibus exemplis prognati sanguine nostro.  
 Haec mihi apud vestros post mortem est sola superstes.

## XX.

- Optanti melius curae male cura repugnat;  
 Nostra ideo ingratas huic gratificata voluptas  
 Spongiam aqua haud saturam extraxit. Sic inde recessi,  
 Incessuque meus ductor loca libera legit,  
 5 Usque oram stringens, angusta ut moenia obire est  
 Radendo pinnas; nam guttas turba refundens  
 Ora per atque oculos labis, quae distinct orbem  
 Totum, parte alia stratis nimis artubus exstat.  
 O antiqua, tibi male sit, lupa, quae acrius instas  
 10 Praedae, quam quaevis aliarum turba forarum,  
 Indomiti ob rabiem ventris sine fine profundam!  
 O coelum, cujus mutari turbine sortes  
 Hic dicunt, quando adveniet, quem propter abire  
 Haec properet? — Nos interea procedere lentis  
 15 Passibus ac parvis, et ego circumspicere umbras,  
 Quas lugere pie audieram atque effundere questus;  
 Et forte audivi clamari: *O alma Maris!*  
 Prae me cum gemitu multo, quo femina prolem  
 Enixura novam solet, atque haec insuper addi:  
 20 Tantum pauper eras, quantum esset discere in illo  
 Hospitio, divina tui posita est ubi sarcina ventris.  
 FABRICI o mens casta boni, vox altera dixit,  
 Tu paupertatem voluisti foedere junctam  
 Virtuti, potius quam turpi crimine habere

25 Divitias multas. — Sic mi placuere loquelae  
Istae, ut progrededer passu, ne nescius essem  
Illius, unde sonum vocis venisse putabam.

Ast ea praeterea celebrabat, fundere largam  
NICOLAI dextram teneris servasse pudorem  
30 Virginibus, vitam suadentis vivere honestam.

O quae tam pulchris sermonibus uteris, inquam,  
Dic mihi, quae fueris, dic, cur tu sola retexas  
Tam dignas laudes; neque enim fraudata manebis  
Mercede, haec fando, reduci si explere licebit  
35 Hujus mi breve iter vitae, quae ad funeris horam  
Praecipitans volat extremam. — Haec mihi talia contra:  
Non quod ego quidquam maneam solaminis inde,  
Dicam, at quod tanta donat te gratia luce,  
Ante extrema tibi quam vitam abscinderet aetas.

40 Radices male nata meo de stipite planta  
Traxit, Christiadam quae cunctis officit umbra  
Terris, ut raro laetum sit carpere fructum.  
At si quid Lilio Brugaeque ac caetera possent  
Oppida capta manu hostili, mox afforet ultor;  
45 Quod regem posco, qui cunctos judicat aequus.  
Nomen apud vestros HUGO CAPELOS habebam;  
Ex me sunt orti, qui regnare, PHILIPPI,  
Et qui nuper ALOYSI sub nomine regnant.  
Ipse Parisiaco lanio prognatus in auras

50 Luminis exivi, antiqui quo tempore reges  
Defluxere omnes, excepto qui induit artus  
Obscurum cineris panno referente colorem,  
Inque mea bene firma manu me frena tenentem  
Imperii vidi, ac tanta me mole potitum  
55 Partarum nuper rerum, et, quod praestat, amicis,  
Ut capiti nati viduatum principe sertum  
Impositum fuerit nostri, atque ex ossibus hujus  
Principium traxere suum istorum ossa sacrata.  
Sanguinis opprobrium donec non abstulit ingens

- 60 Dos Narbonensis nostri, minus ille valebat;  
Sed nec erat tamen ille nocens. Vi fraudeque praedam  
Inde est ille suam aggressus; dein, tristia facta  
Emendaturus, Pontes Normanaque cepit  
Oppida, quosque colunt peregrini Vascones agros.
- 65 CAROLUS Italiam irrupit nece CONRADINI  
Emendaturus, dein THOMAM ad astra reclusit,  
Emendaturus. Non multum tempus abesse  
Post istud video, cum emerget CAROLUS alter  
Ex Gallis, melius testatus seque suosque.
- 70 Absque armis exit solus, tela illa reportans,  
Queis depugnavit Judas, mucrone potitus,  
Quo Florentinae ventrem dirumperet urbi.  
Hic sibi non terram lucrabitur, at male factum,  
Et probrum: istud eo gravius, quo infamia damnis
- 75 Illi pensatur levior. Mihi cernere frontem  
Alerius videor, qui captus navibus exit,  
Deinde suam vendit natam pretiumque pacisci  
Non fugit, abductas quo praedo more puellas  
Mancipat. — O auri dira, execranda cupido,
- 80 Quid tibi jam restat conandum, ubi sanguine nostro  
Ad te traxisti genitos sic acriter actos,  
Ut jam nulla suae carnis sit cura tuendae?  
Utque minus male facta futuraque pensitet aetas,  
Lilium Anagninas video pervadere ad Arces
- 85 Inque illo, hic Christi qui munere fungitur, ipsum  
Comprenderi Christum, derisum rursus, acetum  
Et fel huic video renovatum, interque latrones  
Viventes hunc occisum. — Novus ecce Pilatus  
Tam ferus, ut nondum abscedat satiatius, et absque
- 90 Decreto desiderii jam carbasa in aedes  
Infert sacratas. O coeli aeterna potestas,  
Quando erit, ut detur laeto mihi cernere vultu  
Ultam justitiam, quae, quo est magis abdita, tanto  
Dulcius ulcisci reputat, quod pectore condit.

- 95 Quod mihi suadebat modo fari illa unica sponsa  
Flaminis aeterni, et quod te quaesisse rogantem  
Sensi, nunc pandam, detracta nube, videndum.  
Tam dudum nostris precibus conceditur uti  
Cunctis, quam dudum lucat; sed nocte cadente,  
100 Tum vice mutata vox huic contraria voci  
Usurpanda venit. Tunc PYGMALIONA citamus,  
Qui fuit, argenti stimulante cupidine et auri,  
Proditor et praedo et cognati caede cruentus.  
Et MIDAË avaritiem miseram, sua damna secutam  
105 Ingluviam ob diram, quae risus usque futura  
Materia est multis. Tum quisquis nomen ACHANI  
Insani memorat, furtim spolia ampla potiti,  
Ut quoque nunc contra videatur percitus ira  
JOSUE bacchari. Dein cum consorte SAPHIRA  
110 Arguitur. Canimus sub calcibus HELIODORUM  
Semianimum. Hunc totum circa POLYNASTORIS implet  
Opprobrium montem, per quem POLYDORUS ad umbras  
Descendit. Tandem compellant nomine CRASSUM:  
Dic nobis, quoniam meministi, quid sapit aurum?  
115 Elata interdum, pressa modo voce solemus  
Haec fari, ut stimulis hortatur quemque libido,  
Nunc celerare magis, nunc lentis passibus uti.  
Quare per lucem, mihi quae bene dicere fas est,  
Non usurpabam solus; verum haec loca propter  
120 Nemo alius fuerat, qui mallet tollere vocem.  
Nos hinc digressos ardor superare jubebat,  
Ut vires animusque dabant, iter. Hic mihi visus  
Intremere est totus, quadam ceu mole ruente,  
Mons, et diriguere gelu mihi pallida membra,  
125 Ut quem mors subeunda manet tortore trahente.  
Haud certe est tanto concussa tremore, priusquam  
Latonae nidum praeberet candida Delos,  
Ederet illa uno ut partu duo lumina coeli.  
Dein exaudiri sonus undique circumfusus



- 130 Tantus, ut accedens lateri sit talia fatus  
 Doctor: Me ductore tui, timor omnis abesto.  
*Gloria in excelsis*, cuncti una voce canentes  
 Concrepuere, *Deo!* quoad stans prope verba notavi.  
 At nos immoti suspensique ora tenere,
- 135 Sicut pastores cum primum perculit aures  
 Hic cantus, donec cantu tremor ille peracto  
 Destitit. Hic pariter nostrum nos rursus inimus  
 Sanctum iter atque solo fusas adspeximus umbras,  
 In fletus iterum versas. Inscitia nulla
- 140 Me tanto afflixit cupidum rem discere bello,  
 Ni memorans erro, quanto tunc sum mihi visus  
 Frangi volenti; duce quod properante rogare  
 Nequaquam ausus eram, nec per me noscere quibam.  
 Sic ibam timidus, mentisque exercitus aestu.

## XXI.

- Ingenerata sitis, nunquam satiata recedens,  
 Si fraudetur aqua, qualem Samaritis auebat  
 Hoc orans donum, me isthinc cruciabat, et illinc  
 Me festinandi studium stimulabat euntem,
- 5 Implicitum per iter ductorem pone secutum,  
 Et juste ultarum miserebat corde dolentem.  
 Atque ecce, ut Lucas redivivum fauce sepulcri  
 Egressum scribit sese ostendisse videndum,  
 Inque via sese comitem junxisse duobus
- 10 Discipulis Christum, post terga advenerat umbra,  
 Sub pedibus turbam stans contemplata jacentem;  
 Sed neuter sensit, quae sic prior ora resolvit:  
 Sic vos, dante Deo, faciat pax alma beatos,  
 O fratres! — Oculis subito respeximus ambo,
- 15 Inque vicem, ut decuit, vates hoc annuit illi.  
 Dein sic: Te ad pacem verax trahat aula supernam,  
 Quae procul exilio me tempus in omne relegat.

- Quae dixit: Cur ardor agit vos praepete passu,  
Umbræ cum sitis, quas dedignatus Olympus  
20 Urbe sua prohibet? Quis dux conscendere scalas  
Huc usque in coelum docuit? Cui talia doctor:  
Si tu, quas gerit iste, notas, quasque eximit ales  
De Superis, spectes, hunc arcessura videbis  
Regna parata bonis. Sed cum haud deduxerit illi  
25 Omne colo pensum, quae nec noctesque diesque,  
Quod Clotho imponit cuique et disponere curat,  
Hujus vita animae, mihi quam scis esse sororem  
Atque tibi, minus adscensu huc accedere quibat  
Sola, haud apta oculis umbrarum more tueri.  
30 Idcirco magnis excitus faucibus Orci  
Huc veni, jussus monstrare, quod ipse paratus  
Illi monstrabo, prout dat schola ducere nostra.  
At dic, si nosti, quianam paullo ante tremore  
Mons est concussus tanto, ut, quas alluit aequor,  
35 Usque ad radices hic voce immugiat una?  
Dux desiderii rimam, simul ista rogavit,  
Vestigasse mei sic est mihi visus, ut unda  
Facta minus defecta sitis contenta maneret  
Spe tantum. Is coepit: Nil, quod non postulet ordo,  
40 Sentit religio mentis, vel non ferat usus.  
Cuncta hic perpetuo novitatis nescia motu,  
Libera voluntur, nec quidquam accedere caussae  
Hic aliud possit, praeter quam magnus Olympus  
In se a se recipit. Quare non imber aquosus,  
45 Non grando, non nix, non ros, non cana pruina  
Plus fertur sursum, quam surgere scala det illa,  
Triplice quae est finita gradu: nec nubila densa  
Rarave, nec fulgur, nec picta coloribus Iris,  
Quae solita est vestro sedem mutare sub axe,  
50 Non siccus vapor ulterius, quam linea surgit  
De gradibus suprema tribus, quos ante loquebar,  
Cui vicibus fungens Petri super insidet ales.

- Inferius modicum aut valde fortasse tremiscit;  
At propter ventum, quem tellus ima rēcondit,  
55 Nescio quo pacto, hic nunquam tremefacta remugit  
Tellus. Hic tremor est, si quando aliqua eluit omnem  
Labem anima, atque sibi quando evasisse videtur  
Sic pura, ut surgat vel motu tendat in altum,  
Mugitumque istum clamoremque ipsa secundat.
- 60 Munditiae testis monet istud sola voluntas,  
Libertate fruens quae plena, quaerere certa  
Diversas sedes, animam occupat et juvat ipsam,  
Ut velit. Ante quidem haec vult; sed non exiit illam  
Mentem, quam justus judex huic induit aequae,
- 65 Ut delinquere, ita et fugienti haud pendere poenas.  
Sic mihi, qui jacui tanto moerore gravatus  
Plus quam quingentos annos, modo nata voluntas  
Libera persuasit melius conquirere limen.  
Hinc exauditus tremor est, animaeque piorum
- 70 Undique per montem justas expendere laudes  
Rerum illi domino, qui mox det scandere ad astra.  
Sic ait; et quoniam quanto plus unda sititur,  
Potanti tanto jucundius allevat aestum,  
Dicere nescirem, quantum hoc me juverit in re.
- 75 At doctor sophus: Hic rursus jam retia disco,  
Quae vos hic capiunt, quaque hinc elabier arte  
Mos est, unde tremor, quid congaudere soletis.  
Nunc te ne pigeat, qui sis, mihi dicere, quaque  
Causa isthic fueris jussus jacuisse tot annos,
- 80 Me tua verba tuum faciant. — Quo tempore mitis,  
Incipit ille, Titus, supremo rege juvante,  
Est ultus sacro manantes sanguine plagas,  
Quem pretio est pactus Judas, ego nomine clarus,  
Quod mage perdurat, majore et ditat honore,
- 85 Vixi illic, fidei sed nondum lumine claro.  
Sic mihi respondit vocalis spiritus aurae  
Dulce Tolosano, ut me Roma arcesserit, et mi

- Tempora promerito haud dubitarit cingere myrto.  
 Gens illinc STATIUM quoque nunc me nomine dicit:  
 90 Cantavi Thebas et magni pectus Achillis;  
 Verum iter ingressus, me mole premente secunda,  
 Succubui. Fuerunt ardori semina nostro  
 Scintillae urentes sacra mea pectora flamma,  
 Quae mille et plures lucē illustrasse ferenda est;  
 95 Dico opus Aeneidos, tenerae mihi matris ad instar  
 Quod fuit, et nutrix valde officiosa poetae;  
 Quo sine nil coepi, cui quidquam ponderis esset.  
 Et dum inter vestros potuissem vescier aura,  
 VIRGILIO cum vita fuit, non ipse recusem  
 100 Unum, ultra quam est par, solem producere poenam.  
 Verba sub ista meus convertit lumina vates  
 In me cum risu tacite dicente: Sileto!  
 At virtus, quae vult, non omnia posse putanda est.  
 Risus enim et fletus pulsantem corda secuti  
 105 Motum, ex quo quisque erumpit, minus ac minus illis  
 Sunt dociles, magis ingenue qui vera loquuntur.  
 Namque ego subrisi pariter, nictantis ad instar;  
 Quapropter subito vocem compescuit umbra,  
 Et mea respiciens quaesivit lumina, ubi alta  
 110 Cordis sensa magis lucent manifesta tuenti;  
 Atque inquit: Sic te tanto feliciter auso  
 Defunctum referas, tua cur sic ora notavit,  
 Qui nuper micuit, risus? — Nunc luctor utrimque:  
 Hic reticere jubet pars una, inde altera fari  
 115 Hortatur precibus. Tacite quem pectore duxi,  
 Sat dedit iudicii gemitus. Jam fare, magister.  
 Et ne formides, ait; at loquere, illaque dices,  
 Quae tam sollicita adjurans hic voce rogavit.  
 Quare ego: Tu fortasse vetus miraberis umbra,  
 120 Quem non continui, risum; at majora stupentem  
 Te reddam. Iste, meos oculos qui ducit in altum,  
 Iste est VIRGILIUS, quo tu ductore sonorus

- Carmine grandiloquo cecinisti hominesque Deosque.  
 Et si forte putas, me aliam praetexere causam  
 125 Risus, hanc mitte ut falsam, sed crede fuisse  
 Quae tu fatus eras de nostro magna poeta.  
 Jam se flectebat, plantam amplexurus utramque,  
 Ductorem ante meum; verum: Istud ne effice, frater!  
 Nam tu umbra es mecum, dixit, neuterque tenendus.  
 130 Ille inquit surgens: Nunc parcam dicere, quanto  
 Urar amore tui, qui nostrum oblitus inane,  
 Umbras tractabam, solido ut quae corpore constant.

## XXII.

- Jam post nos steterat coelestis nuncius ales  
 Angelus, ad sextum qui nos adverterat orbem,  
 Unius abradens ictus vestigia fronte;  
 Et qui justitiam esuriunt, dixere: *Beati*,  
 5 Ad nos voce sua et: *sitio*, non plura locuti.  
 Ast ego, plus quam alias per fauces, summa petebam  
 Jam levis usque adeo. ut dispendia nulla laboris  
 Passus, veloces sequerer sine corpore vates.  
 Tum sic VINCULUS: Virtutis tactus honesta  
 10 Flamma amor, alterius tangit praecordia semper,  
 Dummodo is hanc prodat. Sic, ex quo tempore sedes  
 Infernas subiit nostrum JUVENALIS in orbem,  
 Testatus crebro, qui te mihi junxit, amorem;  
 In te tale fuit studium mihi, tantaque cura,  
 15 Ut nulli ignoto quisquam devinctior esset,  
 Quam tibi deinde fui. Quare brevius mihi aequalae  
 Hujus erit spatium. Sed dic, et qualis amicus  
 Parce mihi, sedenti animo si frena remitto,  
 Jamque ut amicitia junctus mihi fare vicissim:  
 20 Quomodo avaritiae sedem tua corda dedere?  
 Inter doctrinae vim tantam, quanta redundat  
 Cura parta tua? STATIM verba ista parumper

- Risu excusserunt; deinde illi talia contra  
Is responsa dedit: Quae singula dicis, amoris  
25 Dulcia signa mihi reputo. Persaepe videntur  
Plurima, quae soleant dubitandi inducere falsas  
Caussas, cum verae lateant. Quae prima rogasti,  
Sat mihi declarant te errorem mentis in istum  
Venisse, ut credas me arsisse cupidine habendi,  
30 Dum mihi vita fuit; circum fortassis ob illum,  
Pronus ubi jacui. At discas volo, corde fuisse  
Disjunctum nimis a nostro, qui congerere aurum  
Hortatur furor. At ratio huic praepostera mille  
Punita est menses, et ni mea cura putasset.  
35 Quae tu in naturas hominum, quasi percitus ira,  
Clamasti: *Quid non mortalia pectora cogis,  
Auri sacra fames?* misero in certamine et ipse  
Versarer. Didici nimium me effundere posse  
Luxuriante manu. Tunc hujus et ante malorum  
40 Factorum me poenituit. Quot crine resurgent  
Tonso, quos hujus lugenda inscitia morbi  
Viventes, et ad usque extremae tempora vitae  
Emittet, cara expertes studioque dolendi?  
Et scito culpam, opposita quae fronte repellit  
45 Directe culpam, simul hic siccare virendi  
Virtutem huic. Quare si turbae immistus acervo  
Flentis avaritiam jacui, dum crimina vitae  
Abiuerim, evenit, quia res contraria poenis  
His me damnavit. — Verum cum tu arma canebas  
50 Impia, nequitia gemina bacchante Iocastae,  
Dixit, bucolico qui quondam carmine lusit,  
Ex his, quae tecum tangit tua Musa, videris  
Hic caruisse fide, sine qua benefacta sine ullo  
Pondere spreta cadunt. Si res haec vera patescit,  
55 Qui sol, quaeve facies tibi disjecere tenebras,  
Tempore ut ex illo dederis tua vela secunda  
Post piscatorem? *Statius* cui talia reddit:

Tu mihi Parnassi suasisti primus adire  
Speluncam, et fontis puros haurire liquores,  
60 Tuque Deum primus docuisti mente tueri,  
Illius officio functus, qui nocte vagatur,  
Qui fert pone facem, et se non juvat, attamen ipse  
Lumine sat doctos ducit sua terga sequentes.  
*Magnus ab integro, cum dixti, nascitur ordo*  
85 *Saeclorum, redeunt virgo et Saturnia regna,*  
*Jam nova progenies coelo demittitur alto.*

Te propter cecini, vates, te propter eundem  
Sum Christum amplexus. Verum ut manifestius ista  
Cernas, quae informo, aggrediar conferre colores.  
70 Vera fides, totum penitus quae impleverat orbem,  
Sparsa ministrorum studio, quos summa potestas  
Miserat, aeterni regni, et quae plurima fando  
Tu prior attigeras, jam consonuisse novellae  
Praeconum turbae vidi. Quare ilicet uti  
75 Illis cura fuit, quorum sic integra visa est  
Vita, ut, Christicolas calvo insectante Nerone,  
Illorum fletus pariter mihi flebilis esset.  
Hos ope, qua potui, dum mansit vita superstes,  
Juvi. Horum mores recti justique tenaces  
80 Suaserunt omnes alias mihi spernere sectas.  
At Thebana priusquam agerem prope flumina Grajos  
Cantando, ablutus sacrato a fonte redivi  
Clam populo celans cultum formidinae victus.  
Meque diu exterius simulavi de grege coeco  
85 Mendaces venerante Deos; atque ista tepentis  
Mollities animi me quartum cingere adegit  
Usque orbem cursu, plus quam per saecula quaterna.

Ergo qui tegmen, sub quo bona tanta latebant,  
Quae dico, primus dempsisti, dum via longa  
90 Scansuris nimium superest, dic: umbra TERENTI,  
CAECILII, PLAUTI, VARRI qua in parte moratur?  
Dic mihi, an aeternus, si scis, hos carcer in Orco

- Damnet, quive orbis teneat. — Tum doctor ad ista:  
Isti et ego pariter, nec non et PERSIUS una,  
95 Et plures alii cum GRAJO incedimus illo,  
Aonides quem prae reliquis lactasse feruntur.  
Nos saepe in primo tenebrosi carceris orbe  
Commemorare juvat montem, qui tempus in omne  
Nutrices nostras propria secum allicit umbra.  
100 Nobiscum EURIPIDES, nobiscum it lusor amorum  
TEIUS antiquus, CEUSQUE AGATHOQUE poetae,  
Atque alii, lauro queis vinxit Achaia frontem.  
Hic de gente tua ANTIGONEN est cernere, et una  
DEIPHILEM, atque ARGIAM, OEDIPODUMQUE, sororem  
105 ISMENEN tristem ut quondam. Spectabilis adstat,  
LANGIAE puras quae demonstraverat undas,  
Nataque TIRESIA, nec non NEREIS aquosa,  
Nec non DEIDAMIA choro stipata sororum.  
Jamque duo vates dederant finem ore loquendi,  
110 Intentis oculis simul omnia collustrantes,  
Scandendi immunes ac nullo pariete clausi.  
Quatuor at famulae, quae solis jussa capessunt,  
Restiterant, cum jam temonem quinta teneret.  
Altius assurgens ardentis lumine cornu,  
115 Cum ductor: Vertenda reor jam dextera terga  
Ad spondam extremam et circum orbem montis eundum,  
Ut mos est nobis. — Sic mos fuit indicis instar;  
Suspectumque minus nos juvit carpere callem,  
Assensum illa anima digni praebente poetae.  
120 Illi incedebant primi, quos pone sequebar  
Solutus; at illorum sermones aure bibebam,  
Qui mihi Apollinea ditabant pectora messe.  
At cito colloquium jucundum abruperat arbor  
In media comperta via, fragrantia odore  
125 Poma gerens suavi, bene nata. Atque abietis instar,  
Quae, quo plus tollit se, plus decrescere ramos  
Fert sibi, non secus haec quo plus pertingit ad ima;



- Ne quis conscendat, credo. Qua in parte negabat  
 Mons iter, ex alto vis multa cadebat aquarum  
 130 Lucentum scopulo, summas aspergine frondes  
 Adlambens. Plantae vates accessit uterque,  
 Et subito frondes inter sic insonuit vox  
 Clamans: Haec vobis venibit carius escal  
 Deinde inquit: Major stimulavit cura Mariam,  
 135 Ut magis atque magis splenderet coena marita  
 Integra, quam ut proprio serviret largius ori,  
 Quo jam pro vobis orat. Quasque edidit aevum  
 Priscum Romanas, sitis aestum flumine puro  
 Contentas explebant. DANIEL dum despicit escam,  
 140 Huic mentem largis ditat sapientia donis.  
 Non secus atque aurum prima aetas pulchra fuisse  
 Fertur, cum jejuna fames ex glande saporem  
 Ducebat gratum, et sitienti quilibet amnis  
 Nectar erat. Dederant BAPTISTAE alimenta locustae  
 145 Mellaque. Propterea hunc ornavit gloria tanta,  
 Ut nemo hoc major nostra sit origine natus,  
 Quod patet ex libris, qui Christi oracula tradunt.

## XXIII.

- Per viridem frondem dum lumina fixa tenebam,  
 Qualis qui volucrem vestigans corpore parvam  
 Insumit vitam, qui aderat, plus quam pater, inquit:  
 Fili, jam molire viam, nam tempora jussa  
 5 Aequum est partiri melius. Non segnior ora,  
 Atque pedem verti stringens utrumque poetam,  
 Sic fantem, ut properans dispendia nulla laboris  
 Sentirem. Ecce autem singultibus interruptum  
 Carmen: *Labra mea, o Domine!* atque hoc voce soneque,  
 10 Qui gratum simul et simul instillabat acerbum  
 Sensum. Care pater, coepi, quod venit ad aures,  
 Quidnam est? Isque mihi: Simulacra errantia circum,

- Forsitan ut solvant, quae se debere fatentur.  
Ut, qui haud expertes curarum per loca vadunt  
15 Extera, sunt soliti, haud nota adventante caterva,  
Qui, dum praetereunt, transversis quemque tuentur  
Luminibus, nec stant; sic ad nos ocus illa  
Adveniens abiensque animarum turba stupebat  
Haud hiscens habituque pia. His cava lumina tetra,  
20 Pallida erat facies, macie attenuataque tanta,  
Ut cutis a rigidis desumeret arida formam  
Ossibus. Haud credo tam extrema pelle minutum,  
Cum magis urgeret victus penuria egentem,  
Tabes ustum tanta traxisse ERESICHTHONA corpus.  
25 Tum mecum haec reputans: En, quae devicta recessit  
Gens, Solyma amissa, postquam sua viscera natum  
Dente Maria avido, esurie superante, petivit.  
Namque ubi erant oculis sedes, utrimque patebat  
Forma annellorum, quos gemma reliquit inanes.  
30 Utque hominum in vultu mutilata parte legendus  
Esset *omo*, media apparebat litterae imago  
Duodecimae. — Quisnam hoc credat, spirantis odorem  
Adspectum pomi, rabie dum torquet edendi,  
Labentemque undam (ignarus, quanam accidat arte)  
35 Hos dare ita affectus? Stabam defixus in isto  
Portento, quidnam in venis jejunia spargat  
Talia. Namque hujus tabis, tristisque latebat  
Squamae caussa mihi. En capitis quaedam umbra profunda  
Ex cavea in me oculos vertit, totumque pererrat.  
40 Dein voce inclamat: Quae te mihi gratia reddit?  
Nunquam istum exterius potuissem nosse tuendo;  
At voce id patuit, quod deletum ille ferebat.  
Hac face cognitio penitus mihi tota revixit  
Mutati adspectus, agnovique ora FORESIS.  
45 Parce, ah parce tuam dubitando obtundere mentem,  
Quod scabies pellis mihi turpat adusta colorem,  
Et mihi deficient artus; at vera fatere

- De te, dicebat. Da, quaeso, discere, quae sint  
Illae animae geminae, comitesque ducesque viarum :
- 50 Ne taceas. Tua mi facies expresserat olim,  
Pallida morte tua, lacrimas, modo fundere fletus  
Non minus hortatur; sic te dat torta videndum.  
Quare per Superos oro, quid dissecet artus  
Sic tibi, tu narra; ulterius neque coge profari
- 55 Attonitum, nam me male respondere paratum  
Efficiunt aliae curae, quae corde redundant.  
Isque mihi: Aeterna virtus ex mente cadenti  
Se insinuat lymphae et plantae post terga relictæ,  
Per quam sic tenuor. Quam cernis, tota caterva,
- 60 Quae canit illacrimans, quoniam sine more voraci  
Indulgere gulæ studuit venata saporis,  
Usta fame atque siti hic iterum fit tempore sancta.  
Dulcis odor pomi, simul et labentis aquai  
Splendor, qui rorat virides adspergine frondes,
- 65 Potandi ardorem rabiemque incendit edendi.  
Nec tantum semel emenso renovatur in orbe  
Poena; ego dicebam poenam, at foret ista vocanda  
Solamen nobis; nam nos trahit ista cupido  
Ad lignum, quo ductus erat, qui diceret *Eli*
- 70 Vultu alacri, Christus, cum prodiga vena cruoris  
Persolvit pretium atque hominum genus omne redemit.  
Huic ego tum dixi: Quo ex tempore vita, *FORESIS*,  
In melius conversa tua est, mundumque reliquit,  
Tempus ad usquē istud nondum sol quinque reduxit
- 75 Annos. At tibi si peccandi copia finem  
Ante habuit, fausti quam accesserit hora doloris,  
Quis dat posse Deum complecti rursus amicum?  
Quomodo tam subito potuisti adscendere ad istum  
Orbem? Nam rebar multo inferiora tenentem
- 80 Me te offensurum, atque ubi tempore tempora pensant.  
Isque mihi: Tam mox absynthia dulcia poenæ  
Potatum adduxit lacrimis mea *NELLA* profusis

- Absque modo, precibusque suis suspiria miscens  
Carcere me abstraxit, qui absumit tarda manentes  
85 Tempora, nec reliquos passa est me tangere flexus.  
Haec peramata mihi, nunc me viduata puella  
Tanto plus est cara Deo dilectaque, quanto  
Plus sola est, sanctos quae praeferat integra mores.  
Nam quae Sardois Barbajae in montibus exstant,  
90 Plus in femineo sexu sese esse pudicas  
Ostendunt, quam nunc Barbajae, ubi nostra relictæ est.  
Quid dicam, o dulcis frater? Procul hora futura  
Non est, cum ex cathedris templi interdicta tonabunt,  
Queis Florentinae perfrecta fronte puellæ  
95 Pectora cum mammis nuda ostentare vetentur.  
Quaenam Barbarico aut Pangæo in littore nata,  
Ut corpus tegetet, monitis cogenda minisque  
Censurae fuerit? Si oblita frena pudoris  
Certe compererint, quid velox cogitet ipsis  
100 Funesti coelum, jam ululatibus ora paterent.  
Quod si meris praesaga mihi haud hic falsa volutat,  
Tristities aegras absumet dira, priusquam  
Induat ora pilis, somnum a solamine cantus  
Qui capit in cunis. Sed nunc, oro, effice, frater,  
105 Ne me suspensum teneas; da discere, qui sis;  
Adspice, non modo ego, sed gens haec omnis in uno  
Defixa obtutu est, ubi solis lumina velas  
Unus. — Ego contra: Memori si mente putabis,  
Quis fueris mecum, quo tecum cognitus usu  
110 Ipse tibi fuerim, in praesens meminisse pigebit  
Nunc quoque. Me nuper victu deduxit ab illo,  
Qui me praecedat, cum vobis visa rotunda est  
Illius soror, atque altum digito indice solem  
Monstravi. Hic noctis per lurida regna profundae,  
115 Perque animas vera defunctas morte reduxit  
Corpore me hoc vero constantem, istumque secutum.  
Hic me consiliis scandentem hujusque meantem

Circum orbés montis, qui passu incedere recto  
 Vos docet insani male tortos turbine mundi,  
 120 Traxit, et is comitem spondet mihi se esse futurum,  
 Donec deveniam loca, ubi invenienda BEATRIX  
 Est mihi: et hic isto comite et doctore carendum est.  
 Atque is, qui mecum promissis utitur istis  
 Hic, est VIRGILIUS, libuitque ostendere turbae  
 125 VIRGILIUM; sed quae nos propter obambulat umbra,  
 Illa eadem est, per quam tremefacta remugit omnis  
 Regni hujus rupes, quae illam sua jussit habere.

## XXIV.

Nec pes sermonem, nec lentius ire jubebat  
 Sermo pedem; sed nos fantes properare vicissim,  
 Ut vento ratis acta bono. Et quae functa secunda  
 Morte videbantur simulacra carentia succo,  
 5 Per caveas cojusque oculi traxere stuporem,  
 Ut sensere, auras me ducere corpore vivo.  
 Atque ego sermonem insistens: Haec serius, inquam,  
 Forsitan alterius caussa conscendit Olympum.  
 At dic, si notum est, ubinam PICCARDA moratur?  
 10 Dic, num quem videam, quem dignum rere notatu?  
 Isque: Soror mea, quae sita erat pulchram inter et inter  
 Sanctam, ut nescirem, qua primum hanc laude notarem,  
 Laeta inter Superos serto jam cincta triumphat.  
 Talia voce prius reddit; dein: Nemo vetatur  
 15 Nomine quemque suo, quoniam jejunia vultus  
 Emuncti macie jam delevere figuram,  
 Signare. Hic (digitum et tendit) BONAJUNCTA vocatur  
 Luccensis. Sed quae reliquis magis arida pallet,  
 Illius est facies, cui sancta ecclesia quondam  
 20 Sponsa fuit, quique est retro: Fuit ille TUROMS,  
 Anguillas qui Volsinienses purgat in albo  
 Exstinctas vino; ventrem modo luget inanem.

Et multos alios ostendit, nomine quemque  
Appellans proprio, non dedignantibus illis,  
25 Sic ut me obscuro nemo signaverit actu.  
Vidi UBALDINUM PILENSEM dentibus aspris  
Incassum utentem, superante cupidine edendi;  
Et te, BONIFACI, quem multae examina gentis  
Narrabant pavisse pedo; et te, MARCHIO, vidi,  
30 Cui quondam urbs Livi spatium indulsisse bibendi  
Fauce minus sicca fertur, licet aridus esses  
Usque adeo, ut nunquam vino satiatu abires.  
Utque aliis qui alium praefert, sic nostra morata est  
Mens in LUCCENSI solo, quem nosse putabam  
35 Me melius; sed nescio, quid secum ille fremebat:  
Audieramque illic GENTUCAM, ubi vulnus inhaesit  
Ultoris, quod sic miseros depascitur artus.

O anima, huic dixi, quae tam studiosa videris  
Colloqui nostri, fac, quaeso, ut plenius aure  
40 Dicta tua accipiam, teque exple meque loquendo.  
Femina jam nata est, atque haec velamine nondum  
Utitur, ille infit, per quam tibi dulce manere  
Urbe erit in nostra, hanc plures utcunque reprecant.  
Perges id monitus: si, quem misi ore, susurrus  
45 Attulit errorem, id pariter te vera docebunt.  
Sed dic, num videam hic illum, qui carmina primum  
Intulerit nova, et altisono sic incipit ore:  
O, quae, quid sit amor, sentitis mente, puellae.

Ille ego sum, dixi, qui, quod vis spirat amoris,  
50 Signo, et quo ille modo sensus in pectore dictat,  
Saepius hoc scribo. O frater, nunc cernere nodum  
Fas est, qui scribam, GUITTONEM, meque repressit.  
Nunc didici, cur vos dictantem pone secuti,  
Stringitis hunc vestris pennis, nec contigit unquam  
55 Ausis id nostris. Et qui mage finibus illis  
Prosilit, ut placeat, quam longe differat unus  
Atque alius stylus, ille minus vidisse putatur.

- Haec quasi contentus factoque hic fine quievit  
Ut genus alituum propter Nili ora sonantis  
60 Hibernans, sese interdum simul agmine stipat,  
Deinde magis propere nubes longo ordine tranat:  
Sic, quae gens aderat, verso properantius ibat  
In me ore, ob maciem studiumque levissima cursu.  
Utque vir a multo succussu lassus, abire  
65 Fert patiens comites, jam lentis passibus usus,  
Donec se effundat pectus quatientis anhelum  
Vis follis: sic est passus transire FORESES  
Sanctum agmen; verum ille retro post terga secutus:  
Quando erit, ut rursus mecum tua sensa loquentem  
70 Te videam, ajebat? — Scitanti ego talia contra:  
Quid mihi adhuc superet vitae, haud est scire potestas;  
Sed mihi tam cito non fuerit loca in ista reverti,  
Quin prius ad ripas me adducat justa cupido.  
Nam magis inque dies, quam sum sortitus habendam  
75 Pro patria, tellus se quavis dote bonorum  
Nudat, et excidium sibi triste parare videtur.  
Nunc i, respondit; namque ausum plura nefanda,  
Et magis infamem mihi cauda est cernere equina  
Raptatum ad valles, ubi non est copia culpa  
80 Unquam delendae; nam quo plus bellua passus  
Ingeminat, tanto velocius incita fertur,  
Donec eum caedit corpusque exsanguie relinquit  
Disruptum foede. Non multis orbibus illa  
Volventur (vultumque oculosque ad sidera vertit),  
85 Cum manifesta tibi venient, quae plurima fari  
Nunc vetor. At maneat; nam magno hic tempora constant,  
Quaec nimis insumo, dum sic simul ire cupido est.  
Qualis eques socios equitantes praepete cursu  
Praevertit, primumque petit, stimulo actus honoris,  
90 Certamen: talis multo majoribus ille  
Saltibus excessit. Sic inter utrumque poetam,  
Quos tota eximios suspexit terra magistros,

- Jam super unus eram. Ast ubi nostra evaserat ante  
Ora ita, ut hunc oculi possent captare sequaces,  
95 Ut mens verba prius, gravidos cum cernere visus  
Alterius pomi ramos, plenosque vigoris  
Quae non longe aberat, nam tunc modo temporis illuc  
Lumina transtuleram. Prospexi utrasque sub ipsa  
Tollentem palmas populum, cupido ore frementem  
100 Nescio quid frondes adversus, more modoque  
Infantum desiderio luctantium inani,  
Qui rogitant, et queis non dat responsa rogatus,  
Quoque magis stimulis inhiantes pungat acutis,  
Alte suspensum certat retinere, quod optant,  
105 Nec tamen abscondit. Dein tota caterva recessit,  
Ut quae falsa animi est; et nos devenimus illam  
Sub plantam, quae tot lacrimasque precesque refutat.  
Ferte gradum ulterius, neve isti accedite plantae;  
Lignum est hinc supra, quod dentibus Eva momordit,  
110 Haec illa sata planta fuit. Sic nescio, quiddam  
Insonuit frondes inter. Quare agmine juncto  
VIRGILIUS STATIUSQUE et ego discessimus inde,  
Radentes latus ad coelum se vertice tollens.  
Volvite quisque animo devotae robora pubis  
15 Prognatae nebula, quae vino expleta epulisque  
Pectoribus geminis, dicebat, THESEA duro  
Bello oppugnarunt; et Judae sanguine cretos  
Tam molle ad potum fassos se pectus habere,  
Quare istis GEDEON non est comitantibus usus,  
120 Collibus ex Midian cum se coniecit in hostes.  
Sic praetergressi ex geminis nos legimus unam  
Oram, et multa gulae venerunt crimina ad aures,  
Queis miserum accessit lucrum. Dein calle potiti  
Et lato et solo nos plus quam mille vagati  
125 Passus defixis animis contendimus ultra  
Muti omnes. — Quid vos curarum, o pectora trina,  
Sic versat? subito necopinus venit ad aures



- Hic sonitus. Quare, ceu bellua territa et excors,  
Excitior tolloque caput, cum cernere averem  
130 Haec fantem; et nunquam vidi igne rubescere tanto  
Seu liquidum vitrum, sive in fornacibus aera,  
Ut quendam adspexi dicentem: Scandite in altum,  
Si vos fert animus, nam opus est huc flectere gressum;  
Hac iter est illis, qui exoptant pace potiri.  
135 Illius adspectus mihi ademit lumina visus;  
Quare doctores respexi, ut qui pede vocem  
Demonstrantis iter sequitur; qualisque, propinqui  
Nuncia Luciferi, sub Maji tempora spirans  
Tota halat praegnans herbis et floribus aura;  
140 Tali percussam venti mihi flamine frontem  
In medio sensi, et jactatae verbere plumae,  
Quae simul ambrosiae jucundum afflavit odorem;  
Atque hausi has voces: O terque quaterque beati,  
Gratia queis tantum dat luminis, ut malus ardor  
145 Suavia captandi, haud nimia hos fuligine laedat,  
Esuriem justo semper moderamine passos.

## XXV.

- Hora minus patiens depygem tendere in altum  
Adscensu, instabat; medii namque orbe diei  
Confecto, hunc Tauro atque Nepae sol cesserat umbras.  
Quare ceu vir, qui indocilis consistere cursum  
5 Insistit, quaecumque sibi res obvia fiat,  
Si quid eum stimulo pungat; sic ostium inimus,  
Prendimus et scalam praeceuntis terga premendo;  
Nam nimis arcta vetat pariter conscendere binos.  
Qualis, ubi pastum est egressa ciconia, pullus  
10 Alas attollit, studio stimulante volandi,  
Linquere sed nidum haud ausus, dimittit utrasque:  
Talis ego accensam simul extinctamque rogandi  
Gestabam curam, quae nutum erumpit in illum,

- Quem primum prodit, qui nititur ore profari.  
15 At quamquam celeri peteret scalae ardua passu,  
Haud pater ille meus dulcis cessavit et inquit:  
Solve arcum fandi, adductum curvamine ad usque  
Ferreum utrimque caput. Tunc tuto labra resolvens  
Coepi: Qui possit quisquam macrescere, ubi esca  
20 Membra alere haud opus est? — Memori si mente volutas,  
Ut quondam Aenides, consumpto stipite, et ipse  
Consumptus fuerit, non te sic acriter, inquit,  
Haec res afficeret. Tum si tecum ipse putabis,  
Ut motum ad vestrum motu respondet eodem  
25 Vestra quoque in speculo effigies, tibi molle videbis,  
Quod visum est durum. Sed si fert ista cupido  
Hac magis inspecta penitus requiescere caussa,  
Ecce tibi STATIUS, quem posco voce precorque,  
Sanabit plagas. — Si te praesente resolvo  
30 Huic nodum, aeterni quem nectit iudicis ira,  
Respondit STATIUS, fassus me posse negare  
Nil tibi, deprecamur veniam. Dein talibus inquit:  
Si quae verba loquor, fili, tu mente volutas  
Ac recipis, caussam quaerenti lumina praebent.  
35 Sanguis perfectus, bibulae quem haurire recusant  
Venaë, quique manet, patinis velut esca remotis,  
Imo in corde sibi vim sumit, quae omnia membra  
Humana informat, ceu qui se effundit inanes  
Sanguis per venas, ut sese vertat in illa.  
40 Dein digestus abit, quo non est dicere honeste,  
Atque hic deinde gemit, se alieno sanguine miscens,  
In vas injectus, natura quod indidit ante.  
Atque ibi sanguis uterque coit, facere iste paratus,  
Iste pati, loca sortitus perfecta receptus,  
45 Unde simul premitur. Sic junctus viribus uti  
Incipit, in primis se cogens, idque vigore  
Firmat, cui propria dederat coalescere primum  
Materia, atque anima evadit, quae proditur actu

- Virtus, qualis inest plantae, nisi planta teneret  
50 Jam ripam, illa novos properaret tangere portus.  
Dein sic intus agit, motus ut jam explicet, et jam  
Expediat sensum, ceu spongia in aequore vivax.  
Atque hic aggreditur componere disposituras,  
Quas poscunt tali prognatae semine vires.  
55 Se modo dilatat, modo flectit vivida virtus,  
O fili, ipsius manans ex corde genentis,  
Ars ubi naturae cunctos se intendit in artus.  
At qua qui est animans, mox fiat farier aptus,  
Nondum cognoscis. Tantis est septa tenebris  
60 Haec via, ut a vero jam longe abduxerit illum,  
Qui tibi doctrina mente et praestabat acuta;  
Namque anima docuit sejunctam adsistere mentem,  
In qua consilium est, quia nullam in corpore sedem  
Huic uni propriam vidit. Nunc pectore aperto  
65 Fac verum accipias, quod prodo in luminis oras.  
Nam simulac foetus coepit gaudere cerebro  
Perfecto, hunc primus laetanti suspicit ore,  
Artis opus tantae motor miratus, et aurae  
Ipse novum flamen spirat virtute repletum,  
70 Quod, quidquid vires valet exercere per artus,  
Attrahit in sese, ac totum sibi jungit in unum.  
Hinc simplex anima exsurgit, quae praedita vita,  
Et sensu pollens, in se sese ipsa reflectit.  
Quoque minus tecum me sic mirere locutum,  
75 Adspice, ut in vinum mutetur, sole colorem  
Praebente, huic junctus, qui manat vitibus, humor.  
Et simulac Lachesis devolvit vellera fuso,  
Carnis se solvit vinclis, et quidquid habebat  
Immortalis et humani, virtute sua stans  
80 Fert secum: ex reliquis quaecumque est muta facultas  
Insita, qua meminisse valet, qua judicat et vult,  
Acrior evadit, quam si esset corpore vincta.  
Nec mora; praecipitans, mirum! per se incidit orae

- Alterutri. Hic primum cognoscit trita viarum,  
85 Quas tenuit quondam, simulatque in sedibus illis  
Circumscripta fuit, talisque et quanta per artus  
Serpebat vivos virtus formare parata,  
Praeradiat circum. Ac veluti praenubilus aër  
Alterius radiis, quos ipse repercutit, ictus,  
90 Ostendit varios adverso sole colores:  
Sic prope qui aër adest, formam sibi sumit eandem,  
Quam sedes sortita suas anima imprimit illi  
Vi propria, ut stetit. Ac veluti ignis consequa flamma  
Forma novella animum sequitur, quocumque vagatur.  
95 Et quoniam ex illa trahit informata figuram,  
Umbra solet dici. Atque hinc, queis erat ante potita,  
Disponit sensus omnes ad lumina visus.  
Hinc vox elicitur, lacrimae, suspiria, risus,  
Quaeque audire fuit montis tibi septa petenti.  
100 Ut desiderio tabescit quisque, vel illa  
Aut alia cura, vultum sic induit umbra;  
Atque haec est, tantum quae affert tibi caussa stuporis.  
Jamque ubi torquendos postremus distinet orbis,  
Ventum erat. Ad dextram nos versi intendere mentem  
105 In curas alias. Hic ejaculata favillas  
It ripa in flammis, statumque extrema corona  
Altius exspirans, procul a se tela repellit  
Ignis et amandat. Quare singlariter uni  
Cuique legenda fuit reclusi marginis ora.  
110 At mihi utrimque metus: A flamma hinc, inde propinquo  
A lapsu. — Hic opus est oculos compescere duro  
Freno, dux inquit; nam te res tantula posset  
Trudere in errorem. Medio vastissimi in aestu  
Incendit audiui carmen, quo summa parentis  
115 Poscitur aeterni clementia, ut impetus ingens  
Me minus efficeret metuentem vertere visum.  
Adspexique animas illic flammam inter euntes,  
Quare illas passusque meos speculatus. utramque

Alternis aciem nunc huc, nunc dividere illuc  
120 Curabam. — Ast hymni jam tota lege peracta,  
Vox effata *Virum non cognosco* impulit aures;  
Deinde hymni numeros iterum absolvere remisit,  
Cujus sub finem clamavit tota caterva:  
Phoebe iniit cursu silvas, Helicenque removit,  
125 Quae virus passa est Veneris. Dein corpore castos  
Clamavere viros matresque, ut jura marita  
Poscunt. Idque sat esse illis puto tempus in omne,  
Quo flamma uruntur: curam hanc, haec pabula poscit  
Vulnus, ut huic tandem claudantur hiantia labra.

## XXVI.

Alter post unum dum sic per marginis oram  
Ibamus, caveas, mihi dulcis saepe magister  
Dicebat; studiosa juvet te cura monentis.  
Sol mihi dextrum humerum feriebat lumine et omnem  
5 Occasum clarans mutabat coerula coeli  
Candidus; et mage candentes ego corporis umbra  
Fingebam flammis; atque hic quoque millia vidi  
Umbrarum, indicium tantum quae mente notabant.  
Atque haec caussa fuit, cur coepit quisque rogare,  
10 Quis sim, atque alternis: Non iste est, dicere, corpus  
Fictum. Dein propius, prout est data copia, versi,  
Usque magis certam sunt rem cognoscere adorti,  
Deseruisse locum veriti, quem possidet ignis.  
O tu, qui extremus, non quod pigra membra retardant,  
15 Incedis, sed quod te fors reverentia vincit,  
Da mihi responsum flammisque sitique perusto,  
Nec mihi duntaxat; namque id sitit ista caterva,  
Plus quam Indi, Aethiopesque argenti munera rivi.  
Dic nobis, quae caussa subest, cur parietis instar  
20 Solem defendis, veluti si in retia mortis  
Nondum etiam intrasses? — Quaedam sic umbra locuta est;

Et dicturus eram, quis sim, nisi visa repente  
Res alia ac necopina sua novitate stupentem  
Me defixisset. Medio nam in calle vomente

- 25 Flammas, huic genti gens obvia fronte ruebat,  
Quae me suspensum tenuit. Video undique quamque  
Umbram ibi festine venienti occurrere et unam-  
Quamque sibi alternis partirier oscula raptim,  
Nec remanere, brevi contentam pignore amoris.  
30 Non aliter nigrum in campis formica per agmen  
Os ori alterius jungit, cum forte cupido  
Fert iter et casus comitum novisse suarum.

- Et simulac visum est congressum solvere amicum,  
Ante prior passus quam illac transmittat euntes,  
35 Singula quaeque novam per se superare laborat  
Gentem, clamando elate Sodomam atque Gomorram;  
Et nova gens contra clamabat pectore toto:  
Pasiphaë vaccam ingressa est, ut taurus in iram  
Lascivae irrueret. Dein pennis alta secantum  
40 More gruum, dum pars montes petit una Rhiphaeos,  
Altera arenosas terras, ea frigus, et ista  
Effugiens solem; pergit gens altera, adestque  
Altera; deinde iterum in lacrimas cantusque priores  
Ibat clamoresque, prout plus quamque decebat.  
45 Deinde mihi accessere iterum, velut ante, rogantes  
Quae prius adstiterant, intentaeque ora tenebant.

- Tum qui bis vidi studium, quod gratius esset,  
Sic coepi: O animae segura pace potiri,  
Adveniente die, certae; nec acerba, nec aevo  
50 Plena remanserunt illic mea membra, sed ipse  
Mecum haec portavi cum sanguine et ossibus isthuc.  
Hinc ego conscendo, ne coecus me implicet error  
Praeterea. Mulier superis in sedibus adstat,  
Hanc mihi quae exorat veniam, et mortale per orbem  
55 Ipse fero vestrum. Sed major vestra cupido  
Sic fiat saturata cito, ut domus hospita coelum

- Sit vobis, ubi abundat amor, multoque patescit  
Amplius huic spatium, qui sitis, dicite, ut ultra  
Progrediar scriptis; et quanam est illa caterva,  
60 Quae sic post vestrum fertur pede praepete tergum?  
Non aliter montanus homo stupet inscius ore  
Turbato mutusque haeret spectaculo, ubi urbem  
Et rudis et ferus ingreditur, quam quaelibet umbra  
Portento excussa est. Sed postquam exempta stuporis  
65 Sarcina, qui subito generoso in corde virorum  
Intepet: O te, inquit, felicem, quae umbra rogarat  
Me prior, ex nostro quae exportas littore vitae  
Notitiam, ut vivas melius. Vestigia nostra  
Quae gens non sequitur, malefacto offendit in illo,  
70 Per quod se audit vixisse a plebe vocari  
Caesar, in opprobrium, curru victore triumphans.  
Quare clamantes Sodomam dant terga citato  
Cursu, quodque audire fuit, sibi quisque fatendo  
Exprobrat, atque rubore suo flammam adjuvat ignis.  
75 Semina sunt labis nostrae ex capite Hermaphroditi  
Orta; ast humanae quod nos praepostera legi  
Praetulimus, nostrum sectantes more ferino  
Ingenium, legitur nobis abeuntibus in nos  
Illius nomen, quo infamia nostra notatur,  
80 Bellua quae inventa est referentibus ora iuvencae  
In textis. — Nunc scis, quae nobis acta fuerunt,  
Et quae noxa egit fontes. Si forte requiras,  
Qui simus, nomenque simul cujusque reposcis,  
Non vacat id fari, nec scire. Ast ista cupido  
85 Per me manca tibi fiet. Nam nomine GUDUS  
GUINICELLUS ego dicor, jamque abluo sordes,  
Quod prius indolui, potius quam extrema manerem.  
Quales, tristitia orbatam exagitante Lycurgum,  
Prosiluere duo visa genetrice gemelli:  
90 Talis ego, at tantum non ausim, nomine nostri  
Auditio patris et reliquorum, quos tulit aetas

- Eximios vates, qui dulci carmine amores  
 Tam culti cecinere suos. Ego mutus, et absque  
 Auditus sensu steteram defixus in isto  
 95 Uno haesique diu pendens, nec, cautus ab igne,  
 Accessi propius. Postquam saturata videndo  
 Nostra acies fuerat, quae vellet, cuncta spopondi  
 Haec me facturum, confirmans plurima verbis,  
 Cuique animo factura fidem. — At sic incipit ille:  
 100 Ut didici auditu, post te vestigia linquis  
 Talia et usque adeo clara, ut nec flumina Lethes  
 Haec abolere queant, aut offuscare nigrore.  
 At tua si verum iuravit fida loquela,  
 Dic mihi, cur tua dicta oculique et gestus amorem  
 105 In me praeportant tantum? — Huic ego talia contra:  
 Dulcia, quae quondam cecinisti, carmina, quaeque  
 Tam sunt duratura diu, quam lege recenti  
 Musa diu utetur, pretiosa et cara futuris  
 Scripta tua efficient. O frater, quem tibi monstro,  
 110 (Et digito prae se stantem mi ostenderat umbram)  
 Maternae fuit hic linguae faber optimus, inquit.  
 Praestitit hic cunctis, teneros seu lusit amores,  
 Tradidit aut scriptis romantica lege solutis;  
 Et sine sponte loqui stultos, qui anteire putarunt  
 115 LEMOVICANUM. Mos est his tollere vultum  
 Plus ad rumorem, quam mente expendere verum;  
 Sic prius obfirmant animum, quam audire laborent,  
 Quid ratio quidve ars poscant. Sic multa vetusto  
 Ex aevo stupuit GUITTONEM turba, secuta  
 120 Vulgata, inque diem crescentia murmura famae,  
 Illum laudando; verum certamine in isto  
 Plures de nostris illum ostendere minorem.  
 Quod si tanta patet privo tibi gratia, ut intres  
 Claustrum, ubi Christus adest collegi maximus abbas,  
 125 Dic *Pater*, huic, *noster* pro me, quoad indiget usus  
 Pro nobis mundo hoc in nostro, qui abstulit omne



- Peccandi arbitrium nobis. Dein, forte daturus  
 Ipse locum adstanti, per flammæ incendia fugit,  
 Assimilis pisci per aquas fundi ima petenti.
- 130 Paulum ego monstrato accessi, me discere aventem  
 Illius nomen testatus corde parasse  
 Huic gratam in nostro sedem. — Tunc liber ita inquit:  
 Tam mihi dulce venit, quod comi voce rogasti,  
 Ut neque ego possim, nec sit celare voluntas,
- 135 Quod petis. ARNALDUS dicor, qui ploro modisque  
 Cantito flebilibus, simulatque ego mente recorder,  
 Quo me praeteritae duxit dementia vitae.  
 Jamque dies mihi tam sperata videtur adesse.  
 Nunc per virtutem te oro, quae scandere scalas
- 140 Dat tibi supremas, ut fausto tempore nostri  
 Sis memor angoris. Dein purum se abdit in ignem.

## XXVII.

- Ut cum prima vibrat radiorum spicula in urbem,  
 Auctor ubi suus effudit cum sanguine vitam,  
 Altius invectum sub Librae sidus Ibero  
 Labente, atque horam sub sextam rursus adustis
- 5 Undis in Gangem: haud aliter sol stabat eratque  
 Ultima pars lucis, laeto cum se obtulit ore  
 Angelus. Extra ignis flammæ ripam ipse tenebat,  
 Et majore sono, quam hominis vox viva tulisset,  
 Cantabat: *Mundo qui incedunt corde, beatos!*
- 10 Exinde: O animæ sanctæ, nisi mordeat aestu  
 Flamma prius, non est ultra contendere gressu;  
 Intrate hanc, nec sint aures ad carmina surdae  
 Inde emissa loci. — Sic cum prope venimus, inquit;  
 Quare, his auditis, tali sub imagine factus
- 15 Restiteram, quale est post funera corpus humanum.  
 Et stratus digitis intra se pectine junctis,  
 Inspeci ardores, revocans, quæ corpora quondam

Viva hominum vidi flamma crepitante cremari.

Ductores versi me respexere benigne,

20 VIRGILIUSQUE INQUIT: Dolor hic fortasse subesse,

O fili, queat, at non qui det corpora leto.

Id memora, id memora. Et si te salvum ipse reduxi

GERYONI impositum, quis pro te viribus utar,

Jam propiore Deo? Maneat tibi mente reposita

25 Haec non vana fides, medio si tu ignis in alvo

Mille annos jaceas, hunc non tibi posse capillum

Depraedari ullum. Quod si tu forte putabis

Me dare verba tibi, mox te objice, et ipsa periculum

Dextera veste tua faciat. Jam pone timorem,

30 Atque metus omnes; ades huc, accedito tutus.

Ast ego et obfirmare animum atque insistere contra

Mentis consilium auctori parere jubentis.

Ut me proposito haerentem atque obsistere certum

Vidit, turbatus paulum: Nunc adspice, fili;

35 Teque BEATRICEMQUE inter jam ponitur, inquit,

Hic paries. Veluti clausurus lumina morte,

Ad nomen Thisbes ea sustulit oraue amantis

Pyramus extremum adspexit, cum mora cruentas

Induerant maculas: sic, quae mihi pectora primum

40 Duruerant, mihi tum subito mitescere sensi;

Nomine et audito, quod mi usque renascitur intus,

Quaesivi cupide sapientem corde magistrum.

Ille caput quassans: Quid nobis? Ergone standum

Hic erit? Et post haec risit, quod saepe puello

45 Fit balbo, pomi qui victus imagine cedit.

Inque ignes medios prae me se immisit et ipsum

Oravit STATIUM, legeret vestigia retro,

Qui primum longo se abduxerat intervallo.

Ut flammam intravi, me saltu in stagna dedissem

50 Ferventis vitri, ut mihi membra perusta levarem;

Usque adeo sine more atrox ea flamma furebat.

At pater ille mihi dulcis lenire dolorem

- Solando cupiens, vario sermone serebat  
Multa BEATRICEM memorans, sic ore locutus:  
55 Hujus jam videor faciem mihi cernere. — Nobis  
Pro duce vox aderat, quae ultra nos missa canebat.  
Nos huic intenti partem devenimus illam,  
Unde erat adscensus. *Patris o dilecta, venite,  
Pectora fida mei, vox ex ardente micantis*  
60 Luminis insonuit centro, quod luce replebat  
Tanta illas oras, acies ut nostra requirat  
Illum victa pati, nec erat spectare potestas.  
Sol abit, ajebat, veniuntque crepuscula noctis;  
Ne state, at passus cursu celerate citato,  
65 Donec vesper adhuc minus atras induit umbras.  
Recte adscendebat per saxi concava callis,  
Tramite sic vergens, ut jam mihi lumina solis  
Prae me interciperem, quae languida facta cadebant;  
Atque gradus paucos fuerat superare facultas,  
70 Cum solis cubitum ex illa, quae evanuit, umbra  
Sensimus a tergo. Atque prius quam, qui patet ingens  
Orbis finitor, per cunctas undique partes  
Unam vestiret formam, et sua cuncta teneret  
Nox sibi, quisque gradum pro lecto presserat unum.  
75 Sic dantes ultra nobis contendere vires,  
Plus quam solamen, montis natura refregit.  
Ut grex caprarum, qui praeceps atque protervus  
Per saxa impastus, per culmina summa ruebat,  
Fit mansus folia, atque esas dum ruminat herbas,  
80 Quem prope pastoris custodia fida bacillo  
Stat nixa, inque illis tota est; et more modoque  
Upilionis oves juxta dare membra quieti  
Sub dio soliti, qui longas ducere noctes  
Sustinet evigilans, fera ne disperdat ovile:  
85 Tales tunc pariter fuimus nos copia triplex,  
Instar ego caprae, similes pastoribus illi,  
Praecincti hinc atque inde specu. Hic extraria coeli

- Se dare lustranti poterat pars parva videndam:  
 At parva ex illa spectabam sidera parte  
 90 Clara magis solito, majore ac praedita forma.  
 Haec ego dum miror mecumque haec mente voluto,  
 Me cepit somnus, somnus res saepe novellas  
 Ante diem discens. — Quo primum tempore, credo,  
 Ortum praecurrens montem radiaverit illum  
 95 Clara Venus, flammis praeportans semper amoris,  
 Mi praestans mulier forma integraque juventa  
 Visa est sopito per campos ire patentes,  
 Decerpens flores haec ore locuta canoro:  
 Nomine quo dicar, si quis fortasse requirat,  
 100 Me sciat esse LEAM et manibus non parcere pulchris  
 Errantem circum, ut serto mea tempora cingam.  
 Dum speculo referente meam mirata figuram  
 Ipsa isti placeam, hic me ornatus cura moratur;  
 At germana mihi nullo usquam tempore RACHEL  
 105 Fixa suo speculo declinat lumina, et haeret  
 Sede dies totos. Cupit haec sua lumina pulchra  
 Adspicere, ut me sollicitam fert cura parandi  
 Ornamenta manu. Huic speculandi, mi ardor agendi.  
 Et jam per lumen subfuscum, signa diei  
 110 Praeportans, tanto peregrinis gratius omen,  
 Quanto illos brevior patrias via ducet ad oras,  
 Undique depulsa fugiebant nocte tenebrae,  
 Atque simul somnus. Quare tunc membra levavi,  
 Et magnos vidi consurrexisse magistros.  
 115 Dulce illud pomum, per tot quod quaerere ramos  
 Ingenti certant mortalia pectora cura,  
 Omnem hodie esuriem plena tibi pace domabit.  
 Talia Minciades; et nunquam tanta fuere  
 Munera strenarum, quae sic mihi grata venirent.  
 120 Visque voluntati tanta est super addita summum  
 Scandere suadenti montem, ut, quocumque moverem  
 Passus, sentirem pedibus succrescere pennas.

- Postquam suppositae percurrimus ardua scalae,  
Supremumque gradum attigimus, sua lumina fixit  
125 In me VIRGILIUS fuditque has pectore voces:  
Arsura aeternum atque habitura incendia finem  
Vidisti, o fili, atque aditum loca in illa tulisti,  
In quibus haud licet ulterius mihi cernere quidquam.  
Huc usque ingenio te traxi fretus et arte;  
130 Nunc tibi pro duce sit, sit pro ductore voluptas;  
Ardua vicisti, vicisti obscura viarum.  
Cerne illic solem in media tibi fronte micantem,  
Graminaque et flores, frondosasque adspice plantas,  
Quas fert sponte sua nullo terra ista colente.  
135 Dum pulchro advenient oculi fulgore nitentes  
Laetifici, ob lacrimas quorum te jussus adivi,  
Jam cessare potes, perque illa vireta vagari;  
Nec mea tu dicta ulterius nutusque manebis.  
Incolumi arbitrio, recta sanaque potitus  
140 Libertate, vales, gravis et te falleret error,  
Si te ex arbitrio prohiberet ducere vitam;  
Nam tete supra cingo sertoque mitraque.

## XXVIII.

- Jam cupidus lustrare intus circaque recessus  
Divini nemoris densos vivosque, novelli  
Frangentes oculis fulgentia tela diei;  
Haud mora, deserui ripam, campumque patentem  
5 Exiguo ingressus passu, per lene ferebar  
Lente iter ambrosios expirans undique odores.  
Dulce strepens, ulla mutari nescia caussa,  
Aura mihi frontem majore haud flaminis ictu  
Tangebatur, quam si afflaret vis blanda Favoni;  
10 Quam propter tremulae ac dociles levitate secunda,  
Quotquot erant, parili nutabant ordine frondes,

- In partem versae, quam contra projicit umbram  
Mons sanctus primam; haud tamen hae vertigine sparsae  
Sic, ut desinerent fastigia summa tenentes
- 15 Arte sua volucres uti, solitosque ciere  
Cantus; quae pleno fundentes gaudia corde,  
Excipere omnigenis certabant cantibus horas  
Primas sub foliis, quae edebant consona murmur,  
Quale audire melos facile est prope littora Classis
- 20 Conflatum hinc inde in ramis pineta per alta,  
Auster ubi Aeolio lenis se carcere solvit.  
Jamque per antiquae intuleram me devia silvae,  
Tarde progrediens adeo, ut jam scire nequirem,  
Qua veni, cum me vetuit procedere rivus,
- 25 Ad laevam modicis inflectens gramina lymphis  
In ripas egressa suas. Pellucida quaevis  
Fontibus ex nostris aliquid concludere misti  
Unda videretur prae illa, quae iflimis in imo  
Nil celat fundo; quamvis subfusca sub umbra
- 30 Perpetua excurrat, quae Solis lumina nunquam  
Nec Lunae patitur nemoris per ocapa vagari.  
Adductis pedibusque oculisque ego fluminis alveum  
Transsilui parvum, visurus laeta vireta  
Florida, tam vario discrimine picta colorum:
- 35 Atque huc mi occurrit, fieri ut quandoque videmus  
Quiddam improvise, quod cunctas pectore curas  
Attonito avertit. Nullis comitantibus ibat  
Ore canens mulier floresque a floribus ipsa  
Secernens, pede tacta hujus queis tota nitebat
- 40 Semita. Cui dixi: O mulier pulcherrima, amoris  
Quae facibus calefis, fronti si credere dignum est  
Cordis testanti sensus, ne huc abnue, quaeso,  
Ferre aditum propius ripam, ut, quae carmina cantas,  
Figere mente queam. Per te subit insula, per te,
- 45 Qualis erāt spectanda, subit Proserpina in ipso  
Tempore, cum genitrix illam, ver illa serenum

Amisit. — Veluti adductis vestigia plantis  
Collecta in choream vertit matrona retrorsum,  
Vixque pede ante pedem posito accessisse videtur:

50 Sic inter flores ostroque auroque micantes  
Ad me conversa est, ut, quae defigit honeste  
Lumina humi, virgo, voluitque explere rogantem;  
Nam sic accessit, dulce ut modulamen iniret  
Aures, atque omnes dederit cognoscere voces.

55 At simulac venit, jucundi ubi fluminis undae  
Irrorant herbas, dignata est tollere vultum.  
Haud oculos credo Veneri micuisse nitore  
Tanto, cum praeter solitum haec se vulnere nati  
Districtam sensit. Dextra ridebat in ora

60 Opposita, manibus decerpens multa colorum  
Millia, quos alma emittit sine semine tellus.

Tres circa passus sejunxerat omnis utrosque;  
Nec mare, quod mersa titulos deduxit ab Helle,  
Trajectum Xerxi, frenum cuicumque superbo

65 Nunc quoque, tantum odii est passum, ulterioris amore  
Ripae, a Leandro Seston spectante et Abydon,  
Quantum hic a me omnis, quod non patefacta dedisset  
Tunc iter unda mihi. — Vos hic nova pectora adestis,  
Illa ait, et forsan, quod me hac vidistis in ora,

70 Quae prius humanae naturae electa patebat  
Sedes, ridentem, mirantibus insidet anceps  
Cura aliqua; at veniunt a carmine *Delectasti*  
Lumina, quae nebulas possunt depellere mente.

O tu, qui cunctis anteis, scitarier orsus,

75 Fare age, si quid vis aliud; nam solvere praesens  
Veni, quoad satis esse reor, quaecumque rogabis.  
Lympha, inquam, nemorisque sonus mihi pectora pugna  
Exagitant minuuntque fidem, quae increverat ante;  
Nam secus audieram fieri, ac quod vera monet res.

80 Illa mihi: Dicam, quo pacto haud evenit istud  
Absque sua causa, quod tanto corda stupore

- Nunc tibi sollicitat, et quae tibi plurima nubes  
Officit, hanc tergam. Superorum hominumque voluptas  
Summa, illa ipsa placens per se sibi sola, creavit  
85 Primum hominem dederatque bonis excellere factis,  
Atque istas sedes, aeternae ut pignora pacis.  
Ipsius ob vitium haud illi mora longa receptum  
Hic dedit; ob vitium in luctum moestumque laborem  
Et dulcem ludum et risum mutavit honestum.  
90 Ne, quos progenerant isto sub monte, vapores  
Terrae et aquae, soliti solis sectarier aestum,  
Quoad licet, humanae conflictu bella cierent  
Naturae, ideirco mens hic conscendit in altum  
Huc usque: at parte ex illa, quam janua claudit,  
95 Liber ubique manet. Sed nunc, quia totus in orbem  
Cum prima coeli sphaera convolvitur aër,  
(Ni latere ex aliquo huic proprium interruperit obix  
Circuitum) hoc alto in spatio, quod in aëre vivo  
Immune et vacuum est, icitique et personat omnem  
100 Hic motus silvam, quia plantis densa superbit:  
Et tantum planta icta potest, ut repleat auram  
Virtute ipsa sua; et gyros deinde ipsa retexens,  
Hanc quatit. Altera humus, prout per se est digna, suive  
Naturam ob coeli, fit praegnans saeculaque gignit  
105 Plantarum varia et varias prodentia vires.  
Nec vero posset vestris res mira videri,  
Si quando audierint aliquam hic sine semine noto  
Mittere radices plantam, Et tibi scire licebit,  
Ut sacer hic campus, quem calcas, semine abundat  
110 Omnigeno, talemque solet concludere fructum,  
Qualem illic manibus non est convellere vestris.  
Nec quas cernis aquas, manant ex paupere vena,  
Quam vapor instauret glacie solvente rigorem,  
Ut fluvium, qui acquirit opes viresque remittit;  
115 Sed fonte ex solido certoque erumpere pergunt,  
Et tantum accipiunt a summi numine regis,



Quantum profundunt ex duplici parte reclusae.  
Ex una erumpit fluvius virtute repletus,  
Qui male factorum cunctorum obliviam spargit;  
120 Ex alia, qui dat revocare et cernere mente  
Omnia facta pie et caste. Qui hinc, nomine Lethes  
Dicitur; Eunoës, qui illinc: neuterque suam vim  
Exercet, nisi si ante aliquis degustet utrumque.  
Et sapor istius superat genus omne saporum;  
125 Et quamvis saturata satis tua cedere possit  
Jam sitis, haud ultra me nil retegente recentis,  
Id tibi praestabo gratis, quod consequa rerum  
Mi suadet ratio; tibi nec fore dicta putabis  
Jam mea cara minus, si haec exspatiantur aperte  
130 Ultra promissum. Veteres, qui saecula vates  
Aurea cantarunt, victumque statumque beatum  
Forte in Parnasso, sunt somnia vana secuti.  
Humana hic radix semper fuit integra, semper  
Hic ver, hic quivis fructus, quaeque ire fluentia  
135 Nectaris et vestri dicunt. Tunc ipse poëta  
Respexi comites, et laeto non sine risu  
Accepisse illos cognovi haec ultima dicta.  
Deinde oculis redii ad praestantem corpore Divam.

## XXIX.

At canere insistens, ceu percita amore puella,  
Hymni sub finem numeros modulata: *Beati*,  
Addebat, *quorum sunt vitae crimina tecta*.  
Ac veluti nymphae, quae solae umbrosa vagantur  
5 Per nemora, hae cupidae solem vitare, tueri  
Illae; tunc amnem contra vestigia movit  
Per ripam. Brevibus gradientem ego passibus aequae  
Passibus hanc brevibus propius sectabar; et inter  
Ipsius atque meos centeni vix bene passus  
10 Intererant, cum sic sese ripa utraque torsit,

Rursus ut Eoae mihi sit plaga reddita lucis.

Nec multum progressus eram, cum haec arbitra nostri

Ad me oculos vertit: Frater, nunc adspice et audi,

Inquit, et ecce cito percurrrens omnia splendor

15 In silva ingenti illuxit, ut mente manerem

Ambigua, an fulgur coelo vibraret ab alto.

Sed quoniam fulgur subito pervadit abitque,

Isque diu durans magis et magis igne micabat:

Quidnam hoc? dicebam versans sub pectore multa.

20 Perque coruscantem gratum melos aëra fundi

Audieram. Quare sanctae tulit impetus irae

Audax me facinus primae incusare parentis.

Namque ubi parebant tellus coelumque profundum,

Femina sola, modo vitales edita in auras,

25 Haud remanere diu velamine passa sub ullo est,

Sub quo stare pia atque aequa si mente tulisset,

Illa ego, quae fando nulla aequat gaudia lingua,

Multo ante hausissem optatisque diutius essem

Functus. — At aeternae dum tot dulcedinis ibam

30 Inter primitias animo suspensus et haerens,

Proptereaque magis perfundi pectus avebam

Laetitia, ante oculos aër, velut excita flamma,

Sub viridi micuit ramorum tegmine, et aure

Teste sonum dulcem ceu cantum audire videbar.

35 Aonides castae, si insomnes ducere noctes

Unquam sustinui per vos et frigora et aspram

Esuriem, me vera monet vos caussa vocandi.

Hic opus, ut totis Helicon in me influat undis,

Atque choro Uranie det opem stipata sororum,

40 Includam ut numeris meditantis maxima rerum.

Uterius paulo fallebat, imagine fingens

Quattuor arboreas ex auri divite massa

Plantas, quod multum spatii nos inter et ipsas

Aequor erat medium. Sed cum fuit ire cupido

45 Sic illas contra, ut, quod inest commune, fideles

- Eludens sensus, ob longius intervallum  
Vi non deficeret propria, haec vis intima causas  
Inquirens veras me candelabra tuentem  
Falsum animi admonuit, vocesque *Hosanna!* canentum
- 50 Personuisse nemus. Pulchrum decus undique flammis  
Desuper ardebat melius, quam luna sereno  
Coelo sub noctem mediam pleno orbe coruscans.  
At mente attonitus tota cari ora petivi  
VIRGILIUM et vidi mihi respondere stuporis
- 55 Non minus hunc oculis fassum fulgore gravatis.  
Deinde iterum quaesivi acie miracula rerum,  
Nos circa usque adeo tardo pede visa moveri,  
Ut minus incessu nova nupta videnda veniret  
Tardo. Ast increpitans mulier sic ore locuta est:
- 60 Cur ardes inhians in vivas pascere lucas  
Victus amore oculos uno, et quae pone sequuntur,  
Negligis? — Huc multam tum vidi accedere turbam,  
Non secus atque duces, indutam vestibis albis;  
Talis et hinc candor nunquam fuit. Unda micabat
- 65 Laeva ex parte reperiens, laevam mihi costam  
Defigenti oculos, si consultare tulisset  
Mens speculum. Utque meam potui sic stringere ripam,  
Ut me interjectus tantum disjungeret amnis,  
Substiti, ut inspicerem melius, praeterque meantes
- 70 Ire faces vidi, linquentes aëra pictum.  
Post se, peniculis similes deducere tractus  
Edoctis varios. Per quas in parte superna  
Hunc distinguebat septemplex sparsa colore  
Fascia septemplex, veluti sol candidus arcum,
- 75 Et Phoebe zonam. Haec retro vexilla micabant  
Ultra oculi vires, et, quantum cernere quivi,  
Distabant bis quinque gradus extraria signa.  
Sub tanta coeli specie, quam carmine dico,  
Deinde quater seni seniores pergere bini
- 80 Sunt visi. His rutilos cingebant lilia crines;

Et simul ore omnes: *O tu bene nata*, caneant,  
*Adam inter natus! Bene nataque tempus in omne*,  
*Ornamenta animae, quae tu, pulcherrima, praestas.*

Ast ubi me contra flores et gramina liquit  
85 *Libera*, seque aliam immisit gens tota per oram,  
Ut lux in coelo lucem comitata secundat,  
Bis duo post turbam venere animalia, fronde  
Cincta caput viridi. Bis trinas singula tergo  
Gestabant alas, et erant per corpora plumae  
90 *Plenae oculis, quales, si viveret, Argus haberet.*

Non vacat istorum formam describere versu,  
Lector; cura premit major, nec largius isti  
Indulgere queo; hasque feras depingere doctus  
Ezechiel adeundus erit. qui vidit ab Arcto  
95 *Nubibus has ventisque atque igne irrumpere adactas,*  
*Quales invenies illic, hic cernere tales*  
*Fas erit, excipias, quas se vidisse Joannes*  
*Alas testatur mecum, non consonus illi.*

Quattuor has inter quod restitit intervalli,  
100 *Hoc geminis instructa rotis quadriga tenebat*  
*More triumphali; hanc gryphus cervice trahebat;*  
*Sublatasque alas gryphus tendebat utrimque*  
*Inter lemniscum medium bisque ordine trinos,*  
*Laederet ut neutros, dum finderet aëra pennis.*  
105 *Tantum adscendebant, oculi ut servare nequirent*  
*Sublati. Quoad ales erat, membra aurea habebat,*  
*Caetera lucebant albertia murice mista.*  
*Non quem Scipiades, non quem Induperator agebat*  
*Augustus, tanto currus te, Roma, decore*  
110 *Dimisit laetam; sed currus Solis ad istum*  
*Esset opum pauper; toto qui tramite aberrans,*  
*Supplicibus votis terra implorante salutem,*  
*Arsit ab igne Jovis, quem altae vis egerat irae*  
*Justa satis. Dextramque rotam tres, agmine facto,*  
115 *Cingebant Divae atque in gyrum membra movebant,*

- Nectentes choreas: quarum una colore rubebat  
Tanto, ut vix possis ipsam internoscere ab igne;  
Altera par viridi carnes atque ossa smaragdo  
Fulgebat; nivibus non tactis tertia habebat  
120 Par decus: atque modo nivea ducente choream,  
Et modo punicea, sum visus cernere adactum  
Istius ad numeros citius vel tardius agmen.  
Bis geminae a laeva vestitae murice ovantes  
Plaudebant, monstrante illa, cui lumina trina  
125 Muivere caput. — Prope totum nexibus orbem  
Tractatum, vidi binos sub dispare veste,  
Spectandos pariter gestu et gravitate decora.  
Longaevos; unusque horum sese ore ferebat  
Hippocratis socium, cui, quae carissima ducit,  
130 Tradiderat quondam curanda animalia mater  
Natura; ast alium contraria cura notabat.  
Hic ense rutilum crispabat cuspide acuta,  
Ut mihi cis rivum quateret formidine membra.  
Exin bis geminos humili sub imagine vidi.  
135 Solus post omnes ibat vir maximus aevo  
Dormitans facie arguta. Haec capita inclyta septem  
Gestabant vestes ut primae turba cohortis;  
Non tamen his sacram cingebant lilia frontem,  
Verum et purpurei flores et mista rosarum  
140 Gratia: quique oculus modice distasset ab ipsis,  
Igne supercilium cunctis ardere putasset  
Juratus. Sed ubi me contra advenerat axis,  
Auditum est tonitru; dignusque exercitus ille,  
Qualis qui ulterius prohibetur tendere gressu,  
145 Cum primis pariter signis pede substitit illic.

## XXX.

Septem ubi primoris coeli trio nescius ortus,  
Atque obitus, minimae et nebulae, velum excipe culpae,  
Omnes qui monuit fungi sua munera nautas

- Ad portum jussos clavo convertere navem,  
5 Ut facit hic imus, stetit atque immobilis haesit;  
Tunc populus verax, qui primus venerat inter  
Gryphum interque ipsum, circumspectare quadrigam,  
Non secus atque suam pacem. Et, ceu missus ab alto,  
Unus: *Sponsa, veni ex Libano!* ter tinnulus ore  
10 Concinuit, totusque chorus clamore secundo.  
Quales supremo exciti clangore beati  
Carcere quisque suo surgent properanter, et artus  
Atque iterum indutam relevabunt pondere carnem;  
Tales divino in curru arrexere ministri  
15 Centeni aeternae cum turba interprete vitae  
Aures ad vocem tanti senioris; et omnes  
Spargentes flores: *Benedictus*, voce fremebant.  
*Qui venis!* unanimi, et: *Manibus date lilia plenis!*  
Saepe oriente die partem, quae prospicit Indos,  
20 Undique purpuream vidi, pulchreque serenum,  
Quidquid restabat coeli, atque os solis oriri  
Umbris praecinctum sic, ut, mihi dante vaporum  
Temperie, hunc perferre diu mea lumina possent.  
Sic intra nubem salientum ad sidera florum,  
25 Angelica spargente manu, atque iterum intus et extra  
Labentum, praecincta olea velum super album  
Adstitit ante oculos viridem referente colorem  
In tunica mulier. Sed quae consistere sueta  
Mens mihi, tamque diu praesens, dum hanc cernere coram  
30 Contigit, haud ullo trepidabat fracta stupore;  
Virtutem propter, quae occulta exibat ab ista,  
Illicet antiqui vim magnam sensit amoris.  
Alta simul virtus percussit lumina visus,  
Vulnere quae pectus mihi jam confixerat, ante-  
35 Quam primo me flore excedere jusserit aetas;  
Quo puer ad matrem vultu contendit anhelans,  
Si quis forte timor subitusve accesserit aegror,  
Anxius ad laevam me verti, haec verba paratus

- Dicere VIRGILIO: Non restat sanguinis ulla  
40 Pars mihi vel minima integra, quam non occupet horror;  
Agnosco, agnosco veteris vestigia flammae.  
At se VIRGILIUS nobis subduxerat, ille  
Vates, cui me credideram propriamque salutem:  
Nec quidquid genitrix amisit prima, juvarat  
55 Sic puras a rore genas, ut fletibus istae  
Atræ non fierent. O Dante, abeunte poeta,  
Ne lacrima, nondum lacrima. Tibi flere necesse est,  
Cum tibi cor alius trajecerit acrior ensis.  
Qualis navarchus proræ puppique recurvæ  
50 Turbam insistentem invisit passimque ministros  
Per naves alias, animo et jubet esse parato;  
In sponda currus laeva, cum lumina verti  
Nominis ad sonitum proprii, quod tradere scriptis  
Nunc me res cogit, visa est, quæ apparuit ante,  
55 Femina adesse mihi angelico velata sub imbre,  
Atque acies in me trans rivum figere utrasque.  
Hanc quamvis velum præcinctum fronde Minervæ,  
Semper vivaci capitis de vertice labens,  
Non sineret plane manifesta in luce patere;  
60 Tunc quoque regali vultu gestuque proterva  
Infit, more viri sub finem asperrima fando  
Verba reservantis: Converte huc lumina visus;  
Inspice me; namque illa ego sum, sum eadem ipsa BEATRIX:  
Quomodo es adscensu montem dignatus? An ipse  
65 Forte ignorabas homines hic esse beatos?  
At mihi tunc oculi in nitidos cecidere liquores  
Fontis; et, ut vidi, adspectu divertere ad herbam  
Profuit; is pudor ora mihi frontemque gravarat.  
Talis, ut hæc, nato mater quandoque superbam  
70 Se fingit; namque ille sapor pietatis acerbæ .  
Sentit amaroris quiddam. Sic fata quievit.  
Tum vero angelicæ subito cecinere cohortes:  
*In te speravi, Domine! et sub carmine finem*

- Fecerunt decimo. Ut viva inter tigna trabesque  
75 Per dorsum Italiae glacie nix aspera durat,  
Flamina cum perflant stringuntque ex asse Boreo;  
Dein liquefacta fluit seque in sese ipsa resolvit,  
Dum spiret tellus, quae aliquam desiderat umbram,  
Et similis flammae est candelam fundere adortae;  
80 Sic gena sicca fuit, pectus singultibus expers  
Ante harum cantus, quibus est mos tempus in omne  
Aeternae ad numeros sphaerae componere voces.  
At postquam in dulci plus has modulamine sensi  
Indulsisse mihi, quam si essent farier orsae:  
85 Ah cur tot dictis, mulier, sic conficis istum?  
Qui mihi cor circum gelidus duraverat humor,  
In ventos et aquas abiit valideque premendo  
Perque os perque oculos erupit pectore ab imo.  
Illa haerens plaustrum in dicta mihi parte, coronam  
90 Sic affata piam est: Vobis vigilare diei  
Contigit in jubare aeterni, nocturna nec umbra,  
Nec somnus passum vobis intercipit ullum,  
Tramite quem proprio labentia saecula signant.  
Quare cura mihi est major responsa referre,  
95 Quae pulchre iste animo accipiat, qui fletibus ora  
Inde loci rigat, ut parili sit culpa dolorque  
Pondere. Magnarum haud solum virtute rotarum,  
Quae cuncta ad certos convertunt semina fines  
Pro vi stellarum comitantum; at munere largo  
100 Numinis aeterni sic altos flante vapores,  
Imber ut istorum mortalia lumina fallat,  
Hunc sua vita dedit talem nova, ut ipse suae vi  
Naturae dextros longa assuetudine mores  
Induere et miras virtutes edere quisset.  
105 At tanto male fida magis silvosaque tellus  
Cum tristi evadit non culto semine, quanto  
Est mage dives opis terrestris et aucta vigore.  
Hic quondam stetit ore meo, ridentia honeste



Lumina miratus juvenilia, et hunc ego mecum  
110 Rectum ducebam per iter. Simul ipsa secundae  
Aetatis tetigi limen, mutataque vita est,  
Se mihi is eripere atque alio traducere amores.  
Cum positis novus exuviis mortalibus astra  
Spiritus hic petiit; postquam mihi forma decusque  
115 Creverat et virtus, minus et minus huic ego cara  
Atque accepta fui. Per flexus ire viarum  
Non veros statuit, simulacra dolosa bonorum  
Venatus, nunquam promissis sueta manere.  
Nec mihi vitales divini flaminis auras  
120 Profuit impetrare isti, ut per somnia perque  
Mille artes alias revocarem. Huic tantula nostri  
Cura fuit, ceciditque adeo mage praepete casu,  
Ut, quidquid remanebat opis, servare student  
Jam mancum fuerit, praeter monstranda maligna  
125 Regna, atque aeterna damnatas morte catervas.  
Ergo harum invisam portam precibusque rogavi  
Admiscens lacrimas, qui dudum huc duxerat istum.  
Rupta forent fata alta Dei, secunda vadari  
Si posset Lethe, et daps haec gustanda veniret,  
130 Symbola ubi deesset lacrimarum, quas dolor imus  
Effundat, fassus se poenituisse malorum.

## XXXI.

O tu, qui in sacri ripa ulteriore moraris  
Fluminis! — obverso punctim, caesim ante rotato  
Alloquio, quod erat visum tamen auribus acre,  
Nil cunctata iterum coepit; — num vera locuta  
5 Sim modo, dic, age dic; tanto cum crimine oportet  
Verba fatentis eant pariter. — Confusa facultas  
Sic me torpuerat, ut quae vox biscerat, ante  
Quam lingua emitti posset, restincta maneret.  
Non tulit illa diu, sed ait: Quid pectore volvis?

- 10 Jam mihi responde, quoniam tibi gurgitis unda  
Lethaei nondum memorantem tristia mentem  
Ausa tibi laesit. — Mihi tum pudor ac timor istam  
Vocem ore excussit: Verum! quod lumina visus  
Pro auditu poscebat opem, ne verba perirent.
- 15 Ut ballista manus nimio conamine tensa  
Chordam arcumque simul frangit, telumque minore  
Impete contingit signum: sub pondere tanto  
Sic ego disruptus lacrimas gemitusque profudi  
Largos, praeclusaque via vox faucibus haesit.
- 20 Illa iterum: Mea cura boni cum incendere amore  
Te studuit summi, quod tendere non datur ultra,  
In quibus offensum est fossis tibi, quave catena,  
Prorsus ut exuta, quae dat transcendere posse,  
Spe sic deficeres? Quaeenam compendia, quosve
- 25 Vidisti quaestus aliorum in fronte paratos,  
Ut circumcursans illos venatus obires?  
Denique post gemitum, quem duxi ex pectore, amarum  
Vix fuit apta mihi vox respondere, sonumque  
Aegre effluerunt mea labra, rigantibus ora
- 30 Fletibus, et dixi: Praesens mihi copia rerum  
Avertit ludens falsa dulcedine passus,  
Me simulatque tui latuit praesentia vultus.  
    Illa mihi: Quamvis tacuisses, sive negasses  
    Quae nunc es fassus, non essent crimina vitae
- 35 Nota futura minus; sub tali haec iudice fiunt.  
Sed simulac proprio erumpit vox ore genaue  
Sese incusantis, tum se rota vertit acutam  
Contra aciem regno in nostro. Tamen, ut pudor urat  
Te melius, validaque magis virtute repugnes
- 40 Sirenum voci, lacrimarum semina pone;  
Audi. et sic disces, quo te in contraria pacto  
Ducere debuerat cum carne haec forma sepulta.  
Haud unquam oblata est naturae munere et artis  
Tanta voluptatis tibi copia, quanta refulsit

- 45 Pulchris ex membris, quae me includere, jacentque  
Conditâ sub terra. Quod si te summa fefellit  
Tanta voluptatis pariter cum funere nostro,  
Quae res mortalis tibi jam exoptanda fuisset?  
Jam tibi par fuerat, postquam bona falsa priore
- 50 Conciderant telo, consurrexisse sequique  
Me pone haud talem posthac. Neque forma puellae,  
Aut aliquid vani minimo durabilis aevo  
Debuerant pennas tantorum mole laborum  
Depressisse tibi, plures ut sponte maneres
- 55 Ictus. Hos avis expectat nova terve quaterve;  
At queis silvescunt plumae, qui retia ponit,  
Aut arcum intendit coram, discedet inanis.  
Quales, quos puduit, pueros haud hiscere quidquam.  
Defixisque oculis terrae auscultare videmus,
- 60 Conscia ubi facti mens poenituisse coegit:  
Me quoque vidisses talem. Atque ea talibus infit:  
Quando ex auditis moeres, attollito barbam,  
Atque, ubi respicias, major te poena peruret.  
Vento evellenti cerrus robusta resistit
- 65 Aegrius, hic nostris seu debacchetur ab oris,  
Sive a Gaetulis agris, quam ego jussus in altum  
Sustuleram mentum; sed ubi me poscere vultum  
Per barbam voluit, sat novi, quale lateret  
Virus in hoc dicto. Postquam sublata figuram
- 70 Expandit facies, pulcherrima turba volantum  
Jam mihi quaerenti sese praebere videndam  
Destitit, et parum adhuc tuto est inspecta BEATRIX  
A me oculo. — Illa feram, natura duplice, et unam  
Versa tuebatur. Nivei sub tegmine veli,
- 75 Transque oram viridem, plus se ipsam vincere priscam  
Ipsa videbatur, quam alias, cum erat incola terrae.  
Hic mihi subjecit stimulos vis tanta doloris,  
Ut, quae cunctarum rerum me maxime amore  
Torsit, cunctarum foret invisissima rerum

80 Conscia tam dirus mihi pressit pectora morsus,  
 Ut victus caderem; et, qualem me fecerit, ipsa,  
 Quae dederat caussam, novit. — Cum in pectora virtus  
 Mi rediit, super adstantem, quae prima reperta est  
 Sola mihi mulier, vidi, quae aiebat: Inhaere,

85 Meque tene; tenus atque gulae me in fluminis undam  
 Traxerat, et raptans post se, levis et levis ibat  
 Innans ut radius. Sed ubi prope ripa beata  
 Adfuit: *Adsparges me!* ita dulca audita sonare  
 Est vox, ut memorare mihi vel scribere non sit.

90 Expandit geminos mulier formosa lacertos  
 Atque meum est complexa caput, mersitque quod undam  
 Sorbendam fuerat jussum demittere plenis  
 Faucibus: atque inde ereptum totumque madentem  
 Duxit, ubi choreas agitabant quattuor ore

95 Pulchro matronae, quae me texere lacertis.

Nos sumus hic nymphae, dicebant, sidera in alto.  
 Jam prius in terras quam esset delapsa BEATRIX,  
 Nos illi famulas dederat regnator Olympi.  
 Illius ante oculos nos te ducemus acutos;

100 Sed tibi jam reddent visus, ut, quod latet intus,  
 Jucundum adspicias lumen, tres, quae inde propinquae  
 Altius interiora vident. Sic voce canentes  
 Coeperunt. Exin me secum ad pectora gryphi  
 Duxerunt, ubi constiterat conversa BEATRIX

105 Ad me, sic fatae: Ne oculos intendere parce;  
 Nos te lucentes juvat ante locasse smaragdos,  
 Unde tibi est jaculatus amor sua cognita tela.

Millia me ardorum quavis magis incita flamma  
 Compulerant oculis oculos spectare micantes,

110 Qui tamen in gryphum defixo lumine stabant.  
 Ut sol in speculum, pariter radiabat in illam  
 Natura duplex animans, ratione modoque  
 Multiplici. — Ut me res haec admiranda stupentem  
 Fecerit, o lector, reputa, tunc cum ipse videbam

115 Hunc stare, inque oculis varium apparere tuentis.

Dum mens gustabat mihi laeta et plena stuporis  
Illam, quae, quo plus saturat, plus esca sititur,  
Tunc mihi, de solio testatae se esse supremo,  
Occurrere aliae coram tres ordine Divae,

120 Carminibusque suis simul adjuvare choreas

Angelicis. Converte tuos, converte, BEATRIX,  
Cantabant, oculos sanctos fidumque tuere,  
Qui te visurus tot passibus ardua vicit.

Da nobis veniam hanc, tuaque huic fac ora reveles,

125 Quae celas. O aeternae vis vivida lucis!

Ecquisnam usque adeo sub Pindi expalluit umbra,  
Aut Aganippe potavit fluminis undam,  
Qui non mente hebeti, ingenio videatur inepto,  
Si te, qualis eras, studeat describere, in illa

130 Ora. ubi te resonans concentibus aether obumbrat,

Cum tua se facies dissolvit in aëra apertum?

### XXXII.

Usque adeo haerebant intenti avidique, decennem

Exsaturare sitim visus, ut sensibus omnis

Mortua vis esset reliquis; et clauserat illos

Hinc atque hinc paries mittentis caetera curae:

5 Sic ad se attonitos lux risus alma trahebat

Retibus antiquis; cum me divertere vultum

Compulerant nympphae ad laevam; nam has obstrepere auri:

Haesisti nimis! audieram. Et qua lege solemus

Cernere, percussi modo visum a lumine solis,

10 Ipse diu carui luce. Ast ubi pauca tuendo

(Pauca quidem ad multum, quod sensus icerat, unde

Abcessi ingratis,) acies recreata rediit,

Tum latus in dextrum vidi procedere turbam

Insignem decore atque pedem cum sole referre,

15 Et septemgeminis adversa petentibus ora

- Flammis. Ac veluti tutando pectora scutis  
Vertit sese acies in gyrum signa secuta,  
Tota priusquam in se mutarier ordine possit;  
Non secus illa cohors regnum coeleste colentum,  
20 Quae procedebat, pertransiit agmine longo,  
Ante suum anterior quam temo flecteret axem.  
Inde iterum nymphae ad radios rediere rotarum,  
Et sanctum gryphus currum sic movit, ut una  
Alarum pluma haud fuerit tamen icta tremore.  
25 At quae ad Lethaeum mulier me traxerat amnem,  
Et STATIUS mecum ipse rotam, quae perficit orbem  
Arcum intra minimum, sumus una pone secuti.  
Sic altum unusquisque nemus vacuumque pererrans,  
Illius culpa, quae falso credidit angui,  
30 Angelicum ad numerum gaudebat fingere passus.  
Et quantum trino resoluta sagitta volatu  
Conficiat spatii, forsan, tantum ipse videbar  
Progressus, donec curru est delapsa BEATRIX.  
Nescio, quid cunctos mussantes innuere *Adam*!  
35 Sensi, qui quandam sunt plantam cingere adorti  
Floribus, atque omni spoliata frondis honore.  
Huic coma plus tanto spatiosa patere videtur,  
Quanto haec plus tollit sese; et mirabilis Indis  
Alto esset capite, huic similem si ea silva tulisset.  
40 Vita beata tibi est, qui rostro scindere lignum  
Dulce hoc gustanti fugis, o gryps; nam male tortus  
Hinc abiit venter! Sic circa robora plantae  
Clamabant alii. Tum animans vice duplice natus:  
Sic fas est semen iusti cujusque tueri.  
45 Atque ad temonem versus, quem traxerat alis,  
Arboris ante pedes viduae raptavit, et illum  
Istius trunco religatum liquit in ista.  
Utque solent isthic plantae, cum decidit alto  
Lux ingens, magno lucis permixta nitore,  
50 Quem post coelestem piscem radiare videmus,

Turgere, ac dein quaeque novo vestita colore  
Laetari, ante suos quam alio sub sidere Titā  
Quadrupedes jungat: violis haec rubrius arbor,  
Languidiusque rosis late decus expandebat  
55 Vitam ingressa novam, cum ramos ante soleret  
Tendere sic nudos. Mente haud comprehendere quivi,  
Nec numeros omnes licuit, nec verba notare.  
Fingere si possem, ut somno fera lumina victus  
Paulatim ad calami sonitum demiserit Argus,  
60 Lumina, queis tanti steterat vigilasse diurnas  
Nocturnasque horas; ceu qui exemplaria spectat  
Lictor, et ipse modum scribendo imitarius ausim,  
Quo me devinxit somnus. Sed quilibet istud  
Artifices curent docti. Quare haec ego mitto,  
65 Dicturus velum somni ut mihi lux scidit, et vox  
Clamantis: Surge, o quid agis? Quo corde JOANNES,  
PETRUS, JACOBUS spectatum millia florum  
Ducti, queis malus fulgebat laeta, suoque  
Angelicas turbas pomo alliciebat hiantes,  
70 Perpetuisque epulis sponsalia in aethere agebat,  
Atque ad se victi verbum rediere sub illud,  
Per quod majores sunt pulsus pectore somni,  
Videruntque scholae jam defecisse sodales,  
MOSEN ELIAMQUE, immutatamque magistri  
75 Esse scholam; hoc redii, et super adstantem illicet ipsam  
Vidi, quae fuerat pia dux ad fluminis undam,  
Cui dixi totus trepidans: Quo est versa BEATRIX?  
Ast illa: Ecce hanc cerne nova sub fronde sedentem  
Plantae ad radicem. Comitantum cerne catervam:  
80 Caetera post gryphum conscendit turba canendo  
Dulcius ac gravius carmen. Nec dicere scirem,  
Fusior an fando fuerit; mihi nam illa tenebat  
Intentos oculos, mihi quae praecluserat omnes  
Jam sensus: nudoque solo sola illa sedebat,  
85 Qualis quae posita est illic custodia plaustris,

- Quod prius ad truncum gemina fera praedita forma  
Vinxerat. Hanc septemgeminæ cinxere corona  
Nymphae, prae manibus portantes lampadas illas,  
Quae Boreae atque Austri securae flamina spernunt.
- 90 Incola eris silvae hic modicum, sine fine futurus  
Mecum urbis Romae civis, qua Christus ab urbe  
Romanus dici voluit. Quare adspice currum,  
Ut prosis mundo, cujus sunt pessima facta,  
Atque redux illuc fac scribas omnia visa.
- 95 Dixit; ego totus dominae mandata paratus  
Fungier, et mentem atque oculos, quo jusserat illa,  
Contendi. Nunquam motu tam praepete venit  
Ignis condensae nebulæ, cum decedit illa  
Ex regione imber, quæ plus distare putatur;
- 100 Ut vidi in plantam volucrem Jovis aethere lapsum,  
Flores rumpentem atque novas cum cortice frondes,  
Qui pariter toto percussit robore currum.  
Quare hic nutavit, ceu tempestatibus acta  
A dextra laevaue ratis superantibus undis.
- 105 Deinde triumphalis vidi se immittere cunis  
Quadrigæ vulpem, membris testantibus ipsam  
Pastu omni caruisse bono. Sed turpia centum  
Huic ausa objiciens mulier facta arbitra nostri,  
Egit praecipitem, fugientemque impete tanto,
- 110 Quantum ferre unquam sine carnibus ossa valebant.  
Dein qua ex parte prius volucris devenerat, ipsum  
Vidi secretam currus descendere in arcam,  
Corporis atque sui vestitam linquere pennis.  
Et qualis corde erumpens lugubre dolenti,
- 115 Haec vox exivit coelo: Mea cymbula, quanam  
Merce onerata male es! — Mihi deinde dehiscere visa est  
Terra rotas ambas inter, vidique draconem  
Exire et fixam per currum attollere caudam,  
Qui, retrahentis acum vespæ de more, malignam
- 120 Caudam ad se traxit, currus partemque revulsam



- Corripuit secum, hac illac sine lege vagatus.  
 Quodque fuit reliquum, ceu vivax gramine tellus,  
 Se texit plumis, casta fors mente bonaque  
 Oblatis. Et utraque rotae se tegmine eodem,  
 125 Et temo induerant, citius, quam ut poscat apertum  
 Os gemitus. — Versa sic moles sancta figura  
 Partibus ipsa suis capita est emitte visa.  
 Trina superstabant temonem et singula currus  
 Unumquodque latus. Surgebant cornua primis,  
 130 Ut tauris; unum sed cornu in fronte gerebant  
 Quattuor. Haud unquam in terris par cernere monstrum  
 Contigit. Hoc supra, velut arx in vertice montis,  
 Sublimi meretrix habitu secura sedebat  
 Liberius, praesensque oculos agitare protervos.  
 135 At similem verito, ne quis potiatur adempta,  
 Juxta illam vidi arrectum pede stare gigantem,  
 Inque vicem interdum conjungere basia labris.  
 Et quoniam cupidos in me semperque vagantes  
 Verterat illa oculos, stricto ferus ille flagello  
 140 A capite ad plantas totam decedit amator,  
 Et gelidis plenus furiis, et pessimus ira  
 Dissolvit monstrum, traxitque per avia silvae  
 Usque adeo, ut contra meretricis coepta novamque  
 Ista mihi una feram fuerit pro tegmine scuti.

## XXXIII.

- Advenere, Deus, gentes, sunt dulciter orsae,*  
 Nunc alternantes ternae, nunc voce quaternae  
 Carmen lugentes nymphae. Et pia corde BEATRIX  
 Verba sub ista gemens talem sese ore ferebat,  
 5 Ut paulo fuerit plus immutata Maria  
 Ante crucem. At postquam fandi est data copia, stante  
 Virgineo cantu, surgens suffusa colore  
 Flammae respondit: *Modicum, et me cernere vobis*

*Non erit; atque iterum modicum, vobisque videndam*

10 *Me dabo, dilectae! Dein prae se incedere jussit*

*Septemplex agmen totum. Tantummodo nutu  
Meque ducemque egit post se, Statumque manentem.*

*Sic ibat; sed humum decimo haud pressisse putarem*

*Hanc passu, cum oculos oculis mihi perculit, osque*

15 *Tranquillo solvens vultu: Huc, ait, ocior esto,*

*Ut bene composito accipias mea pectore dicta!*

*At simul accessi, ut decuit, sic ore locuta est:*

*Cur mecum veniens nihil audes dicere, frater?*

*Quales, quos nimium procerum praesentia tangit,*

20 *Ante illos fari mussant et dentibus edunt*

*Vocem non vivam; talis responsa remisi*

*Imperfecta sono: Fas est tibi noscere, Diva,*

*Quid mea res poscat, quidve huic magis utile cedat.*

*Illa mihi: Jam corda metu vultumque pudore*

25 *Solvere te jubeo, ne, somnia vana videntis*

*More viri, posthac mittas e pectore vocem.*

*Disce, fuisse neque esse usquam, quod reptile rupit*

*Vas; at qui laesit, non deterrieret offa*

*Intrita vino supremi vindicis iram*

30 *Credat. Nec longum viduata haerede manebit*

*Quae volucris pennas ad currum liquerat; unde*

*Evasit monstrum, labente ac tempore praeda.*

*Nam video certe, idque adeo narrasse juvabit,*

*Non adeo longe ducentia tempus abesse*

35 *Sidera, ab offensu quovis atque objice tuta;*

*Quo, quae quingentos numerant et quinque decemque,*

*Signa, Deo mittente, dabunt, qui caede necabit*

*Impuram audentemque simul non fanda gigantem.*

*At meus hic sermo, ut Themidis Sphingisque loquela,*

40 *Abditus, id tibi forte minus suadere valebit,*

*Qui more illarum mentes ambagibus umbrat.*

*At pro Najadibus mox facta aenigma solvent*

*Hoc durum, nulla pecudum frugumque ruina.*

- Tu signa, et quales nunc mitto ex pectore voces,  
45 Tales fac doceas qui gaudent munere vitæ,  
Quae cursu ruit in funus. Tibi mente repostum  
Id maneat, simul incipies haec tradere scriptis,  
Nec taceas, qualem vidisti surgere plantam,  
Quae nunc est illic duplici expilata rapina.  
55 Quicumque hanc ausit spoliare, aut scindere plantam,  
Iste Deum laedit, ceu re maledixerit illi;  
Namque ille hanc sanctam sibi soli rite creavit.  
Hanc quia polluerat morsu, moerore peresa  
Ac desiderio, per millia pluraque lustra,  
55 Quae prior humanos anima est infusa per artus,  
Optavit proprio qui est ultus sanguine morsum.  
Mens tua dormitat, si non putat esse fatendum,  
Praecipua fieri caussa, ut se tollat in altum,  
Et tam diverso se effundat vertice planta.  
60 Et tibi, quae vanae cingebant pectora curae,  
Si minus humores Elsa de fonte fuissent,  
Et quae spectabas hinc gaudia Pyramus album  
Ad morum, res ob tantas, tot tempora rerum  
Saltem quid valeat Deus ultor, ab arbore quisses  
65 Discere mente tua, et propriis succurrere rebus.  
Sed quoniam video te saxea corda gerentem,  
Et culpis contincta, mei ut tibi lumina dicti  
Perstringant oculos, te, si minus edita scriptis,  
Pectore ferre tamen jubeo haec tibi inusta profundo,  
70 More viri palma praecinctum hostile gerentis.  
Tunc ego: Ut impressam formam cera apta sigillo  
Haud unquam immutat, mihi stant infixæ cerebro,  
Quae modo signasti. At quianam sublime volatu  
Usque adeo tua verba petunt optata, sequacis  
75 Ut lumen visus tanto minus utile reddant?  
Illa mihi: Ut discas, queis sis auctoribus usus  
Atque schola, ac videas, qui possit talia fantem  
Illius doctrina sequi; ac tibi noscere detur

Vestrum divino distare a tramite tantum,  
80 Quantum discordat terrae pars infima sphaerae  
Coeli, quae fertur properanti altissima cursu.

Hic ego respondi: Haud memini me longius unquam  
A te unum abcessisse pedem, nec conscia morsu  
Cor mihi mens tangit. — Si te id meminisse potestas  
85 Deficit, illa inquit ridens, nunc ipse memento,  
Ut tu Lethaeos hodie gustaveris haustus.  
Si ex fumo arguitur flamma, haec oblivia culpam  
Includunt animi longe diversa secuti.

Jam vero mea verba, rudes quoad convenit ista  
90 Contendenti oculos recludere, nuda resolvam.

Et magis effulgens et cursu lentior orbem  
Sol usurpabat medium coeli atque diei,  
Qui, pro prospectu vario, mutatur et ipse;  
Cum subito, veluti mos est ducentibus agmen  
95 Praemissis, si qua est novitas comperta, stetero  
Septenae nymphae, languens ubi decidit umbra,  
Qualem sub foliis viridantibus, atque nigrante  
Ramorum spatio ravis argentibus Alpes  
Distribuunt. Ante has vena delabier una

100 Euphratem et Tigrim fueram mihi cernere visus,  
Et, quasi amicitia junctos, discedere pigros.

O lux, o ingens humanae gloria gentis!  
Quod genus istud aquae est, una quae ab origine sese  
Explicat huc veniens, seseque petitque fugitque?

105 Dixi. — Hoc, respondit, tibi erit rogitanda *MATELLA*,  
Ut dicat caussam. Huic mulier pulcherrima contra,  
Ut facit a culpae qui sese crimine solvit:  
Has res, atque alias monitum mea cura remisit;  
Nec timeo, a Lethe ne dicta absconderit amnis.

110 Olli sedato respondit corde *BEATRIX*:  
Cura illi major, per quam rerum immemor ipse  
Redditur, offudit mentem fortasse tenebris.  
Atque ecce Eunoës, qui praeterlabitur oram.

- Nec mora; tu presum propera deducere ad amnem  
115 More tuo, ut virtus ipsi collapsa revivat.  
Qualis corde anima humano, quae innectere nescit  
Caussam excusandi, et cui, quae est manifesta voluntas,  
Nutibus alterius sua fit; sic ilicet ista  
Mi dextram arripiens STATIO muliebriter inquit:  
120 Fac comes. huic venias. — Spatium si longius esset  
Scribendi, aggrederer cantare ex parte beantes  
Haustus, o lector, qui nunquam me ire sinebant  
Expletum; at quoniam, quas poscunt ista secunda  
Carmina, complevi cunctas ex ordine chartas,  
125 Artis me frenum prohibet jam longius ire.  
Deinde gradum a sancta revocavi fluminis unda  
Sic instauratus, qualis nova planta novata  
Fronde nova, purus, conscendere ad astra paratus
-

**P A R A D I S U S.**

---



## I.

**I**llius, qui cuncta movet, quocumque penetrat  
Gloria, plusque illi parti cedit, minus illi  
De splendore suo. Quod plus deducit ab ipsa  
Lucis, ego coelum deveni ac talia vidi, .

5 Qualia nec scit, nec potis est unquam inde reversus  
Dicere. Namque animus desiderii prope summam  
Accedens, totum tunc sese immittit in istud, .  
Ut mens nostra sequi repetens non possit euntem.  
Verum, quae potui de sancto condere regno

10 Mente, haec materiam praebebunt carminis ausis.  
Postremum hunc, bone Apollo, mihi concede laborem,  
Effice meque tua vas sic virtute repletum,  
Ut petis, ex lauro mihi amata sarta daturus.  
Sat nobis tentasse jugum fuit hactenus unum

15 Parnassi; reliquum ast opus est modo inire per ambo  
Campum. Fac intres mea pectora, tuque poetae  
Adspira, qualis, cum te tulit impetus olim,  
Audacis Satyri vagina diripere artus.  
O virtus divina, meae si tu annuis arti

20 Usque adeo, ut per me, quae stat signata beati  
In capite umbra meo regni, manifesta patescat;  
Ad tibi dilectos ramos properare videbis,  
Frondebis atque tuis me tum praecingere frontem.  
Queis et materia et tu me dignum esse putabis.



- 25 Namque adeo, pater, haec raro ornamenta leguntur,  
Ducat ut insignem Caesar vatesve triumphum,  
(Proh culpa humanae opprobriumque cupidinis!) ut jam  
Gignere Delphifica deberet gaudia Divo,  
Si quem ardore sitis stimulet Peneia planta.
- 30 Ingentem, flammam perpauca favilla secundat.  
Fors aliquis post me cantu meliore precetur,  
Ut Cirraea domus votis responsa remittat.  
Diversis generi mortali surgit ab oris  
Lampas, quae mundum lustrat; sed surgit ab illa,
- 35 Cyclos bis geminos quae jungit cum cruce trina,  
Percussura viam meliorem, junctaque stella  
Exit cum meliore, et ceram temperat orbis  
Terrarum plus sponte sua obsignatque sua vi.  
Talem ingressa locum, quasi prima crepuscula noctis
- 40 Hic et mane illic effecerat, albidus ille  
Semiorbis stabat totus, pars altera nigra,  
Cum latus in laevum se vertere visa BEATRIX  
Est mihi et inspicere in solem. Sic figere soli  
Numquam aquila ausa suos est visus. Utque priore
- 45 Misso exit, sursumque solet resilire secundus  
Fulgor, more peregrini remeare studentis:  
Sic et ego hunc actum, qui nostris insinuavit  
Sese luminibus, percussus imagine mentem,  
Desumpsi, atque oculos infixi in lampada solis
- 50 Nostrum ultra morem. — Humanis virtutibus illic  
Multa licent ratione loci, quem condidit auctor  
Humano generi proprium, quae hic posse facultas  
Non est. Hunc nec ferre diu, nec temporis horam  
Sic tamen exiguum potui, ut candentis ab igne
- 55 Hunc instar ferri haud circum fulgere viderem.  
Qui duplicare diem subito est mihi visus, ut ille  
Si sole omnipotens alio decorasset Olympum.  
Stabat in aeternas sphaeras immota BEATRIX  
Tota, oculos figens, et ego mea lumina in ipsam

- 60 Inde amota mihi. Interius sum factus ob hujus  
Adspectum talis, qualem se vidit ob herbam  
Gustatam aequoreis consortem assidere Divis  
Glaucus. Sic hominem superum virtute potiri  
Res est, quae vetat ostendi per verba; sed istud  
65 Est satis exemplum, quæis servat gratia donum  
Tale experturis. — O aeterni ignis amoris!  
Si tantum illud ego mei eram, quod lucis in auras  
Duxisti ex nihilo primum, tu qui astra gubernas,  
Nosti. Nam tua lux me ad coeli sustulit aulam.  
70 Ut rota, quam aeternas, o summa optata voluptas,  
Harmoniae illa vi, quam tu moderaris et apte  
Digeris, intentum attraxit, tum solis ab igne  
Vidi oculis tantum coeli excandescere, ut imber  
Vel flumen nunquam tam vasto quiverit alveo  
75 Immanem peperisse lacum. Modulaminis ille  
Insueto sonus auditus mihi, lumen et ingens  
Mi desiderio incenderunt pectora tanto  
Causarum, ut nunquam sim tale expertus acumen.  
Quapropter, quæ me haud aliter, quam me ipse, videbat,  
80 Commoti cupiens animi componere fluctus,  
Ante ego quam loquerer quidquam, sic ora resolvit  
Atque ait: Ipse facis te crassae mentis, inanem  
Effingens speciem rerum, ut tibi cernere non sit,  
Quod tu, hac excussa, adspiceres. Terram haud pede tangis,  
85 Ut rere; at non sic nativam praepete cursu  
Effugiens sedem fulgur ruit, ut citus istam  
Tu repetis reditu. — Mihi si brevia edita dulcem  
Verba inter risum suaserunt exuere unum  
Confusae mentis dubium, irretire secundum  
90 Me coepit, dixique: Ego jam me animo esse quieto  
Jussi, contentus sat magni a mole stuporis.  
Sed qui praevertam ista levissima corpora cursu,  
Id nunc admiror. Quare tunc pectore ducens  
Illa pio gemitum, tali in me lumina vultu

- 95 Vertit, quo nati deliri mater in ora,  
Et coepit: Quidquid rerum est, has digerit ordo  
Inter sese omnes. Isque ordo ferma vocatur,  
Quae facit omne Deo simile. Hic cuncta alta creata  
Aeternae cernunt virtutis signa notasque,  
100 Quae meta est, ad quam mihi dicta ea norma refertur.  
Ordinis in leges, quas diximus, omnia prona  
Sunt per diversas sortes, quae plusque minusque  
Principio accedunt. Ita per mare cuncta moventur  
Naturae immensum diversa ad littora, et una  
105 Res quaeque infuso instinctu, quo singula fertur.  
Hic ignem fert ad lunam, mortalia corda  
Hic icit motu, hic terram cogitque premitque.  
Nec modo quae ratione carent, hic appetit arcus,  
At quae mente valent ac versant libera amorem.  
110 Quae tot disponit propria sapientia luce,  
Stare jubet semper coelum, in quo se rotat illud,  
Quod mage festinum est. Atque huc, veluti ad loca certa,  
Nunc illius agit nos virtus incita chorda,  
Quae, quidquid jacet, hoc ad signum dirigit aptum.  
115 Verum ut ab artificis discordat mente frequenter  
Forma, ubi materies huic respondere recuset  
Surda; ita et hoc abeunt a cursu saepe creata,  
Quae sic acta suo divertere tramite possunt,  
(Utque videre potes delabi nubibus ignem.)  
120 Dummodo flectatur falsa dulcedine primus  
Impetus in terram. Non plus tibi mira putanda est  
Res, bene si reputo, quod scandis, quam exiguus fons  
Alto monte ruens si fundum irrumpat in imum.  
In te res miranda foret, si, te objice nullo  
125 Impediente, jacens in terris ipse sederes,  
Sicut humi vivax vis flammae strata quiete. —  
Hinc illa ad summum vertit sua lumina Olympum.

## II.

- Vos, rate qui vecti parva venistis, aventes  
 Audire, usque meam sectati pone carinam,  
 Quae mare cantando verrit, jam littora vestra  
 Respicite, et pelagus ne ultra tentate profundum;  
 5 Nam vos, me amisso, loca devia forte petetis  
 Errantes. Nemo, quod arandum prendimus, aequor  
 Unquam percurrit. Tritonia Diva labori  
 Adspirat nostro, nos dexter ducit Apollo,  
 Atque novem Musae monstrant Erimantidas ursas.  
 10 Pauci, mature qui prospectastis hiantes  
 Angelicum panem, quo vita hic vivitur, at non  
 Exsaturata manet, dimittere salsa per alta  
 Navigium vobis licet observantibus undam,  
 Quam sulco, prius aequalis quam strata residat.  
 15 Praestantes illi, qui adierunt Colchica regna,  
 Obstupuere minus tunc, quum videre bubulcum  
 Aesonidem factum, quam vos, mea vela secuti.  
 Ingenita et jugis sitis in, quod imagine ridet  
 Divina, regnum celeri nos impete agebat,  
 20 Ferme quo adspicitis coelum. Spectare BEATRIX  
 Sursum, et ego hanc. Tam forte diu, dum cessat arundo,  
 Et volat atque fugit resolutam libera chordam,  
 Sensi delatus, quo me divertere suasit  
 Res mira ad se oculis. Illa autem, quam ulla nequibat  
 25 Cura latere mei cordis, convertit utramque  
 Ad me aciem pariter laeta, ut pulcherrima forma:  
 Mente Deum, dixit, bene grata suspice, qui nos  
 Primae conjunxit stellae. Mihi lucida visa est  
 Ac densa ac solida ac nitido stans corpore nubes  
 30 Nos tegere, haud secus atque adamas solis jubare ictus.  
 Ingressos intus nos bacca aeterna recepit,  
 Ut recipit lucem fluvialis gutta cohaerens.  
 Si tum corpus eram, si non comprehendere mente est,

- Qui rem, quae triplex spatium occupat, insinuare  
35 Altera passa sibi res sit, quod fiat oportet,  
Corpus ubi in corpus repat, multo acrius esset  
Ardendum nobis mirarier illius esse,  
Qui sibi conjunxit naturam hominisque dei.  
Tunc ibi cernere erit, quod demonstrare nequibit  
40 Hic quisquam atque fides jubet omnes credere certo,  
Ut quae vera patent per se notissima, primo  
Credenda intuitu mentis. — Tunc ora resolvens  
Dixi: Ego, Diva, pio, quoad possum, huic pectore grates  
Solve, mortali qui me sejunxit ab orbe.  
45 At quid, die quaeso, quid sunt nigra corporis hujus  
Signa ea, quae in terris de Cain fingere suadent  
Fabellam? Illa diu subrisit; deinde loquelam  
Solvens: Si mortalis, ait, sententia aberrat,  
Clavis ubi sensus nescit recludere verum,  
50 Certe haud deberent jam pungere tela stuporis  
Cor tibi; nam ratio, quae sensus pone sequatur,  
Cernere ut ipse potes, brevioribus utitur aliis.  
At da, quid tecum reputes. Tunc huic ego contra:  
Ex raro ac denso, quae sic diversa videntur,  
55 Esse reor. — Multo haec in vortice mersa videbis  
Falsi, quae modo credis, ait, si rite tenebis,  
Quae dicam contra. Demonstrat lumina vobis  
Multa orbis spbaerae octavae, diversa notanda  
Mole sua ac lucis natura. Hic collige primo.  
60 Si rara ac densa efficerent ea, qualia constant  
Quantaque, flammivomo cuivis vis unica inesset,  
Plusque minusque tributa globo, atque aequaliter uni-  
Cuique. At multiplices virtutes ex elementis  
Primis, quae formam statuunt cujusque, necesse est.  
65 Nasci, quae deleta forent, te iudice, cuncta,  
Hoc uno excepto. Adde etiam: si caussa nigroris  
Rarum esset, quod tu vocitas; aut iste planeta  
Partim ex materia jejunos forte laboret,

- Aut, ut opima adipe et mixtim minus uncta per artus  
70 Corporis unius caro diditur, haud secus iste  
In proprio chartam mutet versa vice libro.  
Quae mihi dicta prior caussa est, in Solis aperta  
Esset defectu, nam translucere videres  
Lumen ut ingestum reji, quae corpore raro  
75 Constat. At id non fit. Quare inspectare secundam  
Est operae pretium. At tibi si dabo funditus istam  
Eversam, tunc ista tuae sententia mentis  
Falsa erit. Hoc rarum si haud est penetrabile, oportet  
Sint certi fines, quos tendere non sinat ultra  
80 Rem sibi pugnantem, seseque retro inde refundat  
Alterius jubar, ut per vitrum, ubi bractea plumbi  
Texerit huic tergum, resilit color. At modo dices,  
Hic magis atque alibi jubar apparere retusum,  
Quod vi rejectum magis interiore recessit.  
85 Hunc tibi poscenti nodum experientia solvet,  
Si forte hanc tentes, quae vestrae, fontis ad instar,  
Dat rivos artis. Speculorum lumina bina  
Accipe, et his medius fac sietas. Inter utrumque  
Pone aliud speculum, quod distet longius a te,  
90 Inveniatque tuos oculos. Conversus ad illa  
Fac tibi post tergum stet vivida flamma lucernae,  
Quae triplex vitrum speculorum accendat, et ipsa  
Ad te se referat rejecta vitri objice trino.  
Quantulacumque licet discrimina cernere lucis  
95 Non sit rejectae, facies prout singula vitri  
A te dissimili posita est procul intervallo,  
Cernes, ut speculo huic aequae splendere necesse est.  
Nunc ut, quae nivibus subsunt, sole icta repente,  
Exspoliata colore manent, et frigore primo;  
100 Sic, hac mente tibi exuta, stat certa voluntas  
Informare adeo vivaci lumine, ut, in te  
Illud ubi incurrat, pleno fulgore coruscet.  
Includit coelum divina pace quietum

- Corpus, perpetuo quod circum turbine fertur,  
105 In cuius virtute jacet summae esse capaci  
Conclusae spatio. Quod tot spectabile signis  
Succedit coelum, accepta hinc partitur in omnes  
Naturas alias passim, quas continet a se  
Distinctas. Orbes reliqui, discrimine stellas  
110 Distinctas vario amplexi, has componere fines  
Ad proprios, pariterque ad semina propria pergunt.  
Non secus ac jam cernis, eunt haec organa mundi;  
Prout inde accipiunt, ita agunt in corpora quaeque.  
Nunc tu per quod iter propero contingere, ut optas,  
115 Verum, fac videas, ut posthac ipse tenere  
Haec vada tu solus possis. Hic motus et illa  
Sanctorum virtus gyrorum, non secus atque ars  
Tundentis scalpri a fabro, Sic spiret oportet  
A superis, commissa sibi quibus astra movere  
120 Contigit. Ac coelum, quod tot fulgentia pandunt  
Lumina, distinctum laetatur imagine pulchra,  
Quam trahit a celsa volventis mente ministri,  
Et consignatam reliquis consignat in astris.  
Utque anima, in vestro dum degit pulvere, multa  
125 Per membra, atque artus varios ac dispare forma,  
Sese ad diversas vires dominata resolvit:  
Sic sua multiplicans per stellas explicat intus,  
Quae mens has agitat, bona, et una atque integra fertur.  
Sese diversae pretioso corpore, cui dat  
130 Vitales vires, virtus infusa remiscet,  
In quo, ceu vita in vobis, consistit et haeret.  
Naturam ob laetam, qua manat origine, mista  
Virtus per corpus lucet, quo more modoque  
Se per pupillas diffundunt gaudia vivas.  
135 Effluit ex illa quidquid differre videtur  
Lucem inter lucemque, haud texto ex raro et opaco,  
Proque sua bonitate ea turbida claraque gignit.

## III.

- Qui mihi sol pectus prius inflammavit amore,  
Monstrarat pulchri, dempto velamine, veri,  
Dum sua confirmat, nostra argumenta refutat,  
Adspectum dulcem. Jamque, ut mentem ipse faterer  
5 Purgatam et certam, extuleram, ut magis arduus ore  
Farer, quoad decuit, caput. Ast objecta repente  
Est oculis visi species, quae inspecta revinxit  
Me totum usque adeo, ut praesentem errata fateri  
Fixerit immemorem. Ceu per pellucida, tersa  
10 Vitrea vasa, aut per, nullo turbante, nitentes  
Lymphas haud altas sic, ut fundi ima nigrescant,  
Tenuia tam redeunt nostrae exteriora figurae,  
Quam baccae candor, nivea qui in fronte locetur;  
Sic mihi se obtulerant fari plura ora parata;  
15 Quare me errori cepit contrarius error,  
Quo vir amore arsit captus fontisque suique.  
Quod simulac sensi, ratus haec simulacra repulsa  
A speculis, ut cuja essent cognoscere possem,  
Conversis respexi oculis; sed nulla videre  
20 Contigit, hisque actis prae me, ducis ora petivi  
Dulcis, ab his pendens, quae ardebant lumine sancto.  
At mihi subridens: Noli admirarier, inquit,  
Ridentem, postquam ipsa tuum puerile notavi  
Judicium, quoniam tua planta insistere vero  
25 Non credit, sed more suo te ducit inani  
Conatu. Quas tu cernis sub imagine, verae  
Sunt animae, huc missae, quia, quae vovere, fatentur  
Se votis mansisse minus. Quare alloquere illas,  
Audi, atque adde fidem dictis. Nam vivida veri  
30 Lux, satis his faciens, a se has deflectere passum  
Ullum non patitur. — Tum unam, quae visa loquendi  
Plus cupida est, umbram fuit ingens ardor adire;  
Et coepi, quasi quem studium nimis acre fatigat



- Mussantem: O anima egregie fausta edita sorte,  
35 Quae vitae ad jubar aeternae dulcedine abundas,  
Quam qui non gustat, nunquam cognoscere possit:  
Pergratum fuerit, si des mihi discere nomen  
Ipsa tuum ac sortem vestram. — Quare illa parata,  
Nec remorata diu, haec oculis ridentibus infit:  
40 Nunquam noster amor portam poscentibus aequum  
Claudit, non secus ac similem sibi qui jubet esse  
Quemque sua ex aula. Quo me tunc tempore habebat  
Mundus, virgo Deo sacrarum rite sororum  
Augebam numerum; et, bene si scrutabere mente,  
45 Non tibi celabor forma magis aucta decora,  
Ac me PICCARDAM nosces, quae immixta beatis  
Ipsa beata choris, ubi quam lentissima sphaera  
Est lunae, locor hic. Quae nobis pectora solum  
Exhilarata ardent divini flaminis igne,  
50 Se duxisse hujus laetantur ab ordine formam;  
Et nobis sors ista data est, quae tam ima videtur,  
Quod curasse parum arguimur solemnia vota,  
Et partim solvisse minus. — Tunc occupo et inquam:  
Nescio quid vobis divini fulget in ore  
55 Mirifico, prima quod vos ab imagine mutat.  
Inde fuit nobis revocandi tarda facultas.  
At quod tu narras, dat opem, ut cognoscere vultum  
Sit mihi res levior. Sed ne hoc mihi dicere parce:  
Vos, quae felices in sphaera degitis ista,  
60 Unquam fert animus magis altas quaerere sedes,  
Plura ut mirari majoraque foedera vobis  
Multiplicare illic detur. — Prius illa parumper,  
Cum qua tunc umbra stabat, subrisit et exin  
Vultu adeo laeto respondit, ut igne caloris  
65 Icta videretur primi: Quae dissita nostrum est  
Per pectus, frater, sancti vis plurima amoris,  
Dat desiderio tranquilla pace potiri,  
Et facit, ut simul illa velit, quae possidet, ultra

- Nil sitiens. Etenim si ferret nostra cupido,  
70 Adspirare ultra atque magis sublimia inire,  
Nostra forent vota illius pignantia menti,  
Qui nos sejunctas habet hic; quod et ipse videbis  
Non cadere in sphaeras istas, ubi amare necesse  
Dicas, si bene naturam perspexeris hujus  
75 Aestus. Quin imo stat in hoc vitae esse beatæ:  
Stare intra fines, quos dat divina voluntas,  
Cum qua de nostris quoque fit mens mentibus una.  
Quare qualescumque sumus per multa gradatim  
Limina, id et regno placet omni, non secus ipsi  
80 Regi, qui nos sponte sua trahit, atque voluntas  
Hujus pax nostra est. Ipsa est illud mare magnum,  
Quo, quidquid creat illa, atque edit lucis in auras  
Natura, assiduo motus conamine tendit.  
Tum patuit mihi, ut in coelo Paradisus ubique est:  
85 Etsi cuncta beans supremi gratia amoris  
Impluat haud aequæ. Hic illorum more virorum,  
Quos daps una dedit saturos, at ubi altera restat  
Esca gulam alliciens, illi hanc spectare videntur,  
Gratiaque est aliis de prima, ego nutibus usus  
90 Et verbis egi, totam ut cognoscere telam  
Possem, unde haec radium nondum ad capita ultima traxit.  
Perfectæ ob cursum vitæ, meritumque profundum  
Altius in coelo, dixit, stat femina, cujus  
Ad normam in terris vos inter membra teguntur,  
95 Velaturque caput. Dulci dare corpora somno,  
Et vigilare illo cum sponso tempus ad usque  
Postremum cupiens, cui sunt omnia cara  
Et rata, quæ pietas et amor conformat ad æquam  
Illius mentem. Primævo flore juventæ,  
100 Illam ut subsequerer, terræ bona fluxa valere  
Jussi, quoque illa usa fuit, me vestis amictu  
Inclusi, sectamque sequi sectæque magistram  
Certa, palam vovi. At gens plus male sueta nocere,

- Quam merita, avulsit dulcis me limine claustris.
- 105 Testor ego Superos, qualis post illa dolenda  
 Vita mihi fuerit. Quae se lux altera monstrat  
 Dextra mihi fulgens, quaeque ardet lumine nostri  
 Toto orbis, quidquid de me sum farier orsa,  
 Vult de se accipias, seseque fuisse sororem
- 110 Dicit, cui capitis sacratum est tegmen ademptum.  
 Sed quoniam ad vestros fluctus invita reducta est  
 Jus contra moremque bonum, nunquam illa solutum  
 Cor habuit velo. Lux haec CONSTANTIA magna est,  
 Quae se ex Suevorum vento genuisse secundo
- 115 Progeniem narrat, quae tertia et ultima lapsi  
 Vis fuit imperii. — Sic illa, et voce canora  
 Coepit: *Ave Maria!* atque canens evanuit auras  
 In tenues, veluti grave per vada turbida corpus  
 Atque hanc, quoad potuit, cedentem nostra secuta
- 120 Est acies: ubi deflexit, quo me egerat aestus  
 Major, quaesivit signum et conversa petivit  
 Tota BEATRICKEM. Illa oculos mihi perculit instar  
 Fulguris, ut primos ictus ego ferre nequirem;  
 Quae mihi caussa fuit, cur tardior ipse rogarem.

## IV.

- Binos pone cibos distantes atque moventes  
 Cor pari utrosque modo; vacuum prius ardor edendi  
 Conficiet quemvis, qui liber sponte sua sit,  
 Quam denti alterutrum admoveat. Sic agna luporum
- 5 Iram inter geminam pariter perterrita staret;  
 Sic duo damarum canis inter corpora restet.  
 Quare, si tacui dubiis exercitus aequae,  
 Nec me reprehendam, quoniam res ipsa necessum  
 Hoc habuit, nec me laudo. Labia ipse premebam;
- 10 At desiderium liquide apparebat in ore,  
 Solaque prex vultus plus, quam distincta loquela,

Posse videbatur. — Danielis more BEATRIX

Usa est, qui regis sceptro Babylona tenentis

Iram dissolvit, violenta et iniqua jubentis.

- 15 Atque ait: Haud me jam fallit te hinc inde retorquens  
Cura duplex pressa intus, ut extra nulla patescat.

Tu sic concludis: Bona si durare voluntas

Certa est, cur unquam alterius violentia possit

Imminuisse modum meritis? Tibi et altera cura

- 20 Subjecit stimulos; ita enim remeare videntur  
Ad stellas animæ, ut sententia prisca Platonis  
Innnit. Ista gravant aequali pondere mentem  
Hinc atque inde tibi. Quare, quæ extrema labori  
Sunt tibi, quisque subest plus fellis, prima resolvam.

- 25 Qui plus ex Seraphim sese transformat eandem

In speciem, a vera quam ducit imagine patris

Supremi, Moses, Samuel atque ille Joannes,

Non Maria excepta, tu utrum velis, elige, dico,

Nemo aliis, animæ quam illæ, quarum ora videnda

- 30 Huc occurrerunt, scamnis considit, et ævo  
Nemo minor fuerit, nec grandior; omnibus unus  
Est locus, atque simul primo dant fulgere coelo,  
Quod decorant, cuncti. Sed quisquis dispare norma  
Dulcem ibi agit vitam, prout tangit plusque minusque

- 35 Aeternum hos flamen. Se hic exhibuere videndas

Illæ animæ, non quod sphaera hæc sorte obtigit ipsis,

Ast ut quaerentem coelestia scamna docerent,

Quæ minus adscendunt. Namque hæc sola apta loquela

Est vestro ingenio, quod tantum a sensibus haurit,

- 40 Quæ posthac menti committi digna putantur;

Quo magis indulget vestro Scriptura vigori,

Datque pedesque manusque Deo, et contraria vero

Accipit hæc aliter. Sic sancta ecclesia pingit

Sub vultu humano Gabrielem, membra Michaeli

- 45 Appingit, sic et jussu sanare Tobiam.

Non hanc ille viam voluit calcare Timæus,

- Humanas animas cum dicit ad astra redire;  
Nam suasisse sibi, quae dixerat, ipse videtur,  
Istas inde ratus decisas tempore ab illo,
- 50 Quo humanos artus informavere, vocante  
Natura. Ast aliter fortasse is senserit, atque  
Vox sonat ac posset fieri, ut, quae intelligit ille,  
Deridenda minus fuerint. Nam si ille putasset  
Ad sphaeras istas laudem probrumque venire
- 55 Virtutum, quae nostra valent in semina, forsan  
Nonnihil in veri signum hic offenderit arcus.  
Hoc secus acceptum, jam recto tramite totum  
Avertit mundum sic, ut persuaserit error  
Compellare Jovis Martisque et nomen inane
- 60 Mercurii. Sed quae mentem cura altera torquet,  
Est minus illa nocens; nam te haud abducere quiret.  
Illius improbitas a me. Si nostra videtur  
Justitia aequa minus mortalibus, haec via vobis  
Vestiganda, fidem exercet, non sparsa latenti est
- 65 Haereseos viro. At quoniam bene inire potestis  
Ingenio freti vestro haec penetralia veri,  
Te mittam, ut cupis, expletum. Si, iudice te, sit  
Vis, ubi, qui patitur, cogenti nil dare perstet,  
Vis genus hoc animas non excusaverit illas.
- 70 Namque haud deficiet, si nolit, vestra voluntas;  
Sed facit, in flamma quod vos facere usque videtis  
Naturam, si quis millenis ictibus ignem  
Torqueat assidue. Si flecti plusque minusque  
Se sinat, illatam dubio procul ipsa secundat
- 75 Vim. Non absimili inveniens has mente fuisse,  
Cum fuerit gressum ad sua claustra referre potestas.  
Si mens firma illis haud cedere certa fuisset,  
Quae te, Laurenti, flammata in crate manere  
Passa est assatum; qua Scaevola maluit asper
- 80 Esse suae dextrae, vis unde avulserat illas,  
Huc retraxisset tandem sua quamque voluntas,

- Ut primum est data libertas. At pectora mente  
Tam solida sunt rara nimis. Jam verba per ista,  
Si bene, uti decuit, tu ista accipienda putasti,  
85 Quae saepe ancipitem torsisset cura recursans,  
Cassa cadit. Sed nunc alium tua lumina flexum  
Offendunt, mente unde tua haud evadere posses;  
Lassarere prius. Tu me docuisse tenebis  
Id te: nunquam animam mentiri posse beatam;  
90 Quod primo coram vero stat tempus in omne:  
At dein, PICCARDA, audisti diversa locuta,  
Quod meminisse potes, animo CONSTANTIAM amasse  
Usque sacrum velum. Frater, saepe accidit istud,  
Ut quisquam, luctans praesenti exire periculo,  
95 Fecerit invitus, quod non fecisse decebat.  
Non secus Alcmaeon, qui, patre rogante, parentem  
Ipse suam exstinxit, cum maluit impius ultor,  
Quam minus ipse tenax patriae pietatis haberi.  
Haec equidem tecum vellem tu mente volutes:  
100 Suesse voluntati quoque vim concurrere mistam  
Sic, ut purgari nequeant injuria facta.  
Libera vis animi per se vitare parata est  
Omne malum; ast isthuc tunc inclinare videtur,  
Major ubi metus hanc moveat, si certa resistat.  
105 Quare quae exprimitur, PICCARDA fante, voluntas,  
Libera sponte sua est; aliter, quam hoc nomine dico,  
Accipe. Sic disces pariter nos vera locutas.  
Haud aliter sancta decurrit rivulus unda  
Fonte illo egrediens, quo verum profluit omne.  
110 Pace ita composita, mihi tum utraque cura quievit.  
Dulcis amantis amor primi, diva inclita, dixi  
Post paulo, sermo cujus mihi pectora inundat,  
Inflamatque adeo, ut magis ac magis aucta vigore  
Succrescant! Non tanta mihi est data copia cordis  
115 Prodere sensa mei, dignas ut solvere grates  
Pro meritis valeat; sed qui videt ima potestque,

- Ille tibi has referat. Jam sensi, ut nostra cupido  
 Discendi haud unquam satura est, nisi cum unica veri  
 Lux illa aeterni, quam extra spatiarier ullum  
 120 Haud possit verum, tenebras disperserit omnes.  
 Tunc ibi, ut in lustris fera, parta pace quiescit,  
 Hoc simul attigerit, quod apisci est apta facultas.  
 Nam secus omnis amor rerum cognoscere caussas  
 Insitus incassum foret. Istum propter amorem,  
 125 Ut scatebra, ante pedes veri sententia menti  
 Utrimque ambiguae emergit; naturaque mater  
 Illa est, extremum quae trudit ad usque cacumen  
 Ex colle in collem. Hic amor est, qui impellit, et hic est.  
 Hoc quoque qui suadet te, Diva, rogare scienter;  
 130 Nam res est obscura mihi. — Fert scire cupido,  
 Num, si quis voti fuerit reus, et tamen istam  
 Plusve minusve fidem tandem laesisse feratur,  
 Sat facere is vobis possit sua per bene facta  
 Alterius generis, vestra quae lance probentur  
 135 Non minimum. — Tunc me visa est spectare BEATRIX,  
 Plena utrosque oculos flamma coelestis amoris  
 Divinum usque adeo in morem, ut, mihi robore visus  
 Victo, terga darem, perstrictaque declinarim  
 Lumina, restiterimque, quasi minus utilis essem.

## V.

- Si praeter quem terra modum cognoscit, in aestu  
 Cordis amore usti tanta tibi fulguro luce,  
 Ut tibi jam virtus oculorum victa residat,  
 Noli admirari; namque hoc ex robore visus  
 5 Perfecti venit, isque cito; sua prout bona nescit,  
 Cognita venatur. Video jam, ut limpida veri  
 Aeterni tibi fax splendet, quae sola tuentis,  
 Visa semel, mentem succendit amore perenni.  
 Quodsi forte aliud vestrum seducit amorem,

- 10 Id nihil est, quam hujus signum, male cognitus index  
Hic interlucens. Modo te fert scire cupido,  
An, qui vota minus persolverit, ipse repensis  
Muneribus aliis tantumdem reddere possit,  
Omni a lite animam ut tutetur. — Talia dixit
- 15 Hujus principium cantus initura BEATRIX;  
Atque, ut qui coeptum haud sermonem obtruncat, ita illa  
Propositum tenuit sanctum. Quae maxima dos est,  
Largius indulgente Deo, qui cuncta creavit,  
Inventa, apta magis bonitatem ostendere patris,
- 20 Quamque is plurimi habet, fuit haec vis libera vestri  
Arbitrii in terris, qua cuncta et sola creata,  
Queis lumen rationis inest, ditata fuerunt,  
Et sunt. Nunc, si conjicias, voti alta patebit  
Virtus, si quis fit reus, ac Deus annuat ipsi
- 25 Ultro paciscenti. Nam inter hominemque Deumque  
Facta fides ubi sit, thesauri victima tanti,  
Quem dico, evadit, proprioque obstringitur actu.  
Quid tanti est, quaeso, pretii, quo tu ista rependas?  
Nam tibi si oblati uti bene posse videris,
- 30 Ex male sublati igitur vis crescere belle.  
Jam quod plus refert, manifesto in lumine cernis;  
Sed quia dat veniam indulgens ecclesia sancta,  
Quod penitus contra, quae dixi, vera videtur,  
Nunc te paulum etiam ad mensam consistere oportet;
- 35 Namque cibum rigidum, qualem te sumere jussi,  
Ut bene distribuas, aliquam tibi poscere debes  
Rursus opem. Tibi consilium nunc pandito mentis,  
Et mea dicta tene; nam quid tibi discere prodest,  
Copia ubi desit retinendi intenta tenaxque?
- 40 Istius natura sacri res convenit intra  
Binas, quarum una est, qua constat victima, et una,  
Quam debet promissa fides. Delere potestas  
Postremam nulla est, nisi sis hanc solvere certus;  
Quod sic praecise supra mea lingua monebat.



- 45 Quare etiam fuit Hebraeis offerre necesse,  
Quamquam his mutandi nonnulla piaminis esset  
Copia, quod nosti. Nam quae est tibi prorsus aperta  
Altera, materiam dico, virtute valere  
Illa potest tanta, ut dolus omnis abesse putetur,
- 50 Si quis materiam diversam subdere averet.  
At non permutet pondus, quo forte gravatur,  
Pro arbitrio sibi quisque suo, ni argentea clavis  
Flavaque se vertant; et quaevis stulta putanda est  
Mutandi ratio, nisi res dimissa vicissim
- 55 Contineat sumptam, veluti in bis triplice summa  
Bis duplicem invenies. Quare quodcumque suae vi  
Naturae usque adeo grave sit, ut pondere lancis  
Detrahat omne genus, nulla hoc impensa rependet.  
Discite, mortales, votum non pendere nauci;
- 60 Sed servate fidem, nec agat vis coeca furoris,  
Ut Jephten, ubi prima illi solvenda reperta  
Strena est; cuius erat potius, se egisse fateri  
Prave, quam praestare fidem pejora patrando.  
Sic mente est visus stolidi dux magnus Achivum;
- 65 Quare flere sui decus Iphigenia coacta est  
Vultus, prudentesque simul stultosque nefandi  
Admonitu cultus lacrimas effundere adegit.  
At vos, Christiadae, graviore incedite motu,  
Neve instar pennae vos quaevis efferat aura,
- 70 Et ne credatis vos posse in qualibet unda  
Sordes abluere. Antiqui Scriptura novique  
Stat Testamenti; stat sancti ductor ovilis  
Supremus pastor: sat vobis ista salutis  
Sit via. Quodsi quidquam aliud perversa libido
- 75 Clamat, vos homines esse, haud expertia mentis  
Armenta, admoneat ratio, ne, qui incola vestrae  
Judaicus terrae est, vobis illudere discat.  
Ne vos ardor agat lascivi more bidentis  
Agni, maternum qui lac contemnit et ipse

80 Pro lubito simplex miscet sua proelia secum.

Haec mihi, quae placuit scriptis mandare, BEATRIX.

Dein cupida, et sanctis exardens tota favillis

Illa otulis partem mundi quaesivit, ubi ora

Plus fulget vivax. Hujus reticentia, vultus

85 Mutatus, nova volventi ardentique rogare

Ingenio abruptit sermones; utque sagitta,

Quo missa est, stat fixa prius, quam chorda quiescat,

Sic sensi regnum nos irrupisse secundum.

Hic praeportantem tam laeta gaudia fronte

90 Tunc vidi Dominam, postquam se in luce locavit

Illius coeli, ut radiaverit ipse planeta

Uberius. Quodsi sese immutavit, et aureo

Ignem astrum risit, quid ego mutabile nostra

Natura omnimodis animal? Ceu squamea clari

95 In lymphis stagni, quidquid super innat, hianti

Ore armenta petunt, escam rata: sic ego vidi

Millia splendorum lateri agglomerantia nostro,

Singulaque ajebant: Ecce illam, quae auget amores

Nostros; quoque magis propter se quaeque ferebat

100 Umbra, videbatur dare gaudia plena vibrante

Fulgore emisso. — Id, lector, fac mente volutes:

Si quae hic incipio, mox imperfecta relinquam,

Nullum addens verbum, qualis cruciaret egestas

Te scire ulteriora avidum? Et cognoscere quibus

105 Per te, quae fuerit, simulac patuere, cupido

Audire hos, fantes quae sit data cuique locato

Isthic conditio. O animans bene nate, triumphum

Aeterni sedes cui cernere gratia donat,

Ante a militia quam jusserit ista vacare,

110 Lumine coelorum totam spatiantem per aulam

Nos sumus incensi; quare si forte voluntas

Hortatur clare rationem discere nostram,

Sponte tua hanc exple. — Sic de coetu una piorum

Vita illo dixit; pariterque est fata BEATRIX:

- 115 Dic age, dic tuto et crede, haec fore dicta Deorum.  
Sat bene percipio, propria qui in luce moreris,  
Atque hanc ex oculis ducas; nam flamma coruscat,  
Prout tu diffuso pandis tua gaudia risu,  
Digna anima; at non scire mihi est, quo nomine nota
- 120 In terris fueris, nec quae dedit istius astri  
Causa gradum tibi, quod celat mortalibus ora  
Alterius propter radios. — Haec pectore fudi,  
Defixis oculis in lucem talia fatam.  
Quare haec lucidius multo, quam fulserat ante,
- 125 Exarsit, veluti sol, qui splendore micanti  
Uberius, postquam corrosit flamma vapores  
Aestum mulcentes, oculis se subtrahit ipsum.  
Laetitia superante magis mihi facta serena  
Illa anima, involvit proprio se lumine, et almam
- 130 Mi celans penitus penitusque inclusa figuram,  
Haec responsa dedit cantu referenda sequenti.

## VI.

- Ex quo aquilam a coeli cursu, quem est illa secuta  
Juncta duci antiquo thalamum Laviniae adepto,  
Compulit, aversam discedere Constantinus,  
Centum annos centumque et plures nobilis ales
- 5 Grata Deo, Europae extremis consedit in oris,  
Ad montes, unde illa prius digressa volatum  
Flexerat; alarumque sacra tutata sub umbra  
Mundum ibi, non interrupto rerum ordine, rexit,  
Mutandoque vices eadem ad me denique venit.
- 10 Caesar et ipse fui, quem nomine JUSTINIANUM  
Dicunt, atque volente illo, qui me icit, amore  
Primo, quod superans leges et inane jubebant,  
Delevi; atque prius tanto quam accingerer auso,  
Unam, non binas naturas rebar inesse
- 15 Christo, istaque fide vitam contentus agebam.

- At me pastoris supremi vox Agapeti  
Sincerae docuit fidei sanctissima normam.  
Credita res illi est; et clara in luce videnda  
Nunc mihi dicta patent hujus, ratione modoque,  
20 Quo, si quando aliquis quidquam simul asserit atque  
Ipse simul negat, et falsum et verum esse videbis.  
Ut primum movi vestigia cum grege sancto,  
Inceptum sublime, Deo adspirante benigno,  
Deduxi, incumbens totus, dum justa movebat,  
25 Imperium me dante, meus Belisarius arma :  
Cui sic juncta fuit coelestis dextera regis,  
Ut mihi suaderet studio requiescere in isto.  
Ad quae prima rogas, jam sat fecisse putarem  
Hoc tibi responsum; at me cogit longius ire  
30 Ejus conditio, atque aliud quidquam addere dictis.  
Ut bene perspicias, justo quo jure verendum  
Atque sacrum signum contra certamina tanta  
Permuli moveant, et qui sibi vindicet, et qui  
Abnuet adverse nitens; nunc accipe, quanta  
35 Fecerit hoc signum cunctis venerabile virtus,  
Ceperit ex illoque die, cum lumina noctem  
Clausit in aeternam Pallas, huic tradere regnum  
Dum studet. Haec volucris per trina ut sederit Albae  
Saecula et ulterius, nosti, sua corpora donec  
40 Pubes tergemina haud dubitavit propter eandem  
Objecisse neci; nostique, quid egerit ista,  
Triste Sabinarum tempus si mente revolvās,  
Atque inde usque illud repetas, cum pectora ferro  
Ulta suum admovit Lucretia prisca dolorem,  
45 Per septem victrix reges, dominata propinquos  
Imperio in populos: nosti, quid gesserit ipsa,  
In Brennum, in Pyrrhum a claris illata manipulis  
Romulidum, inque alios reges socialiaque arma.  
Quare Torquatus, tum Quinctius a neglecto  
50 Cincinno dictus, Decii Fabiique decora

- Fulserunt fama, quam myrrha aspergo libenter.  
Haec Arabum stravit fastum vexilla sequentum  
Hannibalis, gelidas illis rumpentibus Alpes,  
Ex quibus, Eridane, Italicis illaberis agris.
- 55 Hoc duce, adhuc pueri et juvenes, duxere triumphos  
Scipio Pompejusque, et colli est visa dolenda,  
Sub quo tu primas hausisti luminis auras.  
Deinde prope aetatem, qua totius una voluntas  
Coeli decreerat mundum componere pace,
- 60 Ipsam corripuit Caesar, Roma urbe rogante.  
Et quid, praetergressa Varum, ad vada fluminis usque  
Fecerit haec Rheni, satis Isara vidit et Hera  
Sequanaque atque omnes valles, queis plenus abundat  
Elabens Rhodanus. Quid, ubi est egressa Ravenna
- 65 Irrupitque amnem Rubiconem, haec gessit, id alae est  
Talis, ut hanc oculi haud possent servare sequentum,  
Nec scribae calamus. Contra oppida Iberica vertit  
Agmen, dein propius Dyracchia moenia, et urbem  
Pharsalon adeo percussit, ut usque vagatus
- 70 Ad Nili calidas luctus pervenerit undas.  
Haec iterum Antandri terram Simoentaque vidit,  
Unde olim exierat, bustumque ubi procubat Hector,  
Atque in perniciem Ptolemaei denique somnum  
Exiit; unde Jubam oppressura erupit ad instar
- 75 Fulgoris: Hesperiam dein vestram ingressa, volavit  
Pompejanarum sonitu invitata tubarum.  
At quod signiferum gessit comitata secundum,  
In tetro latrant Brutusque et Cassius Orco,  
Idque dolet Mutina, atque obsessa Perugia luget.
- 80 Nunc etiam tristis fundit Cleopatra querelas,  
Quae instantem fugiens, subitam sibi traxit ab angue  
Atque atram mortem. Hoc fortes ducente catervas,  
Littus ad usque maris rubri discurrit et, ipso  
Ductore, haec potuit mundum componere pace
- 85 Tanta, ut sacratam Janus sibi viderit aedem

- Clausam. — At quod suasit vexillum talia fari,  
Fecerat ante et erat facturum pro imperii vi  
Mortali in terris, quod sub ditione gubernat,  
Fit leve et obscurum specie, si tertius haeres  
90 Spectandus fuerit Caesar, te iudice acuto,  
Et studii puro. Nam justa, aeterna potestas,  
Hanc mihi quae inspirat mentem, concesserat illi.  
Quem dico, laudem, quam ultam duxisset ob iram  
Id dantis. — Nunc quae huc veniunt referenda, stupebis.  
95 Dein, comitante Tito, poenas sumptura volavit  
Antiquum ulta scelus. Tum vero, ubi ovile momordit  
Dens Longobardus sanctum, sese illius alis  
Tectum succurrisse isti, victo hoste, fatetur  
Carolus in terris Magnus. Jam tu ipse videbis,  
100 Qui sint, quos supra accuso, et quae hos crimina damnent,  
Unde venit vobis cunctorum caussa malorum.  
Altera communi signo pars lilia flava  
Opponit, seorsim pars altera vindicat istud;  
Mens est in dubio, quis major ceperit error  
105 Alterutrum. Utatur solita pro viribus arte  
Turba Ghibellini studio inflammata furoris;  
Ast aliud signum quaerat sibi; non bene miles  
Hoc sequitur, qui a justitia sejunxerit ipsum.  
Neve hoc. Guelphorum turba stipante suorum,  
110 Carolus iste novus sternat, verum horreat ungues,  
Qui mage sublimi vellus vulsere leoni.  
Jam saepe ob culpam nati flevire parentum;  
Nec mutaturum propter sua lilia numen  
Signa putet. Parvi decus hujus sideris ornant,  
115 Quae nullos unquam detrectavere labores,  
Gnavae animae, aeternum ut veniat post funera nomen.  
Namque ubi curae isthuc tendunt, et tramite oberrant  
Huc illuc vario, pariter veri ignis amoris  
Et minus atque minus vivax adscendat, oportet.  
120 Ast haec cum merito commensis pignora nostro

- Pars est aetitia, quia nec majora videmus,  
Nec minus ampla dari. Hinc iudex ita temperat aequus  
In nobis pectus mulcendo, ut nulla cupido  
Nos unquam ad studium deducere possit iniquum.
- 125 Diversi vocum sonitus modulamine dulces  
Dant numeros; pariter scamna haec diversa potitos  
Hac vita, istarum harmonia resonante rotarum,  
Dulce beant. Hujusque inclusum lumine baccae  
Romaei est lumen, cui grandia pulchraque facta
- 130 Cesserunt male apud male gratos; sed neque risit  
Adversans Narbo. Quare pede claudicat ille,  
Qui nocitura sibi alterius benefacta putavit.  
Bis geminas habuit natas Ramundus, avito  
Nomine, quod dederat gens Berlingaria, notus.
- 135 Omnes reginas, ignobilis ac peregrini  
Cura Romaei. Deinde ore sat ille superbo  
Hunc justum totam rationem evolvere jussit,  
Bis ubi sena dedit, quae res bis quina ferebat.  
Inde hic cessit inops et multis debilis annis
- 140 At si magnanimi mundus cor nosset, in omne  
Mendicati aevum frustatim quamlibet escam,  
Laudatum valde magis hunc efferret ad astra.

## VII.

- Sis nobis tutela, Deus, ter sancta potestas  
Pugnas pugnantum ac virtutum, luce beatos  
Qui clara affulgens ignes haec scamna tenentum  
Illustras totos. Vocalem ita visus, ut ante,
- 5 Ille mihi arripuisse notam est hosque edere cantus,  
Quem super expandit duplicatum flamma nitorem.  
Mox ipse, atque alii rursus duxere choream:  
Utque favillarum quam velocissimus imber,  
Sese improviso mihi velavere abeuntes.
- 10 In dubio haerebam et mecum: dic, ipse loquebar,

- Dic Dominae, guttis praesenti dulcibus omnem  
Exsaturare sitim. — At toto pudor ille potitus  
Pectore, conantem depromere verba soluto  
Ore, BEATRICEM me compellare vetabat,
- 15 Ut quem debilitat somnus. Nec passa BEATRIX  
Balbutire diu est, verbis et talibus inquit,  
Illo mi radians risu, qui quemque bearet  
In medio igne hominem: Te falso impervia fantem  
Jam video: quare, qui poenam jure poposcit
- 20 Laesus, is ultores jure haud est passus inultos?  
At tibi mox mentem expediam, tu figito dicta  
Haec animo; mea enim magni sententia doni  
Instar erit. — Qui vir non venit lucis in oras  
Prognatus, frena illa indignans apta volenti
- 25 Virtuti, sese damnatus perdidit, una  
Damnavit genus omne. Ideo per saecula multa  
In magnis jacuit gens strata humana tenebris  
Aegra, Dei Verbo donec descendere visum est,  
Junxit ubi persona hujus sibi sponte rebellem
- 30 Naturam auctore a proprio longeque remotam,  
Aeterno tendente arcum tantummodo Amore.  
Fac nunc advertas et, quae dicam, accipe mente.  
Ex nihilo ista creata recens natura parenti  
Juncta suo, qualis ficta est, fuit integra, justa;
- 35 At propriam ob noxam regno est depulsa beato;  
Nam sese a vero vertit vitaeque priore.  
Poena igitur, quam crux subeundam praebeuit illi,  
Si commetiri est naturam, quam sibi sumpsit,  
Cum poena, nullum tanto unquam jure momordit.
- 40 At pariter nunquam ulla fuit tam injuria poena,  
Si tu personam, quae se compressit in istam  
Naturam, inspicias. Ex uno simplice facto  
Diversa exstiterunt. Placuit mors una Deoque  
Judaeisque: ob eam tellus concussa tremore
- 45 Horruit, et portas patefecit regia coeli.



- Ne mirere ultra, si quem sic farier audis,  
Ultiores irae justae justam esse cohortem  
Ultam. Ast implicitam tibi mentem haerescere nodo  
Districtam vario video, quo magna cupido
- 50 Hanc extricatam exspectat. Tu talia tecum:  
Haec audita mihi facile est advertere mente;  
Sed me caussa latet, cur solum hac arte redemptos  
Nos Amor is vellet. Frater, manet ista sepulta  
Lex oculis cujusque hominis, cui flamine sancti
- 55 Nondum etiam ingenium flammis adolevit amoris.  
Ingenue ipsa quidem, nam huc spectant multa virorum  
Consilia, atque parum sunt internoscere verum  
Apta, loquar, quare fuerit ratio ista legenda  
Digna magis. Quae omnem bonitas divina repellit
- 60 Livorem, proprii tota ardens ignibus ignis  
Flammat ita, aeterni ut diffundat ubique decoris  
Diffrangas. Quidquid privum modo manat ab ipsa,  
Nunquam deletur. Neque enim hujus signa moventur,  
Quae semel impressit. Quidquid privum impluit ipsa,
- 65 Non comitante alia caussa, manet omne solutum  
Servitio (neque enim a rerum virtute novarum  
Id pendet) plus huic sese conformat eoque  
Plus placet. Ardor enim sanctus, luce omnia lustrans,  
In quem plus similem sibi adit, vivacius igne
- 70 Fulgurat. Humanae cuncta haec dant crescere stirpi;  
Deficiente uno, simul ipsa minuta necesse est  
Nobilitate cadat. Quae libertate carentem  
Hanc facit, est culpae labes; haec unica caussa est,  
Diversam a summo quae ipsam deformat Amore;
- 75 Namque parum istius lucis se luce colorat:  
Et nunquam in decus antiquum sese ipsa reponet,  
Ni plenum instauret, quod culpa reliquit inane,  
Accumulans justas contra mala gaudia poenas.  
Vestra ubi se in proprio maculavit semine totam
- 80 Natura, istorum est ornatu exuta decorum,

- Et pariter procul a Paradisi sede beata  
Pulsa; nec amissam sortem reparare potestas  
Huic fuerat, bene si advertas, ratione modove  
Ullo, ni ipsa vadum ex istis transmitteret unum;  
85 Aut Deus indulgens culpam dimitteret istam  
Solutus, vel natura suo medicata furori  
Vestra esset. Modo tu in barathrum defige profundum  
Consilii aeterni visum, et mea collige dicta,  
Intentaque tuis pro viribus accipe mente.  
90 Limitibus finita suis humana propago,  
Sat facere haud unquam poterat, nam copia deerat  
Quam minimum inferius descendere, in omne futurum  
Tempus parendo, quando se tollere in altum  
Obssequiosa minus voluit. Nunc caussa patebit,  
95 Cur generi humano noxae via clausa piandae est.  
Ergo vias aperire suas coeleste necesse  
Numen erat, lapsique hominis succurrere vitae,  
Integra ut huic fieret; via seu foret utilis una,  
Sive ambae. At quoniam tanto jucundius esse  
100 Fertur agentis opus, quanto manifestius ampla  
Elucet bonitas cordis benefacta parantis,  
Primus Amor, propria qui signat imagine mundum,  
Ut vos erigeret, voluit percurrere cunctas  
Ipse vias. Nec cum veniet nox ultima terris,  
105 Nec cum sol primum emicuit, tam utrique profundum,  
Nec tam magnificum facinus fueritque foretque.  
Nam supremus Amor sese largitus, ut apta  
Progenies humana foret sese erigere, ultro  
Largior est, quam si solus dimitteret ipse.  
110 Nec sat justitiae ratio quaecumque fuisset  
Altera, ni Deus ipse Deo generatus, Adami  
Indutus carnem ingenitum decus objecisset.  
Nunc curam expletura omnem, nonnulla revertor  
Ad loca declaranda, ut ibi tu cernere possis  
115 Non secus atque ego nunc. Haec tu tecum: Aëra cerno,

- Humorem, terram atque ignem et mista omnia eorum  
Semina corrumpi atque parum diuturna manere.  
Et tamen ex nihilo fuerunt haec ipsa creata;  
Quare, si verum dixi, corrupta resolvi  
120 Haud unquam possent. — Frater, chorus ales Olympi,  
Sincera haec regio, qua praesens ipse moraris, —  
Qualia nunc constant, — pura atque integra creata  
Haec possunt vere dici; at primordia rerum,  
Quae modo dixisti, tum quae nascuntur ab ipsis,  
125 Omnia deducunt formam a virtute creata.  
Materies, ex qua constant seorsim, ipsa creata est,  
Visque creata fuit per se apta inducere formam,  
Insita sideribus circum informanda rotatis  
Corpora. Sanctorum radius, motusque globorum  
130 Pro cuiusque habitu, cui priva potentia juncta est,  
Attrahit alituum pecudumque gregisque marini  
Plantarumque animas. Bonitas at summa parentis  
Hanc nostram spirat vitam non conciliatam  
Externis rebus, simul inspirans sui amorem,  
135 Ut desiderio dein Patrem semper anhelet.  
Hinc tibi colligere est, quare caro vestra resurget,  
Si bene perpendas, qui tum fuit edita, primos  
Cum primus nobis genitores condidit auctor.

## VIII.

- Olim haud absque suo credebat terra periclo  
Formosam Venerem, quam tertia sphaera rotantem  
Accipit, insanum radiis emittere amorem;  
Quare ubicunque loci veteres errore vetusto  
5 Huic struxere aras, cultam in sua vota vocantes,  
Cumque Cupidine iis fuit usque in honore Dione.  
Hanc etenim matrem dixere, illumque creatum,  
Qui quondam infixus gremio infelicis Elisae  
Sederit. Hinc ipsi ducebant nomina stellae,

- 10 Cui modo cervicem est solis, modo cernere frontem,  
Unde mihi istius desumpsi exordia cantus.  
Ipsam adscensurus non sensi; intrasse BEATRIX  
Admonuit; namque illa magis mihi visa decora est.  
Ac veluti in flamma nitet inspicienda favilla,
- 15 Utque in voce licet vocem distinguere, ubi una  
Atque eadem manet, atque abit exspatiata, reditque  
Altera: sic alias vidi hac in luce moveri  
Lampadas in gyrum properanter plusque minusque,  
Aeterno prout cuique frui splendore dabatur,
- 20 Ut reor. Argenti nunquam de nube ruerunt  
Perspicui, aut coeci cursu tam praepete venti,  
Ut non impliciti lentique videntibus ista  
Lumina sint visi, divina mihi obvia ferri,  
Gyro interrupto, cujus primordia ab altis
- 25 Incepere prius Seraphim; post obvia prima  
Auribus audiui *Hosanna!* tam dulce canorum,  
Ut nunquam posthac repetitum audire cupido  
Desinat. — Interea propius nos adstitit unus,  
Et solus dixit: Cuncti indulgere parati
- 30 Hic tibi nos sumus, ut nobis gaudere facultas  
Sit tibi. Nos cum principibus coelestibus unum  
Circumagi in gyrum cursumque sitimque solemus,  
Ad quos in terris fudisti hunc pectore cantum:  
*Vos, monstrante Deo, queis tertia sphaera movenda*
- 35 *Contigit*; ac tanta nobis cor ardet amoris  
Flamma, ut non sit dulce minus cessare parumper,  
Dum tibi sat fiat. Postquam pudibunda modeste  
Lumina converti ad Dominam, et simul ipsa benigne  
Annuit, atque fidem fecit, fuit impetus illam
- 40 Inspicere in lucem, quae mi promittere tantum  
Audita est donum, et: Dic, cuja es? nostra locuta est  
Sensu vox impressa pio penitusque profundo.  
Et quanta et qualis plus est mihi visa refulgens  
Laetitia aucta nova, cum me sua gaudia fari

- 45 Vidit suadentem! Haud aliter verba edidit ista:  
Non habuit me terra diu; si vita fuisset  
Longa diu, mala multa forent, quae nulla fuissent.  
Me tibi laetitia occultat mea, plurima circum  
Quae radiat velatque tibi me animalis ad instar,
- 50 Serica fila sibi cui sunt sua fascia. Magno  
Junctus amore mihi, nec deerat caussa, fuisti;  
Nam si ibi mansissem, tibi veri ostendere amoris  
Me plus quam frondem vidisses usque paratum.  
Pars ea laeva orae, Rhodani quam perluit unda,
- 55 Mista ubi sit Sorga, me quondam tota manebat  
Regem, atque Ausoniae quod cornu tecta frequentant  
Baris, Cajetae, Crotonis, ubi unda Truenti  
Et Verdis pelago miscetur. Jam aurea crini  
Serta meo dederant, quas terras irrigat Ister,
- 60 Postquam Teutonicos parcit contingere fines;  
Quaeque Pachinum inter tellus, interque Pelorum  
Splendida caligat Trinacria, plusque laborat  
A vento supra Catanam (nec poena Typhoei  
Causa est, sed nascens sulphur) proprios quoque reges
- 65 Vidisset. Nostro regnasset sanguine cretus  
Carolus, et natae soboles generosa Rudolphus,  
Ni pravum imperium, quod semper corda dolore  
Subjecti torquet populi, clamare Panormi  
Vulgus adegisset: Percelle, interfice, caede.
- 70 At si id prospiciat, mihi qui est germanus, avaram  
Pauperiem fugeret Catalaunam, ut damna futura  
Vitaret. Nam, ut vera loquar, sive ipse, necesse est.  
Sive sui caveant, ne major sarcina onustae  
Navi imponatur. Cujus natura propinquis
- 75 Edita munificis, descendit parca, ministrisque  
Orbata est implere minus curantibus arcam.  
Dum, quam tu fundis fando, haud secus atque ego cerno,  
Altam laetitiam credo te cernere, ubi omne  
Desinit, exoriturque bonum, mihi gratius istud

- 80 Contingit, simul et magni est; namque ista patescunt,  
Te inspiciente Deum propius. Mea pectora comples  
Laetitia; sed fac doceas, qui semine amarum  
Ex dulci manare queat; nam, te ista locuto,  
Mens pendet magna dubitandi exercita caussa.
- 85 Vix haec fatus eram, subito cum talia reddit:  
Si tibi, quod poscis, mihi verum ostendere fas sit,  
Ante oculos veniet, quod nunc post terga tenetur.  
Quae totum bonitas, quod gestis scandere, regnum  
Voluit satque facit, qua temperat omnia, mente,
- 90 Virtute ingenita haec ingentia corpora donat.  
Nec modo naturas omnes sapientia per se  
Optima disposuit, verum prospexerat ipsis  
Atque saluti horum. Nam quidquid percutit artus  
Iste, ad propositum finem descendat oportet,
- 95 Non secus ac telum iussum contingere signum.  
Ni faciat, coelum, quod obis, sic ederet omne  
Inceptum, ut possis hoc aequiparare ruinae:  
Idque nequit fieri, ni mens haec astra moventum  
Deficeret mensque illa prior minus apta jaceret.
- 100 Visne magis nitide hoc per me cognoscere posse?  
Huic ego: Nil ultra; fieri non posse fatebor,  
Ut quod, opus fuerit, natura parare gravetur.  
Ille autem: Modo dic, numquid pejore futurum  
Conditione putes hominem, nisi civis is esset
- 105 In terris? Verum, respondi; et nulla roganda  
Hic est mi ratio. Sed quomodo civis in urbe  
Esse potest? Nam illic, nisi quis diversa sequatur  
Munera diverse, non vivitur. Hoc dabis ultro,  
Si bene praeceptor vester scripsisse putetur.
- 110 Sic is descendit pergens huc usque gradatim;  
Postea conclusit: Diversas ergo necesse est  
Vestrorum esse operum radices. Namque Solonis  
Unus habet pectus; Xerxes hic nascitur; ille  
Melchisedech; alter, qui natum perdidit, alis

- 115 Aëra tranantem. Coeli quae conficit orbes  
Natura, huic cerae mortali facta sigillum,  
Utitur arte sua; sed non praeponere curat  
Illam illamve domum. Hinc est, ut semine eodem  
Esavus natus Jacobo a fratre recedat,  
120 Nascaturque adeo vili genitore Quirinus,  
Quem Marti reddunt. Semper natura creata  
Iret iter, referens mores atque ora parentum,  
Si mens supremi non vinceret optima patris.  
Nunc tibi id ante oculos stat, quod post terga manebat.  
125 Verum ut cognoscas, quam sis mihi carus, id addam,  
Quo te praecinctum cupio. — Natura per omnes  
Aetates, ubi fortunam sibi vidit iniquam,  
Ut quodvis aliud semen regione remotum  
A propria, evadit minus utilis et male cedit.  
130 Quodsi terrigenae, quae fundamenta locavit  
Natura ante oculos, non contemnenda putarent;  
Ista secuti homines veris virtutibus irent  
Aucti. At vos in coenobium detruditis illum,  
Qui fuerat natus praecingier ense cruento,  
135 Et regem facitis, qui est dignus dicere caussas;  
Quapropter legitis vestigia devia cursu.

## IX.

- Posteaquam ille tuus, CLEMENTIA pulchra, resolvit  
CAROLUS ambagem mihi, coepit deinde malignas  
Enarrare suum fraudes in semen ituras;  
Atque ait: Ista sile ac volucres sine labier annos.  
5 Quare nil aliud possum, nisi dicere justum  
Venturum luctum vobis post aspera damna.  
Et jam versa erat ad solem vita illius almi  
Luminis, explentem vota omnia, ut illa Voluptas,  
Sat cunctis quae sola facit. O pectora falsa,  
10 Impiaque evasura, bono quae avertere tanto

- Haud dubitatis iter, res et spectatis inanes!  
Atque ecce ex illis lux altera, seque paratam  
Indulgere mihi, jaculando spicula flammae,  
Monstrabat. Tum oculis, ut primum, fixa BEATRIX  
15 In me, sat monuit cupidum; atque ego talia fudi:  
O, quaeso, mea vota exple, sortita beatam  
Vitam anima, ac certum facias me in te intima cordis  
Posse repercutere. — Haec nova mi lux hactenus, imo  
Ex centro, unde dabat cantus, talem edere vocem  
20 Coepit, more viri gaudentis amore juvandi:  
Illa ubi prava Italiae regionis terra videnda  
Considet, urbem intra Venetam fontesque minantis  
Medoaci ac Plavis, tollit se vertice collis  
Non alto, unde olim fax est delapsa, ruina  
25 Aggressa ingenti vicinos. Protulit una  
Me radix istamque. Vocor CUMNITIA, et isthic  
Fulgeo, quod placuit mihi splendor sideris hujus.  
At mihi caussa meae, qua laetor, maxima sortis  
Indulgenda venit, cujus non taeduit unquam;  
30 Quod facile haud vestro fuerit fors credere vulgo.  
Laetitia haec nostro praefulgens caraque in astro,  
Quaeque propinqua mihi magis est, monumenta paravit  
Permulta in terris magnam celebrantia famam,  
Atque, priusquam abeat, hic jam centesimus annus  
35 Quintuplicatur adhuc. Nunc disces, quam utile cedat  
Viribus ingenii, pulchrisque excedere factis  
Mortali, ut primam vitam nova vita relinquat.  
Non hoc, quam majus Tilaventum Athesisque recentem  
Progeniem claudunt, meditatur pectore turba;  
40 Nec, licet aspra premat clades, hanc poenitet acti.  
Sed non tempus abest, quo gens Patavina paludi  
Immutabit aquas, quae praeterlabitur agros  
Bergae, jus contra populo in fera fata feroce.  
Atque ubi se Silis Cagnano flumine miscet,  
45 Imperio exsultans elata fronte superbus



- Incedit quidam, cui jam stat rete paratum  
Ipsum capturum. Flebit quoque Feltria iniquum  
Pastoris facinus, tali quae labe probrosa  
Fiet, ut ob. similem se quemquam Malta negarit  
50 Antra sua ingressum vidisse. Sed unius esset.  
Ampla nimis mensura cadi, exceptura cruorem,  
Quem scis effudisse tuas, Ferraria, venas;  
Et lassaretur, si cui forte uncia lance  
Singula collibranda foret, quem presbyter ille  
55 Largus donabit, studia ut sua comprobet illi  
Parti; atque istius gentis bene congrua vitae  
Talia dona forent. Coeli sublimibus adstant  
In templis specula, ista thronos gens vestra vocavit,  
Judicis alma Dei lux nobis unde refulget  
60 Sic, ut, quae dixi, nos pondus habere putemus.  
Hic tacuit similisque alias sub pectore curas  
Volventi visa est, ob, quam velut ante rotavit  
Centrum ingressa, rotam. Mihi jam notae altera forma  
Laetitiae praeclara oculis apparuit, instar  
65 Arte laborati nitido sub sole balassi.  
Laetantem domus alta Dei splendoribus auetat,  
Non secus ac risu tellus; sed nigrior umbra  
Tartarea est tanto, quanto est mens tristior ipsi.  
Cuncta Deus videt, inque illum penetrasse putanda es,  
70 O felix anima, huic dixi, ut jam nulla cupido  
Suspirans ipsum tua lumina fallere possit.  
Ergo voce tua, quae magnum oblectat Olympum  
Cantibus assiduus ardorem mista piorum,  
Quorum alae capiti senae implicuere cucullum,  
75 Cur me non exples avidum? Nec verba manerem  
Ipse tua, in te si inspicerem, in mea pectora ut ipse  
Tu penetras. — Major vallis, tunc incipit ille,  
Excepto pelago, quod mundum circumit omnem,  
In quam se effundant undae, diversa pererrat  
80 Littora, soli adversa adeo, ut medii ipsa diei

- Conficiat callem, cum illic, qui terminat aethram  
In plano medium, circulus spectetur, ubi ista  
Incipit. Illud ego littus, Macram inter et inter,  
Ebraeum, incolui, exiguo quod tramite Thuscum  
85 Dividit a Ligurum populo. Ortum vergit ad unum  
Occasumque quasi unum Saldarum, ac mea tellus,  
Quae quondam proprio tepefecit sanguine portum.  
Me haud ignara mei gens nominis appellavit  
Folcum. Signa mei coelum hoc praeporat, ut olim  
90 Hujus ego. Haud adeo exarsit Belo edita Dido,  
Sichaeo pariter, pariterque odiosa Creusae,  
Quantum ego, dum tulit id crinis. Non illa dolosum  
Demophoonta sibi Rhodope conquesta, nec imo  
Arsit ita Alcides inclusam pectore Iolen.  
95 At non ista tamen cor nobis cura remordet,  
Verum hic ridetur, non quae jam culpa redire  
In mentem haud posset, sed virtus, quae ista paravit.  
Hic ars suspicatur, quae astrum tanto ornat amore,  
Suspiciturque bonum, per quod mens prona deorsum  
100 Fert reditum ad Superos. Verum ut discedere curis  
Pacatis penitus possis, quas attulit ista  
Sphaera tibi, stat adhuc ultra procedere verbis.  
Scire cupis, cujus hoc lumen, quod fulget in illa  
Sic face me juxta, ut radius solaris in unda  
105 Pura. Nunc audi: hic intus sua gaudia RAHAB  
Expandit, nostroque choro conjuncta, sigillo  
Illius est impressa, gradum sibi nacta supremum.  
Sidus in hoc, ubi apex postremus desinit umbrae,  
Quam tua terra parit, Christo ducente triumphum,  
110 Haec assumpta prior venit, meritoque decebat  
Hoc aliqua in coeli sphaera mansisse trophaeum,  
Per quod clareret victoria tanta lucrati  
Utrisque hanc palmis. Haec primo faverat auso,  
Josue ubi victor sancta est tellure potitus,  
115 Quae minime tangit vestri praecordia Papae.

Urbs tua, quae illius planta est, qui vertere primus  
 Terga suo auctori est ausus, cujusque dolendus  
 Est adeo livor, progignit et undique fundit  
 Florem illum tristem, pecudes qui avertit et agnos;  
 120 Namque hic ex pastore lupum fecisse rapacem  
 Arguitur. Quare Scripturae verba ducesque  
 Magni linquantur. Pervolvere Decretales  
 Unica cura est his, haec his sibi priva supellex.  
 Hoc est Pontificis studium, hoc, qui cardine celso  
 125 Effulgent positi, volvunt sub pectore Patres.  
 Nazareth haud ipsis curae est, ubi Gabriel alas  
 Tendit. Sed Petri templum et sacra caetera Romae,  
 Bustaque militiae Petri vexilla secutae  
 Turpi ab adulterio quamprimum libera cernes.

## X.

In genitum inspiciens pariter cum flamine amoris,  
 Saeculorum a serie aeterna quem spirat uterque,  
 Primus rerum opifex, una, infinita potestas,  
 Quodcumque aut menti aut oculo obversatur, is omne  
 5 Ordine perfecit tanto, ut, qui viderit istud,  
 Nemo carere queat potiundi illius amore.  
 Ergo oculos attolle rotas, mi lector, ad altas,  
 Recta illuc mecum suspectans, vis ubi motus  
 Una aliam alternis icit rapido incita cursu;  
 10 Atque illic artem fac contemplare magistri  
 Intus amantis opus proprium, ut sua lumina ab isto  
 Haud unquam amoveat. Cerne, ut diffunditur inde  
 Circulus obliquus praesens afferre planetas,  
 Ut sat terrigenis fiat clamantibus illos.  
 15 Quodsi non ipsis via torta obeunda daretur,  
 Permulta in coelo virtus effusa periret,  
 Omnis et inferius vis ferme mortua staret.  
 Quodsi plusve minusve a tramite declinarent

Recto cedentes, valde imperfectus ubique

20 Ordo foret sursum ac deorsum, quo cuncta moventur.

Tu modo sede tua sedeas, ea mente volutans,  
Quae leviter libas, si gaudia plena, priusquam  
Deficias, o lector, amas. Tibi mensa parata est  
Per me; fac dapibus per te vescaris opimis.

25 Namque ea materies, quam sum describere adortus,  
Omne meum ad sese ingenium curamque retorquet.

Quem sibi majorem novit natura ministrum,  
Omnia qui signat coeli virtute superna,  
Lumine quique suo metitur temporis horas,

30 Illi, quam supra tibi paulo ostendimus ante,  
Parti conjunctus per spiras ipse rotabat,  
In quibus usque novum citius dat cernere mane;  
Cumque eo eram, sed tam sensi me adscendere, quam qui  
Senserit illapsam, quae motus prima ciendi

35 Causa fuit, menti. Oh tu, mi divina BEATRIX!  
Illa repente adeo magis et magis aucta decore  
Apparens, punctum ut praevertat temporis actu.  
Quantam debuerit per se diffundere lucem,  
Quae species in sole inerat, quem corpore inivi,

40 Haud distincta colore suo, sed flumine lucis,  
Ingenium quamvis artemque usumque vocarem,  
Non hanc exprimerem sic, ut vis cernere mentis  
Hanc possit; sed credere erit, maneatque cupido  
Spectandi. Quodsi nostrae simulacra videmus

45 Mentis radere humum, nec tam se attollere posse,  
Nil mirum. Haud oculus noster solem iverit ultra.  
Illic talis erat domus alti quarta parentis,  
Cui semper sat is est monstratque, ut spiret, et uni  
Sit genitor genito. Ne cessa solvere Soli

50 Agminis angelici grates, est fata BEATRIX,  
Qui tibi gratificans voluit te attollere ad istum  
Sensibus humanis aptum. Haud pietate profunda  
Quisquam composuit pectus mortale, Deoque

- Sic se subiecit totum, totaque paratum  
55 Gratus mente, anima, ut digessi, hac talia fante,  
Me totum; et meus exardens se iniecit in illum  
Totus amor sic, ut defectum passa BEATRIX  
Oblito exciderit: neque eam tamen ira momordit;  
Sed sic subrisit, ridenti ut in ore renidens  
60 Limpida lux uni conjunctam in plurima mentem  
Sit partita meam. Plerosque ego cernere vivos,  
Vincentesque ignes sum visus, qui orbe coronae  
Expanso medios nos circumiere rotati,  
Voce magis dulces, quam visum luce cientes.  
65 Sic nos Latona genitam quandoque videmus  
Aëre tam gravido cinctam, ut tantum ora videnda  
Ultima sit zonae. Coeli, unde revertor, in aula  
Copia gemmarum pretiosa et pulchra coruscat  
Talis, ut advectam haud liceat subducere regno;  
70 Splendoresque illi resonabant cantibus illas:  
Qui non tranantes illuc sibi sumpserit alas,  
Notitiam hinc maneat, muto narrante, novellam.  
Postquam illi ardentes modulati haec carmina soles  
Ter nos circumiere, velut quae stantibus astra  
75 Volvunt vicina polis, mihi visus adesse  
Femineus chorus est, qui nondum lege solutus  
Sit choreae, taciteque arrectis auribus adstat,  
Usque novas captare notas dum copia detur.  
Inque uno ex ipsis, ut sensi, clara loquela  
80 Sic coepit: Quoniam coelesti gratia abundans  
Lumine, quod veri flammam accendit amoris,  
Et plus augescit, quo plus cor unit amantis,  
Multiplicata tibi arridet, ac tanta refulget,  
Ut te per scalas isthuc adduxerit illas,  
85 Queis sine regressu nemo descenderit unquam;  
Qui tibi de propria phiala sua vina negaret  
Expletura sitim, sic liber, ut agmen aquarum,  
Esset, quod pronum maris haud se immittit in aequor.

- Scire cupis, quae sint ornantes floribus orbem  
90 Serti hujus plantae gaudentis pulchra tueri  
Ora tuae Dominae virtute juvantis euntem  
In coelum. Unus eram ex agnis, quos sanctus habebat  
Grege, cui monstrat iter Caliguris nobile lumen,  
Pinguis ubi crescit qui res non captat inanes.  
95 Qui mihi dexter adest propior, mihi frater et auctor  
Is fuit ALBERTUSQUE est ipse COLONUS; AQUINAS  
THOMAS dicor ego. Reliquos si est scire cupido,  
Tu me oculis fantem sequere, adscendensque beatum  
Fac lente inspicias sertum. Qui fulgurat ignis  
100 Alter, is ex risu CLUSINI erumpit, utrique  
Qui sic sat fecisse foro narratur, in alto  
Ut placeat regno. Nostrum qui propter honestat  
Concilium, hic PETRUS est, cum quo paupercula stabat,  
Thesauri ipse sui dum sanctae munera matri  
105 Obtulit. At lampas fulgens pulcherrima sert  
Istius quinta est, tantum quae spirat amoris,  
Ut tellus avide expectet, qui vera reportent.  
Lux alta intus adest, adeo ditata profundo  
Consilii pelago, si verum vera loquuntur,  
110 Ut vate a tanto non surrexisse secundum  
Constet. Quod juxta stat lumen, cereus ille est,  
Qui illic carne gravis melius vidisse putatur  
Naturam angelicam fungendaque munera Divis.  
Luce alia in tenui ridet, qui templa sacrata  
115 Christiadam orator pro vi defenderat artis,  
Ex cujus scriptis proprium convertit in usum  
Multa AUGUSTINUS. Nunc tu si lumina visus  
Ex luce in lucem laudantis verba secutus  
Tranes, octavae tibi jam sitis altera restet.  
120 Omnigenum spectare bonum sibi gaudet in ista  
Sancta anima illius, per quem pellacia mundi  
Insidiosa patet docilem huic praebentibus aurem.  
Corpus, quo expulsa est, sacra stat in aede Papiae;

- Ipsa hanc ad pacem ex poena exilioque volavit.  
125 Adspice praeterea, fulgentes mittere flammās  
ISIDORI animam ardentem, BEDARQUE, viroque  
Majoris, vasta dum agitat sublimia mente,  
RICHARDI. Iste est, unde tui ad me lumina visus  
Se referunt, animae splendor, cui funeris hora  
130 Tarda nimis visa est meditantī gaudia nostra.  
SIGERII aeterna haec lux est, quem stramine dictus  
Dicentem audivit vicus, vera aspra peritum  
Invidiosa homini concludere syllogismis.  
Exin, ceu certam quae machina nunciat horam,  
135 Tunc cum sponsa Dei surgit sub mane novellum  
Sponso accantatura suo, sibi ut aequet amorem.  
Cujus pars unam trahit, et partem altera adurget,  
Edens tinnitus numero tam dulce sonanti,  
Ut bene compositum pectus turgescat amore ;  
140 Sic mihi praesignis decore est rota visa moveri,  
Et cantare melos, et respondere parata,  
Harmonia suavique modo, quem agnoscere non est,  
Ni sedes adeas, aeterna ubi gaudia vivunt.

## XI.

- O stultas hominum curas! quam manca labascit  
Vanae vis sophiae, quae pennīs verrere terram  
Vos docet! Hicce petebat jus, artemque medendi  
Alter, et ille sacros spectabat tonsus honores;  
5 Viribus hic, lingua hic regnum usurpare parabat;  
Quidam furandi, quidam civilia agendi  
Ardebat studio, quosdam damnosa fatigat  
In Venerem rabies, quosdam tenet otium inertes.  
His ego tum penitus studiis, curisque solutus  
10 Omnibus in coelo tecum, o bene nata BEATRIX,  
Versabar. Venit mihi gloria tanta recepto.  
Postquam quisque locum rediens devenerat illum

- Circuli, ubi ante fuit, ceu cerea candelabro  
Fax imposita, stetit. Tunc ante locuta lucerna  
15 Est audita mihi subridens talia rursus  
Ordiri exardens fulgenti purius igne:  
Sicut ego aeternum speculatus lumine lumen  
Istius ad jubar incendor, sic cernere in ipso  
Mi datur, unde fluant, quae agitant tua pectora, curae.  
20 Tu dubitas optasque, ut sic sermone patenti  
Atque explanato rursus mea verba reponam,  
Ut capiat tua mens. Jam scis haec me ante locutum:  
*Pinguis ubi crescit. — Non surrexisse secundum*  
*A tanto. —* Haec mea dicta satis distinguere oportet.  
25 Quae rerum summam sapientia sola gubernat  
Consilio tanto, ut mentis genus omne creatae  
Inspicientis in hanc, ante imum tangere fundum  
Quam sit, deficeret, rationis lumine victo;  
Ut sponsa illius, quam sacro sanguine fuso  
30 Junxerit ipse sibi, clamorem ex pectore ducens  
Altum, sub dulcis complexus iret amantis  
Tutior ipsa sibi, et magis ipsi fida, duobus  
Principibus notis, gemino hanc solamine juvit,  
Ipsam ut ductores hinc inde utrique praeirent:  
35 Quorum unus Superùm totus spirabat amores;  
Alter, cui vastam implerat sapientia mentem,  
In terris coeli referebat imagine lucem.  
Dicam unum; quicumque unum laudaverit, ambos  
Dicit; uterque etenim ad metam tendebat eandem.  
40 Intra Tubinum et, quae collem elabitur, undam,  
Quam sibi narratur sedem legisse beatus  
UBALDUS, pendet clivus de monte praealto  
Fertilis, exercens Perusinos frigore, et aestu  
A porta solis, retroque jugum grave luget  
45 Nuceria et Gualdus. Qua plus huic ardua clivo  
Semita se frangit, sol terris fulsit obortus,  
Qualis nonnunquam surgens Gangetide ab ora.



Quare si cui forte locum memorare placebit,  
Non ille Ascesi (nam verbis parcius esset  
50 Usus), sed proprio hunc Orientis nomine dicat.  
Nondum etiam adveniens multum distabat ab ortu,  
Cum terras aliquo recreare levamine coepit  
Virtutis dives magnae. Nam talis amore  
Vinxerat hunc mulier, pro qua bella aspra subivit  
55 Junior a patre, et cui, ceu morti, ostia gaudi  
Haud quisquam pandit. Sed sacro antistite coram  
Atque patre hanc sibi conjunxit, quam semper amavit,  
Et magis, inque dies magis. Haec sponso orba priore,  
Mille ultra et centum spreta atque obscura per annos,  
60 Ante istum sedit, nullo invitante marito.  
Nec juvit, quod fama refert, sub paupere Amicla  
Invenisse casa, qui securum egerat aevum  
Illius ad vocem, qui totum terruit orbem;  
Et constans apimo frustra fuit illa, feraxque  
65 (Stante Maria infra) ausa crucem conscendere, Christo  
Indivisa comes. Sed ne ultra obscura revolvam,  
Disce his prolixè verbis me scribere amantes  
Jam Paupertatem et FRANCISCUM. Laetus utrique  
Vultus, mirus amor, mens concors, dulce tuentes  
70 His oculi in sanctas rapiebant pectora curas.  
Tunc primum nudare pedes venerabilis ardet  
BERNARDUS, tantamque avidus contingere pacem  
Emicuit, cursu sibi visus tardior isse.  
O male cognitae opes, o copia vera bonorum!  
75 Nudis AEGIDIUS, nudis SYLVESTER anhelat  
Sectari sponsum pedibus; sic sponsa placebat.  
Conjuge cum sancta incedit pater atque magister,  
Quem proles humili sequitur circumdata fune.  
Non huic securam frontem cor vile gravavit,  
80 Quod natus PETRO sit BERNARDOVE parente,  
Quod spretus mire, at regali pectore celsus  
Durum propositum ostendit, quod dextera summi

- Pontificis sanxit; quo mex praebente sigillum,  
 Olli turba frequens mira paupercola vita,  
 85 Quam melius caneret coelestis gloria coetus,  
 Creverat; et serito est per Honorum adaucta secundo  
 Flamme ab aeternae ductoris sancta cupido.  
 Utque ardens propriam pro Christo effundere vitam  
 Forti animo regis Babylon ante ora superba  
 90 Oravit Christi causam, Christumque sequentum;  
 Cumque minus movit praecordia gentis acerba,  
 Ne labor iret ibi nequidquam effusus, ad agros  
 Italicos rediit, foecundaque gramina fructu.  
 Antro marmoreo inclusus Tibrim inter et Araum  
 95 A Christo accepit, postremi insigne sigilli,  
 Stigmata, quae membris binos is gessit in annos.  
 Posteaquam est illi visum, qui dote bonorum  
 Tanta hunc donarat, studioque et mente pusillum  
 Attrahere assumptum promissa ad praemia coeli;  
 100 Fratribus ille suam, ut justis haeredibus, aequae  
 Cessit commendans, qua nil sibi carius unquam  
 In vita fuerat, Dominam, hos hortatus; ut istam  
 Constanter colerent, fido istam pectore amarent;  
 Hujus et e gremio emissus se tollere ad auras  
 105 Spiritus egregius voluit redituque recepit  
 In sua se regna, istam unam decus esse feretri  
 Sat ducens posito. — Nunc tecum conjice mente,  
 Qualis erat socius cimbam servare peritus  
 Petri, atque explorare poli rata in aequore signa.  
 110 Dux fuit hic noster. Quare tibi nosse licebit,  
 Quam lectam messem ferat, hunc quae turba sequatur,  
 Ut jubet. At se implere nova grex istius esca  
 Ardet hians adeo, ut non sit prohibere potestas,  
 Quin per diversos saltus palatus aberret.  
 115 Quoque magis pecudes longe lateque vagantur,  
 Tanto ad ovile magis referunt se lactis inanes.  
 Nosco equidem ex istis aliquas, quae damna timentes

Pastorem stringunt; verum haec est tantula turba,  
Ut satis exigui ad vestes sit copia panni.

- 120 Nunc si nostra tibi non est obscura loquela,  
Si verba attentam tibi sunt immissa per aurem,  
Si, quae fatus eram, revocas, contentus abibis  
Ex parte; ipse etenim cernes plantam, unde secantur  
Rami, et praecinctum renes ita concludentem:  
125 *Pinguis ubi crescit, qui res non capiat inanes.*

## XII.

- Postremam simulatque suis lux alma loquelam  
Assumpsit labris fari ulteriora parata,  
Orsa rotare molam est sanctam: nec verterat ante  
Totum orbem, hanc alio quam incluserit altera circolo,  
5 Et motum motu, et cantum cantu ipsa secundans;  
Cantu, qui vincit tanto Parnassidas illas  
Sirenes nostras, quanto lux prima repulsi  
Splendorem radii. Veluti per mollia nubis  
Aequae distantes arcus similesque colorem  
10 Volvuntur, cum Juno jubet mandata referre  
Ancillam, (exterior quoniam generatur ab arcu  
Interiore arcus, ut quae fanti assonat Eccho,  
Quam consumpsit amor, ceu solis flamma vapores;)  
Et dant hic vulgo praesaga volvere mente,  
15 Quae pepigisse Deum cum Noade foedera novit,  
Se non ulturum posthac mundum agmine aquarum:  
Sic duo certa rosis aeternis laeta moveri  
Nos circum, internaecque ita respondere corona  
Extrema visa fuit. Postquam explicuere choream  
20 Laetitiamque aliam ingentem (tam voce canora,  
Quam luce in lucem alternis vibrante vicissim),  
Gaudia testatae ac blandae atque quiescere certae  
Ad tempus simul, ut, specie cum est percita dulci,  
Uno ictu prohibens aditum, reseransque necesse est

- 25 Dupla oculi utatur virtus; ex corde novellae  
Lucis vox venit, quae me partem egit in illam,  
Unde erat, instar acus stellam spectantis; et inquit:  
Ille amor, unde mihi decus est, me dicere facta  
Alterius ducis hortatur, quem propter eundem  
30 Hac tanta est in laude meus. Res digna videtur,  
Ut, quam unus tenuit sedem, hanc simul occupet alter;  
Utque hi militiae pariter subiere labores,  
Sic his aequalem splendorem gloria fundat.  
Quam tanti fuerat Christo rursum instruere armis,  
35 Lecta acies gressus post signum tarda movebat,  
Raraque et addubitans. Cum Rex, qui tempus in omne  
Regnat, militiae trepidae similique labanti  
Consultum voluit, non quod quidquam ipsa mereret,  
Sed gratis tantum; atque, ut paulo diximus ante,  
40 Heroas geminos jussit succurrere sponsae,  
Quorum acta, ac voces populum sine more vagatum  
Veracem docuere viam, atque in calle stetere  
Recto. Qua reserata venit placidi aura Favoni  
Blanda aperire novas frondes, viridique colore  
45 Induere Europam rursum, haud procul aequoris undas  
Pulsantes litus, post quas sol, longius ire  
Jussus, saepe homini cuivis sua lumina celat,  
Fortunata sedet Caliguris, tuta sub amplo  
Scuto, ubi succumbit simulatque simul Leo vincit.  
50 Ortus ibi est, verae qui religionis amator  
Exstitit, humanusque suis, atque hostibus asper,  
Luctator sanctus, cui mens, vix edita, plena  
Sic virtute fuit viva, ut genitricis in alvo  
Fecerit hanc vatem. Postquam sponsalia sacri  
55 Propter fontis aquas hunc conjungere, fidemque,  
Mutua ubi alternis se dotavere salute;  
Femina, quae fuerat pro isto spondere parata,  
In somnis vidit signum mirabile fructus  
Inde egressuri, verisque haeredibus aequae.

- 60 Utque foret, re qualis erat, sacer impetus illi  
A Domino ductum, qui usque est dominatus in ipsum,  
Imposuit nomen, quod tempus in omne remansit.  
Atque ego dico istum, veluti quem Christus in horto  
Agricolam posuit, suam opem laturus amice.
- 65 Nuncius iste quidem Christoque domesticus usu  
Visus erat; nam primus amor, qui exarsit aperte,  
Consilium huic fuerat primum, quod voce rogatus  
Ediderat Christus. Vigilantem hunc saepe soloque  
Invenit stratum ac tacitum, ut qui diceret: Adsum
- 70 Natus ad hoc, nutrix. — O, quo est genitore creatus,  
Vere felicem! Quam vere dicta Joanna est  
Mater, si in terris nota est vis nominis hujus!  
Non is pro mundo, qui tot modo adire labores  
Cogit, Taddaeo vestigia pressa sequentes,
- 75 Illius et flexus, cui dat magnum Ostia nomen;  
At non fallacis manna compulsus amore,  
Mox vasto dives doctrinae flumine magnus  
Emicuit doctor sic, ut studiosus obiret  
Vinetum facile expallescere, si malus illi
- 80 Vinitor affuerit. Sedem, magis ante benignam  
Pauperibus justis, non quod culpanda sit illa,  
Sed quod culpandus, qui degener occupat ipsam,  
Non ut sectantem partiri, sive trientem  
Dimidia de parte sibi daret, iste rogavit,
- 85 Non sortem sedis pinguem, quae prima vacaret,  
Non decimas, quas jure dei paupercula turba  
Clamat; at errantem contra sua bella ciere  
Ille sinat mundum, pro quo te semine cingunt  
Ter plantae octonae. Dein vi exundante profundae
- 90 Doctrinae simul, ac studii defungier orsus  
Munere Apostolico, quasi quem premit alta ruentem  
Vena amnem, in stirpes, quas severat haeresis, ictus  
Ingeminans, illic usus potioribus armis,  
Major ubi steterat vis ausa obsistere certa.

- 95    Diversa ex isto deinde emersere fluenta,  
      Queis riguis gaudet Christi pulcherrimus hortus,  
      Ut magis atque magis ducant arbusta vigorem.  
      Si talis bigae una fuit rota, qua stetit alma  
      Sponsa Dei victrix civilia proelia contra,
- 100 Te decet alterius non ignorare magistri  
      Virtutem egregiam, quem laudum prodigus ante  
      Nostrum initum tanta THOMAS in luce locavit.  
      At via, quam primam signaverat orbita, spreta est;  
      Quare, ubi crusta fuit, mucor dominatur amarus.
- 105 Quae non declinans unquam vestigia proles  
      Legerat istius, gressu revoluta retrorsum  
      Sic it, ut ad talos pedis anteriora ferantur.  
      Sentiet ipsa quidem actutum sub tempora messis  
      Culturam pravam, sibi cum clamabit ademptam
- 110 Areolam lolium. Tamen hoc mihi dicere vere est:  
      Si cui de nostro sit cura volumine chartas  
      Attento scrutari oculo singlariter omnes,  
      Nunc etiam hic aliquam dabitur reperire legendam,  
      Scriptum ubi adhuc maneat: Sum nondum degener, ille
- 115 Qui soleo. At non hic Casali natus. Aquaeve  
      Spartae; etenim noti est interpretes uterque statuti,  
      Alter ut hoc fugiat, hujus premat alter habenas.  
      Hic BONAVENTURAM est tibi discere Balneoregi  
      Natum, qui, quamvis sim grandia munera functus,
- 120 Decrevi semper laevam postponere curam.  
      Hic stat, qui ducit praeclarum a lumine nomen;  
      AUGUSTINUS adest pariter, qui paupere primus  
      Cum turba exuerat plantas, quae fune revincta  
      Renes gavisus est Regi placuisse superno.
- 125 Jungitur hic Ugo sancti VICTORIS alumnus;  
      Stat simul et PETRUS HISPANUS, qui quinque libellis  
      Et septem notus claret, PETRUSQUE COMESSOR,  
      Atque propheta NATHAN, pariterque CHRYSOSTOMUS olim  
      Metropolitanus, nec non ANSELMUS, et ille.

- 130 DONATUS primae dignatus porrigere arti  
 Ipse manum. RABAN est isthic, Calaberque JOACHIM  
 A latere effulget, sacro qui flamine plenus  
 Ventura inspexit. Tanti viri ut aemulus essem,  
 Fratris me hortata est comis sollertia THOMAE,  
 135 Aequaque vox; mecumque mei arrisere sodales.

## XIII.

- Qui modo visa mihi plane dignoscere curat,  
 Mente sua fingat sic, ut quam fingit imago,  
 Dum dico, ante oculos solidae stet rupis ad instar,  
 Quindenae stellas, quae per diversa plagarum  
 5 Exhilarant coelum usque adeo splendore sereno,  
 Ut superet coeci compages aëris omnes;  
 Et currum fingat, cui sat sinus esse videtur  
 Nostratis coeli sub noctis tempus opacae,  
 Et sub mane novum, et nunquam temone voluto  
 10 Deficit. Os fingat cornu, quod prodit in axis  
 Cuspide, quem circum rota prima volumine fertur,  
 De se composuisse sibi duo signa sub arce  
 Aetherea, quo more sibi Minois, ubi artus  
 Ipsa suos sensit mortali frigore solvi;  
 15 Alterum et in jubar alterius radiare vicissim,  
 Et circumferri ambo, sic ut tenderet unum  
 Ante, unumque retro; atque fere sibi sideris umbram  
 Veri mente sua teneat duplicisque choreae  
 Circum, ubi constiteram, punctum se sponte rotantis.  
 20 Namque hoc est nostro tanto superantius usu,  
 Quanto praevertit Clanium qui vertitur axis  
 Axibus aethereis velocior. Haud ibi Bacchi  
 Thebani nomen, nec ibi Paeana canebant;  
 Sed tres personas natura simplice, et una  
 25 Divinae; ex his unam, quae hominisque Deique  
 Naturam jungit. Certo dein tempore cantus

- Desiit, et turbo pariterque ea lumina sancta  
Me coram steterunt aestu crescente beata.  
Inter concordēs lux una silentia Divos
- 30 Rumpit, quae primum mihi sancti pauperis acta  
Dixerat et vitam miram, sic voce locata:  
Postquam trita fuit paleae pars una bonumque  
Semen jam positum, et reliquam fert laeta cupido.  
Tundere. Tu credis pectus, quo ex pectore costa est,
- 35 Unde gena illius prodivit pulchra, palatum  
Cujus terrigenis est tanti; pectus et illud  
Hasta confossum, quod sat post fecit et ante,  
Sic ut cuncta sua noxarum pondera lance  
Exsuperet; quidquid natura humana potiri
- 40 Luminis est apta, infusum portasse per illam  
Virtutem, quae utrumque in luminis edidit auras;  
Atque ideo mihi dicta supra mirabere forsā,  
Cum tibi narrabam sibi non habuisse secundum  
Quem divum quinta conclusum in luce notavi.
- 45 Nunc tu pande oculos ad quae responsa dabuntur.  
Et nitide adspicies tua quo sententia pacto,  
Quodque ego dicebam, in verum concurrat, in orbem  
Ceu centrum. Quod morte caret, quod victima leti est,  
Nil praeter formae splendorem est, quam parit altus
- 50 Regis amantis amor. Nam lucis vivida virtus,  
Quae sic a lucente suo meat, ut procul ipso  
Nusquam abeat, neque amore illo, qui trinus in uno est,  
Large gratificans effuso lumine donat  
Naturis fulgere novis, quasi si ipsa resultet
- 55 A speculo, aeternumque in tempus permanet una.  
Exin inferiora petens, atque ultima rerum  
Saecula, descendit magis et magis usque gradatim,  
Dum brevia efficiat, per quae signare volebam  
Edita, quae propria educit vertigine coelum,
- 60 Seu sata, sive ullo fuerint sine semine nata.  
Cera horum, quique hanc ducit, ratione modoque



- Uno haud consistunt. Aeterna ita mente creata  
Forma exin magis atque minus manifesta patescit  
Sub signo. Quare non raro contigit, ut, quae  
65 Planta eadem specie est, melius pejusque colono  
Reddat, et ingenio diverso praedita corda  
Sint vobis, simulac lucis venistis in oras.  
Quodsi quis ceram deducere posset ad unguem,  
Polleretque sua coelum virtute suprema,  
70 Tota ea, quae signo lux esset inusta, niteret.  
Ast illam semper mancam natura ministrat,  
Non secus atque opifex longa assuetudine nactus  
Artem, cui jam dextra tremit. Quodsi ardor amoris  
Disponat primae claro in splendore videndam  
75 Virtutis speciem, signetque; huic optima inesse  
Cuncta operi deceat. Sic terra est digna creata  
Virtute omnigena, qua humanum excellere pectus  
Posset; sic gravida incessit sanctissima Virgo.  
Quare mi laudanda tuae est sententia mentis:  
80 Haud unquam ornatam virtutum dote fuisse  
Naturam humanam tanta, et non affore posthac,  
Quanta illas binas. Nunc si non persequar ultra,  
Tu sic incipies: Cur ergo credere dignum est,  
Hunc sibi non habuisse parem? Ast, ut clara patescat,  
85 Quae res obscura est, tu tecum pectore volve,  
Qualis erat? quae caussa fuit, quae suaserit illi  
Poscere, ubi dictum est: *tibi poseito*? Non ego dixi  
Tam tecte, ut nequeas id conjectare, fuisse  
Regem, cui fuit in summis sapientia votis,  
90 Ut regere imperii sciret satis aptus habenas.  
Non ut, quot numero motores astra gubernant,  
Sciret, quasque scholae tricas, et inania nectunt,  
Scite extricaret. Nunc, si mea dicta notasti,  
Quae facit ad regem prudentia, provida mens est  
95 Absque pari. Huc tendo. Nunc si sat lumine claro  
*Surrexisse* vides cur dixi, rite videbis

Hic reges tantum me designasse per orbem  
Tam multos, virtus regum quam rara bonorum est.

Fac ita distinguas. quae dixi; sic quoque nosces,  
100 Posse manere simul, quod ego fueram ante locutus,  
Et quod de primo tu credis patre, simulque  
De tibi dilecto et nobis. Atque istud ad instar  
Plumbi sit plantis, ut lento incedere passu,  
More hominis lassi, assuescas, si forte negandum  
105 Aut affirmandum veniat, quod lumine nondum  
Perspicias claro. Stultorum maximus ille est,  
Qui quidquam utrimque affirmative negatve, priusquam  
Distinguat. Quare fit saepe, ut vergat iniquam  
Ad partem, quam corde tenet, sententia praesens,  
110 Dein studium obdurans innectat vincula menti.

Pejus quam frustra discedit littore, quisquis  
Verum expiscari suadet sibi, nescius artis;  
Namque iste haud talis, qualis fuit ante, redibit,  
Atque haec, quae dico, vobis testantur aperte  
115 PARMENIDES, BRIXUS, mensque obfirmata MELISSI,  
Et multi, ignari, quo tendant, quove resistant.  
Hos inter fuerat, mihi crede, SABELLUS, ARIUS  
Atque illi stulti, gladiatorum more secare  
Scripturas ausi, torta sub imagine rectos  
120 Monstrantes vultus. Nimum secuta minutae  
Nondum etiam sit mens plebis, cum iudicet, ut qui  
Aestimat in sulco segetes, ubi messis in herba est,  
Namque hiemem totam vidi rigidumque feroxque  
Stans prunum, quod deinde rosas in vertice habebat;

125 Et celerem rectaque via vada salsa secantem  
Cognovi pinum, quae portus limine in ipso  
Disperiit. Quae nata fuit, deducere lanam,  
Bertha, aut mercator Martinus, credere parcat,  
Si furem videt hunc, cumulantem altaria donis  
130 Illum, divini se posse intrare latebras  
Consilii. Possit fur surgere, labiet iste.

## XIV.

Ex orbe ad centrum, atque ex centro fertur ad orbem  
Aere cavo teretique inclusae motus aquai,  
Sive hanc interior, seu caussa extraria pulset.

Haec, ego quam dico, subito mihi venit imago,  
5 Post ubi jam THOMAS finem dedit ore loquendi,  
Ob similem casum, cum fati dicta BEATRIX  
Excepit dictis, cui visum haec edere voce est  
Post illum: Huic opus est, quod non ipse indicat ore,  
Nec sensu interno monstrat, cognoscere veri

10 Radicem reliqui. Fac, per te discere possit,  
Num lux, naturae quae dat florescere vestrae,  
Qualis nunc fulget, vobiscum tempus in omne  
Sit mansura aequae; quodsi est mansura, docebis,  
Qui, postquam renovata dabunt vos membra videndos,

15 Fiat, ut haud obstet, quo vos minus ista vicissim  
Vestra inspectetis. — Veluti superantibus actus  
Laetitiae stimulis, choreae qui circumit orbem,  
Gaudet et exultat gestus: sic sancta corona  
Utraque voce pia subitaque illecta rogantis,

20 Orbe rotae, mirisque modis nova gaudia pandit.  
Qui queritur, certa nos hic in morte teneri,  
Queis datur in coelo vita gaudere secunda,  
Non videt aeternae pluviae hoc sub sole levamen.  
Ille unus, binus, trinus, qui nescius ortus,

25 Non circumscriptus, tamen omnia circumscribens  
Vivit, et aeternum trinusque et binus et unus  
Regnat, — ter cujusque animae resonarat in ore  
Tam dulce, ut justa mercede rependere posset  
Omne genus meriti. — Tum audiui in luce minoris

30 Candidiore rotae vocem sermone modestam,  
Qualis forte fuit GABRIELE affante Mariam,  
Quae sic respondit: Quam duratura beati est  
Festa dies regni, tam nostri vivida amoris

- Flamma diu sic hunc circum radiabit amictum.  
35 Lux hujus pariter cum aestu procedere pergit:  
Aestus cum intuitu; visque hujus tanta resultat,  
Quanta est, ipsius quae gratia vincit acumen.  
Ut decore insignem ac sanctam vestire licebit  
Carnem iterum, si, ut quanta illa est, sic tota redibit,  
40 Gravior evadet cunctis persona beatis.  
Namque magis gliscet, quod lucis donat habere  
Summus amor gratis, lucis, quae posse tueri  
Dat nobis illum. Intuitus sic gliscat oportet,  
Gliscat ab intuitu calor ardens, gliscat et almus  
45 Inde fluens fulgor. Verum carbonis ad instar,  
Qui mittit flammam, et vivo candore renidens  
Sic illam superat, sese ut defendere perstet;  
Haud aliter jubar hoc, nos undique circumfusum  
Quale est, a carne exterius vincetur, in imo  
50 Quam terra usque sinu celat; nec copia lucis  
Tanta queat lassare oculos; namque organa nostri  
Corporis accipient vires, ut ferre potestas  
Sit, quidquid dulci mentem percellere sensu  
Eximie valeat. Jam alacres chorus unus et alter,  
55 Intentique omnes sunt visi erumpere in *Amen!*  
Ut desiderium defuncti morte pateret  
Corporis haud dubium; nec tantum forte sibi ipsis,  
Verum et pro patris, pro caro corpore matris,  
Et reliquae turbae, quam dilexere, priusquam  
60 Aeterni fierent ignes. Atque ecce repente  
Orta nitore pari superaddier altera primae  
Lux circum, qualis finitor circulus aureo  
Sole vehente diem; ac veluti sub vesperis horas  
Primas incipiunt nova signa adscendere in altum:  
65 Sic, ut in ambiguo stet mens, credatne, negetne  
Testi oculo verum, nova circumvertier illic  
Hos extra geminos orbes sunt flammea visa  
Signa. — O lux verax, o lampas flaminis alti,

- Ut subita et candens me circumfulsit et icit  
70 Lumina victa mihi non ultra passa nitorem!  
At tam formoso ridentique ore BEATRIX  
Obvia facta mihi est, ut ego inter caetera linquam,  
Quae mens nostra sequi haud valuit. Hic reddita nostro  
Est virtus oculo, et regna ad magis alta salutis  
75 Translatus sensi solus duce non sine Diva.  
Idque satis monuit risus majore coruscans  
Flamma, quo visa est sine more rubescere stella.  
Hic ego corde pio effusus, quoque omnibus uno  
Sermone est uti, Superumque hominumque parentem,  
80 Qua prece, adoravi, par est pensare novellum  
Hoc donum; et mihi sacri in corde piaminis ardor  
Nondum exhaustus erat, cum sat placuisse litamen  
Oblatum fauste novi. Nam copia tanta  
Fulgoris, tantus splendorum luce rubentum  
85 Imber se effudit radiorum ex igne duorum,  
Impetus ut fuerit clamare: O, qui Deus ornas  
Sic istos! Veluti, variante minusque magisque  
Lumine stellarum, distincta polum inter utrumque  
Albet ita, ut doctas agitet via lactea mentes;  
90 Haud aliter stellis stipati in Marte profundo  
Bis gemini fulgor jubaris venerabile signum  
Nectebat, juncti quod descripsere quadrantes  
Explentes circum. — Hic, memori quae condita mente,  
Ingenium superant; neque enim, qua fulgere Christum  
95 In cruce ego vidi, exemplum, quod imagine tanta  
Sit dignum, mihi adhuc patuit reperire potestas.  
At quicumque crucem sibi tollit pone secutus  
Christum, excusabit mihi praetermissa, micantem  
Postea ubi hoc videat candore nitescere Christum.  
100 Ex uno, atque uno cornu summa inter et ima,  
Nescia stare, ibant circum ejaculantia flammæ  
Lumina concursu pariter, pariterque recursu.  
Non secus hic cernes recta, obliqua, incita, tarda

- Multa minuta, modis miris sub lumine solis  
 105 Longa modo, modo parva suas renovantia formas,  
 Corpora ludere per radium, qui saepius umbra  
 Miscetur repens, quam gens sibi gestit apisci  
 Arte atque ingenio, defendens tela diei.  
 Ut chelys atque fides, ubi vis bene tenta resultet  
 110 Plurima, chordarum dulci modulamine tangunt  
 Ignaros numeri: sic crebro ex agmine lucam  
 Illic fulgentum melos undique conveniebat  
 Ante crucem, quod me rapuit, quin verba notarem.  
 Mente quidem sensi carmen complectier altas  
 115 Laudes, namque audita mihi est vox ista: *Resurge*  
*Et vince*, haud secus atque sonum captantibus aure  
 Non perceptura, quae sit sententia dicti.  
 Illic haerebam tanto defixus amore,  
 Hactenus ut mihi res unquam non ulla catenis  
 120 Tantum jucundis sensus devinxerit omnes.  
 Ausus forte nimis videar sic ore locutus,  
 Gaudia postponens oculis manantia pulchris,  
 In quos inspiciens omnis mea cura quiescit.  
 At si quis reputat, viva exemplaria pulchri  
 125 Eximii tanto magis affulgere decora,  
 Quo plus contingat sedes conscendere ad altas,  
 Nec me spectavisse illuc, indulgeat isti  
 Culpae, quam fateor, me purgaturus, et ipse  
 Agnoscat, me vera loqui. Nam sancta voluptas  
 130 Non hic dicta mihi est, quae conscendentibus arces  
 Sublimes magis atque magis sincera redundat.

## XV.

Mens bona, ubi semper, quae recte spirat amoris  
 Aura, liquet, veluti non aequo in corde cupido,  
 Suavisonam jussit citharam interrumpere carmen,  
 Et sanctas cessare fides, quas dextera coeli

5 Et premit et lassat. Cur justis obstruat aures  
Hic populus precibus, qui, pauca rogare paratum  
Paene illecturus, concordi mente animoque  
Conticuit? Merito veniat sine fine dolenda  
Vita homini cupido, bona fluxa et vana potiri;

10 Pro quibus aeternum se illo spoliavit amore.

Sicut per noctis tranquilla et pura serenae  
Interdum subito discurrere lumine flamma,  
Securosque solet visus necopina movere  
Mutantisque locum stellae sub imagine fertur:

15 (Excipe, quod parte ex illa, unde accensa recessit,  
Nil fuit amissum; ista brevi vanescit in auras:)  
Haud aliter cornu ex dextro, quod pertinet hujus  
Ad postrema crucis, stellarum ubi plurimus ordo  
Fulgebat junctus, multa cum luce cucurrit

20 Astrum; nec proprium lemniscum gemma reliquit,  
Sed propter tractum radiorum excurrit, et igni  
Assimile est visum, quem post alabastra locamus.

Composita ore pio Anchisis sic restitit umbra,  
(Majori nostrae si dignum est credere Musae)

25 In valle Elisia, natum cum sensit adesse.

O sanguis meus, o super omnem gratia morem!  
Et cuinam, ut tibi, reclusa est bis janua coeli?

Sic illud lumen: quare tum ego totus in illo;  
Dein Dominae quaesivi oculos: namque altus agebat

30 Me stupor hinc atque hinc; quia tali huic lumina risu  
Ardebant, ut et ipse meis mihi sorte datorum  
Donorum summam, Paradisi et habere viderer  
Jam partem. Dein vita oculis jucunda meisque  
Auribus, ad primas adjecit talia voces,

35 Quae non percepi; sic sensu est fata profundo.

Nec jam consulto, at quod erat celare necesse;  
Nam sermo illius signum super adstitit omni  
Praefinitum homini. — At postquam deferbuit arcus  
Ardentis studii sic, ut, quae funderet ore,

- 40 Descensu peterent quod nostra est tangere mente,  
Hoc primum audiui: Bene sit tibi, Trine, qui es Unus,  
Et nostrum es tanto dignatus munere semen.  
Dein: Grata et diuturna nimis jejunia, fili,  
Quae sunt ducta mihi libro ex majore legenti,  
45 Pagina ubi alterne haud reddit mutata colorein,  
Solvisti, hunc intus splendorem luminis, unde  
Verba tibi emitto, hac plumas tibi dante, volatum  
Ausus sublimem. Quae tu modo pectore versas,  
Ad me cuncta meare putas ex principe caussa  
50 Illa, non secus ac quintusque et sextus ab uno  
Exsurgit numerus, si quis satis addere novit.  
Quare quis fuerim, vel cur tibi laetior esse,  
Quam quisquam ex ista prodenti gaudia turba  
Nunc videar, non ulla fuit tibi caussa rogandi.  
55 Quod credis, verum est; nam plusque minusque beante  
Quae fruitur vita turba omnis suspicit illud,  
In quo tu speculo pandis tua sensa, priusquam  
Haec animo volvas. Verum ut sacri ignis amoris,  
Qui vigilare jubet pascentem lumina viso  
60 Perpetuo et desiderio me suaviter urit,  
Plenius expletus maneat, vox libera, laeta  
Et secura sonet, quae vis aut corde volutas,  
Ad quae mox decreta mihi responsa dabuntur.  
Postquam respexi Dominam meque illa, priusquam  
65 Inciperem fari, audivit, vultuque sereno  
Annuit arridens, cupienti qui addidit alas.  
Tunc ego sic coepi: Sapientia et aestus anioris,  
Ex quo se vobis ostendit, quae regit aequae  
Cuncta, et pro meritis cuncta aequat, summa potestas,  
70 Uno respondent mensurae pondere vobis:  
Nam solem propter, qui vos lustravit et ussit  
Luce sua atque aestu, sic unicuique facultas  
Utraque inest aequae, nihil ut simile esse feratur.  
At studium, ac pariter mentis prudentia ob ipsam,



- 75 Quam nostis, caussam mortalia membra ferentum  
Alis diversas suerunt imponere pennas.  
Quare ego, qui vivo morti devotus, in ista  
Sortis inaequalis video me lege retentum;  
Atque haec caussa fuit, cur parcam solvere grates  
80 Voce, ac laetitiae plaudam modo corde paternae.  
Te precor ipse quidem, o vivax mihi flamma topati,  
Hunc quae thesaurum pretiosum gemma decoras,  
Per te explere tuo ut liceat mihi nomine mentem.  
O mea frons, per quam venit mihi tanta voluptas  
85 Solum expectanti, en radix tua, talia contra  
Ille; ac deinde inquit: Qui primus nomina vestro  
Imposuit generi, et post centum atque amplius annos  
Certat adhuc primam montis superare coronam,  
Is meus est natus, bisavus tibi, cui decet ore  
90 Et factis te jam longum resecare laborem.  
Antiquos intra fines Florentia stabat  
Pace fruens plena, parvo contenta pudensque.  
Non pictas acubus vestes, non illa corollas  
Cognorat, non, femellis quae stringeret apte  
95 Crura, periscelidem; nec quidquam, cingula praeter,  
Formam fingeat. Nondum modo nata pavore  
Filia torquebat patrem; nam tempora, dosque  
Hinc atque inde modum nunquam transire sinebant.  
Nulla domus, vacuum quam turba domestica morte  
100 Deservisset. erat. Nondum, qui in luminis oras,  
Quidquid posset agi secreta in parte domorum,  
Ederet, ortus erat tristi alite Sardanapalus.  
Nondum Monsmarius monti, qui nomina primum  
Duxit ab aucupio, palmam cessisse priorem  
105 Visus erat, qui, ut nunc superatur culmine in isto  
Adscensus, ita vincetur, dante urbe ruinam.  
His ego vidi oculis Bertin-Belincionem ossis  
Et corii ornatu vestitum incedere, et uxor  
Illius numquam a speculo fucata redibat.

- 110 Del-Vecchium et Nerlum contentos simplice pelle  
Vidi, et matronas fusum pensumque trahentes.  
O fortunatas! Tumuli secura paterni  
Singula erat. Necdum ulla thoro deserta jacebat  
Gallorum ob gladios. Pueri cunabula propter
- 115 Altera sidebat, verbis solata quietem,  
Quae quondam patrum linguam matrumque juvabant.  
Atque colo mollem deducens altera crinem,  
Fallebat somnum, turba prope stante suorum,  
Iliacas memorans Fesulasque urbemque Quirini.
- 120 Tum Cinguella, Lapus cognomine Saltarellus  
Nostro illi populo portentum tale fuissent,  
Quale foret vestro Cornelia, Cincinnatus.  
His ita tranquillis, ita pulchris moribus urbis,  
Tam fido populo, hospitio tam dulci et amico
- 125 Me dono dederat, genitrice vocante, Maria,  
Et veteri ex vestro sacrato fonte renatus  
CACCIAGUIDA fui, fratre et consorte Moronto  
Atque Elisaeo. Prognata in fluminis ora  
Eridani conjux venit mihi. Nomen ab illa
- 130 Filius is duxit, cujus tu nomine gaudes.  
Induperatoris dein sum vexilla secutus  
Conradi, ense latus qui mi praecinxit, honore  
Dignatus tanto propter benefacta merentem.  
Contra nequitiam sum illum comitatus euntem
- 135 Legis, qua populus tellurem usurpat et urbem,  
Pastoris culpa, quas vobis jura dederunt.  
Atque ita mi gentem fuit extricata per illam.  
Haec anima ex mundo praesenti fallere, cujus  
Insidiosus amor multorum pectora turbat,
- 140 Atque ex martyrio ad pacem fuit exitus hancce.

## XVI.

- O curanda parum deducta a sanguine nostra  
Nobilitas, si humana doces jactare vetustum  
Pectora te propter decus hic, ubi languet amoris  
Flamma boni, nunquam fuerit mirabile visum  
5 Id mihi: quo nullo declinat calle cupido  
A vero, in coelo, si quid mihi gloria suasit.  
Ipsa quidem es vestis, quae mox sit curta supellex,  
Ut, nisi quis student quidquam superaddere in horas,  
Te circum volitet tacitum cum forcipe tempus.
- 10 Vos, hac voce usus coepi, quam passa loquelam est  
Roma prius, sed quam post non tenere nepotes;  
At quae constiterat paulum semota BEATRIX  
Ridenti similis, quae tunc tussivit, ubi error  
Primus, ut est scriptum, suasit peccare Ginevrae;
- 15 Vos estis pater, a vobis fiducia menti  
Plena meae venit, vos sic me attollitis ultra  
Vires, ut major me sim. Tot fontibus haurit  
Mens mea laetitiam, ut per se sit facta beati  
Fons gaudet; tamen in se se tenet unda, nec arctum
- 20 Effringit claustrum. Quare, carissima origo  
Prima meae gentis, majores dicite vestros,  
Dicite, quae primae fuerint signata juventae  
Tempora, nec pigeat vos dicere, ovile Joannis  
Quantum ibi tum fuerit, quique inter millia multa
- 25 Exstiterint digni magis altis sidere scamnis.  
Flantibus ut ventis flamma in carbone resumit  
Vires, sic illam vidi splendescere lucem  
Has ad blanditias: atque ut mage pulchra refulsit  
Illa meis oculis, ita dulcius ore sonante,
- 30 Sed non, quo utuntur nostri, sermone locuta est:  
Ex quo dixit Ave! coelo demissus ab alto  
Gabriel, ad tempus, quo in luminis edidit auras  
Me genitrix, quae sancta modo est, repetisse Leonem

- Iste suum est visus quingentis orbibus ignis  
35 Expletis, deciesque octonis, rursus ut ista  
Sub planta arderet. Patribus cunabula primis,  
Atque mihi dedit is locus, urbis ubi ultima sexta  
Est regio ex cursu, quem vobis ludus equorum  
Annuus absolvit. Nil de majoribus ultra.
- 40 Qui fuerint, quae caussa illis hanc suaserit urbem  
Appetere, est tacuisse magis, quam dicere, honestum.  
Totus ibi populus, cui vis erat apta ferendis  
Armis, si incipias a Martis ad usque Joannis  
Cultum, quinta tuae, quam scis modo vivere, gentis
- 45 Pars erat. Urbana at soboles, modo semine mista  
Campi, Certaldi, Fighini, pura reperta est  
Infimum ad usque fabrum. Sed quanto optatius esset,  
Nunc quoque finitimis, quas dico, gentibus uti  
Sic, ut Tresplanus tantum et Galluppius urbi
- 50 Terminus haereret, quam has intra moenia habere,  
Putoremque pati pago Agulione profecti  
Villici et alterius Signae orti, jam nimis acris  
Ad fraudem. Nisi, quam plus degenerasse videtis,  
In terris gens Augusto comperta noverca
- 55 Esset, at ut proprio genitrix non rustica nato,  
Talis se jactat modo sanguine Florentinum,  
Mutat, mercatur, Semipontem qui ire cupisset,  
Patris ubi genitor parvae stipis aes rogitabat.  
Montemurlus adhuc Comitum sub jure maneret
- 60 Contentus, CERCHIQUE forent, ubi pastor Aconem  
Convocat aere cavo populum, et fortassis amarent  
Nunc quoque Valdigravi tuta otia BONDELMONTES.  
Congeries confusa hominum fuit usque malorum  
Prima urbi labes, patinarum ut copia nostris
- 65 Corporibus; citiusque cadit, qui luminis expers  
Taurus eat, quam agnus, pariter cui lumen ademptum est;  
Nec raro magis ac melius, quam quina, secabit  
Unica vis gladii. Si tecum fata revolvās

- Lunae, Urbisaliae, ut jam defluxere retroque  
70 Ut sublapsurae sunt res Clusique Sinaeque,  
Non tibi res nova erit gentes audire ruina  
Eversas, nec mira quidem, quando urbibus ipsis  
Finis adest. Ut vos, sunt vestra obnoxia morti  
Omnia, et haec aliqua, quae stat diuturna, latescit  
75 In re, at vestra brevis vita est. Atque orbis ad instar  
Lunam volentis, qui nudat littora et addit,  
Nec datur ulla quies; sic nunc fortuna vicissim  
Vestram urbem exercet. Quare haud mirare loquentem  
Me Florentinos, qui nunc capita alta ferebant,  
80 Antiquam quorum celarunt tempora famam.  
Ugos, Osmanos vidi, Graecosque Philipposque,  
Atque Catellinos simul, et genus Alberichi,  
Jam claros titulis, sorte inclinante superbis,  
Et genere antiquo multos opibusque potentes.  
85 Portam ultra, nova perfidiae quam pondera onustam  
Tam graviter vexant, ut jam jactura gementis  
Sit metuenda ratis, gens RAVIGNANA manebat,  
Unde comes GUIDUS, quique a BELLINCIONE alto  
Dein duxit nomen. Dominandi nulla latebat  
90 Jam via PRESSENSEM, atque domi PALIGAIUS auro  
Ornarat capulum. Stabat jam magna columna,  
Quae niveum et maculis distinctum insigne gerebat,  
Atque illi, admonitus modii quibus ora rubore  
Inficit. O quales vidi, quos turgida fastu  
95 Mens egit pessum! atque globos praedivite ab auro,  
Per quos florebat coepto Florentia in omni!  
Haud secus illorum sese gessisse feruntur  
Patres, qui, quoties ecclesia vestra vacavit,  
Ipsi in concilio stantes sibi corpus obesum  
100 Curarant. Inflata domus, quae, — se ardua ut anguis  
Attollens contra fugientem suscitatur iras,  
Nunc, si quis dentem ostendat loculumve sonantem,  
Mitescit velut agnus iners, — tum crescere primum

- Coeperat, at genere ex humili; socerum Ubaldino  
105 Incusante suum, hanc consanguinitate propinquam  
Quod sibi junxisset. Rem dicam haud credere dignam,  
Sed veram: Angustam populus veniebat in urbem  
Per portam, proprium cui gens PERUCCIA nomen  
Imposuit. Quicumque gerunt insigne Dynastae  
110 Magni perpulchrum, cujus nomenque decusque  
Solatur sacrata dies celeberrima Thomae,  
Inde et militiam duxere et munera priva;  
Quamvis conveniat vili cum furfure plebis  
Qui decus hoc hodie fulvo circumdedit auro.  
115 Jam GUADEROTTI domus et domus IMPORTUNI  
Stabat, et hic vicus multo pacatior esset,  
Si nova ab hoc longe vicinia prorsus abesset.  
Illa domus, vestri fletus fons primus, ob iram  
Justam, quae tristi vos omnes funere mersit,  
120 Quam propter vobis perierunt gaudia vitae,  
Cum sibi conjunctis multo florebat honore.  
Quam male, BONDELMONS, fugisti ducere sponsam,  
Consilio alterius captus! Nam plurima turba,  
Nunc tristis, tute laetanti incederet ore,  
125 Si Deus, ut primum portam nostrae urbis inisti,  
Teque tuosque Haemae tradendos ultro dedisset!  
Scilicet id decuit lapidem, qui littore truncus  
Prospectat pontem, ut foret is, Florentia, vobis  
Victima postremae pacis. Cum gentibus istis,  
130 Cumque aliis pariter, tanta est urbs pace potita,  
Ut nunquam luctus caussa intercesserit ulla.  
Istas per gentes justum insignemque decore  
Usque adeo populum vidi, ut sua lilia nunquam  
Plorarit capite inverso pendentia ab hasta,  
135 Nec per dissidium rubro maculata colore.

## XVII.

- Qualis, ubi Climenen adiit, sibi pignora certa  
Exposcens contra linguae convicia acerbae,  
Qui docuit natis minus indulgere parentes :  
Talis eram ac talem me senserat esse BEATRIX,  
5 Ac sanctum lumen, quod pro me excesserat ultro  
Sede sua. Quare, quae dux mihi et arbitra stabat:  
Eructa flammam studii, quod pectore versas,  
Dixit, et erumpat signata impressaque clare  
Interiore typo; non quod quidquam addere nostrae  
10 Notitiae per verba queas, at ut ipse suescas  
Enarrare sitim, donec quis misceat undam.  
O dilecta mihi, quae sic extollere, planta,  
Ut, veluti mens nostra videt non posse triquetrum  
Binos accipere obtusos, ita cuncta. priusquam  
15 Eveniant, ventura vides, atque ordine cernis,  
In punctum inspiciens, quo tempora convenere!  
Tunc cum VIRGILIO junctus vestigia traxi  
Per curantem animas montem ac per mortua regna,  
Multa mihi gravia audiui de sorte futurae  
20 Vitae; etsi invicto videar mihi robore septus  
Ictus fortunae contra. Quare ista maneret  
Cura satis contenta mihi, si discere detur,  
Quae mihi fata instent; siquidem praevisa sagitta  
Fit violenta minus. Luci sic ante locutae  
25 Dixi, confessus studium prout ore BEATRIX  
Jusserat. Obscuris haud illa ambagibus usa est  
Assuetis animum vulgi captare, priusquam  
Insons indigna clausisset lumina morte  
Agnus divinus, qui tollit crimina mundi;  
30 At claris usus verbis brevibusque paternus  
Ille amor inclusus proprio et sua gaudia risu  
Praeportans inquit: Quidquid continget in horas  
Venturas, vestrae quod non se porrigit extra

- Materiae tabulam, id totum sese explicat ante  
35 Conspectum aeternum pictum: at non inde necessum  
More alio sumit, quam navis sponte secundo  
Flumine descendens, a spectatore sedente  
Pro speculo in ripa. Venit inde, ut fertur ad aures  
Dulcis ab organico sonitus, tibi sorte parata  
40 Tempestas spectanda mihi. Ut discessit ab urbe  
Hippolytus patria crudelis fraude novercae,  
Sic te proripias profugum Florentia oportet.  
Insidet hoc animis, agiturque, et mox bene cedit  
Volventi hoc, ubi stat semper mercabilis aere  
45 Christus; et offensam partem, ut fit, culpa sequetur,  
Iudice vulgari fama; sed proxima poena  
Testis erit veri caussam ulciscantis iniquam.  
Omnia, quae fuerunt tibi pignora cara, relinques;  
Atque hoc, exilii quod primum conjicit arcus,  
50 Est telum. Disces, ut sal sapit acre palato  
Alterius panis, quam sit via dura terenti  
Alterius scalas, sursum deorsumque meando.  
Quodque magis duro tua pondere terga gravabit,  
Improba erit comitum delabens turba tuorum,  
55 Cum qua tu pariter vallem laberis in istam.  
Nam male grata tibi, et coeca deperdita mente,  
Impiaque adversans ruet in te tota; sed ipsa  
Post paulo incedet tristi suffusa rubore.  
Exitus insani motus sic acta probabit,  
60 Ut pulchrum fuerit tibi consuluisse seorsim.  
Primum perfugium, hospitii spes prima quieti  
Veronensis erit magni natura benigna  
Portantis scalam, sancto super alite stante.  
Hic te respiciet tam humanus, ut inter utrimque  
65 Dantem ac poscentem, qui alias solet esse secundus,  
Hic deprendatur primus. Deinde ipse videbis  
Hujus ita imbutum fortis virtute planetae  
Natali a primo puerum, ut praelustria facta



- Exspectes. Nondum id gentes sensere, novellam  
70 Aetatem propter, quem circum sidera tantum  
Explerunt novies orbem. Verum arte priusquam  
GUASCONIUS prava HENRICUM deceperit altum,  
Illius erumpet multas missura sagittas  
Virtus, aspernata aurum, aspernata laborem.
- 75 Magnificae splendor vitae quoque lumine claro  
Eminus, ac late sic effulgebit, ut hostes  
Haud possint tacitis hunc praetermittere linguis.  
Hunc tibi fac maneat, hujus benefactaque speres.  
Hunc propter faciem mutabit plurima turba,
- 80 Dives ubi ac pauper versa vice transiget aevum.  
Deque illo tibi corde feres haec scripta sub imo,  
At non narrabis. — Tum vero talia dixit  
Non habitura fidem coram cernentibus ista.  
Insuper haec addit: Sunt haec, me interprete, fili,
- 85 Quae gravia audisti, perpessa, et facta dolosa  
Abdita, quae emergent paucis labentibus annis.  
Non tamen invidias vicinis; nam tibi vita  
Plus diuturna foret, quam tempus crimina tantae  
Perfidiae ulturum. — Postquam subtegmina telae,
- 90 Stamine quam intendit, se sat duxisse, silendo  
Sancta anima ostendit, coepi, ut qui fluctuat anceps,  
Consilium poscens quem spectat, vultque seorsim,  
Atque amat. Haud equidem, pater, ignoro, ut pede tempus  
Veloci properet me caedere vulnere, multo
- 95 Asperiore homini, cui mens jam deficit aequa.  
Quare si caveam, bene erit, ne, patria adempta,  
Quod mihi plus carum est, alias mea carmina propter  
Amittam sedes. Loca per sine fine dolenda,  
Per montem, cujus jucundo a culmine Divae
- 100 Lumina pulchra meae me deduxere, per astra  
Ex luce in lucem didici, quae, vera referre  
Cum sim ausus, multis fuerint acri aspra sapore.  
Quod si subtimidus veri deprendar amicus,

- Inter eos timeo ne vitam amittere cogar,  
 105 Antiquum quibus est, quod praesens labitur, aevum.  
 Lux, sub qua risum pandebat copia tanti  
 Thesauri mihi ibi inventi, primum ore corusco  
 Fulsit, ut aurato in speculo flamma ignea solis.  
 Exin respondit: Tenebrosi conscia facti  
 110 Sive suo sive alterius mens tacta pudore,  
 Sentiet ista quidem verborum tela tuorum.  
 Tu tamen, amota fingendi qualibet arte,  
 Quidquid vidisti, manifesta luce locabis,  
 Et sine, ubi prurit scabies, ibi scalpere quemque;  
 115 Quodsi forte labris tenuis inveniatur amara  
 Vox tua, vitalem succum concocta relinquet.  
 Iste tuus mugitus erit, ceu flamina venti,  
 Quae majore ictu magis alta cacumina pulsan;  
 Idque hominis fuerit generosum pectus habentis.  
 120 Propterea sphaeris licuit tibi cernere in istis,  
 In monte, in dirae nigra formidine vallis  
 Tantum animas, quarum sunt nomina cognita fama;  
 Nam mens illius, qui fanti accommodat aures,  
 Nescit stare, fidem neque habet, si exempla sequantur,  
 125 Quorum sit radix plerisque ignota latensque,  
 Aut si res minime claro se lumine prodant.

## XVIII.

- Intus jam secum gaudebat vita beata  
 Illa; ego gustabam, quae mecum corde movebam,  
 Dulce acri miscens; at, quae me ad templa trahebat  
 Alta Dei, mulier: Muta, quam pectore volvis,  
 5 Curam, ait; id reputa, propius me adstare levantem  
 Omni animas onere injusto. — Haec pia verba profatum  
 Solamen mihi suspexi; at quo lumina amore  
 Arderent sancto, minus aptus dicere mitto;  
 Non modo, quod verbis male fidam, sed quia mentis

- 10 Virtus haud posset, nullo ducente, regressum  
Per se ferre illuc. Id tantum dicere quirem,  
Me, dum nostra acies visum pascebat in illa,  
Omni alia cura pectus gessisse solutum.  
Dum recta in Dominam radians aeterna voluptas
- 15 Explebat suspectum oculi pulchro ore secundum,  
Illa ait unius domito mihi lumine visus:  
Respice et ausculta; neque enim modo cernere nostri  
Dant Paradisum oculi. — Veluti hic quandoque videmus  
In vultu sensum mentis, si est tantus, ut omnes
- 20 Auferat huic vires: sanctae sic lucis in igne,  
In quem respexi, fuerat mihi lecta cupido  
Hortata hanc mecum ulterius non pauca profari:  
Hisque inlit verbis: In quinto hoc limine plantae,  
Vivere cui vertex donat, quae fructibus usque
- 25 Luxuriat, nec fronde una spoliabitur unquam,  
Felices habitant animae, quae, regna priusquam  
Haec devenerunt, magna sonuere per imum  
Fama orbem, ut quaevis Musa exsultaret opima.  
Quare, si inspicias venerandi in cornua ligni,
- 30 Cujus ego nomen dicam, ille ibi fulguris instar  
Splendebit celeri findentis nubila flamma.  
Per crucem ego adspexi jubar unum, nomine tantum  
Josuis audito. Subito qui eruperit ignis,  
Nec dictum ante mihi, quam factum, nosse facultas
- 35 Est data; et excelsi MACABAEI ad nomen, adactum  
Vidi alium magno circum sese orbe rotantem;  
Vimque a laetitiae ducebat verbere turbo.  
CAROLI ita est MAGNI pro nomine, ROLANDIQUE  
Nostra acies sectata duos, ceu suspicit auceps
- 40 Falconem, rapidis qui sese sustulit alis.  
Deinde GUILIELMUS simul et RINOARDUS et ille  
Sub Solyma ductor GODOFREDUS lumina ad istam  
Nostra crucem traxit, GUISCARDI et flamma ROBERTI.  
Deinde alias inter permota immistaque luces,

- 45 Ipsius est monstrata mihi vita ante locuti,  
Cantores inter coelestes apta magistra.  
Tum latus in dextrum converti lumina, in ore  
Aut nutu Dominae ut legerem, quid poscat honestas;  
Illiusque oculos tam pura luce micantes,  
50 Ac tam jucunda vidi, ut pulchrum decus horum  
Visa prius solitumque omnino vicerit usum.  
Atque ut, quem benefacta juvant, magis ille vir usque  
Se magis atque magis sentit virtutibus auctum:  
Sic mihi circuitu majore auxisse videbar  
55 Arcus et coeli tractum, cum pulchrius illud  
Portentum vidi: qualisque, pudore gravatum  
Si levet os mulier, versa vice candida tota est:  
Tale meos icit visus, ubi me rota vertit,  
Sextae ob candorem stellae, quae lenius ardens  
60 Me ingressum accepit. Jovis illo in lumine vidi  
Fulgentem clare, qui est sideris incola, amorem,  
Signantemque meis oculis, quae nostra loquela.  
Ac veluti volucres deserta pabula ripa,  
Gratantes sibi paene, petunt, nunc agmine in orbem,  
65 Nunc structo in longum: sic intus lumina sanctae  
Cantabant animae volitantes, et modo signum  
D, nunc I, nunc Lque dabant in luce legendum.  
Cantantes prius in numerum se quaeque movebant;  
Mox versae ex istis unam effecere figuram,  
70 Exin constiterunt et conticuere parumper.  
O divae Aonides, quas propter gloria summa  
Contigit ingeniis, et longum vita per aevum,  
Illaque vobiscum populos fecere perennes,  
Sit vestro gaudere datum mihi lumine, ut harum  
75 Signa legam, quo quamque modo mihi mente figuram  
Concepi; ex istis pateat vestra inclyta virtus  
Versiculis brevibus. Se monstravere per octo  
Terque novem mistas vocales, conque sonantes;  
Partesque, ut videor scriptas vidisse, notavi.

80 *Diligite* est primum visum signare, secundum  
*Iustitiam* scriptum. Numeris tria claudere non est  
Ultima legitimis, *qui iudicatis terram*.

M dein in quinta scripturae voce locatam  
Circumiere illi splendores ordine stantes

85 Sic, ut ibi argentum distinctum Juppiter auro  
Esse videretur. Reliquos descendere vidi,  
Litterae ubi vertex exstabat, ibique manere  
Cantantes, credo, qui se ad se versat, amorem.  
Dein, ut percussis quos ignis torribus ussit

90 Innumerae surgunt, oculo mirante, favillae,  
Quas propter stultae sibi captant omnia gentes,  
Millia splendorum sunt visa hinc surgere, et illa  
Altius attolli, illa minus, prout sorte parabat  
Sol illa accendens. Postquam sed singula sede

95 Lux stetit in propria, tunc istam effingere vidi  
Eximiam flammam caput et collum alitis almi.  
Qui depingit ibi, ducentem haud consulit ullum,  
Sed cuncta is ducit, simul illi accepta refertur  
Virtus, quae forma est nidis. Turba altera sancta,

100 Quae contenta prius sua lilia circumferre  
M est visa mihi, modico venerabile signum  
Exegit motu. — O stellae dulcissima flamma,  
O quae et quanta oculis gemmarum copia nostris  
Ostendit, quidquid iusti versatur in orbe

105 Terrarum nostro, id totum descendere ab isto,  
Quod decoras, coelo! Quare illi supplico menti,  
Unde oritur motus flammarum visque tuarum,  
Spectet eo, unde fuit vitians tua lumina fumus;  
Ut plena irae iterum jamjam male mulcat eementes,

110 Videntesque intus sacri penetralia templi,  
Quondam ex martyriis et multis condita signis.  
O vos militiae coeli, quarum agmina cerno,  
Vos precibus placate Deum pro gente profana,  
Quam pravam exemplum deduxit tramite recto.

- 115 Mos fuerat quondam gladiis bellare cruentis;  
 Nostri bella gerunt rapiendo hinc inde dolosi  
 Panem, quem nulli patris pia dextera claudit.  
 At tu, qui scribis tantum delere paratus,  
 Id tecum reputa, qui profudere cruorem  
 120 Hoc pro vineto, quod tu vastare laboras,  
 Et Petrum et Paulum quoque nunc protendere vitam,  
 Quamvis hoc dicas: Mihi jam stat certa voluntas,  
 Illum sectari, cui visum est vivere soli,  
 Et cujus solvit caput a cervice revulsum  
 125 Pro saltu pretium fassi inter vulnera Christum,  
 Nec Piscatoris, neque Pauli nomina novi.

## XIX.

- Ante oculos aderat pansis pulcherrima imago  
 Alis, exhilarans pleni in dulcedine gaudi  
 Consertas animas, quarum mihi singula parvus  
 Visa pyropus erat, sic flammans solis ab igne,  
 5 Ut mihi in adversos oculos refringeret illum.  
 Et quod mox opus est mihi pingere, nulla referre  
 Vox ausa est unquam, nulla unquam scribere dextra,  
 Nec potuit virtus comprehendere Daedala mentis.  
 Conspexi audivique simul rostrum edere verba  
 10 Ac resonare *Meum* simul, et *Me* guttura fantis,  
 Nos ubi, vel *Nostrum* vere sententia poscit.  
 Et coepit: Quod vita pie casteque peracta  
 Est mihi, nunc isthic splendorem tollor ad istum,  
 Qui desiderio haud patitur se vincier ullo;  
 15 In terris ac tanta mei monumenta reliqui,  
 Ut gentes adeo pravae mea nomina laudent  
 Et tamen exemplum fugiant. Sic pluribus unus  
 Sentitur calor ex prunis, veluti unus amorum  
 Multorum sonus effigie veniebat ab ista.  
 20 Quare ego tunc: O aeternum vernantis in aevum

Laetitiae flores, vestros mihi odore sub uno  
Mittentes cuncti singlariter undique odores,  
Solvite, spirantes, nostrae jejunia mentis,  
Quam fame torserunt longa, quia pabula nulla  
25 Inveni in terris. Equidem me scire fatebor  
Justum illum patrem, quamvis sese ipse videndum  
Ut speculum ostendat coeli per caetera scamna,  
Non huic sub velo sese praebere cohorti.  
Scitis, ut arrectus consistam audire paratus;  
30 Non ignoratis quatenus, male cura molesta,  
Ancipitem ex longo esuries collecta moretur.  
Qualis ubi exsiluit sublato tegmine falco,  
Exagitat caput atque alis sibi plaudit apertis,  
Ostentatque inhians formoso in corpore robur:  
35 Tale illud signum contextum laudibus almi  
Flaminis adspexi, circum resonantibus hymnis,  
Quos didicere illic, qui aeterna pace fruuntur.  
Dein: Qui supremum normam circumtulit orbem,  
Totque ibi disposuit manifesta occultaque certo  
40 Ordine, non potuit propriam sic sculpere ubique  
Virtutem, sua quin spatium sapientia abesset  
Longe infinitum exsuperans. Res ipsa notavit;  
Nam Tumidus primus, cui perfectissima forma  
Uni erat eximio, indocilis sibi poscere lumen,  
45 Speque sua praeceps, casu est delapsus acerbo.  
Atque hinc colligere est vobis, genus omne minoris  
Naturae non esse Bono par fine carenti,  
Quod sibi mensura est soli et quod se capit unum.  
Ergo nostra acies, radio quae oriatur oportet  
50 Ex aliquo mentis, cujus sunt omnia plena,  
Natura haud potis est tanta virtute valere,  
Ut non cognoscat se multo cernere primum  
Principium inferius re; sitque, ut lumina, vestri  
Qualia sunt mundi, sese in penetralia mittant  
55 Justitiae aeternae, velut amplum per mare visus;

Qui, quamquam adspiciat riparum ex margine fundum,  
Non hunc inveniatur, pelagus si adscendat in altum;  
Est tamen ille, sed abscondunt vada coeca profundum.  
Lux nulla est, quae non effulserit ore sereno,  
60 Quod nullum turbat tempus; tenebrae omnia, carnis  
Umbra vel illius, dempta ista luce, venenum.

Sat modo aperta patet clare latebra illa, vigentem  
Quae tibi iustitiam quondam celare solebat,  
Et tibi miranti suasit tam crebra rogare;  
65 Cum tu dicebas: Quidam Gangetide in ora  
Nascitur, atque illic nemo est, qui nomine Christum  
Compellat, neque qui doceat scribatque legatque;  
At recti huic mores, at nescia fallere vita,  
Omnia facta pie, semper casta, aequa voluntas,  
70 Quoad ratio humanae potuit pertingere mentis,  
Non facti aut verbi maculavit crimine vitam:  
Occidit, haud sacri ablutus baptismatis unda,  
Absque fide; heu ubi iustitia est, quae damnat eundem?  
Aut ubi culpa huius, si nescit credere Christo?  
75 Equis es, in cathedra qui vis considerare iudex,  
Ut rem discutias positam ultra millia centum,  
Vix aptus metiri oculo spatium unius ulnae?

Certe illi, mecum qui percontatur acute,  
Ni Scriptura ausis vestris praecideret alas,  
80 Mira quidem, fateor, dubitandi causa fuisset.  
O curvae in terras animae, o caligine crassa  
Obductae mentes! Quae per se prima voluntas  
Est bona perfectumque bonum, usque immota manebit:  
Id iustum esse puta, quod totum congruit isti.

85 Nulla creata, licet per se optima, res trahit ipsam;  
Quin immo haec radians est istius unica origo.

Qualis, ubi saturam officiosa ciconia prolem  
Agnovit, sese nido secunda volutat,  
Qualis et haec, quae matrem expleto ventre tuetur:  
90 Tale fuit, me sic oculos utrosque tenente,



- Sacratum signum, coram tot mentibus alas  
Excutiens. Seque ultro rotans haec voce canebat:  
Quale tibi melos est istud, quod nulla facultas  
Est tibi discendi, tale est mortalibus illic
- 95 Consilium aeternum. Dein clara incendia sancti  
Flaminis in signo pariter composta quierunt,  
Per quod Romulidum est mundo venerabile nomen.  
Atque ipsum rursus: Nemo regnum istud inivit,  
Qui non in solo statuit spem ponere Christo,
- 100 Aut prius, aut postquam clavis suspensus obivit.  
Ast en complures, qui, *Christe, o Christe!* frequentant,  
Quos multo minus hunc propter cum corpore vero  
Josaphat adspiciet vallis, quam nescia Christi  
Pectora queis fuerant; ac talia Christicolarum
- 105 Saecula Niliacae niger arguet incola ripae,  
Cum duo in aversas partes collegia abibunt:  
Unum in perpetuum locuples, unum omnium egenum.  
Dicere quid poterit vestris gens Persa tyrannis,  
Post ubi jam coram librum inspectabit apertum,
- 110 In quo cernere erit cuncta horum turpia facta?  
Hic inter titulos Alberti quisque videbit  
Illum, quem calamus properabit tradere chartis,  
Quem propter Pragae regnum invasere ruinae;  
Nec non moerorem, quo planget Sequana ripas,
- 115 Unius ob fraudem nummos corrumpere adorti,  
Quem fortis porcus fractum sub Tartara mittet.  
Nec non hic rabies stabit spectanda superbam  
Immissura sitim, Scotumque Anglumque furentes  
Quae trahit, ut nequeant intra consistere metam;
- 120 Nec non luxuries, et mollis vita Bohemi,  
Regis et Hispani, queis nunquam cognita virtus,  
Nunquam accepta fuit. Claudii a Solyma hic probitatem  
Signum I declarat, contraria M notat ausa.  
Hic et avarities atque excors vita patebit
- 125 Illius, ignipotens quem detestata tyrannum est

Insula, ubi Anchisis cecidit longaeva senectus.  
Utque satis pateat, quam sit levis iste miserque,  
Truncabit Scriptura notas, quae multa docebunt  
Exiguo in spatio. Et patrui fratrisque nefanda  
130 Facta apparebunt, per quos tam strenua pubes,  
Atque corona duplex it cum grege currucarum.  
Quique Tago est rex, quique Danis dat jussa proterva,  
Quique typi Veneti simulavit fraude numisma  
Illyricus, noscentur ibi. Pannonia felix,  
135 Si quando ulterius vexantem ferre recuset!  
O felix, si, quo praecingitur undique, monte  
Sese Navarra armaret! Sic credere dignum est;  
Hoc etenim didicit jam Famaugusta, simulque  
Nicosia in regem pecudem queribunda susurrat,  
140 Qui, dum alias sequitur pecudes, excedere nescit.

## XX.

Quum, qui terrarum flammis opera omnia lustrat,  
Nostro praecipitat semiorbe, nitorque diei  
Undique conficitur, qui aether tantummodo ab ipso  
Ignescit primum, multarum lumine lucum,  
5 In quas una jubar fundit, renovata repente  
Ostendit decora; atque mihi haec succurrit imago  
Aetheris, ut mundi et ductorum insigne suorum  
In sancto tacuit rostro. Nam spicula viva  
Splendorum, magis atque magis flammantia, cantus  
10 Coeperunt mihi pro mentis virtute caducos.  
Dulcis Amor, dulci quem vestit gloria risu,  
' Quantus eras illis medius fulgoribus ardens,  
Queis unus sanctos subdebat spiritus aestus!  
Posteaquam cari lucentesque igne lapilli,  
15 Queis sextum vidi gemmatum fulgere lumen,  
Angelicis pariter fecere silentia linguis,  
Amnis ego sonitum vicini audire videbar,

- Qui lapides inter delabens, lucidus errat  
Nativum ostentans fecundum gramine culmen.
- 20 Ac veluti a collo citharae modulamina ducunt  
Formam, et ab ore cavo penetrabilis aura cicutae,  
Non secus illud avis murmur, mora nec fuit ulla,  
Per collum adscendit, tanquam si hoc esset inane.  
Isthic in vocem se vertit, et exiit isthinc
- 25 Per rostrum ipsius, formam accepitque loquelae,  
Qualem cor, in quo illa fuit mihi scripta, manebat.  
Quae mea pars visu pollet, propiusque tueri  
Dat vestris aquilis radiantis lumina solis,  
Attente inspicienda tibi est. sic incipit illa;
- 30 Namque ignes inter, quorum in me lucet imago,  
Qui in capite efficiunt oculos fulgore micantes,  
Illi prae reliquis summa ad fastigia scandunt.  
Pupulae in orbe meae medius qui fulgurat, ille est  
Flaminis aeterni cantor, qui transtulit arcam
- 35 Ex pago in pagum; nunc discit carmina quanti  
Sint sua, propterea quod vero haec pectore panxit,  
Cum videat sese pretio majore repensum.  
Deque supercilium quinis cingentibus, ille,  
Qui mihi stat propius rostrum, solatus amaras
- 40 Est viduae lacrimas natum lugentis ademptum:  
Nunc scit, quam magno constet contemnere Christum,  
Hanc dulcem expertus vitam, et contraria passus.  
Quique orbem sequitur, dictum mihi jam ante, sub arcu  
Qui supra est, vero confossus corda dolore
- 45 Tardavit mortem. Nunc scit non posse moveri  
Judicium aeternum, quamvis in crastina verti  
Saepe illic hodierna queant, dum vota precesque  
Huc veniant dignae. Quique adstat proximus alter,  
Codice cum legum, et genti se adscribere mecum,
- 50 Consilio suadente bono quod cessit amare,  
Decrevit Grajae, Pastori cedere certus.  
Nunc discit, quare, quidquid deducitur aequo

- Atque bono incepto prave, non possit obesse  
Auctori, inde licet foret emersura ruina  
55 Eversura orbem. Sed qui spectandus in arcu  
Est tibi declivi, nomen Guilelmus habebat,  
Quem pia deplorat tellus, cui CAROLUS atque  
FRIDRICUS vivi eliciunt ex pectore fletus.  
Nunc videt, ut justis regis coelum ardet amore;  
60 Idque etiam ipse docet vultis fulgore coruscans.  
Quis, vestros inter priscis erroribus actos,  
Crederet Iliacum versari RÏPHEA in isto  
Orbe oculi, et sanctis quintum sese addere flammis?  
Nunc sat divinae veniae, quam cernere mundus  
65 Non valet, iste videt, barathri licet ipse profundi  
Haud oculis possit propriis descendere in ima.  
Qualis per liquidos tractus spatietur alaunda  
Primum voce canens, ac dein contenta silesceat  
Extremum modulata melos, quo expletur abunde:  
70 Talis imago fuit mihi visa, impressa sigillo  
Aeterni gaudii, quod, prout fert corde libido,  
Omne facit quale est. Et quum defixus et anceps  
Vitro essem similis referenti veste colorem,  
Quo fuit imbutum, non longum est passa morantem;  
75 Vique sibi propria: Quidnam hoc? mihi extorsit ab ore;  
Quare laetitiam ingentem fulgore corusco  
Vidi exultantem. Post haec venerabile signum  
Luminibus magis accensis mihi talia reddit,  
Ne me suspensum post mira audita teneret:  
80 Ut novi, narrata mihi tu credere dignum  
Esse putas, quia testor ego; at cognoscere non est,  
Qui possint fieri, et te, si sunt credita, fallunt.  
Stas homini similis, qui rem sat nomine novit;  
Cernere at ipse nequit, quid sit, ni accesserit auctor,  
85 Qui doceat. Regnum coelorum a flamine amoris  
Vim patitur, vivaque a spe, cui victa voluntas  
Divina obsequitur, non, ut qui cedere victus

- Cogitur, at quia vult vinci, et sic victa benigno  
Ipsa animo vincit. Quae prima, et quinta figurat  
90 Vita supercilium, figit tibi corda stupore,  
Quod superum Alituum regionem cernis ab ipsis  
Ornatam. Haud isti, ut reris, sua corpora morte  
Deseruere obita venerati falsa Deorum  
Numina, sed Christum summa pietate colentes,  
95 Unus passurum, passum alter. Nam unus ab Orco,  
Unde redit nemo ad frugem, remeavit ad ossa,  
Idque fuit merces spem vivam cordis habentis,  
Sperantis, se posse Deum prece flectere blanda,  
Illum morte obita ut superas revocaret ad auras.  
100 Istaque, quam verbis compello, vita beata  
Regressa ad carnem, non longum ibi jussa morari,  
Illius est amplexa fidem, spes una salutis  
Qui fertur; credens veri concepit amoris  
Ignem, ut post mortem fuerit dignata secundam  
105 Ista laetitia. Coelestis summa Parentis  
Gratia, sic alto dimanans flumine, ut unquam  
Nulla acies oculi in primam se immiserit undam,  
Alterius menti illuxit, quam propter amavit  
Is rectum, ac fuit in Teucris justissimus unus.  
110 Idcirco, adspirante Deo, multo ante futurum  
Is novit Christum redimentem sanguine mundum.  
Credere in hunc igitur statuit, cui deinde mephiti  
Vana superstitio baud potuit suffundere mentem,  
Imo is perversae damnavit crimina gentis.  
115 Huic tres pro sacro affuerunt baptismate Divae,  
Quas orbe ex dextro licuit tibi cernere, mille  
Pluresque ante annos quam esset baptismate nasci.  
O virtus mentis, quae homines praedestinat ante  
Ortum principium, quam te a radice remotam  
120 Adspiciunt illi, quæis primam agnoscere causam  
Non est fas totam! Vos, o mortalia corda,  
Discite iudicium vestrum compescere habenis;

- Nam nos ora Dei propius manifesta tuentes  
 Ignoramus adhuc omnes, quos ille beandos  
 125 Legerit; et dulce est pars haec detracta levamen;  
 Nostrum namque bonum bonitate acquirit ab ista  
 Perfectam summam, et quod vult divina Voluntas,  
 Vult et nostra simul. Sic haec sanctissima imago,  
 Ut daret obtusis oculis res cernere clare,  
 130 Jucundam menti medicinam fecit egenae.  
 Utque bonum citharista bonus vibrantia fila  
 Cantorem hortatur sectarier, unde per aures  
 Gravior it cantus; sic, dum est mihi talia fata,  
 Splendores memini geminos vidisse beatos,  
 135 Non secus atque oculorum ictus concordat utrimque,  
 Cum verbis pariter facularum summa movere.

## XXI.

- Jam defixa iterum Dominae mea lumina ab ore  
 Pendebant animusque simul, quacumque remotus  
 Cura alia. Haec autem risu parcebat, et inquit:  
 Si modo riderem, tu qualis filia Cadmi  
 5 Ires in cinerem; nam quo plus scandere templi  
 Contigit aeterni scalas, plus aucta decore  
 Mi facies micat, ut nosti; et ni temperet, ipsa  
 Flammat ita, ut vis, qua polles, mortalis ad ignem  
 Tantum frons esset, tonitru quae scinditur uno.  
 10 Sublatos nos stella tenet, quae septima fulget  
 Pectore sub Nemei flammis efflante Leonis,  
 Quae interius virtute hujus modo mista coruscat.  
 Attente vestiga oculis, atque utitor illis  
 Ut speculo contra, quod se tibi sistit in isto  
 15 Spectandum speculo, signum. — Cuicumque daretur,  
 Discere, qualis erat pendentis ab ore beato  
 Esca mei visus, cum alio divertere jussus  
 Mutavi curam; facile esset fingere mente,

- Quam mihi jucundum fuerit parere magistrae  
20 Coelicolae, partem cum animus librasset utramque.  
Intra crystallum, quae mundi circumit oras  
Nacta ducis nomen cari, quo rege jacebat  
Nequitiae omne genus, scala aurea clara micante  
Sole mihi visa est se sic attollere in altum,  
25 Ut non hanc oculo assequeretur. Simul ipse videbam  
Per cunctos effusa gradus tot millia lucum  
Delabi, ut rerer, quidquid splendoris in aethra est,  
Isthic diffusum. Ac veluti sub luce diei  
Prima cornices nativo more moventur  
30 Una, ut calfaciant torpentes frigore plumas:  
Deinde aliae abscedunt, nec tangit cura regressus,  
Quaque abiere, aliae redeunt, seseque rotantes  
Consistunt aliae; talis splendoribus esse  
Visa mihi est illis ratio; namque undique cuncti  
35 Advenere simul, donec tetigere paratum  
Unicuique gradum, et qui proximus adstitit ignis,  
Usque adeo fulsit clare, ut sim corde locutus:  
Quem mihi praeportas, facile est cognoscere amorem.  
Ast illa, unde mihi tempusque modumque manebam  
40 Scitandi ac studium pariter cum voce premendi,  
Stat; nec consultum male erit mihi, si qua rogare  
Ingratis mittam. At quae viderat ima tacentis  
Illius inspiciens in vultum, qui omnia cernit;  
Solve tuo, dixit, ferventem in pectore curam.  
45 Et coepi: Haud ego sum tanti, ut, cui verba remittas,  
Me dignum reputem; sed te sine flectier hujus  
Promeritis, quae dat mihi poscere, vita beata  
Laetitia occultata tua. Sit discere causam,  
Quae mihi te admovit propius, nec dicere parce,  
50 Cur hoc dulce melos Paradisi cesset in orbe,  
Quod tam voce pia per sphaeras diditur omnes  
Inferius? — Tunc illa mihi: Mortalibus apta  
Aure vales veluti visu; quare ista canorem

- Sphaera tenet, caussas ob quas tenuisse BEATRIX  
55 Est tibi visa prius risum. Tantummodo lapsa  
Sum sanctae gradibus scalae, tibi ut obvia fiam  
Laetius accipiens verbis, ac, quo induor, igne.  
Nec mihi vis major praecurrere suasit amoris;  
Tantus enim, majorque animas agit astra tenentes  
60 Aestus, ut ex fulgore patet cujusque micantis.  
At qui summus amor famulas nos esse paratas  
Consilio hortatur, quod digerit omnia solum,  
Dat sortes isthic, quales tibi cernere fas est.  
Ipse quidem video, respondi, sacra lucerna,  
65 Quomodo liber amor satis ista regnet in aula,  
Ut legem aeternae rationis cuncta sequantur;  
Ast istud mihi difficile est cognoscere, quare  
Te ratio ventura parans praedestinet unam  
Tot tibi consortes inter, quae munere tali  
70 Fungaris? — Nondum fueram postrema profatus,  
Cum parte usa sui pro centro illa ignea lampas,  
Ceu mola, veloci se circum turbine vertit.  
Exin, intus amor qui stabat, talia reddit:  
Divinae radius lucis super adstat acute  
75 Insinuans isti, cujus concludor in alvo.  
Vis hujus conjuncta meae, qua caetera cerno,  
Usque adeo super extollit me, ut numinis esse,  
Unde emuncta venit, videam. Hinc mea gaudia flammant;  
Namque mihi visus acies, quoad clara, redundat  
80 Aeque splendorem flammae. Sed da mihi quamvis  
In coelis animam, quae plus clarescere digna est;  
Da Seraphim, qui plus divini in spicula solis  
Obtutus teneat fixos, tibi me ista roganti  
Non satis is faciet. Nam sic se immittit in altum  
85 Aeternae legis pelagus, quod discere averes,  
Ut sit discissum quavis a mente creata.  
Cumque feres reditum mundi ad mortalia saecula,  
Hoc referes, ne quis nimium confiderit audax



Ad tantum se posse pedes appellere signum.

- 90 Quae mens hic lucet, terrarum est fumida in orbe;  
Quare fac reputes, qui illic praestare valebit,  
Quod non ipsa queant coelestibus addita Divis.

Sic mihi sermo hujus praescipsit. Quare ego misi

Quaerere, devenique illuc, ubi voce rogavi

- 95 Demisse, quaenam fuerit, dum membra gerebat.

Italiae surgunt inter duo littora saxa,

Non procul a vestrae distantia moenibus urbis,  
Usque adeo, ut murmur tonitrus immugiat infra;  
Gibbarem et efficiunt illum, cui Catria nomen,

- 100 Infra quam sacrata aedes deserta locorum  
Sola tenet, soli cultum exhibitura supremo  
Terrae ac Coelorum Domino. — Sic tertius inquit  
Sermo hujus; deinde haec pergens verba insuper addit:  
Hic vixi servire Deo sic certus, ut esca

- 105 Solo adpersa oleo perferrem frigus et aestum  
Perleviter, curam contentus figere in unam  
Cor animumque, Deum meditans ac totus in illo.  
Uberrim his coelis jam suebat reddere claustrum  
Illud: inane modo factum est, ut oporteat omnes

- 110 Mox esse admonitos. PETRUS DAMIANUS habebam  
Nomen ibi: Adriacum prope littus in aede Mariae  
Olim PETRUS eram PECCATOR. Mi breve vitae  
Mortalis restabat iter, cum saepe rogatum,  
Quaesitumque diu ad rubrum traxere galerum,

- 115 Qui ruit in pejus, quo hunc plus transfundere curant.  
Advenere CEPHAS et sancto flamine plenum  
VAS MAGNUM, ambo illi pariter macri ac pede nudo,  
Orantes panem cujusque ad limina portae.

At nostrae aetatis pastores brachia poscunt,

- 120 Quaeis fulti hinc atque hinc adscendant, brachia poscunt,  
Quae se deducant, membrorum mole gravantur  
Tanta, seque retro sustollant. Tegmine vestis  
Quadrupedem propriae obvolvunt, ut pelle sub una

Binae ita belluae cant. Eheu patientia, quae tam  
 125 Ista diu pateris! — Sed verba sub ista gradatim  
 Complures vidi faculas descendere agique  
 Circum, illisque decus renovabat singulus orbis.  
 Circumiere istam ac steterunt tantoque susurro  
 Clamavere omnes, ut nullum quiveris isti  
 130 Isthinc assimilare sonum; nec venit ad aures  
 Verborum cantus, tanto superante tonitru.

## XXII.

Quum tota haereret mihi mens oppressa stupore,  
 Quaesivi Dominam, quae me ducebat, ut infans  
 Confugiens semper, quo plus confidit; at illa  
 Illicet, ut mater praesens succurrere proli  
 5 Pallidae, anhelanti, qua animum solet addere, voce,  
 Sic ait: An nescis, te coeli templa tenere?  
 An nescis, sanctum coelorum, quidquid ubique est?  
 Quaeque isthic fiunt, studio fieri omnia recto?  
 Quomodo concentus te transmutasset et ore  
 10 In nostro risus, nunc est tibi fingere mente,  
 Si tanto is clamor concussit pectora motu:  
 In quo si audisses carmen commune precantum,  
 Jam tibi nota foret, quam cernes, morte priusquam  
 Occumbas, poenam. Qui isthinc stat pendulus ensis,  
 15 Non cito, nec tarde caedit, nec fallere quemquam  
 Est solitus, praeter properantum optata, metumque  
 Poenam exspectantum. — Ast alias jam suspice flammas;  
 Nam valde illustres animas, si lumina nostro,  
 Ut dico, a vultu abducas, fulgere videbis.  
 20 Ut visum est illi, reliqua omnia circumspexi,  
 Et centum vidi globulos splendere, simulque  
 Pulchris se alterius radiis ornare vicissim.  
 Stabam more viri sub corde prementis acutum  
 Mucronem desiderii, nec voce rogare

- 25 Audentis: refugit fixos transire pudoris  
Fines urgendo nimis; at quae maxima, quaeque  
Has inter baccas nitidissima luce micabat,  
Prodiit, ipsa satis per se factura studenti  
Discere; et ex alvo interior vox promere verba
- 30 Haec audita fuit: Si esset tibi cernere amorem,  
Ut mihi, qui hic ardet, timidus quae discere mussas,  
Prompsisses; at ne, dum exspectas, tardius altum  
Ad finem venias, propere responsa remittam,  
Ad quae tu tanto fari prohibere rubore.
- 35 Mons, ubi Cassinus divo super insidet, olim  
Gente fuit celebris multa, quae culmen adibat,  
Quo malus hanc error mens et perversa trahebat.  
Isque ego sum, primus qui nomen ferre sub auras  
Hic studui illius, qui terris vera reclusit,
- 40 Per quae mortales adeo tolluntur in altum.  
Atque hic tanta meis respondit gratia votis,  
Ut mihi mox dederit cultu deducere iniquo,  
Qui mundum illexit, vicinos undique pagos.  
Praestantes animae, quas contemplatio ad astra
- 45 Vexit, sunt ignes alii, quos ille perussit  
Aestus, qui flores ac sanctos edere fructus  
In terris solet. Hic MACCARIUS, hic ROMUALDUS,  
Hic adsunt fratres, qui gressum in claustra tulere  
Constantes, ut ego. — Tum: Qui tibi talia, dixi,
- 50 Fanti elucet amor, simul et praesentia comis,  
Quam video atque noto manifestam in quolibet igne,  
Sic mihi cor fidens expandit, ut ignea solis  
Virtus saepe rosam, quae, quanta est, crescit aperta.  
Quare quaeso, pater, dic et da discere certo,
- 55 An speranda mihi sit gratia tanta precanti,  
Ut modicum detur, posito velamine, formam  
Mi spectare tuam? Tunc is mihi: Frater, abunde,  
Quae sic alta cupis, venient potiunda recepto  
Extremam in sphaeram, quae caetera vota meumque

- 60 Explet. Ibi quaevis perfecta, integra cupido  
Et matura suat. Tenet in se quidquid ubique est  
Illa ibi sola, ubi semper erat: nam nullibi nixa est;  
Non habet illa polos, sed scala haec scaudit ad ipsam,  
Quare sese oculo sic subtrahit alta tuenti.
- 65 Usque illuc ipsam pertingere parte superna  
ISACIDES vidit, cum apparuit agmine pressa  
Alituum coeli tanto. At vestigia terris,  
Hanc ut conscendat, nemo divellere curat,  
Atque ibi chartarum damno composta remansit
- 70 Regula, quam dederam. Muri, coenobia quondam,  
Sunt modo speluncae facti, nostrique cuculli  
Apparent sacci vitiatum furfure pleni.  
At Deus haud odit tantum grave foenus, ut illum  
Fructum, quo monachi sic insanire videntur.
- 75 Nam quidquid servat custos ecclesia, id omne  
Pauperis est poscentis opem sub imagine Christi,  
Non jam cognati, nec deterioris amici.  
Vestra adeo blanda est caro, ut haud satis esse putetur  
Inceptum felix illic a roboris ortu
- 80 Ad glandes. Opus hoc PETRUS est aggressus inanis  
Argenti atque auri: jejunia nostra precesque  
FRANCISCI, ac pietas quam demississima claustris  
Fundarunt proprii murum; et si coepta revolvat  
Cujusque, ac repetas inde usque hoc temporis aevum,
- 85 Candida nigrantem dices duxisse colorem.  
Vere versa retro Jordanis lympa recurrens  
Plus fuit, atque, volente Deo, rubri fuga fluctus.  
Mira oculis hominum, quam isti medicina dolori.  
Hic ita; et inde suos petit. Dein turba coacta
- 90 Tota, velut turbo, sese in sublime recepit.  
Dulcis me mulier pone illos impulit uno  
Indicio, ut sanctae superarem altissima scalae;  
Sic virtus hujus naturam vicerat aegram.  
Nec fuit hic unquam loca per sublimia et ima

95 Tam celer a nostrae naturae robore motus,  
Ut rapido posset cursu me aequare volentem.

Sic mihi fas fuerit, rursus spectare triumphum  
Illum, mi lector, quem propter crimina vitae  
Lugeo saepe meae et plango mihi pectora palmis;

100 Ut tibi demissum tam raptim avertere pruna  
Non esset digitum, quam cernere contigit astrum  
Post Taurum veniens, sensique ingressus in ipsum.  
O lucas almae, o magna virtute repletum  
Lumen, cui, quotacumque esset, debere fatebor

105 Vim totam ingenii! Vobiscum exhibat, et oras  
Vobiscum occiduas repetebat praepete cursu  
Ille pater generans mortalia saecula cuncta,  
Cum primum Hetruscis ego coepi vescier auris.

Post ubi largita est tantum mihi gratia donum,

110 Ut praecelsa rotae fastigia adire liceret,  
Quae vos circumagit, regionem agnoscere vestram  
Est mihi sorte datum. Modo vestros suspicit ignes  
Suspirans anima ista pie, ut virtute potiri  
Durum iter aggressae detur, quod me attrahit ad se.

115 Jam se summa Salus sistit sic proxima, coepit  
Dux mea, ut et claris, et acutis lucibus uti  
Jam te posse rear. Quare consiste, priusquam  
Te mergas illuc, despectans. Adspice, quantum  
Sub pedibus mundum tibi subjecisse videbor.

120 Quare sensa tibi quam jucundissima prodant  
Pectus, ubi occurrat venienti turba triumphans,  
Per coeli convexa hujus quae laeta propinquat.  
Septenos iterum coelos ego lumine totos  
Lustravi, talemque globum mihi cernere nostrum

125 Contigit, ut vili adspectu decerpserit ore  
Invito risum; ac melius sentire videtur  
Qui minimi hunc faciat, vereque est aequus habendus,  
Longe diversas qui agitat sub pectore curas.

Natam Latona incensam vidi, atque sine umbra,

- 130 Quae mihi caussa fuit, cur olim mente putarim  
Hanc raram ac densam. Hic, Hyperione nate, tuorum  
Spicula sustinui splendorum, quoque rotentur  
Impete te circum natus Maja atque Dione,  
Miratus didici, ut moderetur Juppiter igni  
135 Nati, algoque patris. Stationes caussa novandi  
Tunc patuit. Vidi septena haec corpora, quanta,  
Qualia erant, qualique ibant velocia motu,  
Utque potita situ distanti singula cedant.  
Areola haec, quae nos adeo facit esse feroces,  
140 Me simul aeterna verti cum prole gemella,  
Tota mihi a summo se ostendit ad usque profundum:  
Exin pulchra meis quaesivi lumina rursus.

## XXIII.

- Ceu nido incumbens frondes avis inter amicas  
Dulcia natorum prope corpora, nocte tegente  
Omnia, ut optato adspectu potiatur et esca  
Hos alat inventa, duros solata labores,  
5 Tempus praevertit, ramoque insistit aperto  
Et desiderio manet ardenti aurea solis  
Spicula, prospectans defixo lumine, donec  
Tandem Eos surgat; mea sic arrecta tenebat  
Diva oculos speculata plagam, sub qua ire videtur  
10 Sol properante minus cursu. At cum lumina circum  
Volventem adspicerem ac suspensam, ut qui optat, et idem  
Quiddam aliud vellet, spem et praecipiente quiescit  
Pectore contentus, sic ora oculosque ferebam.  
Sed breve praeteriit tempus punctum inter utrumque;  
15 Quo mansi, dico et vidi clarescere coelum  
Et magis ac magis; et simul haec est fata BEATRIX:  
Ecce tibi ingentem Christi sectata triumphum  
Agmina, et has sphaeras peragrantem qui manet omnis  
Te fructus. Mihi visus erat flammescere totus

20 Huic vultus, tantamque oculis diffundere plenis  
Laetitiam, ut cogar fructus id linquere inane.

Qualis sub noctem ridet pleno orbe serenam  
Aethereas inter pulcherrima Delia nymphas,  
Omnia pingentes coeli loca; millia supra

25 Splendorum adstantem vidi, qui lumine cunctis  
Donabat splendere suo, solem, ut solet iste  
Omnia luce sua perfundere signa superna.  
Et jubare ex vivo caro fulgida translucebat  
In visus tam clara meos, ut ferre nequirem.

30 O mihi dux dulcis, dux o mihi cara, BEATRIX!

Illa mihi: Quae te virtus domat, omnia frangit.  
Hic sapientia adest, pariterque potentia pandens  
Coelum inter terramque vias, quas plurima longum  
Jam vota optarunt. — Ut ruptis nubibus ignis,  
35 Qui non se capit, expansus petit ima, rebellis  
Naturae; haud aliter, tanta inter pabula fines  
Exsuperans arctos, se ipsa mens major abivit,  
Nec, quae tum fierent, nunc est meminisse facultas.  
Pande oculos, qualisque ego sim modo, suspice, dixit;

40 Talia vidisti, ut valeas jam ferre tuendo  
Risum impune meum. Stabam, ut qui visa requirit  
Oblita excussus, frustra haec revocare laborans,  
Tanta ubi promissa audiui, et tam digna favore  
Grati animi, et nunquam ex libro delenda docente

45 Praeterita. At vero si nunc cuncta ora sonarent,  
Jucundo quae lacte magis pinguescere turbae  
Aonidum dederunt, mihi opem latara canenti  
Risum alium, utque dabat clarescere purius ori  
Formoso hic risus, pars haud millesima veri

50 Huc subeat. Quare Paradisum pingere adortus,  
Sacratum saltu me transiluisse poema  
Confiteor, qualis qui offendit forte retisum,  
Quod peragrabat, iter. Sed qui grave mente volutet  
Pondus materiae ac tergum mortale gravatum,

55 Haud iste arguerit tanta sub mole trementem.

Non iter est parvae cymbae, quod tendit arandum  
Prora audax, non est navarchi, qui sibi parcat.

Cur mea te facies, inquit, tanto ardet amore,  
Ut non adspicias pulchri decora alma vireti,

60 Quod se sub Christi radiis florum ornat honore  
Omnigeno? Hic rosa inest, in qua sibi sumere carnem  
Divinum voluit Verbum, hic se lilia tollunt,  
Quorum pandit odor callem, qui ad sidera duxit.

Sic mea Dux; et ego totus parere paratus

65 Hujus consiliis, aegre certamina inivi  
Pupillae rursus. Ceu, puro sole micante  
Per nubem fractam, jam pictum floribus hortum  
Umbris tecta mei viderunt lumina visus;  
Sic ego splendorum vidi plura agmina ab igne

70 Desuper ardenti fulgentum; at cernere fontem  
Haud mihi posse datum est. O, quae sic imprimis illos,  
Percomis virtus! Voluisti scandere in altum,  
Illic largitura locum haud tua ferre valenti  
Spicula. Formosi floris, quem semper adoro

75 Et mane et sero, nomen majoris ad ignem  
Lucis tota anima, toto me pectore traxit!

Atque ubi, quae vincit Superos, ut vicerat imos,  
Qualisque et quanta est, oculos mihi vivida pinxit  
Stella, intra coelum fax est descendere visa

80 Sub forma anelli, qualis solet esse coronae,  
Praecinxitque illam, ac se circumfusa rotavit.  
Harmoniae quodcunque genus, quod dulcius auri  
Hic sonat, atque animum magis attrahit, esset ad istam,  
Ut nubes quae rupta tonat, citharam, unde coronam

85 Pulchra refert coelos Sapphirus clarius ornans.  
En ego sum, sum Amor Angelicus, qui circumit altam  
Laetitiâ puro spirantem e Virginis alvo,  
Qui desiderii statio fuit hospita nostri.  
Atque ibq circum, o Dominatrix inclÿta coeli,



- 90 Dum prolem ibis pone tuam, sphaeramque supremam  
 Plus diem efficies, illi quod es addita regno.  
 Ista melos circumductum sub carmina habebat  
 Finem, unaque aliae luces sonuere *Mariam*.  
 Regia, quae cingit cunctos vertigine gyros
- 95 Stelliferos, vestis mage servida, cuique ministrant  
 Plus vitae Patris mores atque halitus almus,  
 Nos super interius distantia concava habebat  
 Sic, ut, ubi steteram, mihi se nondum illa videnda  
 Praeberent: quae caussa fuit, cur copia nulla
- 100 Sit data luminibus nostris servare sequendo  
 Posse coronatam flammam sublime petentem  
 Ad genitum usque suum. — Velut infans, brachia tendit  
 Qui satur ad matrem, dum risu prodit amorem:  
 Sic se protendit quisque ex candoribus illis
- 105 Vertice sublato, ut norim, quam corde *Mariam*  
 Diligerent grato. Deinceps illi ante stetere  
 Ora mihi, usque adeo dulci, *Regina*, canendo,  
*Coeli!* concentu, ut nunquam mihi mente voluptas  
 Exciderit. Quanta est ubertas condita in illis
- 110 Arcis divitibus, terrae bona semina doctis  
 Mandare! Hic vita est, juvat hic gaudere reposito  
 Thesaurο, quem, qui exul erat Babylonis in urbe,  
 Auro ibi neglecto, aggressit partum haud sine fletu.  
 Hic sub progenie, cujus genus a Patre summo
- 115 Cunctorum Domino, et *Maria* sub matre triumphat  
 Victor cum antiquis credentibus atque novellis,  
 Qui claves servat, per quas regnum itur in istud.

## XXIV.

Juncta sodalitis sacra turba, electa beati  
 Grandem agni ad coenam, te sic pascentis abunde,  
 Ut desiderii usque tui sint gaudia plena;  
 Gratificante Deo, si est praelibare potestas

5 Huic data, quod vestra cadit ex mensa, ante diei  
Horam postremam quam ipsi praescripserit aetas;  
Stet posita ante oculos vobis immensa cupido  
Ipsius, ac paulum vestro hunc adspargite rore.  
Nam fons, unde fluunt, tacite quae cogitat intus,

10 Vobis usque patet. Sic est affata BEATRIX.

Tum vero illae animae laetae se vertere in orbes  
Sphaerarum sese circum, stante axe, rotantum,  
More cometarum flammantes. Utque videre est  
Usque in machinulis lapsas strepitantibus horas

15 Sic volvi circlos, si advertas, ut prior unus  
Sit similis stanti, extremusque volare putetur;  
Sic illae choreae plaudentes dispare motu;  
Prout rapidae aut lentae, cujusque expendere opum vim  
Visus edocuere meos. Quae est visa notari

20 Dignior egregiam ob speciem, splendore refulsit  
Felici usque adeo, ut nullum mage fulgere lumen  
Ferret; terque BEATRICEM circum igne voluta,  
Fudit ab ore melos tam divum, ut vivida mentis  
Vis mihi non revocet. Quare hoc mea littera saltu

25 Praeterit, ac mitto describere; namque facultas  
Quaelibet ingenii, nedum oris copia nostri,  
Cum studet hos simulare sinus, utetur inepte  
Vivaci fuco. — Alma soror, quae supplice voce  
Sic pia stas coram flammata exercita cura,

30 Tu sphaerae illius pulchrae mihi vincula solvis.

Deinde sacer cessans ignis sua flamina vertit  
In Dominam, haec post dicta, meam; et jam talibus inquit:  
Magni o lux aeterna Viri, cui tradere claves  
Est nostro visum Domino, quas detulit alto

35 Ex gaudet regno miri, haud tentare recusa  
Istum de levibus gravibusque, ut corde cupido  
Fert rogare, tuae fidei quae dogmata poscunt,  
Per quam tu incolumis super undas aequoris ibas.  
An bene amet, speretne bene, et bene credat, apertum

40 Est tibi, qui speculum figis tua lumina in illud,  
In quo picta vides quaecunque amplectitur omne.  
Sed quoniam ob veram regna haec coelestia cives  
Accivere fidem, hanc jussos decorare triumphis;  
Hanc tractaturum par est te accedere ad istum.

45 Ac veluti sumptis stat baccalaureus armis,  
Nec mutit, donec, monitus scrutante magistro,  
Certet, sed litem non est componere certus:  
Sic argumenti mecum genus omne struebam,  
Fante illa, ut tanto me respondere paratum

50 Quaerenti offerrem, et mihi credita vera fateri.

O bone Christicola, hic jam nunc tua promito sensa,  
Fare: fides quidnam est? Frontem jubar extuli ad illud,  
Quod sic spirabat; deinde est inspecta BEATRIX.  
Annuit illa, ut aquam fonte interiore reclusam

55 Effundi sinerem. Quae dat mihi gratia coram  
Primipilo, qui sit mihi sensus, fari, ego coepi,  
Det quoque sat claros educere pectore sensus.  
Tum porro: Ut tibi dilectus, Pater optime, frater,  
Qui tecum Romam meliore in calle locavit,

60 Jam scripsit: *Rerum, quas nos sperare jubemur,  
Vera fides fulcrum est, argumentumque latentum  
Mortales hominum visus: talis natura videtur  
Illius esse mihi. — Dein haec audita loquela est:*  
Tu recte sentis, si recte intelligis, illam

65 Qui inter res simul interque argumenta reponat.

Mox ego: Quae sese mihi dant arcana colenda,  
Sic latitant falluntque imae mortalia gentis  
Lumina, ut, haec vere esse, fides pro teste sit una,  
Qua spes alta sedet, stante ut fundamine, nixa:

70 Inde rei solidae ipsa fides sibi nomina sumit.  
Atque fide ex ista par est deducere robur  
Argumentorum, haud alia ducente lucerna;  
Hanc etenim dico logicam. — Tum audita loquela est:  
Si, quidquid vobis doctrina discere fas est,

- 75 Sic animo quisque acciperet, locus esse sophistae  
Ingenio haud posset. Vox haec ex flamine amoris  
Illius incenso venit; dein talibus infit:  
Tum nota, tum pondus pensi bene convenit aeris.  
At fare, an proprio ex loculo deprompseris istud?
- 80 Huic ego: Ita hoc servo tam fulgens tamque rotundum,  
Ut typus haud quidquam incerti mihi habere putetur.  
Exin ex luce est vox haec emissa profunda,  
Quae splendebat ibi: Gemma haec carissima, qua stat  
Nixa omnis virtus, unde est tibi? Talibus illa.
- 85 Ast ego: Largifluus divini flaminis imber,  
Cujus in antiquis diffusa est copia chartis  
Inque novis, firma mihi pro ratione valebit  
Semper sic praesente, ut quaelibet esset ad illam  
Vis demonstrandi evincens obtusa futura.
- 90 Deinde haec audiui: Doctrina antiqua recensque,  
Quae sic concludit, cur est tibi sacra loquela?  
Tunc ego: Facta probant istam testantia veram,  
Ad quae non ferro, non est incudibus usa  
Daedala naturae virtus. — Vox haecce remisit:
- 95 Quae tibi cautio erit, quaeso, haec narrata fuisse?  
Illud idem, quod adhuc manet argumenta probantis,  
Nemo tibi jurat. Si ostentis excita nullis  
Amplexa est tellus Christum, haec mirabilis una  
Res facit, ut reliquis non sit centesima virtus,
- 100 Dixi; tu campum pauper, jejunos inisti,  
Egregiam ut sereres plantam, quae fertilis uvis  
Jam fuit, et facta est modo sentis. Verba sub ista  
Insonuere: *Deum laudamus!* carmine in illo  
Concentuque, melos quod sunt cantare sueti
- 105 In coelo Divi. — At majestas Principis illa,  
Quae sic ex ramo ad ramum me traxerat usque  
Excutiens, donec jamjam ad folia ultima ventum est:  
Quae se mente tua delectat gratia, dixit,  
Hactenus, ut decuit, responsis ora resolvit;

- 110 Sic ut, quae emergere, probem; sed promere oportet,  
Quae credenda putas, atque unde tibi obvia venit  
Ista fides. — Pater alme, o mens, cui cernere fas est,  
Quae jam credideras sic, ut vicisse feraris,  
Qui pedibus melior properavit adire sepulchrum;  
115 Mi clarare jubes fidei, quae credita prompte est,  
Hic formam ac pariter caussam, qua insederit ista  
In me credulitas; et respondere paratum  
Invenies, dixi. Mihi creditur unicus, unus  
Aeternusque Deus, qui totum haud motus olympum  
120 Ipse movet desiderio flammante et amore.  
Nec solum fecere fidem, subjecta fideli  
Quae mihi sunt oculo, vel quae scrutata profundum  
Mens humana refert, sed veri lucidus imber,  
Qui pluit hinc large, Mose fundente, Prophetisque  
125 Et Psalmis, Evangelio turbaque probante  
Vestrorum (nam vos illum scripsistis ob ignem,  
Qui vos inseruit Divis), certusque fateri  
Sum tres personas aeternas, esseque eorum  
Sic unum trinumque, ut et *es* patiatur, et *estis*  
130 Coniunctim. Verum alta Dei, quam sic modo tango,  
Conditio mihi inusta manet, renovante sigillum  
Saepe Evangelio. Hic fons est, est illa favilla,  
Quae vivum flammae se deinde effundit in imbrem,  
Et, quale in coelo sidus, mihi lumine splendet.  
135 Sicut herus, jucunda sibi si quae accipit aure,  
Dein servi petit amplexus gratatus ob illa,  
Quae sibi laeta tulit, simul hunc videt ore tacentem:  
Sic bona verba mihi dixit sub nomine trino  
Cantando ac ter me cinxit, simulatque quievi,  
140 Lumen Apostolicum, quod respondere jubebat;  
Sic placuere illi, quae sum verba ore locutus.

## XXV.

- Si quando fiat, sacrum ut fortasse poema,  
Cujus ego in partem coelum terramque vocavi,  
Sic ut me macie plures tenuaverit annos,  
Vincat crudeles animos me excludere ovili  
5 Pulchro juratos, ubi somno membra resolvi  
Agnus, corde lupos horrens sibi bella cientes;  
Voce ego mutata, mutato vellere, vatem  
Me referam reditu, sancti et prope marmora fontis,  
Unde abii ablutus, cingam mea tempora lauro.  
10 Namque et ego ipse fidem, quae animas rata signa ferentes  
Non sinit ignorare Deum, hunc ingressus adivi,  
Proque fide ipse mihi nutu Petrus annuit isto.  
Dein lux ex illo nobis fuit obvia coetu,  
Unde prior venit, qui munere functus eorum est,  
15 Quos sibi substituit Christus. Tum laeta BEATRIX:  
Tende oculos, dixit, specta; venit, ecce, Dynastes,  
Ob quem Gallaciam properat gens visere terram.  
Ut, quum sese addit socio Cythereius ales,  
Ambo trahunt gyros et amorem murmure produnt:  
20 Haud secus occurrere sibi simul unus et alter  
Dux magnus, decore insignis, coelestia laudans  
Prandia. Ubi alternis gratatus uterque quievit,  
Quisque stetit tacitus me coram, luce coruscans  
Tanta, ut mi obruerit vultum. Sed dulce BEATRIX  
25 Ridens: O quae, inquit, scripsisti gaudia nostrae,  
Inclyta vita, domus, doceas has aetheris altas  
Spem resonare plagas; nosti, namque exprimis illam  
Tu toties, quoties Christi magis ora videnda  
Emicuerere tribus. Caput arrige, pone timorem;  
30 Quidquid enim ad Superos mortali surgit ab orbe,  
Sub nostris radiis id maturescat oportet.  
Hoc mihi solamen pervenit ab igne secundo;  
Quare ego ad adstantes haud fugi tollere visum,

Qui prius hunc nimio curvarunt pondere, montes.

- 35 Quandoquidem tibi gratificans bonus Induperator  
Hunc dat congressum, ante obitum in penetrabile recepto  
Interius, Comitum turba assidente suorum,  
Ut, simulac verum perspexeris istius aulae,  
Spes ea, quae in terris homines incendit amore,  
40 Hac tibi ope atque tuis solamina larga ministret,  
Dic age, quid sit spes, et qui sese instruat illa  
Mens tua, et unde tibi est? Sic porro flamma secunda.

Jam pia, quae monuit tam altum tentare volatum,  
Duxque meis fuerat pennis, sic occupat ultro:

- 45 Munere militiae defungi ecclesia nata  
Plenius haud quemquam sperantem possidet, ut stat  
Scriptum in sole illo totam hanc radiante per aulam;  
Quare ex Aegypto datur huic Solyma inclyta adire,  
Ante a militia quam sit requiescere jussus  
50 Hoc primum. Illa duo, quae non scitanda videntur,  
Ut sciam, at ut referat, quam sit tibi amabilis ista  
Virtus, huic linquam; quae nec nimis ardua menti,  
Nec sint apta nimis dicentem inflare tumore;  
Et det ad haec idem responsa; atque a Patre lumen  
55 Afferat hoc ipsi. — Ut doctoris verba secundans  
Corde alacri, atque lubens, ad quae est expertus, alumnus,  
Ne sua vis istum lateat, sic ora resolvi:  
Spes stat in hoc: Vitam certo expectare futuram;  
Quod fit dante Deo et meritis simul ante paratis.  
60 Istud sat multis mihi venit lumen ab astris;  
At prior ille, ducis summi qui summus habetur  
Cantor, spem mihi cordi hanc instillavit, ubi inquit,  
Laude Deum celebrans: *In te cuncta edita sperent,*  
*Quae nomen noverere tuum!* Quis nosse negabit,  
65 Dum fidem et ipse meam teneat? Tua epistola cordi  
Hanc instillavit post hunc, ut copia abundem  
Inque alios vestram pluviam sponte ipse refundam.  
Haec me fante, nitor subitus creberque micabat

- Ilius incendi ex vivo interiore recessu  
70 Vibrans, ut scissis erumpens nubibus ignis.  
Deinde hanc efflavit vocem: Quae pectus amore  
Ardet adhuc virtus mihi semper ad usque coronam  
Fida comes, donec functus certamine obivi,  
Me jubet adspirare tibi, qui suspicis illam;  
75 Atque mihi est gratum, si tu, quid spondeat ipsa,  
Ipse mihi dicas. — Ego tum: Veteresque novaeque  
Scripturae statuunt signum, quod nuntiat horum  
Sortem, quos Pater hic noster sibi fecit amicos.  
Namque Isaias inquit: Se duplici veste  
80 Ornabunt animae propria in tellure; sed ista  
Vita hic tam dulcis sua cuique est propria tellus.  
Germanusque tuus multo distinctius istud,  
Alba ubi commemorat velamina, pandere nobis  
Arcanum admonitus potuit. — Me talia fante,  
85 Et quasi sub finem, coelorum ex parte superna  
Vox, *In te sperant*, est exaudita, chorusque  
Omnis ad hanc vocem pariter responsa remisit.  
Exin has inter choreas lux una refulsit  
Sic, ut, si tali flammaret Cancer ab astro,  
90 Una dies hiemem totam aequatura fuisset.  
Ac veluti surgitque itque ingrediturque choream  
Virgo hilaris, modo dum sponsae persolvat honorem,  
Non jactans sese: haud aliter procedere vidi  
Splendorem instructum ad binos se utrosque rotantes  
95 In gyrum, alterno ut decuit flammantia amore  
Pectora, ibi simul et cantum et modulamina vocum  
Ingressum subito. Mea tunc haerebat in illos  
Defixa obtutu Domina, ut modo nupta puella  
Muta, immota manens. Ecce hic Apostolus ille,  
100 Qui jacuit supra Pelicani pectora nostri,  
Cui lecto magnum legavit de cruce munus.  
Sic haec; non tamen idcirco divertere visum  
Postea, ut ante suas quam funderet ore loquelas.



- Ut stat, qui intentus prospectat, luce parumper  
105 Defectum solem jam certus cernere, et idem,  
Ut videat, visu manet orbus; ita ante lucernam,  
Ultima quae ardebat, steteram, cum perculit aures  
Haec vox: Cur aciem tibi sic obtundis aventi  
Vestigare, quod hic spatium non occupat usquam?  
110 In terris est terra meum nunc corpus, eritque  
Hoc tam terra diu reliquis cum corporum acervis,  
Donec ab aeterna numerum mente ante statutum  
Exaequet noster. Sunt hic duo lumina tantum  
Duplice pulchra stola, sic coelum adscendere digna;  
115 Idque tuis referes; factoque hic fine quievit.  
Ignitus vortex, blanda et discordia concors  
Vocum, edens sonitum conflatum flamine trino,  
Ut vitaturi casus maris, atque laborem,  
Ante reperi cussi rapido undarum impete, remi  
120 Consistunt omnes, ubi sibilus insonet unus.  
Heu mihi! quam violens turbavit pectora motus,  
Ora BEATRICES quaerenti, ubi nulla facultas  
Hanc spectare dabat, quamvis ego propter adessem,  
Felicemque agitans vitam me mundus haberet!

## XXVI.

- Anceps dum stabam restincto lumine visus,  
Fulgenti ex flamma, mihi quae restinxerat istum,  
Exiit aura jubens intentum me ora tenere;  
Namque inquit: Donec redeat tibi copia visus  
5 In me consumpti, bene erit, si damna rependas  
Sermoni indulgens. Ergo nunc incipe, quoque  
Mens tua prospectet, dic atque id volvito, lumen  
Defecisse tibi, non interiisse peremptum;  
Nam quae te hanc diem mulier deduxit in aedem,  
10 Virtutem praefert oculis, qua nota valebat  
Dextera Ananiae. — Huic contra: Ut fert corde libido,

Tardius aut citius veniat medicamen ab illa  
Istis luminibus, per quae est data porta ferenti  
Flammam, quae totam penitus me incendit et urit.

- 15 Quae vestrum hunc explet consessum, summa voluptas  
Principium ac finis scripti est cujusque legenti  
Aut minus, aut magis intensum dictantis amorem.

Quae me vox eadem arrexit formidine stratum  
Defectus subiti, mi acuit sub pectore curam

- 20 Uterius fandi. Et: Tibi certe angustius, inquit,  
Tranctandum est cribrum, ut recte res cernere possis,  
Dicendusque tibi est, qui signum vertit ad istud  
Arcus tela tui. Cui tunc: Ope philosophiae,  
Per syllogismos, per, quae Scriptura propinat.

- 25 Hic venit infigendus amor mihi corde sub imo;  
Namque bonum, ut natura boni est, simulatque patescit  
Hoc inquirenti, succendit pectus amore,  
Qui tanto est major, bona quanto hoc plura receptat.  
Illius esse igitur superans genus omne bonorum

- 30 Sic, ut praeterea, quidquid sit amabile ubique  
Mortali, nil sit quam ductum lumine ab isto  
Tenue jubar, spectare oculis et mente necesse est,  
Cunctis posthabitis, et re in quacunque probanda  
Diligere id verum, quod clare elucet ab ipso.

- 35 Tale meae menti fuit aptus sternere verum  
Ille idem, primum qui demonstravit amorem  
Vitae cujusvis, aeternum quam manet aevum.  
Hoc auctor sternit verax Mosi ista prolatus  
De se: *Cuncta tibi ostendam bona.* Sternis et ipse

- 40 Altum exorditus carmen coelestia vulgans  
Arcana in terris, nullo praecone sonante  
Grandius. — Audivique: Igitur quae discere mente  
Humana licuit, quae te docuere magistri  
Sacri huic concordēs, iterum te iterumque monebunt

- 45 Observare Deum finemque caputque tuorum  
Ardorum. At quoque dic, an ad hunc te forte trahentes

- Experiare alias chordas, tot, ut ipse remittas  
Voces, quot tacitum tibi dentibus iste momordit  
Pectus amor. — Non me latuit mens sancta petentis  
50 Coelum aquilae, quam Christus amat, quin immo videbam,  
Quo moliretur profitentem adducere, et inquam:  
Ad summum quicumque valent cor vertere patrem,  
Morsus, certarunt istum mihi inurere amorem.  
Mundi natura atque mei mors, quam ipse subivit,  
55 Ut fruerer vita, et quod sperat nomine Christi  
Quisque, ut ego, fidens, et quae cordi intus inhaeret  
Cognitio mihi dicta, obliqui ex vortice amoris  
Me traxit rectique dedit contingere ripam.  
Nunc folia aeterni toto frondentia in horto  
60 Cultoris mihi amanda reor, prout largiter ista  
Is donat. — Postquam tacui, dulcissima coelo  
Insonuere mele, et simul est modulata BEATRIX,  
Ter plaudens *Sancto*. Ac veluti sub lumine acuto  
Illico somnus abit, mota virtute ciente  
65 Visum, quae rapide splendoris ad ostia currit  
Insinuans tunicis, et qui expergiscitur, horret  
Cuncta suis subjecta oculis, tam nescius ille est  
Evigilans subito, dum illi succurrere cessat  
Judicium mentis: nostrorum ita depulit omnem  
70 Labem oculis dux diva suis radiantibus ultra  
Ingentem tractum. Hic melius mihi copia visus  
Quam prius affulsit. Tum victus paene stupore,  
Cum prope nos quartum vidissem fulgere lumen,  
Illam scitabar, quae sic est ore locuta:  
75 Hac sub luce suum auctorem miratur et ardet,  
Quae prior aethereas anima est emissa sub auras,  
Quam quemvis primae virtutis dextra creavit.  
Ut frons, quae, vento praeterlabente, reclinat  
Summum, dein propria vi surgit: sic ego, fantis  
80 Sub verba admirans; dein me fiducia cepit  
Jam desiderio ardentem mea promere sensa;

Et coepi: O pomum, quod prima ab origine solum  
Stabas maturum, pater o antique, maritae

- 85 Et socer et genitor cujusque, id te oro piaque,  
Qua possum, te mente precor, ne taedeat ore  
Edere verba tuo; mecum quae mente voluto  
Et taceo, tibi aperta patent, nec demoror ultra.

Bellua saepe micat sic, ut, qui amor impulit illam,

- 90 Stare diu tectus non possit, veste sequente  
Quod natura jubet: sic ex velamine prima  
Illa anima ostendit, quam se indulgere parato  
Laeta animo offerret. Dein vocem efflavit et inquit:  
Vel te dissimulante, tuo quam pectore versas,

- 95 Curam, hanc inspicio melius, quam quidquid habebis  
Certum. Haec in speculo nunquam fallente vīdenda  
Stat mihi, dupliciter quod res dat cernere, nilque,  
Quod se conduplicet, patitur. — Te audire voluntas  
Nunc fert, quam dudum posuit me numen in horto

- 100 Alto, ad quem scalis tam longis reddidit aptos  
Haec artus tibi; quamque diu percepta voluptas  
Luminibus sit tanta meis, quae propria magnam  
Causa iram accendit, tum queis sim vocibus usus,  
Quarum inventor eram. — Nunc, o mihi cara propago.

- 105 Non tanti per se fuerat gustata palato  
Illius esca meo ligni, ut mihi tanta pararit  
Exsilia, ast intra fines consistere recti  
Indocile ingenium. Hinc ex sedibus, unde BEATRIX  
VIRGILIUM excivit, quater auctos millibus annos

- 110 Et ter centenos, et bina volumina Solis  
Hoc ego concilium optavi; atque ad lumina cuncta  
Orbis hunc novies centum et triginta peractis,  
Dum me terra habuit profugum, flammescere vidi.  
Quae mea lingua fuit, periit restincta, priusquam

- 115 Non profecturo Nimrod conamine grande  
Maturaret opus. Nam quae ratione libido  
It duce, nulla homini vario, prout astra secundat,

Duravit semper. Natura dat ipsa loquelam,  
 Quae sit cunque, homini; vestris vos viribus uti  
 120 Pro lubito sinit. Ante Orco quam illaberer atro,  
 El inter vestros nomen sibi summus habebat  
 Tunc Amor, unde fluunt, quae me isthic gaudia cingunt.  
 Deinde *Eli* est dictus, quod vestrum haud dedecet usum  
 Consimilem in ramo frondi: dum lapsa putrescit,  
 125 Altera succedit. — Qui mons altissimus undis  
 Imminet, hic fuerat vitae puraeque pudendaeque  
 Hospitium, a prima mihi lucis ad usque secundam  
 Horam, ubi sub sextam sol a quadrante recedit.

## XXVII.

*Et Patri et Genito et Paraclete gloria sancto!*

Voce una coepit Superiorum exercitus omnis  
 Sic, ut me abstulerit dulci mens ebria cantu.  
 Quocunque adspicerem, mihi laetum expandere risum  
 5 Cuncta videbantur, nam aures ac lumina inibat  
 Ista mihi ebrietas. O inenarrabile gaudii  
 Atque voluptatis pelagus, o integra amoris  
 Aetas ac pacis, securaque copia, nulla  
 Exstimulante siti! Ante oculos mihi quattuor ignes  
 10 Incensi stabant; ast increbescere coepit  
 Qui prior adstiterat, factus mihi imagine talis,  
 Qualis stella Jovis, si Martis sidus et illa  
 Jam volucres fiant et pennas mutet uterque.  
 Quae mens hic divina suo regit omnia nutu,  
 15 Partiturque vicem officiumque, silentia toto  
 Fecerat in coelo, cum vox haec venit ad aures:  
 Noli admirari, si me mutare colorem  
 Cernis; nam hos omnes, me nunc dicente, videbis  
 Mutari pariter. Qui in terra est sede potitus,  
 20 Sede data mihi, sede data mihi, quae vacat ante  
 Ora Deo geniti, de nostro idem ille sepulchro

- Latrinam fecit manantem sanguine, odorem  
Tetrum exhalantem, qua infra deterrimus isthinc  
Lapsus placatur. — Quem, adverso sole, colorem  
25 Indueret nubes sub prima crepuscula noctis  
Vel lucis, vidi totum conspergere coelum.  
Ac veluti secura sui stat femina honesta,  
Ac tantum timida est alienae ob crimina culpae,  
Sic mihi visa fuit vultum mutare BEATRIX,  
30 Atque fuisse reor talem splendoris in alto  
Defectum coelo, cum passa est summa potestas.  
Exin usque adeo mutata voce profari  
Institit, ut nunquam adspectum converterit oris:  
Christi sponsa meo non est nutrita cruore,  
35 Atque LINI et CLETI, prolato ut veneat auro;  
At vitam hanc pacti laetam SIXTUSQUE PIUSQUE,  
Et post CALIXTUM URBANUS, cum lumina fletu  
Rorassent multo, sacrum effudere cruorem.  
Non fuit iste animus nobis, ut dextra sederet  
40 Ad latus illorum, quibus est succedere nostram  
In sedem, altera Christiadam pars, altera laeva:  
Non ut concessae claves mihi bellica versae  
In signa urgerent sacrato fonte renatos;  
Nostra nec effigies fieret gemma apta sigillo  
45 Ad privas leges, quas falsas vendere mos est,  
Quas propter rubeo, atque oculi exarsere frequenter.  
Hinc se mendaci pastorum veste tegentes  
Est spectare lupos per pascua cuncta rapaces.  
O tutela Dei, quianam hoc in tempore cessas?  
50 Jamque Caorsini, jam nostro Vascones acrem  
Sanguine avent satiare sitim. O rudimenta secunda,  
Huccine deciditis? Sed quae Sapientia Romae  
Scipiadis dextra mundi defendit honorem,  
Quam primum, ut video, rebus succurret acerbis.  
55 At tu, qui pondus propter mortale redibis,  
Fili, illuc, pande os, quaeque haud celanda retexi,

- Ne cela. — Veluti glacie concreta vaporum  
Copia per nostrum delabitur aëra, solem  
Cornigera tangente capra; sic aethera vidi  
60 Desuper ornari totum et quasi vellera lucum  
Ire triumphantum, quae mecum sedibus illis  
Adstiterant. Istas oculo servante sequebar,  
Atque secutus eram ripa tenus intervalli,  
Quod medium est, donec distantia non dedit ultra.  
65 Quare ubi suspectu me vidit Diva solutum,  
Dejice nunc oculos, mihi dixit, et adspice, quo te  
Invenies versum. — Qua primum ex temporis hora  
Despexi, vidi me percurrisse quadrantem,  
Quem plaga prima facit medium transgressa diei  
70 Extremum ad finem. Quare mihi cernere aratum  
Stulte trans Gades fuerat maris aequor Ulyxi,  
Et citra propius ripas, ubi Agenore nata  
Dulce stetit pondus. Plus et patuisset aperti  
Areola ex ista, sed sol processerat ultra,  
75 Sub pedibus nostris, plus quam unum tramite signum.  
Quae sese oblectat semper mens percita amore  
Cum Domina, magis atque magis tunc rursus ad illam  
Ardebat revocare oculos: ac si afferat omnes  
Ars simul et natura escas, quae lumina captant,  
80 In carne humana pictaque in imagine carnis  
Capturae mentes, divina ad gaudia, nostris  
Quae affulsere oculis vultum mirantibus illum  
Ridentem, una omnes junctas nihil esse faterer.  
Quaeque mihi virtus oculorum indulserat usum,  
85 Pulchro me nido Ledaë divulsit, et illam  
Impulit in sphaeram, quae velocissima fertur.  
Singula pars hujus quam vivacissima, et alta  
Convenit, et simili sunt cuncta ita praedita forma.  
Ut, quam Dux legit, non sit mihi dicere sedem.  
90 At desiderium quae noverat illa tacentis,  
Ridens tam laeto tunc coepit farier ore,

- Ut Deus exsultare mihi sit visus in illo:  
Axem quae medium motus natura quietum  
Postulat et rapida vertigine caetera torquet,  
95 Prosilit hinc, ut fine suo; nec continet ulla  
Res alia hoc coelum, quam mens divina gubernans,  
In qua ignescit amor vertens, et quae pluit alto  
Virtus. Lux et amor coelum hoc praecingit, et ipsum  
Coelos praecingit reliquos, mensque unica cingens  
100 Praecinctum, sola hoc intelligit. Haud ciet ipsi  
Extera vis motum, proprio sed turbine motus  
Coelorum reliquos ipsum metitur, ut audis  
Dimidium quinasque decem metirier ulnas.  
Jamjam per te nosse potes, ut tempus in ista  
105 Radices testa, inque aliis dicatur habere  
Frondes. — O, quae mortales, malesuada cupido,  
Usque adeo mergis sub te, ut deducere ab undis  
Lumina nemo tuis valeat! Bene vestra voluntas  
Floret; at assiduo mutantur vera sub imbre  
110 Pruna, et degeneri vos ludunt vana sapore.  
Pura fides pietasque ac nescia fallere vita  
In teneris tantum pueris reperitur, et unus-  
Quisque prius fugit has, quam plumis mala tegatur.  
Est qui, dum balbutit adhuc, jejunia servat,  
115 Interea lingua pastus genus omne soluta  
Devorat audacter quovis sub lumine lunae.  
Est qui, dum balbutit, amatque auditque parentem,  
Quam cupit, integro sermone, videre sepultam.  
Sic solita est nigro tingi cutis alba colore  
120 In primo adspectu formosae illo patre natae,  
Qui, cum mane refert, abiens sibi subrogat umbras.  
At tu, ne ignarus stupeas, id pectore volve,  
In terris nullum esse ducem, qui regna gubernet;  
Quare hominum soboles declinat tramite recto.  
125 At prius hibernis totus quam excedere mensis  
Jani sortitus nomen cogatur, ob illam



Neglectam a vestro, quae est pars centesima, partem  
Caesare, sic orbes superos rugire videbis.  
Nam expectata diu puppes fortuna revolvat,  
130 Stant ubi nunc prorae, et classis directa feretur;  
Verus et erumpet post florem ex arbore fructus.

## XXVIII.

Posteaquam ostendit manifesto lumine vere,  
Qualem nunc agitent mortalia pectora vitam,  
Quae facit ex omni mulier me parte beatum;  
Ut flammam videt incensam quadruplice lychno,  
5 Qui speculum inspiciat, pos tergum luce micante,  
Ante hanc quam possit oculo vel mente tueri,  
Atque is, visurus, num vitrum vera reportet,  
Respicit atque utrimque videt sibi congrua cuncta,  
Ut metro numerum: memori sic mente repostus  
10 Stat mihi suspectus pulchris in lucibus haerens,  
De quibus insidiatus amor mihi vincula fecit.  
Utque ego respexi, atque mei mihi lumina visus  
Attigerat species descripta volumine in illo,  
Sese acies oculi quoties intenderit illuc,  
15 Adspexi punctum radians ita lumine acuto,  
Ut sit claudere opus, vehementis acumine lucis  
Quos ardet, visus. Et quod nostrae incola terrae  
Cerneret hinc minimum sidus, pleno orbe refulgens  
Lunae esset moles, si hoc propter forte locetur,  
20 Ut sidus propter sidus. Non longius absens,  
Quam qui praecingit lucem, qua pingitur, halo,  
Cum vapor, unde oritur, fit crassior; igneus illud  
Punctum se circum tanto impete circlus agebat,  
Omnia ut amplexens quam velocissimus orbis  
25 Tardior esset ad hunc motu. Circumdabat ipsum  
Alter, tertius hunc; dein quarto tertius, iste  
Quinto, tum sexto quintus circumdatus ibat.

- Desuper assurgens comitabat septimus illos  
Amplus ita, ut minus apta foret Thaumantias arcu  
30 Hunc capere. Haud secus octavus nonusque patebant,  
Quorum quisque movebatur, prout visus abesse est,  
Si numerum relegas, a puncto longius uno,  
Tardior; ardebatque illi sincerior ignis,  
Qui minus a purae distabat luce favillae,  
35 Quod plus naturae verae insinuarat, opinor.  
Cum me suspensum mulier vidisset ob altam  
Curam: Pendet, ait, coelum naturaque tota  
A puncto hoc uno. Nunc illum suspice circum  
Huic mage conjunctum, et scito ferri ocus illum  
40 Ob, qui ipsum penitus penitusque inflamat, amorem.  
Huic ego: Si mundum hic idem possederit ordo,  
Qualem his miror inesse rotis. satiata maneret  
Mens mihi spectanti tanta haec miracula rerum;  
Mundus at is, nostris qui sensibus obversatur,  
45 Cernere dat sphaeras tanto divinius auctas,  
Quanto illas magis a centro distare videmus.  
Quare, si desiderio meta ultima nostro  
Debet in hoc miro Angelico consistere templo,  
Extremum cui lux et amor tantummodo finem  
50 Constituunt, opus est, ut adhuc mihi discere detur,  
Qui fit, ut minus exemplum moveatur eadem,  
Qua lege exemplar. Nam frustra id pectore verso.  
Si talem ad nodum es digitis minus utilis aptis,  
Nil mirum; usque adeo, nullo faciente periculum,  
55 Obdurat solidus. Sic illa atque insuper addit:  
Accipe, quod dicam, si vis satiatu abire,  
Inque isto fac mentem acuas. Quae corpora circum  
Volvuntur, vasta constant ea mole vel arcta,  
Prout plus aut minus est illis virtutis ubique  
60 Sese extendentis. Bonitatis copia major  
Dat majore salute frui cumulumque salutis  
Majorem capiet majore volumine corpus,

- Illud ubi expletis constabit partibus aequae.  
Hoc igitur nonum coelum, quod corripit omne  
65 Secum, respondet circlo, quem plurimus igne  
Ardet amor, nec non major sapientia ditat.  
Quod si virtutis mensuram attendere mavis,  
Quam speciem rerum, quae apparent mole rotundae;  
Obvia succurret tibi convenientia mira,  
70 Si mens huic major, si huic maxima, si illa minore  
Virtute, haec minima est, ubi singula sphaera notetur.  
Ut, si forte gena Boreas, quae lenius halat,  
Spiret, pura nitet vultu laetata sereno  
Aurarum regio, quia, quae turbaverat ante,  
75 Scindit se nubes, et in aethera purgat apertum,  
Unde suo rident sublimia templa decore.  
Sic ego, ubi mea responso succurrere claro  
Dux mihi non renuit, verumque ego cernere quivi  
Ceu stellam in coelo. Postquam cessaverat illa,  
80 Non secus ac vibrat ferrum, quod fervet ab igne,  
Tunc omnes pariter circuli emisere favillas.  
Quaeque sequebatur scintilla incendia eorum,  
Totque inerant, ut, si numero quod duplici constat  
Sexaginta tibi vicibus duplicaveris, inde  
85 Non millenorum exsurgent tot millia dena.  
*Hosanna, hosanna!* simul omnes voce frequenti  
Insonuere chori circum non mobile punctum,  
Quod stabili his dederat nunquam secedere nido,  
Aeternumque ipsos retinebit, ubi usque fuere;  
90 Ast ea, quae vidit, dubia quid mente moverem:  
Ecce, inquit, primae SERAPHIM CHERUBIMQUE coronae,  
Ostenduntque tibi, quanto sua vimina cursu  
Sectentur, cupidae puncto assimilarier illi,  
Qua possunt, possuntque, prout qui altissima spectant;  
95 Quique illos alii circum vertuntur amores,  
Esse THRONOS scito, divina in imagine semper  
Haerentes, per quos finitur de tribus unus

- Ordinibus sanctis. Verum id te advertere oportet,  
Tanto plus cunctos gaudi deducere, quanto
- 100 In verum penetrant illi, in quo tota quiescit  
Mens animi. Hic facile est jam nosse, ut vita beata  
Pendet ab intuitu, non cordis amantis ab aestu,  
Qui dein subsequitur. Merces mensura tuendi est,  
Gratia quam peperit simul et bene sana voluntas;
- 105 Sic mos in regno est nostro prodire gradatim.  
Ordo alter trinus, qui aeterno vere sub illo  
Germina tot generat, quae dispoliare nequibit  
Arjes nocturnus, sine fine ac tempore vernat  
*Hosanna* triplici harmonia, quam gaudia terna
- 110 Effundunt sonitu ter tres testante coronas.  
Hanc hierarchiam trina ornat forma Dearum,  
Quae veniunt primae, a Dominatu nomina sumunt;  
Dein sunt VIRTUTES; quae nectit tertia gyros,  
Turba POTESTATUM est. Quo dein penultima dantur
- 115 Gaudia PRINCIPIBUS plaudenda, simulque ministris  
LEGATOS inter primis; totusque cohortes  
Continet Angelicas ludentes ultimus orbis.  
Istis ordinibus suspectum figere in altum  
Mos est, atque infra sic vincere, ut usque trahantur
- 120 Ad Dominum atque trahant. Quare DIONYSIUS acre  
Totus in his posuit studium speculatus, et horum  
Nomina signavit distinxitque ordine eodem.  
Ast alia est usus ratione GREGORIUS, illi  
Non concors. Quare, simulatque arrexit ad istud
- 125 Coelum aciem visus, idem se risit aperte.  
Noli admirari secreta haec tanta locutum  
In terris mortale genus; namque ille retexit  
Ista, suo qui se vidisse haec lumine dixit,  
Multaque praeterea verissima de orbibus istis.

## XXIX.

- Cum gemini fratres Latona matre creati,  
Arjetis hic tergo velatus, et altera Libra,  
De circlo, medium sphaerae qui terminat orbem,  
Effecere sibi zonam, pars quantula it horae,  
5 Ex qua quod punctum supra caput adstat, utrumque  
Librat utrimque aequae, donec quisque exsilit illo,  
Semiorbem mutans, cinctu; pars tantula lapsa est  
Horae, cum tacuit risu suffusa BEATRIX,  
Inspiciens oculis contento lumine punctum,  
10 A quo victus eram; verbis dein talibus inquit:  
Dico, nec scitor, quod aves; namque omnia vidi,  
Prospectans, ubi adest locus omnis, tempus et omne.  
Non ut, quod nunquam fieri nos posse videmus,  
Auctet opes; sed ut, a tanto quod lumine splendet,  
15 Dicere, *Subsisto*, possit, qui semper, et ullo  
Est sine principio: idcirco extra tempus et omnem  
Normam aliam exempli voluit se ostendere Amorem  
Aeternum ipse novis in Amoribus ultro creatis.  
Nec, quasi torpuerit, prius est jacuisse putandus;  
20 Non processit enim prius aut post has super undas  
Aura Dei. Exsiluere actu junctae, atque merae res  
Forma ac materies, ubi nulla est menda reperta,  
Non secus ac triplici ex chorda tria spicula missa.  
Ac velut in vitro, electro, sive in crystallo  
25 Sic radius micat, ut tibi temporis intervallum,  
Cum venit ac simul est totus, dignoscere non sit:  
Haud secus effectus, sic Rege iubente, triformis  
Quantus erat simul emicuit, discrimine in ortu  
Nullo, jam totus. Rebus simul ordo creatus,  
30 Constructusque fuit, quaeque actu simplice constant  
In mundo formae, summum tenuere cacumen,  
Puraque vis imum, medium actu praedita eoque  
Vimine constricta, ut nunquam sua vincula solvat.

- Hieronymus scripsit, multo ante in luminis oras  
35 Exisse Aligeros, et saecula lapsa, priusquam  
Hic mundus fieret. Sed verum hoc flamine Sancto  
Multi afflante viri passim scripsere legendum;  
Et tu, si inspicias defixa mente, videbis.  
Id quoque paulisper ratio videt ipsa, negatque,  
40 Tam cessasse diu motores vi sine plena.  
Scis modo, ubi fuerint, quoque isti tempore Amores  
Facti, quoque modo. Sic ardor, triplice flamma  
Qui desiderii stimulabat, adurere parcit.  
Vix unum numerans decies duplicaveris, ex quo  
45 Pars magna Aligerum turbavit vestra ferentis  
Terrae elementa statum totum. Stetit altera et istis,  
Quas tu discernis, tam laeta est artibus usa,  
Ut versabundo nunquam discedat ab orbe.  
Fastus, triste malum, illius, quem pondere summae  
50 Vidisti toto compressum, prima ruinae  
Causa fuit. Quos hic est cernere, corde modesto  
De se senserunt, fassi, se cuncta referre  
Indulgenti accepta Deo bona tanta tuenda.  
Quare horum intuitus illustrans gratia pensis  
55 Evexit meritis, quin ipsos firma voluntas  
Destituat. Nolo dubites, sed mente tenebis  
Certa, parenti stimulis, quos gratia subdit,  
Augeri meritum, prout cor expandit amorem.  
Jamque hoc de coetu veniunt tibi multa videnda,  
60 Si mea verba legis, nullo auxiliante magistro.  
At quoniam in terris vestrae docuere palestra  
Maturam Angelicam triplici virtute valere,  
Scilicet hanc intelligere et meminisse simulque  
Velle, ut germanum possis cognoscere verum,  
65 Quod solet a vestris confundi, quis male cessit  
Iste liber lectus, juvat ulteriora profari.  
Ut semel has vitas proprio Deus ore beavit,  
Nusquam devertunt oculos in imagine fixos,

- Quae nihil abscondit: quare intercidere earum  
70 Nulla potest novitas visum. Hinc concludere oportet,  
Non opus esse ipsis nunc has, nunc dividere illas  
In partes animum, et rerum meminisse seorsim.  
Sic vos, mortales, vigilantes somnia vana  
Captatis, seu vera rati, seu dicere falsa,  
75 Quorum unum culpa plus affert, plusque pudoris.  
Non vobis cura est per iter delabier unum  
Philosophi; usque adeo vos versat imagine primae  
Frontis amor studiumque, levi quod pascitur aura.  
Idque etiam coelo minus indignante feretur,  
80 Quam cum negligitur Scripturae littera sacrae,  
Vel detorquetur. Nemo est, qui expendere sumat.  
Sanguine stet quanto in terris hoc spargere semen,  
Quamque Deo placeat posito quicumque tumore  
Pronus in obsequium divino credere fonte  
85 Ardeat. At quisque ingenio, dum doctus haberi  
Vult, studioque omni sua dum commenta propinat;  
Oratorque sacer populis haec vendere curat,  
Et canit, atque Evangelii doctrina tacetur.  
Hic dicit, Lunam, Christo patiente, retrorsum  
90 Fugisse atque ingens interposuisse volumen,  
Quare non ultra indulsit sol lumina terris;  
Ille, suum lucem per se celasse nitorem,  
Atque ideo Hispanos defectum luminis illum,  
Indos Judaeosque simul turbasse colonos.  
95 Non tot habet Lapos, nec tot Florentia Bindos.  
Quot similes tricas resonant suggesta per annum.  
Interea redit a pastu saturatus inani  
Aura grex ovium ignarus, nec crimina purgat,  
Qui dicit, labem se non vidisse malorum.  
100 Non dixit Christus primis, quos foedere junxit:  
Ite et per totam nugas diffundite terram;  
At dedit his verax fundamen; et illud in ore  
Unum ejus sonuit, de quo sibi scutaque, et hastas

- Hi fecere sibi, luctati, accendere puram  
 105 Lucem Evangelii. Nostri scurrilia, lusus  
 Verborum, male salsa crepant; et dummodo abundant  
 Risus, inflatur, sola haec est cura, cucullus.  
 Ast in fasciola talis cubat ales, ut, ipsum  
 Si vulgus videat, gauderes cernere, qualem  
 110 Expectet veniam, cujus fiducia crevit.  
 Ob quam stultitiae tantum grassatur in orbe,  
 Ut sine teste ullo cupiant quodcunque pacisci  
 Promissum. Atque ideo porcum pinguescere sancti  
 Vidimus Antoni, atque alios hoc de grege, porcis  
 115 Pejores, solitos non cusos pendere nummos.  
 At quoniam placuit longum divertere calle,  
 Nunc jam respice iter rectum, ut via damna rependat  
 Temporis. Ista gradus per cunctos crescit adaucta  
 Natura immenso, ut percurrere nulla loquela,  
 120 Nec vis mortalis numerum subducere possit.  
 Et si, quae Daniel, coelo monstrante, revelat,  
 Tecum animo reputes, ea millia millenorum  
 Huic praefinitum numerum celare videbis.  
 Quae prima hanc omnem illustrat lux, dispere norma,  
 125 Totque modis variis proprio communicat ipsam  
 Lumine, quot sunt splendores sibi foedere juncti.  
 Et quoniam affectus sequitur, qui concipit, actum,  
 Isti dulcis amor varie fervetque tepetque.  
 Nunc fac sublime adspicias pariterque profundum  
 130 Virtutis pelagus summae, quae tot speculorum  
 Perfecit millena sibi, in quae frangitur, in se  
 Dum manet una atque una aequae subsistit, ut ante.

## XXX.

Millia forte procul bis hinc tria millia fervet  
 Sexta hora, atque umbras hic mundus ad usque cubile  
 Inclinat planum, cum sensim se arduus aether



Altius assurgens nobis ostendere talem

5 Incipit, ut stella ex minimis spectantis in isto

Fundo aciem fugiat; et prout clarissima solis

Ancilla adventat, sic coelum clauditur uni-

Cuique extra flammam, quae agmen pulcherrima claudit;

Non secus hoc circum ludens sine fine triumphus,

10 A quo victus eram, punctum, simile ignibus illis

Incluso, quos includit, vanescere sensim

Visus et exstingui est. — Quare me quaerere rursus

Os Dominae rerum penuria amorque coegit.

Hac mihi dicta tenus si omnino includere in una

15 Omnia laude velim, minus hac ego sim vice functus.

Non modo, quam vidi, trans fines unica nostros

Forma modum excedit, sed dignum est credere, solum

Artificem ipsius toto hoc gaudere creatae

Formae portento. Hic me victum sponte fatebor

20 Plus, aliqua quam parte sui superatus et haerens

Argumenti unquam steterit, qui comica tractat,

Aut tragicos animos. Namque ut minus apta tuentis

Lumina sol, mihi sic risus meminisse beantis

Parte sui minuit mentem. Quo ex tempore primum

25 Illius in terris mihi cernere contigit ora,

Hoc usque ad visum, non intercisa sequenti

Hactenus ista fuit vati via; sed modo oportet

Praeterlabentem ulterius desistere cura.

Ut solet, ad summum cum venit, quisque peritus

30 Artis; non aliter qualis nunc ipsa renidet

Missa erit, utentique tuba hanc majore reservo,

Quam nostra ista fuit, quae altam deducere cantu

Materiam properat, longo quasi functa labore.

More ac voce ducis prompti rursum illa locuta est:

35 Nos sumus egressi majore ex corpore ad illud,

Quod mera lux coelum est; lux mentis amore repleta,

Optimi amore boni, cui gaudii copia abundat,

Gaudii vincentis gustando dulcia cuncta.

- Militiam hic dabitur Paradisi cernere utramque,  
40 Unamque ore illo, quod tu veniente videbis  
Tempore iudicii extremi. — Ceu nube repente  
Elisum fulgur, quo visus tota facultas  
Dejicitur sic, ut fraudetur imagine rerum  
Fortius irritantum oculos; lux vivida talis  
45 Me circumfulsit tali et velamine liquit  
Fulgoris cinctum, ut nihil internoscere quirem.  
Semper Amor coelum hoc componens, colligit intus  
Vim talem, ut proprio candelam accommodet igni.  
Vix brevis hic sermo, quem accepi, venit ad aures,  
50 Cum sensi fines ultra virtute potitus,  
Incensusque nova sic vi, ut lux nulla niteret  
Tam mera, quam mea non defendere pupula posset.  
Et lumen fluvio vidi simile, inter utrasque  
Effulgens splendore oras, quas undique mirum  
55 Ver depingebat. Scintillae ex flumine tali  
Vivae erumpebant, florum et genus omne subibant,  
Ut circumscriptus nitido carbunculus auro.  
Exin, multiplici ut temulentae copia odorum,  
Sese iterum miro mergebant gurgite, et, una  
60 Ingressa, exhibat mox altera. — Summa cupido,  
Quae nosse haec tibi visa modo ardet pectus et urget,  
Quo plus turgescit, nisi eo plus grata probatur:  
At prius haec potanda tibi unda est, quam sitis aestum  
Exsatures tantae. Sic sol, qui nubila ademit  
65 Cuncta meis oculis, ait atque haec insuper addit:  
Flumen et hae gemmae, ingressus semper repetentes.  
Risus et herbarum veri praeludia et umbrae  
Sunt hujus gaudi; non quod sint talia acerba  
Per se, verum oculi arcta tui est culpanda facultas.  
70 Nullus tam propero vultu in lac irruit infans,  
Cunctatus praeter morem se solvere somno,  
Qualis ego, cupidus speculis melioribus uti,  
Cernuus inspiciens undam, quae plurima circum

- Sese effundebat, visus meliore datura  
75 Conditione frui. Utque illam bibit utraque circa  
Palpebras suggrunda meas, sic illa rotunda  
Visa mihi est fieri species, quae longa patebat.  
Deinde, instar gentis sub larva et tegmine falso  
Longe diversum vultumque habitumque ferentis  
80 A primo, si aliena sibi haec unquam exuat ora,  
In quibus evasit: sic flores, atque favillae  
In majora mihi pompae sunt gaudia versae;  
Quare ambos coeli potui lustrare cohortes.  
O lux alma Dei, per quam spectare triumphum  
85 Regni mi licuit veri, vim tu ipsa ministra,  
Ut, qualem hunc vidi, talem describere verbis  
Nunc possim. In coelo est lumen, quod cernere donat  
Ora Creatoris cuicumque hoc patre creato,  
Qui modo, amore avidos inbians dum pascit in ipso  
90 Visus, pace sua fruitur; quod crescit in orbis  
Formam sic ampli, Phoebea ut lampas ad istud  
Arcta foret. Quidquid nobis est cernere in ipso,  
Tantum uno constat radio, quem mobile primum  
Parte sui summa retrorsum flectit, et inde  
95 Vita sibi ac virtus venit; et ceu clivus in imo  
Lympharum speculo sese inspicit, instar aventis  
Cernere se ornatum varie pulchreque virentem  
Luxurie ac florum ditem: sic luminis orbem  
Hunc circa superadstantes affigere vultum  
100 Huc, veluti in speculum, per plus quam millia vidi  
Limina digestos, de nostris quotquot ad illa  
Sese contulerant reduces coelestia scamna.  
Quod si splendoris tantum gradus infimus in se  
Collegit, foliis in cunctis quanta patebit  
105 Haec rosa? Nec visus me deficiebat in alto  
Atque amplo spatio, verum est mihi cognita tota,  
Quanta erat, et qualis gaudet hujus summa beantis.  
Hinc procul, et propius consistere nec juvat hilum,

- Nec nocet. Omne regente Deo nullius egeno,  
 110 Naturae lex pro nihilo est. Flavente rosae  
 In centro aeternae augescit, decrescit oletque  
 Laudis odor varius vernanti tempus in omne  
 Soli. — Non secus, ac mutum farique studentem,  
 Me traxit secum subridens dulce BEATRIX  
 115 Atque ait: En quanta est albarum turba stolarum  
 Ornatu fulgens! Cerne urbem, quam ampla patescit!  
 Nostraque scamna vide numero sic plena frequenti,  
 Perpauca ut gentem noster desideret orbis.  
 Magno illo in solio, intenta quod mente tueris  
 120 Ob superimpositum solio sertum, ante novellam  
 Quam sponsi hanc coenam delibes, vita sedebit  
 Magni HENRICI, quae in terris Augusta coletur,  
 Erectum, prius huc quam sit migrare parata,  
 Italiam veniet. Sed quae vos coeca cupido  
 125 Fascinat, infanti similes jubet esse, premente  
 Qui miser esurie perit altricemque repellit.  
 Divinique fori Praefectus tunc erit unus,  
 Qui occulte atque palam callem haud insistet eundem,  
 Quem premet is rectum. Sed longum munere sancto  
 130 Non sinet hunc fungi Deus, at detrudet in arcam,  
 Simon ubi magus est merito; inferiusque, daturus  
 Huic locum, Anagninus pastor pelletur in antrum.

## XXXI.

- Candidulae ergo rosae sub imagine tota videnda  
 Militia alma mihi patuit, quam sanguine Christus  
 Effuso sponsam sibi scripsit: at altera plaudens  
 Alis, quae decus inspectat celebratque canendo  
 5 Illius, qui corda sibi succendit amore,  
 Et qui se ad tantum bonitate evexit honorem;  
 Non secus atque examen apum, quod florida poscit  
 Rura modo atque modo cellas, ubi dulce saporem

- Augēt opus; florem in magnum, qui ornatus abundat  
10 Tot foliis, hinc descendebat, et inde redibat,  
Adscendens ubi semper Amor propriam incolit aedem.  
Fulgebat vivo facies his omnibus igne,  
Auro remigium alarum; sic caetera candent,  
Ut nix nulla aequē. In gremium dilapsa rosae  
15 Hanc per et hanc seriem candorum, quidquid adepta  
Pacis et ardoris fuerat, dum ventilat alas,  
Turba dabat. Nec jam volitantum exercitus, inter  
Florem quodque supra est positus, spatio undique pleno,  
Obstabat quidquam splendori, oculisque tuentum;  
20 Nam, prout est dignum, se lux divina per omnes  
Naturae immittit partes, ut nulla potestas  
Huic obstare queat. Tuta illa beataque regna,  
Usque adeo antiquaque novaque frequentia gente,  
Visu et amore suo signum contendere ad unum  
25 Gaudebat simul. O lux triplex, quae unico in astro  
Flamine splendoris scintillans lumina cuncta<sup>a</sup>  
Sic exples, nostros de coelo respice fluctus.  
Barbara si quondam gens ex regione profecta,  
Quam semper Tegeaea tegit pia mater amata  
30 Se cum prole rotans, Romam mirata simulque  
Arduum opus stabat longum defixa stupensque,  
Cum res mortales Lateranum se extulit ultra;  
Qui modo ab humano ad divinum, a tempore fluxo  
Veneram ad aeternum, atque a te, Florentia, justum  
35 Ad populum ac sanum, quo tunc haerere stupore  
Plenus debuerim! Hunc inter et gaudia tanta  
Nil audire mihi linguaque silere lubebat.  
Utque peregrinus, qua votum solvit, in aede  
Gaudet pascendo visum, ac se posse referre  
40 Sperat quidquid in hoc vidit; sic luce sub illa  
Viva iter intendens oculis per cuncta vagabar,  
Et sursum et deorsum mihi saepius orbe remenso.  
Vidi compositos ad amorem fulgere vultus,

- Ornatos risuque suo alteriusque nitore,  
45 Et praeportantes gestu decora omnia honesto.  
Jamque inspecta mihi generalis forma beati  
Regni tota oculis fuerat, quos nullibi fixos  
Detinui, et, desiderio inflammante, petebam  
Divae oculos Dominae, cupidus, quae mente tenebant  
50 Res me suspensum, scitarier. — Unus ad ista:  
Responditque alter. Tum qui spectare putabam  
Ora BEATRICES, seniore[m] tegmine vidi,  
Quo Superi, indutum, suffusum oculosque genasque  
Comi laetitia gestuque pium, ut decet esse  
55 Corde patrem tenero. Ast ego mox: Ubinam illa? Mihi iste:  
Ut tibi sat fiat, me movit sede BEATRIX;  
At si suspicias qui tertius ordine summum  
Circlus habet scamnum, rursus manifesta videndam  
Se dabit in solio, benefactis ante paratis  
60 Quod sortita fuit. — Visus sine voce levavi,  
Deque repercusso aeterni splendore Parentis  
Hanc suo ego vidi capiti fecisse coronam.  
Quantus ab extrema regione, ubi flammeus aër  
Plus tonat, humanus tendit despectus, ad imum  
65 Oceani magis extremum, mihi tantus ab ista  
Ad Dominam suspectus erat. Sed nulla nocebat  
Mi ratio spatii; neque enim ad me forma meabat  
Mista interposito medio. O mihi femina dia,  
In qua spes viget ista mihi, cui tanta salutis  
70 Cura meae fuit, ut sineres claustra infima leti  
Signa tui portare pedis! Quot quantaque novi,  
Haec accepta tuae virtuti cuncta, bonoque  
Ingenio refero! Mihi servo posse dedisti  
Libertate frui, rationibus usa modisque,  
75 Queis fieri id posset. Tua splendida dona tuere,  
Ut, quam tu sanasti, animam de corpore solvam  
Dignam, quae placeat tibi! — Sic sum voce precatus.  
Ast ea, tam longe distans mihi visa, benigue

- Risit respexitque, aeternum deinde petivit  
80 Fontem. Sed senior sanctus mihi dixit: Ut istam  
Conficias omnino viam satiatuſ abunde,  
Quo me prex ſimul et ſancti viſ miſit amoris,  
Fac properes acie hoc circumvolitare viretum;  
Hujus enim adſpectuſ divini luminis igni,  
85 Plus ubi conſcendas, oculorum aptabit acumen.  
Et Superum Regina, ſui quae me ardet amore  
Totum, quidquid opus fuerit, non nescia fidi  
BERNARDI, qui ego ſum, praebebit larga favoris.  
Qualiſ, qui venit ex populis fortasse Liburniſ,  
90 Ut, quem noſtra refert ſacrum Veronica, vultum  
Inſpiciat, nondum ſatiatuſ murmure priſcae  
Famae; aſt haec ſecum, pignuſ monſtrante miniſtro:  
Jesu Chriſte, Deus, vere fuit iſtane imago  
Hic tua? Taliſ eram mecum, miratuſ amore  
95 Hujus vivacem, qui, dum iſto degit in orbe,  
Contemplan-do illam pacem guſtaſſe putatur.  
Fili, gratificanſ, cui large gratia favit,  
Cognita erit nondum, dixit, ſorſ haec tibi pulchra,  
Donec defixa haec oculo miraberis ima;  
100 Arrecta ſed utraque acie circumſpice circloſ,  
Et circlum invenies, qui ſemotiſſimuſ alte  
Surgit, Reginam donec ſpectare ſedentem  
Sit tibi, quam pietate colunt haec ſubdita regna.  
Sustuleram obtutuſ, et ſicut mane novello  
105 Quae parſ in plano pluſ vergit ſoliſ ad ortum,  
Exſuperat partem, qua lux feſtinat in aequor:  
Sic, paene ad montem pergenſ ex valle profectuſ,  
Partem orae extremae reliquam fulgore videbam  
Vincere proſpectum totum; utque videmus in ora  
110 Exſpectante axem, Phaethonti qui male ceſſit,  
Hinc magiſ atque magiſ lumen clareſcere, et inde  
Paſſim diminui, ſic illiuſ Aurisflammae  
Pacificae magiſ ac magiſ increbreſcere fulgor

- In medio, similique modo lentescere ubique.  
 115 Inque illo medio plus quam millena volantum  
 Agmina ego vidi passis plaudentia pennis,  
 Singula splendoris distinctaque lumine et artis.  
 Lusibus illorum, et concentibus arridentem  
 Mirabar faciem, quae oculos inspecta beabat  
 120 Cunctorum Superum. Quod si mihi copia tanta  
 Esset dicendi, quanta est vis vivida mentis,  
 Hujus ego gaudi minimam tentare canendo  
 Non ausim partem. Ut defixa intentaque in ignem  
 Lumina nostra suum vidit BERNARDUS, ad illam  
 125 Mox sua convertit, tanto inflammatus amore,  
 Ut mea in obtutu haererent ardentius isto.

## XXXII.

- At contemplator, sua quem trahit alma voluptas,  
 Non dedignatus doctoris sponte subire  
 Officium, has primum sanctas dedit ore loquelas:  
 Quod vulnus Virgo genitrix occlusit et unxit,  
 5 Quae stat sub plantis hujus tam pulchra, reclusit  
 Ac pupugit, sub qua RACHEL juxtaque BEATRIX  
 Considunt, ut et ipse vides, ubi tertius ordo  
 Sedes designat. Dein SARA, REBECCA, JUDITHA,  
 Et quae illi proava est, qui errorem flevit amare  
 10 Clamando: *Miserere mei!* — Per limina cuncta  
 Sic descendentes poteris spectare gradatim  
 Has series, ut ego, proprio qui nomine cunctas  
 Appello, unumquemque rosae percurrere crinem  
 Doctus. Postque gradum, qui est septimus ordine, ad usque  
 15 Illum succedunt prognatae a sanguine Judae  
 Heroinae infra: cunctos in flore capillos  
 Hae dirimunt; nam, prout sese dedit ipsa videndam  
 In Christum conversa fides, ita parjetis instar  
 Sacras partiri scalas hae rite jubentur.



- 20 Hic, ubi multiplicis folium maturuit omne  
Floris, considunt queis spes stetit omnis in uno  
Christo venturo. Verum qua ex parte secantur  
Semiorbes spatio vacuo, stant pectora versa  
In Christum missum, hac una spe freta salutis.
- 25 Utque hinc Reginae sedes praesignis, et hujus  
Sub pede dispositae reliquae distare videntur  
Tanto sejunctae spatio, sic prima JOANNIS  
Magni stat sedes contra, qui solus in antro  
Vixit perpetue sanctus, dein colla securi
- 30 Pro Christo dedit, atque duos habitaverat annos  
Vallibus infernis. Atque infra contigit illa  
Partiri pariter loca FRANCISCO, BENEDICTO  
Atque AUGUSTINO, reliquisque, huc usque per omnes  
Qui sibi succedunt circos. Nunc adspice, quantum
- 35 Divini pateat sapientia summa Parentis;  
Nam verae fidei suspectus et unus et alter  
Aequali numero complebit scamna vireti.  
Idque volo discas, a prima sede superna  
Incipiens atque inde oculo descendere pergens
- 40 Ad medium spatii, duo quod discrimina finit,  
Sedem ibi habere suam, qui, nullis ante paratis  
Promeritis propriis, tamen haec sunt gaudia adepti  
Ob meritum alterius sub conditione statuta.  
Istae namque animae sunt membris ante solutae,
- 45 Libera delectum quam sciret habere voluntas;  
Tuque id nosse potes ex vultu et voce loquentum,  
Qua pueri soliti, si inspectes, et sonitum aure  
Accipias. — At tu dubitas, dubitansque silescis;  
Verum ego dissolvam vinclum tibi forte tenaxque,
- 50 Quo te iudicium mentis subtile coerces.  
Hoc amplo in regno data forte sedilia nunquam  
Apparent, ut nec dolor, esuriesve sitisve;  
Nam quodcunque vides, aeterna est lege paratum;  
Sic sese digito hic accommodat annulus aequae.

55 Quare isti, ante diem vera qui pace fruuntur,  
Plusve minusve inter se excellunt non sine caussa.  
Rex, per quem in tanto pausat regnum istud amore,  
Inque hac laetitia, qua majus nulla cupido  
Quidquam ausit, mentes, ut visum est, sponte creatas

60 Omnes diversae donavit munere dotis.

Atque id scire sat est, quod clare sancta notavit  
Scriptura in foetu gemino, quem ventre parentis  
Inclusum alternis commoverat impetus irae.

Quare prout praefert ea gratia prima colorem

65 Crinis, ita et dignum est, ut lux altissima sertum  
Det capiti. Non ulla igitur mercede suorum  
Morum stant ipsi diversa in sede gradatim,  
Nilque in iis differt, nisi primum gratiae acumen.  
Cum vita culpae immuni, satis esse saluti

70 Temporibus poterat primis in corde parentum  
Vera fides tantum. Sed postquam saecula prima  
Explerunt certos revolutis orbibus annos,  
Ut plumis marium innocuis satis apta daretur  
Virtus, hos fuerat circumcidisse necesse.

75 Ast ubi corripuit decretum gratia cursum,  
Qui sine perfecto Christi baptismate obivit  
Culpae insons propriae, inferno stetit orbe retentus.

Adspice jam faciem, quae plus Christo esse videtur  
Adsimilis; nam sola dabit tibi cernere Christum

80 Quae lux inde fluit. — Super hanc descendere tantam  
Vim gaudet vidi, quae mentibus insinuabat  
Discurrens sanctis regnum hoc sublime creatis  
Pervolitare ultro, ut quodcunque mihi ante tueri  
Fas fuerat, nunquam tanto mea corda stupore

85 Fixerit, aut tantum divini ostenderit oris.

Quique illuc descendit amor prior, ipse canendo  
Carmen: *Ave, Maria!* et quae quondam caetera jussus  
Dixerat, expansis ante illam restitit alis.

Undique divinum ad carmen turba illa beata

- 90 Respondit sic, ut cuncti magis igne micarent.  
O pater alme, isthic me propter posse morari,  
Dulci posthabito nido, qua sede sedere  
Aeterna est tibi sorte datum, quisnam Angelus ille est  
Reginae tanto suspectans lumina ludo
- 95 Nostrae? Ita amore ardens, ut possit et ipse videri  
Igneus. — Haec rursum visum est scitarier hujus  
Doctrinam, ornantem, solis de more Mariae  
Matutinum astrum. Mihi contra is talia reddit:  
Quanta unquam esse potest fiducia, quanta venustas
- 100 Angelico in vultu inque anima, tota ardet in illo;  
Quod decet ac fiat volumus; nam detulit ipse  
Ad Mariam in terris palmam, quo tempore Verbum  
Divinum nostra voluit se carne gravare.  
At jam sic oculis adsis, ut verba sequantur
- 105 Quae dicam, magnosque notans circumspice patres,  
Imperii ista pii justissima regna colentes.  
Copia, cunctorum quae felicissima in illo  
Stat septo, AUGUSTAM propius considerare digna,  
Haec duplex radix istius paene putanda
- 110 Est floris. Laevus, qui sese accommodat illi,  
Antiquus pater est, qui gustu audacior omne  
Humanum genus usque adeo dape pavit amara.  
Stat dexter vetus ille pater, quo ecclesia sancta  
Usa duce est, claves quem Christus jussit habere
- 115 Pulchri hujus floris. Dein qui omnia saecula, priusquam  
Vitam exhalaret, vidit graviora decorae  
Sponsae, quae teli et clavorum vulnere parta est,  
Assidet hunc propter; juxtaque alium ille quiescit  
Dux, sub quo vulgus male gratum, mobile, durae
- 120 Cervicis vixit manna. ANNAM conspice stantem  
Adversus PETRAM, propria sic sorte beatam,  
Dum figit visus in natam, ut lumina nusquam  
Declinare alio hanc videas, dum cantat: *Hosanna!*  
At contra sobolis genitorem LUCIA sidit

- 125 Illa, tuam quae olim movit, cum prona ruinam  
Jamjam spectabant tua lumina territa monstro.  
Sed quia tempus abit somni, hic mihi denique finis  
Haereat, experto ut sartori ducere certo  
Vestis opus, dum suppeditat sibi copia panni.  
130 Atque aciem ad primum nos convertemus Amorem  
Sic, ut suspiciens illum, ut fert vestra facultas,  
Lumen in ipsius penetres. Nec forte recuses,  
Dum pennas agitas, ratus ultra tendere cursu,  
Est opus, ut studeas tibi opem impetrare precando,  
135 Exorando illam, quae te virtute juvare  
Larga potest, et corde tuo mea dicta sequaris  
Sic, ut nusquam abeas animo, dum talia pango;  
Atque precem hanc sanctam diffundere pectore coepit.

## XXXIII.

- Virgo, tui simul et genitrix et filia nati,  
Corde humilis, simul alta super genus omne creatum,  
Consilii aeterni stans termine! Tu illa fuisti,  
In tantum naturam hominum quae vexit honorem,  
5 Hujus ut ipse opifex non dedignatus ab ipsa  
Esse opus in terris fuerit. Vis arsit amoris  
Ventre ingressa tuum, cujus calor edidit hujus  
Floris in aeterna germen mirabile pace.  
Tu nobis isthic medii pro luce diei  
10 Fax sanctae es flammae, deorsum mortalibus aegris  
Spes fonte ex vivo. Sic virgo es magna potensque,  
Ut, qui eget auxilii, in rebus nec confugit arctis  
Ad te, idem ipse velit sua vota volare sine alis.  
Non modo poscenti auxilium tua cura benigna  
15 Succurrit, sed saepe preces prior occupat ultro.  
In te cor miserans, in te pius ardor, et ample  
Magnificum ingenium concurrat, et una receptas  
Quidquid ubique boni est in re quacunque creata.

Hic, qui ex valle ima, summarum quae ultima summa est,

20 Singula vestigans exutas corpore vitas

Huc usque inspexit, sibi te indulgente, vigoris

Implorat tantum, ut visus attollere possit

Altius ad primae auctoremque caputque salutis.

En ego, non ardens tantum studio ipse videndi,

25 Quantum hujus propter curam, te qua prece possum

Oro omni supplex, ne sit prex ista minoris;

Ut, quae nunc hebetant mortalis lumina visus,

Omnes dissolvas huic nubes ipsa precando,

Ne se ipsi celet Superum ac tua summa voluptas.

30 Idque etiam te oro, (tibi enim, Regina, quod optas

Posse datum est), ut post, quae tanta ac plurima vidit,

Ipsi incorruptos serves in pectore sensus,

Et vigil humanos vincas custodia motus.

Cerne BEATRICEM circumstantesque beatos,

35 Coniunctis illi manibus mea vota secundant.

Tam dilecta Deo venerataque lumina in illos

Defixa orantes nobis testata fuerunt,

Quam grato illa animo accipiat pia verba rogantum.

Exin aeternum haud dubitarunt quaerere lumen,

40 Ad quod nulla foret natura creata putanda

Clarius inspiciens aciei mittere robur.

At qui cunctarum rerum, quas discere avebam,

Jam prope eram finem, consumpsi, ut rite dabatur,

Ardorem desiderii. BERNARDUS ad ista

45 Annuere atque mihi arridere, ut suspicerem alte;

Sed jam talis eram per me, qualem esse volebat.

Nam mihi facta acies sincera, magisque magisque

Se radio insinuans lucem penetravit in altam,

A se quae vera est. Ex illo tempore major

50 Vis oculi venit, quam possim dicere lingua.

Nam cedit sermo, cedit meminisse facultas,

Pressa ictu tanto. — Ut qui in somnis somnia vidit,

Postque ea, quae vidit, manet intus cura reposita,

Nec res succurrit revocanti: non secus ipse

55 Nunc maneo, cum visa mihi paene omnia cessant,

Et cor intus adhuc blanda inde exorta voluptas

Mi liquat. Haud aliter dissolvi, sole tepente,

Nix solet; haud aliter foliis commissa Sibyllae

Carmina perturbata ibant ludibria ventis.

60 O lux summa, adeo exsuperans mortalia sensa,

Suffice parva tui nostrae vestigia menti,

Qualis eras tunc visa mihi, fantisque loquelae

Vim tantam, ut possim genti mandare futurae

Tantum ex divina, qua immense gloria abundas,

65 Unam scintillam. Namque huc redeunte frequenter

Mente, meique oris cantu resonante parumper,

Forte magis populi discent, ut tu omnia vincas.

Credo ego, ob ardentis jubaris quod lentus acumen

Sustinui, passus defectum forte fuissem,

70 Lumina si quando statuissem aversa tenere.

Et memini hoc propter me contra audacius isse,

Immensam donec virtutem tutus adivi.

O mihi gratia opis dives, qua dante, meare

Non timui aeternam in lucem sic, ut, quod habebam

75 Visus, consumptum fuerit! Mihi, quidquid ubique est,

Hoc alto centro demersum, et amore revinctum

Cernere contigerat, simul omne, quod occupat orbem

Terrarum studiis curisque, volumine in uno;

Rem per se atque modum, et quod privi est moris utrique,

80 Sic conflata simul cuncta, ut quod dicere conor,

Sit simplex lumen. Tunc me vidisse putarem

Totam hujus formam nodi; nam copia gaudi

Largius irrorat mentem haec mihi visa locuto.

Unum horae punctum mihi plus solet esse veterni,

85 Quam si saecula decem bis sumpta et quina manenda

Auso illi fuerint, per quod Neptunus in umbra

Argus suspiciens stupuit. Sic tota morata est

Mens animi suspensa, haerens, immobilis, alte

- Intenta, inque suo obtutu magis usque flagrabat.  
90 Istam qui adspiciat lucem, fit talis, ut inde  
Declinare oculum atque alio divertere nunquam  
Vere contentus possit; nam cuique voluptas,  
Meta voluntati, tota huc concurrit et extra  
Hanc, quaecunque alibi sunt optima, manca labascunt.  
95 Parcus ad haec, quae commemoro, jam verba profundam,  
Ut qui matris adhuc humectat ad ubera linguam.  
Non quia constaret plus simplice imagine vivum,  
Quod suspectabam, lumen; nam tempus in omne  
Semper idem est, quod erat; sed visus propter acumen,  
100 Major ab intuitu cui vis veniebat, imago  
Una, mihi tantum mutato, est visa laborans.  
Hujus in excelso puncti claroque nitore  
Tres orbis triplicem referentes luce colorem  
Cernere sum visus triplicemque hunc ambitu in uno.  
105 Unus de alterius dissultans lumine lumen  
Visus erat, veluti Iris de Iride; tertius ignis  
Hinc atque hinc aequae efflatus. Quam angusta loquela  
Haec mea ineptaque iis est, quae mens concipit intus!  
Atque haec tantula sunt, ad quae illo tempore vidi,  
110 Ut non sufficiant conanti pauca referre.  
O, quae sola super te sidis, lucida flamma  
Aeterna, et quae te solam una intelligis, a te  
Et percepta et percipiens te, huic annue curae.  
Ille orbis visus, te ipsum generante, moveri  
115 More reperiussi splendoris, fixa moratus  
Lumina nostra diu, ille idem intus imagine pictus  
Nostra erat, hanc proprio ipsius monstrante colore:  
Namque ego pendebam totus defixus in illum.  
More geometrae, qui totus inhaeret in una  
120 Circuli mensura intentus, neque multa moventi  
Invenisse fuit, quod primum postulat usus;  
Restiteram illius tactus novitate figurae:  
Cura erat inspicere, u circulo convenit imago,

Atque ut se huic aptat; sed non sat ad ista fuere,  
125 Quas habui pennas; at mens fuit icta nitore,  
Qui desiderium explevit. Me hic alta reliquit  
Phantasiae virtus. Sed jam studium omne meaeque  
Regna voluntatis, motae aequae more rotai,  
Circumagebat Amor, solem astraque caetera torquens.

FINIS.



---

**Lipsiae, typis J. D. HIRSCHFELDI.**








3 2044 055 077 648

This book should be returned to  
the Library on or before the last date  
stamped below.

A fine is incurred by retaining it  
beyond the specified time.

Please return promptly.



BK 2001

